

## **PENYATA DEWAN**

### **PERSIDANGAN PERTAMA (PERASMIAN) PENGGAL KELIMA DEWAN UNDANGAN NEGERI YANG KE-13 PADA 10 APRIL 2017**

#### **HADIR:**

BIL.	NAMA	KAWASAN
1.	YANG DIPERTUA DEWAN UNDANGAN NEGERI, NEGERI SEMBILAN: Y.B. Dato' Dr. Haji Awaludin bin Said, D.S.N.S., A.N.S., P.M.C.	Kota
2.	MENTERI BESAR NEGERI SEMBILAN: Y.A.B. Dato' Seri Utama Haji Mohamad bin Haji Hasan, S.P.N.S., D.S.N.S., P.S.D., D.S.S.A., A.N.S.	Rantau
3.	Y.B. Dato' Haji Hasim bin Rusdi, D.P.N.S., D.M.S.M., P.P.T., J.P., A.N.S., A.M.N., P.M.C., P.J.K.	Labu
4.	Y.B. Dato' Manickam a/l Letchuman, D.P.N.S., P.M.C., P.J.K.	Jeram Padang
5.	Y.B. Dato' Haji Ismail bin Lasim, D.S.N.S., A.N.S., P.M.C.	Senaling
6.	Y.B. Dato' Norhayati binti Omar, D.S.N.S., P.M.C., P.J.K.	Pilah
7.	Y.B. Dato' Haji Shamshukhar bin Haji Mohd. Deli, D.P.N.S., P.M.C., P.J.K.	Serting
8.	Y.B. Dato' Zaifulbahri bin Idris, D.P.N.S., D.N.S., P.J.K.	Chembong
9.	Y.B. Dato' Haji Jalaluddin bin Haji Alias, D.P.N.S., P.G.D.K., D.N.S., J.P.	Pertang
10.	Y.B. Dato' Haji Tun Hairudin bin Abu Bakar, D.P.N.S., J.P., P.M.C., P.J.K.	Bagan Pinang
11.	Y.B. Dato' Abd. Razak bin Ab. Said, D.P.N.S., P.M.C., P.J.K.	Gemas
12.	Y.B. Dato' Haji Abu Ubaidah bin Dato' Haji Redza, D.P.N.S., J.P.	Ampangan
13.	Y.B. Dato' Dr. Haji Lilah bin Haji Yasin, D.S.N.S.	Palong
14.	Y.B. Dato' Haji Mohammad Razi bin Haji Kail, D.S.N.S.	Juasseh
15.	Y.B. Dato' Abd. Samad bin Haji Ibrahim, D.P.N.S., D.N.S., J.P., P.M.C., P.J.K.	Seri Menanti
16.	Y.B. Dato' Haji Yunus bin Rahmat, D.S.N.S., D.M.S.M., K.M.N., J.P., P.J.K.	Klawang
17.	Y.B. Dato' Haji Ishak bin Ismail, D.S.N.S., J.P., K.M.N., A.M.N.	Lenggeng
18.	Y.B. Tuan Mohd. Razi bin Mohd. Ali, D.N.S., P.M.C.	Sungai Lui
19.	Y.B. Tuan Haji Abu Samah bin Mahat, D.N.S., A.N.S., P.M.C.	Johol

<b>BIL.</b>	<b>NAMA</b>	<b>KAWASAN</b>
20.	Y.B. Tuan Mohd. Ghazali bin Abd. Wahid, D.N.S., A.N.S., P.M.C.	Paroi
21.	Y.B. Dato' Haji Abdul Rahman bin Mohd. Redza, D.N.S.	Lingga
22.	Y.B. Dato' Mohd. Isam bin Haji Mohd. Isa, D.P.N.S., D.N.S., A.N.S., P.J.K.	Gemencheh
23.	Y.B. Tuan Loke Siew Fook	Chennah
24.	Y.B. Tuan Haji Aminuddin bin Haji Harun	Sikamat
25.	Y.B. Tuan Cha Kee Chin	Bukit Kepayang
26.	Y.B. Tuan Gunasekaren a/l Palasamy	Senawang
27.	Y.B. Tuan Chai Tong Chai	Chuah
28.	Y.B. Tuan Ean Yong Tin Sin	Lukut
29.	Y.B. Tuan Yap Yew Weng	Mambau
30.	Y.B. Tuan Ng Chin Tsai	Temiang
31.	Y.B. Tuan Ravi a/l Munusamy	Port Dickson
32.	Y.B. Tuan Veerapan a/l Superamaniam	Repah
33.	Y.B. Puan Mary Josephine Prittam Singh	Rahang
34.	Y.B. Tuan Chew Seh Yong	Bahau
35.	Y.B. Tuan Siow Kim Leong	Lobak
36.	Y.B. Tuan Arul Kumar a/l Jambunathan	Nilai

**HADIR MENGIKUT FASAL 37(3) UNDANG-UNDANG  
TUBUH KERAJAAN NEGERI SEMBILAN**

1. Y.B. SETIAUSAHA KERAJAAN NEGERI, NEGERI SEMBILAN  
(Dato' Seri Haji Mat Ali bin Hassan, S.S.N.S., D.P.N.S., D.P.T.J., J.M.N., A.M.T., P.A.T.)
2. Y.B. PENASIHAT UNDANG-UNDANG NEGERI, NEGERI SEMBILAN  
(Dato' Iskandar Ali bin Dewa, D.P.N.S., A.M.P.)
3. Y.B. PEGAWAI KEWANGAN NEGERI, NEGERI SEMBILAN  
(Dato' Johani bin Hassan, D.B.N.S., D.N.S., K.M.N., A.N.S.)

**TURUT HADIR**

1. SETIAUSAHA DEWAN UNDANGAN NEGERI, NEGERI SEMBILAN  
(Encik Mohd. Amin bin Ludin, A.N.S.)
2. PENOLONG SETIAUSAHA  
(Encik Ahmansah bin Ahmad)

Setiausaha Dewan mengumumkan ketibaan Y.B. Yang Dipertua Dewan.

[Persidangan dimulakan pada jam 10.00 pagi]

## 1. **MEMBACA DOA**

**Setiausaha Dewan:** Persidangan Pertama (Perasmian) Penggal Kelima, Dewan Undangan Negeri Yang Ke-13. Susunan Mesyuarat. Perkara pertama, Membaca Doa. Dipersilakan Yang Berhormat ADUN Linggi.

[Y.B. ADUN Linggi telah membacakan doa di bawah Peraturan 9, Peraturan-Peraturan dan Perintah-Perintah Tetap Dewan Negeri].

## 2. **PERUTUSAN YANG BERHORMAT YANG DIPERTUA DEWAN**

**Setiausaha Dewan:** Perkara kedua, Perutusan Yang Berhormat Yang Dipertua Dewan.

**Y.B. Yang Dipertua Dewan:** Bismillahirrahmannirrahim. Assalamualaikum w.b.t. dan salam sejahtera. Alhamdulillah, segala puji bagi Allah, selawat dan salam ke atas junjungan kita Nabi Muhammad s.a.w. Yang Amat Berhormat Dato' Seri Utama Haji Mohamad bin Haji Hasan; Menteri Besar Negeri Sembilan Darul Khusus, Yang Berhormat ahli-ahli Majlis Mesyuarat Kerajaan Negeri, ahli-ahli Yang Berhormat, ketua-ketua jabatan, Dato'-Dato', Datin-Datin, tuan-tuan dan puan-puan hadirin yang dihormati sekalian. Saya mengambil kesempatan ini untuk mengucapkan selamat datang ke Persidangan Pertama yakni Perasmian, Penggal Kelima Dewan Undangan Negeri, Negeri Sembilan Yang Ke-13.

Ahli-ahli Yang Berhormat sekalian, sebentar lagi kita akan mendengar titah ucapan dan perasmian persidangan Penggal Pertama, Dewan Undangan Negeri oleh Duli Yang Maha Mulia Yang di-Pertuan Besar Negeri Sembilan. Justeru itu, saya menyeru semua yang hadir, di Dewan yang mulia ini, khususnya ahli-ahli Yang Berhormat supaya mengikuti serta memberi sepenuh perhatian kepada Titah Ucapan Baginda yang meletakkan tumpuan serta hala tuju pembangunan Negeri Sembilan bagi tahun 2017 dan seterusnya.

Ahli-ahli Yang Berhormat sekalian, saya memohon kerjasama semua ahli-ahli Yang Berhormat agar sentiasa beretika dan mematuhi segala peraturan yang terkandung dalam Peraturan-Peraturan dan Perintah-

Perintah Tetapi Dewan Negeri, Negeri Sembilan sepanjang tempoh persidangan bagi memastikan persidang, persidangan kita berlangsung dalam keadaan harmoni dan lancar, dari awal hingga ke akhir nanti.

Kepada ketua-ketua jabatan saya berharap tuan-tuan dan, akan terus menghadiri persidangan Dewan dan mengikuti segala perbahasan yang diambil bahagian oleh ahli-ahli Yang Berhormat, serta terus mengambil tindakan susulan yang dibangkitkan di Dewan ini, demi kepentingan rakyat. Sekian, wabillahitaufik walhidayah, wassalamualaikum w.bt.

### **3. PERINGATAN MESYUARAT**

**Setiausaha Dewan:** Perkara ketiga, Peringatan Mesyuarat. Mengesahkan Peringatan Mesyuarat Kali Ketiga (Belanjawan) Penggal Keempat, Dewan Undangan Negeri, Negeri Sembilan Yang Ke-13 yang telah diadakan pada 5 dan 6 Disember 2016.

**Y.B. Yang Dipertua Dewan:** Ahli-Ahli Yang Berhormat sekalian, Peringatan Mesyuarat Kali Ketiga (Belanjawan) Penggal Keempat, Dewan Undangan Negeri, Negeri Sembilan Yang Ke-13 yang telah diadakan pada 5 dan 6 Disember 2016 telah pun diedarkan salinannya. Oleh itu, ada apa-apa teguran? Sekiranya tiada, diharap seorang ahli mencadangkan dan seorang ahli menyokong supaya disahkan.

**Y.A.B. ADUN Rantau:** Yang di, Yang Berhormat Dato' Yang Dipertua, saya bangun mencadangkan supaya Peringatan Mesyuarat tersebut disahkan.

**Y.B. ADUN Labu:** Yang Berhormat Dato' Yang Dipertua, saya bangun menyokong cadangan tersebut.

**Y.B. Yang Dipertua Dewan:** Ahli-Ahli Yang Berhormat yang bersetuju Peringatan Mesyuarat ini disahkan, sila angkat tangan [semua ahli Yang Berhormat bersetuju]. Yang tidak bersetuju? Yang berkecuali? Peringatan Mesyuarat ini disahkan.

**[Peringatan Mesyuarat Kali Ketiga (Belanjawan) Penggal Keempat, Dewan Undangan Negeri, Negeri Sembilan Yang Ke-13 yang telah diadakan pada 5 dan 6 Disember 2016 disahkan tanpa**

pindaan dan Y.B. Yang Dipertua Dewan menandatangani Peringatan Mesyuarat tersebut.]

#### 4. **TITAH UCAPAN DIRAJA**

**Setiausaha Dewan:** Perkara keempat, Titah Duli Yang Maha Mulia Yang di-Pertuan Besar Negeri Sembilan Darul Khusus.

**Y.B. Yang Dipertua Dewan:** Ahli-ahli Yang Berhormat sekalian, tuan-tuan dan puan-puan, sebentar lagi Duli Yang Maha Mulia Yang di-Pertuan Besar Negeri Sembilan akan menyampaikan Titah baginda dalam Dewan yang mulia ini. Dan sekarang Dewan ditangguhkan sebentar untuk keberangkatan tiba Ke Bawah Duli Tuanku.

[Persidangan Dewan ditangguhkan seketika]

[Y.B. Yang Dipertua Dewan meninggalkan Galeri Persidangan]

**Setiausaha Dewan:** [Mengumumkan ketibaan Yang Teramat Mulia Tunku Besar Tampin, Yang Teramat Mulia Undang Luak Rembau dan Yang Teramat Mulia Undang Luak Johol].

Ketibaan Yang Teramat Mulia Undang Luak Sg. Ujong. Keberangkatan masuk Duli Yang Maha Mulia Yang di-Pertuan Besar Negeri Sembilan dan Duli Yang Maha Mulia Tunku Ampuan Besar Negeri Sembilan.

**Y.B. Yang Dipertua Dewan:** Mengadap Ke bawah Duli Yang Maha Mulia Yang di-Pertuan Besar Negeri Sembilan, ampun Tuanku, Patik memohon perkenan Ke Bawah Duli Tuanku untuk melafazkan titah kepada sidang hadirin di dalam Dewan yang mulia ini. Mohon perkenan Tuanku.

[Y.A.B. ADUN Rantau menyembahkan Teks Titah Ucapan kepada D.Y.M.M. Yang di-Pertuan Besar Negeri Sembilan]

[Titah D.Y.M.M. Yang di-Pertuan Besar Negeri Sembilan adalah seperti di Lampiran]

[Y.A.B. ADUN Rantau mengambil semula Teks Titah Ucapan]

**Y.B. Yang Dipertua Dewan:** Menjunjung kasih Tuanku. Ahli-ahli Yang Berhormat sekalian, Dewan ditangguhkan. Dewan akan disambung semula pada hari Selasa, 11 April 2017 bersamaan dengan 14 Rejab 1438 Hijrah mulai jam 10.00 pagi. Keberangkatan Duli Yang Maha Mulia Yang di-Pertuan Besar Negeri Sembilan dan Duli Yang Maha Mulia Tunku Ampuan Besar Negeri Sembilan diiringi Yang Teramat Mulia Undang Yang Empat serta Yang Teramat Mulia Tunku Besar Tampin.

**[Persidangan ditangguhkan pada jam 11.06 pagi]**

HANSARD DUNNS

## **PENYATA DEWAN**

### **PERSIDANGAN PERTAMA (PERASMIAN) PENGGAL KELIMA DEWAN UNDANGAN NEGERI YANG KE-13 PADA 11 APRIL 2017**

#### **HADIR:**

BIL.	NAMA	KAWASAN
1.	YANG DIPERTUA DEWAN UNDANGAN NEGERI, NEGERI SEMBILAN: Y.B. Dato' Dr. Haji Awaludin bin Said, D.S.N.S., A.N.S., P.M.C.	Kota
2.	MENTERI BESAR NEGERI SEMBILAN: Y.A.B. Dato' Seri Utama Haji Mohamad bin Haji Hasan, S.P.N.S., D.S.N.S., P.S.D., D.S.S.A., A.N.S.	Rantau
3.	Y.B. Dato' Haji Hasim bin Rusdi, D.P.N.S., D.M.S.M., P.P.T., J.P., A.N.S., A.M.N., P.M.C., P.J.K.	Labu
4.	Y.B. Dato' Manickam a/l Letchuman, D.P.N.S., P.M.C., P.J.K.	Jeram Padang
5.	Y.B. Dato' Haji Ismail bin Lasim, D.S.N.S., A.N.S., P.M.C.	Senaling
6.	Y.B. Dato' Norhayati binti Omar, D.S.N.S., P.M.C., P.J.K.	Pilah
7.	Y.B. Dato' Haji Shamshukhar bin Haji Mohd. Deli, D.P.N.S., P.M.C., P.J.K.	Serting
8.	Y.B. Dato' Zaifulbahri bin Idris, D.P.N.S., D.N.S., P.J.K.	Chembong
9.	Y.B. Dato' Haji Jalaluddin bin Haji Alias, D.P.N.S., P.G.D.K., D.N.S., J.P.	Pertang
10.	Y.B. Dato' Haji Tun Hairudin bin Abu Bakar, D.P.N.S., J.P., P.M.C., P.J.K.	Bagan Pinang
11.	Y.B. Dato' Abd. Razak bin Ab. Said, D.P.N.S., P.M.C., P.J.K.	Gemas
12.	Y.B. Dato' Haji Abu Ubaidah bin Dato' Haji Redza, D.P.N.S., J.P.	Ampangan
13.	Y.B. Dato' Dr. Haji Lilah bin Haji Yasin, D.S.N.S.	Palong
14.	Y.B. Dato' Haji Mohammad Razi bin Haji Kail, D.S.N.S.	Juasseh
15.	Y.B. Dato' Abd. Samad bin Haji Ibrahim, D.P.N.S., D.N.S., J.P., P.M.C., P.J.K.	Seri Menanti
16.	Y.B. Dato' Haji Yunus bin Rahmat, D.S.N.S., D.M.S.M., K.M.N., J.P., P.J.K.	Klawang
17.	Y.B. Dato' Haji Ishak bin Ismail, D.S.N.S., J.P., K.M.N., A.M.N.	Lenggeng
18.	Y.B. Tuan Mohd. Razi bin Mohd. Ali, D.N.S., P.M.C.	Sungai Lui
19.	Y.B. Tuan Haji Abu Samah bin Mahat, D.N.S., A.N.S., P.M.C.	Johol

<b>BIL.</b>	<b>NAMA</b>	<b>KAWASAN</b>
20.	Y.B. Tuan Mohd. Ghazali bin Abd. Wahid, D.N.S., A.N.S., P.M.C.	Paroi
21.	Y.B. Dato' Haji Abdul Rahman bin Mohd. Redza, D.N.S.	Lingga
22.	Y.B. Dato' Mohd. Isam bin Haji Mohd. Isa, D.P.N.S., D.N.S., A.N.S., P.J.K.	Gemencheh
23.	Y.B. Tuan Loke Siew Fook	Chennah
24.	Y.B. Tuan Haji Aminuddin bin Haji Harun	Sikamat
25.	Y.B. Tuan Cha Kee Chin	Bukit Kepayang
26.	Y.B. Tuan Gunasekaren a/l Palasamy	Senawang
27.	Y.B. Tuan Chai Tong Chai	Chuah
28.	Y.B. Tuan Ean Yong Tin Sin	Lukut
29.	Y.B. Tuan Yap Yew Weng	Mambau
30.	Y.B. Tuan Ng Chin Tsai	Temiang
31.	Y.B. Tuan Ravi a/l Munusamy	Port Dickson
32.	Y.B. Tuan Veerapan a/l Superamaniam	Repah
33.	Y.B. Puan Mary Josephine Prittam Singh	Rahang
34.	Y.B. Tuan Chew Seh Yong	Bahau
35.	Y.B. Tuan Siow Kim Leong	Lobak
36.	Y.B. Tuan Arul Kumar a/l Jambunathan	Nilai

**HADIR MENGIKUT FASAL 37(3) UNDANG-UNDANG  
TUBUH KERAJAAN NEGERI SEMBILAN**

1. Y.B. SETIAUSAHA KERAJAAN NEGERI, NEGERI SEMBILAN  
(Dato' Seri Haji Mat Ali bin Hassan, S.S.N.S., D.P.N.S., D.P.T.J., J.M.N., A.M.T., P.A.T.)
2. Y.B. PENASIHAT UNDANG-UNDANG NEGERI, NEGERI SEMBILAN  
(Dato' Iskandar Ali bin Dewa, D.P.N.S., A.M.P.)
3. Y.B. PEGAWAI KEWANGAN NEGERI, NEGERI SEMBILAN  
(Dato' Johani bin Hassan, D.B.N.S., D.N.S., K.M.N., A.N.S.)

**TURUT HADIR**

1. SETIAUSAHA DEWAN UNDANGAN NEGERI, NEGERI SEMBILAN  
(Encik Mohd. Amin bin Ludin, A.N.S.)
2. PENOLONG SETIAUSAHA  
(Encik Ahmansah bin Ahmad)

Setiausaha Dewan mengumumkan ketibaan Y.B. Yang Dipertua Dewan.

[Persidangan dimulakan pada jam 10.00 pagi]

[Y.B. ADUN Lenggeng tidak hadir pada sesi pagi persidangan]

## 1. **MEMBACA DOA**

**Setiausaha Dewan:** Perkara pertama, Membaca Doa. Dipersilakan Yang Berhormat ADUN Linggi.

[Y.B. ADUN Linggi telah membacakan doa di bawah Peraturan 9, Peraturan-Peraturan dan Perintah-Perintah Tetap Dewan Negeri.]

## 2. **PERUTUSAN YANG BERHORMAT YANG DIPERTUA DEWAN**

**Setiausaha Dewan:** Perkara kedua, Perutusan Yang Berhormat Yang Dipertua Dewan.

**Y.B. Yang Dipertua Dewan:** Bismillahirrahmannirrahim. Assalamualaikum w.b.t. dan salam sejahtera. Alhamdulillah, segala puji bagi Allah, selawat dan salam ke atas junjungan kita Nabi Muhammad s.a.w. Yang Amat Berhormat Dato' Seri Utama Haji Mohamad bin Haji Hasan; Menteri Besar Negeri Sembilan Darul Khusus, Yang Berhormat ahli-ahli Majlis Mesyuarat Kerajaan Negeri, ahli-ahli Yang Berhormat, ketua-ketua jabatan, Dato'-Dato', Datin-Datin, tuan-tuan dan puan-puan hadirin yang dihormati sekalian.

Persidangan Pertama Penggal Kelima, Dewan Undangan Negeri Yang Ke-13 disambung semula. Ahli-ahli Yang Berhormat sekalian, sebelum saya meneruskan agenda, suka cita saya memaklumkan, atas perkenan Duli Yang Maha Mulia Tuanku Yang di-Pertuan Besar Negeri Sembilan, sedikit pindaan ke atas titah ucapan baginda semalam, iaitu pada para 11, muka surat 4, teks ucapan, iaitu kedua-dua perkataan "juta", di baris 3 diganti dengan perkataan "billion". Harap maklum.

Dewan ini juga mengambil kesempatan, mengalu-alukan kehadiran 5 orang Jawatankuasa Majlis Belia Daerah Rembau sebagai pemerhati di persidangan hari ini. Selamat bersidang.

### **3. MEMBENTANGKAN KERTAS DEWAN**

**Setiausaha Dewan:** perkara ketiga, Membentangkan Kertas Dewan. Dipersilakan Yang Amat Berhormat ADUN Rantau.

**Y.A.B. ADUN Rantau:** Yang Berhormat Dato' Yang Dipertua, saya mohon izin membentangkan Kertas Dewan yang ada di hadapan ahli-ahli Yang Berhormat sekalian iaitu Kertas Dewan 1 bilangan, Bilangan 1/2017 iaitu melantik Ahli Dewan Negara Melalui Dewan Undangan Negeri. Terima kasih.

**Y.B. Yang Dipertua Dewan:** Ahli-ahli Yang Berhormat sekalian, Kertas Dewan Bilangan 1/2017 adalah dibentangkan.

### **4. MEMBENTANGKAN LAPORAN DAN PENYATA KEWANGAN**

**Setiausaha Dewan:** Perkara keempat, Membentangkan Laporan Dan Penyata Kewangan.

**Y.B. Yang Dipertua Dewan:** Ahli-ahli Yang Berhormat sekalian, dimaklumkan bahawa tiada Laporan atau Penyata Kewangan yang dibentangkan di persidangan kali ini.

### **5. PERTANYAAN-PERTANYAAN**

#### **5.1 Pertanyaan-Pertanyaan Yang Berkehendakkan Jawapan Lisan**

**Setiausaha Dewan:** Perkara kelima, Pertanyaan-Pertanyaan. Pertanyaan-Pertanyaan Yang Berkehendakkan Jawapan Lisan (Hari Pertama).

**Y.B. Yang Dipertua Dewan:** Saya persilakan Yang Berhormat ADUN Linggi.

**Y.B. ADUN Linggi:** Terima kasih Dato' Yang Dipertua, izinkan saya mengemukakan soalan yang pertama.

**Y.A.B. ADUN Rantau:** Yang Berhormat Dato' Yang Dipertua, soalan berkenaan dengan bekalan air terawat untuk digunakan oleh semua penduduk dalam negara kita, bukan sahaja Negeri Sembilan, Dato' Dipertua, adalah merupakan satu tajuk yang sentiasa sahaja dibahaskan dan mendapat perhatian kerajaan kerana dengan pertambahan penduduk, pembangunan yang begitu pesat, permon, permintaan untuk penggunaan air yang terawat adalah amat tinggi.

Itu sebabnya Dato' Yang Dipertua, telah kita wujudkan di peringkat Persekutuan, Majlis Air Negara, yang mana semasa bersidang sekurang-kurangnya sekali setahun, Dato' Yang Dipertua, masalah bekalan air terawat untuk kegunaan penduduk dalam negara kita ini, menjadi tajuk utama.

Begitu jugak di Negeri Sembilan, Dato' Yang Dipertua, Kerajaan Negeri sentiasa saja memantau dan meneliti kaedah-kaedah yang perlu diambil untuk kita pastikan supaya bekalan air terawat untuk kegunaan penduduk dalam Negeri Sembilan ini akan sentiasa dapat dibekalkan dengan tanpa apa-apa gangguan ataupun tanpa apa-apa pengurangan seperti yang terjadi pada tahun 2006. Di mana ketika itu Negeri Sembilan, kita menghadapi masalah kemarau yang amat tinggi, ataupun yang amat teruk sehingga empatangan-empangan kita kering. Dan kita gagal dan tidak dapat, masa tu Jabatan Bekalan Air, Negeri Sembilan tidak dapat untuk membekalkan air terawat ke, terus kepada penduduk. Sehingga Kerajaan Negeri terpaksa berunding dengan kerajaan-kerajaan, Melaka, Kerajaan Negeri Johor, Kerajaan Negeri Selangor, untuk kita membeli air daripada negeri-negeri tersebut, melalui paip-paip yang ada di sempadan. Dan kita menyambung paip kita daripada Negeri Sembilan ke Melaka, Negeri Sembilan ke Johor dan Negeri Sembilan ke pa, ke Selangor.

Alhamdulillah, Dato' Dipertua, mengambil iktibar, pengajaran daripada kemarau panjang 2006 tersebut dan kegagalan kita untuk dapat membekalan, membekalkan air terawat kepada penduduk, Kerajaan Negeri telah mengambil banyak iktibar. Salah satu daripadanya ialah menstruktur semula Jabatan Bekalan Air iaitu dengan kita memperbadankan Jabatan Bekalan Air. Sepertimana yang telah, pernah kerajaan sebut dalam Dewan yang mulia ini beberapa kali, Jabatan Bekalan Air pada ketika itu menghadapi masalah. Pertamanya masalah tentang kakitangan, tidak cukupnya waran perjawatan yang dapat diberi, kekurangan pakar-pakar teknikal yang boleh menjadi sebagai mereka yang mampu untuk me, menjalankan urusan ataupun menjalankan khidmat untuk mendapatkan, membekalkan air terawat kepada penduduk.

Nombor dua, ialah kekurangan bekalan air. Pengurusan air, Dato' Yang Dipertua, terbahagi kepada tiga. Industri air terbahagi kepada tiga. Satu ialah kita mesti ada air mentah. Air mentah. Kemudian air mentah ini mesti kita rawat. Kita mesti ada loji. Dah ada air mentah, dah kita rawat, kita mesti ada paip untuk kita salurkan sampai ke, terus kepada pengguna. Jadi, ada tiga segmen dalam pengurusan air di mana-mana juga.

Jadi, kita tidak boleh terlampau menumpukan kepada satu sektor saja tanpa mengambil kira bahagian-bahagian yang lain. Membina banyak loji sahaja tanpa mengambil kira macam mana nak menghantar air yang telah kita rawat tu kepada pengguna pun, itu masalah. Ada paip, ada loji, tapi air mentah tak ada pun kita tak boleh nak buat apa-apa. Jadi, ketiga-tiga segmen, sektor ini Dato' Yang Dipertua, mesti diurus dengan baik. Ada banyak air mentah, tak ada loji pun tak guna jugak.

Jadi, inilah langkah yang diambil, menstruktur semula Jabatan Bekalan Air, memperbadankannya menjadi Syarikat Air Negeri Sembilan. Walaupun namanya syarikat, tapi 100% sahamnya dipegang oleh Kerajaan Negeri Sembilan. Dan kita dapat mengambil tenaga-tenaga pakar, jurutera-jurutera untuk kita pastikan supaya loji-loji kita dulu, yang dahulunya diurus oleh pihak swasta, sekarang ni satu demi satu, apabila tamat perjanjian menguruskan loji tersebut diambil alih oleh pihak SAINS sendiri kerana kita telah mempunyai kepakaran dalaman. Dan ada satu dua saja lagi loji yang masih diurus oleh pihak luar kerana perjanjiannya begitu rupa sehingga dianya nanti tamat perjanjian tersebut, SAINS telah pun bersedia, mempunyai kepakaran dalaman, anak-anak tempatan yang boleh mengendalikan loji-loji kita sendiri.

Jadi Dato' Yang Dipertua, kita mengambil iktibar 2006. Yang penting pada ketika itu, Dato' Dipertua ialah, kita punya empangan kering. Empangan kita tak ada air. Kering kontang Dato' Dipertua. termasuklah loji yang paling besar di Negeri Sembilan iaitu Loji Sungai Terip, Loji Kelinchi dan jugak Loji Talang. Ini tiga loji, loji serangkai ini merupakan loji yang besar, yang memberikan khidmat membekalkan air mentah kepada seluruh Daerah Seremban dan jugak sebahagian besar Daerah Port Dickson ketika itu. Dato' Dipertua, air tak ada. Kemarau dan hujan tak sampai, kalaupun ada hujan, tak sampai di bukit.

Jadi, kita telah pun mengambil pengajaran-pengajaran ya, Dato' Dipertua. Satu, struktur semula Jabatan Bekalan Air, perbadankan. Nombor dua, kita mengambil langkah iaitu tidak lagi mahu melihat supaya bekalan air Negeri Sembilan ini, dia dalam *silo* masing-masing, dalam daerah masing-masing. Bila Seremban tak ada air, tapi air di Jelebu banyak pada ketika itu, air di Daerah Tampin banyak, air di

Daerah Jempol, Kuala Pilah banyak. Tapi di Daerah Seremban tak ada kerana kita tidak mempunyai apa yang dipanggil sebagai *connectivity*. Kita tidak dapat menyalurkan air daripada Jelebu kepada Seremban, kita tidak dapat membantu air yang banyak daripada Tampin masuk ataupun Tampin/Rembau masuk ke Port Dickson. Jadi kita jatuh terduduk pada ketika itu. Maka itu kita telah pun buat satu sistem iaitu di mana di Negeri Sembilan sekarang ini Dato' Yang Dipertua, semua daerah sekarang telah pun di, telah pun, *the loop* dah ada. Dia berkait-kait Dato' Dipertua.

Misal, contohnya Dato' Yang Dipertua, yang paling klasik sekali ialah kerajaan telah pun membina empangan di Teriang, ataupun di Sungai Teriang, dan membuat rumah pam dia di Petaseh dan telah pun dapat mengepam air daripada Petaseh dan dipam menurut, menurun mengikut terowong di, di, di Bukit Jelebu, Dato' Dipertua, mengikut graviti dan dicurahkan kepada Loji Ngori-Ngori 70% untuk dibersihkan di sana, untuk bekalan air Seremban. Dan lagi 30% air mentah tersebut, dicurahkan ke Empangan Sungai Terip. Ini contoh Dato' Yang Dipertua.

Sebagai contoh lagi, Rembau/Tampin punya daerah, Dato' Yang Dipertua, sekarang telah dapat membekalkan air hampir 70% bekalan air di Port Dickson iaitu dengan mewujudkan apa yang dipanggil sebagai empangan di Sungai Sepri iaitu sebagai empangan yang memastikan supaya sentiasa air, ada di Sungai Rembau dan ada rumah pamnya, dan lojinya di kawasan Sawah Raja. Di kawasan Sawah Raja, kita mempunyai kapasiti 12.5 juta gelen satu hari, Dato' Yang Dipertua, dan kita menyalurkan, majoriti pada ketika itu kita hantar 100% untuk kegunaan di Daerah Port Dickson, yang mana Daerah Port Dickson ketika itu, 2008, 2009 Dato' Dipertua, memang merupakan kawasan yang tidak cukup bekalan air.

Bila hujung minggu, hotel-hotel tak ada air. Industri pelancongan kita ter, ter, tergendala. Kem-kem tentera tergendala. Dan penggunaan air amat tinggi pada hujung minggu, dan kita tak mampu membekalkannya kerana pada ketika itu Seremban membekalkan air di Port Dickson melalui loji di Kuala Sawah, di Sungai Linggi, Dato' Yang Dipertua. Dan tak mampu, walaupun kapasiti di Kuala Sawah tersebut, dia mempunyai kapasiti sebanyak 22 juta gelen satu hari. Haa, dia tak mampu kerana setengah terpaksa digunakan di Seremban, setengah lagi terpaksa digunakan untuk Daerah Port Dickson. Tetapi dengan adanya loji di Sawah Raja, air daripada Rembau, Dato' Yang Dipertua, kita bawak ke Port Dickson dengan kita membuat apa yang dipanggil sebagai kolam-kolam pengimbang di Bukit Kunyit dan sebagainya.

Dan alhamdulillah sekarang Loji Sawah Raja yang berkapasiti 12.5 juta tersebut, telah dapat menampung keperluan hampir 70% keperluan di Daerah Port Dickson. Makanya pulak, kita dah tak perlu lagi terlampau banyak menghantar air ke Port Dickson melalui loji di, di Kuala Sawah. Loji di Kuala Sawah sekarang kita buat *reverse flow* iaitu kita bukak injap, kita tolak ke Seremban supaya Seremban, di Daerah Seremban Selatan, Dato' Yang Dipertua, termasuk Labu dan yang lain-lain dapat dibekalkan melalui loji daripada Kuala Sawah. Dan dengan wujudnya loji yang berkapasiti 25 juta gelen satu hari, di Ngori-Ngori, Dato' Yang Dipertua, dalam membekalakan, membekalkan Daerah Seremban dengan begitu banyak sekali termasuklah kawasan Enstek di Nilai dan yang lain-lain.

Kalau dulu Dato' Yang Dipertua, kawasan Lenggeng, kawasan di LBJ, kawasan di Gadong Jaya, memang susah dapat bekalan air kerana ia merupakan kawasan tanah yang tinggi. Tetapi alhamdulillah, dengan pengurusan yang baik, yang dibuat oleh pihak SAINS, kawasan-kawasan yang tradisinya dulu mengalami masalah air, hari ini telah pun dapat kita atasi. Walaupun banyak lagi kawasan-kawasan yang perlu kita tangani kerana kita tak cukup paip-paip untuk menyalurkannya kerana paip-paip yang ada dulu paip-paip AC pipe ataupun *asbestos cement pipe*, Dato' Yang Dipertua, banyak yang telah pun lama, 40 tahun umurnya, perlu kita ganti. Hampir 1,000 kilometer, Dato' Dipertua, kita perlu ganti. Ini jugak mengambil masa dan memerlukan belanja yang besar. Tetapi kita sedang, kerajaan sedang memantau dan sedang pun berunding dengan Kerajaan Persekutuan untuk kita mengganti paip-paip lama ini.

Kita dah ada cukup loji. Tapi loji sahaja Dato' Yang Dipertua, dan masalahnya sekarang hujan tak sampai banyak di kawasan pergunungan, Dato' Dipertua. Jadi, masalah. Macam baru-baru ini, kita mempunyai masalah, tak lama musim kemarau kita, tak sampai pun dua bulan setengah, kedudukan paras empangan di Terip, di Kelinch, di Talang, di Teriang, Dato' Yang Dipertua, menurun mendadak kerana penggunaannya terlampau banyak tetapi tidak diganti dengan hujan yang turun banyak, Dato' Yang Dipertua. Kerana, walaupun hujan turun banyak di kawasan rendah, tapi kawasan tinggi tak banyak turun Dato' Dipertua.

Jadi, apa yang telah pun kita lakukan di sini ialah, Kerajaan Negeri Sembilan telah pun mengemukakan cadangan kepada Kerajaan Persekutuan, supaya kita keluar daripada kita punya pemikiran secara konvensional. Bila kita nak ambil air mentah, kita cuma memikirkan membuat empangan di huluhan. Jadi, setiap kali kita nak buat air mentah, nak ambil air mentah, mesti buat empangan di huluhan, di bukit. Dan sekarang hujan tak sampai di bukit. Apa yang kita sekarang ialah,

kita keluar daripada kotak pemikiran lama, Negeri Sembilan mencadangkan supaya kita buat apa yang dipanggil sebagai *bunded storage* di kawasan hiliran.

Maka itu telah pun dipersetujui oleh Kementerian KeTTHA, Dato' Dipertua, iaitu tenaga dan air, iaitu Negeri Sembilan akan membuat yang pertama. Kita akan buat *bunded storage* di Kuala Sungai Linggi, Dato' Dipertua, yang boleh menampung kapasiti *bunded storage* ini Dato' Yang Dipertua, lebih kurang 500 juta liter satu hari, berkapasiti. Dan kita boleh buat loji. Dan dia punya harga pun tak tinggi, Dato' Yang Dipertua, dibandingkan kita terpaksa buat empangan di kawasan pergunuan, pergunungan, kalau dibandingkan dengan kita buat *bunded*, kita buat apa yang dipanggil sebagai *water gate*, dan air akan dapat kita tampung.

Kerana Dato' Yang Dipertua, hujan yang turun banyak di negara kita tetapi hampir 95% hujan yang turun, terus masuk ke laut. Kita tak mengambil inisiatif untuk menuai air hujan yang banyak turun dalam negara kita. Jadi, kita mencadangkan supaya kita buat di hiliran, empangan ataupun *barrage*, Dato' Yang Dipertua, supaya, kerana apa Dato' Dipertua, kita tak pernah lihat kuala sungai kering. Kuala sungai tak pernah kering. Kerana kuala sungai kering, di hiliran kering, maka di hulu memang dah habislah. Jadi, mengapa tidak kita buat *barrage* supaya air tersebut tak habis masuk ke laut dan merupakan kawasan takungan yang besar. Dan kita bina loji di sana dan kita jugak buat *bunded storage* yang di sebelahan dengan *barrage* tersebut supaya ia boleh menyimpan air lebih kurang tiga ke enam bulan untuk kapasiti kita jika ada apa-apa masalah. Dan di situ nanti, kita bina loji yang besar, yang boleh merawat air lebih kurang 500 juta liter satu hari, untuk kita gunakan di kawasan-kawasan seluruh Negeri Sembilan.

Ini sedang kita lakukan, telah pun dipersetujui oleh KeTTHA untuk membina *barrage* di Kuala Sungai Linggi dan membina jugak, membuat jugak *bunded storage* di kawasan Sungai Linggi. Dan jugak telah pun dipersetujui secara dasar untuk membuat *barrage* di kawasan Sungai Rembau dan jugak kawasan Sungai Gemas. Ini akan menjadi sebagai negeri yang pertama, Dato' Yang Dipertua, yang membuat perkara sebegini.

Ini kita lihat di negara-negara di Eropah, Dato' Yang Dipertua, di kawasan-kawasan *low lands countries*, macam Belgium, macam Netherland, macam kawasan lain, dia tak ada gunung. Tetapi dia tidak buat, tak dapat buat empangan kalau dia nak tunggu ada gunung. Membuat *barrage-barrage* dan *bunded storage* di mana air mereka takungan dan mereka gunakan untuk mereka gunakan sebagai bekalan air yang terawat untuk penduduk mereka. Jadi, sudah sampai

masanya kita keluar daripada kepompong lama, dan kita menggunakan cara, cara pemikiran baru bahawasanya di kawasan hiliran, di kawasan kuala sungai, tidak pernah kering air Dato' Dipertua. Jadi, ini yang sedang kita buat, di samping kita akan membina beberapa loji sekali lagi. Di Sawah Raja, dah di peringkat akhir, boleh jadi akan siap pertengahan tahun depan. Loji Sawah Raja kedua, Dato' Dipertua. Iaitu yang berkapsiti yang sama 12.5 juta gelen satu hari, Dato' Dipertua, khusus untuk kita menghantar air ke kawasan Port Dickson jugak dan jugak sebahagiannya untuk kawasan Rembau dan juga Tampin.

Dato' Dipertua, dalam pada itu kita jugak ada kawasan-kawasan mengepam air sungai. Sekarang ini paras air di Empangan Gemencheh, Dato' Dipertua, dah lebih tiga suku daripada kering kontang dulu, dah lebih tiga suku penuh, melalui secara semula jadi, hujan yang turun di musim tengkujuh ini, dan juga kita telah pun mewujudkan tiga pam yang besar. 4,000 gelen kapasiti satu hari, Dato' Dipertua, satu pam, 12 juta gelen air mentah satu hari kita pam daripada air Sungai Jelai, kita, melalui paip sepanjang lebih kurang tujuh kilometer, kita curahkan ke dalam Empangan Gemencheh. Ini akan memastikan bahawa kita akan ada sentiasa air di dalam kolam-kolam kita, Dato' Dipertua.

Dalam pada itu, kita telah pun memintak dalam kita punya *operating plan*, ops, tiga *plan* kita daripada Kerajaan Persekutuan untuk meminta supaya kita punya usaha untuk mengurangkan air, kehilangan air terawat ataupun *non revenue water*. Air yang tidak terhasil tinggi, Dato' Yang Dipertua. Secara puratanya tinggi, tapi kita mengambil kawasan macam Seremban, dulu hampir 50%. Sekarang Seremban dah kita kurangkan kepada 32%. Haa di Port Dickson kita dah kurangkan. Tetapi di kawasan seperti Kuala Pilah masih lagi tinggi. Kuala Pilah melebihi 50%, Rembau melebihi 50%, Tampin melebihi 50%. Tetapi ianya tidak menjelaskan kita punya *bottom line* kerana NRW ini walaupun tinggi di Kuala Pilah, tinggi di Tampin, tinggi di Rembau, tetapi *revenue* daripada sana tak banyak. Dia banyak rumah-rumah awam yang mana tarifnya tak tinggi. Jadi, kita menumpukan dulu di kawasan Seremban dan kawasan Port Dickson, di mana *run revenue*, *non revenue water*-nya dulu tinggi, sekarang dapat kita rendahkan. Dan kita telah dapat meningkatkan hasil kita. Kerana Dato' Yang Dipertua, setiap 1% *non revenue water* dapat kita selamatkan, dapat kita kurangkan, kita boleh terjemahkan dalam bentuk lebih kurang 1.5 juta. Ini adalah merupakan, dapat kita pastikan supaya kita dapat pendapatan daripada air yang tidak terhasil iaitu *non revenue water*.

Jadi Dato' Yang Dipertua, inilah yang telah pun dilakukan oleh Kerajaan Negeri Sembilan, yang mana rancangan kita ini, Dato' Yang Dipertua, kita rancang sehingga untuk tahun 2045. Mengambil kira pembangunan yang pesat nanti dalam wilayah *Malaysia Vision Valley*,

yang akan tumbuh begitu pesat, dan akan tumbuh meledak, Dato' Yang Dipertua, iaitu pertumbuhan yang amat cepat, kita tak ada masa nanti Dato' Dipertua, untuk kita membina empangan, membina loji kerana kedatangan pertumbuhan penduduk yang begitu pesat, industri yang akan datang begitu pesat Dato' Yang Dipertua.

Itu sebabnya rancangan ini kita buat bersama dengan Kerajaan Persekutuan, telah pun diluluskan dari segi dasarnya, Kuala Sungai Linggi tersebut kita akan buat *barrage* yang boleh menampung air berkapasiti 500 juta liter satu hari dan kita akan bina loji di sana. Dan kita akan buat *back pumping* untuk kegunaan di kawasan Seremban, Nilai dan Port Dickson. Dato' Dipertua, terima kasih.

**Y.B. ADUN Linggi:** Terima kasih kepada Yang Amat Berhormat Rantau atas jawapan yang begitu komprehensif menunjukkan kita memang bersedia untuk menghadapi ledakan pertumbuhan ini. Dan suka saya nyatakan tahniah sekali lagi khususnya apabila kita memikirkan untuk membuat empangan di hiliran kerana pada saya secara tidak langsung ini akan memberikan motivasi dan insentif untuk memastikan kita juga sungai kita supaya di hiliran airnya bersih. Dan ini membawa kepada soalan saya yang seterusnya, soalan kedua.

**Y.A.B. ADUN Rantau:** Dato' Yang Dipertua, dah jadi amalan banyak negara dalam dunia, Dato' Dipertua, termasuk jugak negara kita yang mana sempadan tradisi antara negeri, antara negara, Dato' Yang Dipertua, adalah melalui sungai. Sungai menjadi sempadan negara, menjadi sempadan negeri. Negeri Sembilan pun tak terkecuali, banyak sungai-sungai kita menjadi sempadan antara kita. Contohnya, Sungai antara sempadan dengan Muar dengan Negeri Sembilan, Melaka dengan Muar, dengan, dengan Negeri Sembilan. Kalau sempadan Melaka dengan Negeri Sembilan tu, Sungai Rembau dan Sungai Linggi tulah, Dato' Dipertua, sempadan dia, tengah-tengah sungai tu menjadi sempadan kita. Jadi, tak banyak orang tahu ya. Ini merupakan sebagai sempadan semula jadi. Haa kadang-kadang bila sungai dia beralih dia punya aliran dia, Dato' Dipertua, kadang-kadang ada negeri yang dah dapat untung pulak ya. Sebab sungai tu beralih dia masuk makan sempadan, dah jadi sempadan dia. Jadi ini telah pun kita tetapkan, kita dah ada jawatankuasa persempadan bersama, untuk menetapkan caranya untuk kita mengendalikan sempadan bersama.

Apa yang ditanya di sini ialah tentang sungai. Bila ia sempadan bersama, kadang-kadang, Dato' Dipertua, negara jiran kita jugak mempunyai perancangan untuk membangunkan negeri masing-masing. Kita jugak ada rancangan. Haa itu sebabnya kita telah

tubuhkan apa yang dipanggil sebagai Jawatankuasa Perancangan Wilayah, yang mana ianya dipengerusikan oleh, sendiri oleh kementerian sendiri iaitu supaya ianya dapat diurus dengan baik. Kita tak boleh sendiri-sendiri, Dato' Dipertua. Kadang-kadang kita, contohnya macam di Sungai Timun. Sungai Timun, Dato' Dipertua, telah pun kita waktakan sebagai kawasan pelancongan, kawasan semula jadi ataupun sanctuari untuk haiwan dan jugak untuk nelayan-nelayan, Dato' Dipertua. Di situ banyak udang, di situ ada *fireflies* ataupun kelip-kelip, Dato' Dipertua, menjadi tarikan pelancong. Banyak buaya di situ. Mana orang nak pergi tengok buaya, boleh tengok situ ya. Yang Berhormat Senawang nak tengok buaya, boleh hulur tangan ya, tak ada masalah. Kalau rasa tangan gatallah ya. Banyak Dato' Yang Dipertua. Kalau pergi malam-malam, kalau naik perahu, naik bot, matikan enjin, suluh tepi, tepi tebing Dato' Dipertua, di bawah celah-celah pokok nipah, dan jugak pokok-pokok lain, akan nampak. Itu bukan kelip-kelip. Kelip-kelip di atas pokok. Dalam air mata buaya, Dato' Dipertua ya. Itu banyak buaya, menjadi tarikan pelancong. Dan banyak jugak menjadi sumber pendapatan nelayan-nelayan sambilan yang mengambil peluang iaitu dengan sumber udang dan yang lain.

Udang, Dato' Dipertua, saya dah tak ada lagi *figure*, tapi masa dulu tahun 2010, 2009 tu, saya ikuti perkembangannya, kerana saya melepaskan banyak, kerajaan melepaskan banyak anak-anak udang di situ. Satu tahun, nelayan sambilan ini, ini nelayan sambilan Dato' Dipertua, dia kerja kampung, pagi-pagi menoreh getah apa semua, tapi petang, malam memasang jaring, dia boleh jual udang Dato' Yang Dipertua, yang banyak orang datang meraih dan jugak memborong, jumlah persatuan nelayan di Sungai Nelayan tersebut, Dato' Dipertua, jualan udangnya satu tahun pada 2009 hampir mencecah 500 ribu. Haa ini dia pendapatan yang dapat daripada sungai yang tak berapa, kita tak nampak ia boleh mendatangkan hasil kepada kita, tetapi dia merupakan tempat nelayan, tempat orang kampung, tempat orang biasa datang untuk mencari rezeki dan menambah pendapatan.

Apa yang menyediakan kita Dato' Dipertua, ialah pembangunan di sebelah pihak sana ya. Dia me, membangunkan kawasan perumahan, kawasan paya, kawasan bakau tersebut telah pun dibangunkan, jadi kita di Sungai Timun tu nampaknya macam Dato' Yang Dipertua, ialah kita mengekalkan alam semula jadi, dengan paya bakau, kayu nipah dia, macam-macam. Tapi sebelah sini dah dibangunkan macam muka, dua, ada dua *color*-lah. Satu *color* hitam, satu *color* putih. Ini yang telah pun kita buat, nota bantahan, Dato' Dipertua. Kita telah hantar nota bantahan kepada pihak sebelah supaya marilah berunding, ya. Berunding dulu dengan kita supaya kita dapat mengekalkan apa yang sepatut kita kekalkan. Supaya sempadan bersama ini diurus dengan

baik. Atas asas itu tersebut, Dato' Dipertua, itu sebabnya Jawatankuasa Perancangan Wilayah yang dipengerusikan sendiri oleh Ketua Setiausaha Kementerian, dan jugak di, di kawasan di, di, di negeri kita dipengerusikan sendiri oleh Yang Berhormat Dato' Setiausaha Kerajaan, supaya pembangunan wilayah bersama ini, yang mana kita ada jawatankuasa sempadan bersama ini mesti, mesti berbincang.

Seperti apa yang baru-baru ini kita buat, kita nak luluskan jawat, Rancangan Tempatan Daerah Tampin, kita mengambil kira, mengambil kira kawasan daerah sempadan, iaitu Rancangan Tempatan Daerah Alor Gajah. Supaya kita tidak nanti, dia nak buat terminal bas, kita nak buat terminal bas. Dia nak buat pasar besar, kita nak buat pasar besar. Jadi dia tak mendatangkan faedah, akhirnya kedua-dua pihak akan rugi. Yang pentingnya ialah kita faham, dan memahami di antara satu sama lain. Dan ia dapat kita bangunkan secara mampan, Dato' Dipertua.

Jadi, saya faham, yang menjadi gusar kepada Yang Berhormat DUN Linggi ialah kerana wujudnya cadangan untuk membina macam-macamlah di Kuala Sungai Linggi. Ini akan menjelaskan kehidupan nelayan di kawasan tersebut, kawasan nelayan Kuala Linggi, nelayan Pasir Panjang, nelayan Sungai Raya, dan macam-macam lagi, Dato' Dipertua. Macam dulu, mereka membuat pelabuhan *buffer trade*, menyebabkan Kuala Sungai Linggi tersebut, nelayan susah nak masuk, takut ada perlanggaran antara kapal dan jugak perahu-perahu nelayan ini. Tetapi ini telah pun dapat kita atasi. Kita telah pun menghantar nota, nota kepada Kerajaan Negeri Melaka, supaya barang apa juu tindakan, rancangan yang nak diambil di kawasan tersebut, mari berbincang supaya ia mendatangkan faedah kepada kedua-dua negeri. Dan ia tidak menjelaskan, yang pentingnya tidak menjelaskan hal ehwal masyarakat dan penduduk di sana.

Saya nak bagitahu lagi satu, Dato' Yang Dipertua, nak tambah daripada soalan nombor 1 tadi, bila kita membina empangan Dato' Yang Dipertua, di kawasan huluan, maka akan banyaklah kampung-kampung tradisi yang akan tenggelam. Ini jugak kita nak elakkan Dato' Dipertua, kerana kalau kita nak buat *barrage*, dan buat *bunded storage*, tidak ada *displacement of people*. Tidak akan ada orang yang terpaksa pindah kepada kampungnya. Kita belajar pengalaman, apa yang terjadi di Negeri Pahang, yang mana nak buat empangan, hampir 10 kampung tenggelam Dato' Dipertua. Kita jugak buat kajian, nak buat satu lagi empangan di kawasan Jelebu, banyak kampung akan tenggelam, itu sebabnya kita tak mahu. Kerana Negeri Sembilan, falsafah utama kita ialah membangunkan negeri, memakmurkan negeri, mensejahterakan rakyat. Terima kasih Dato' Yang Dipertua.

**Y.B. ADUN Linggi:** Soalan saya yang ketiga.

**Y.A.B. ADUN Rantau:** Dato' Dipertua, muallaf ini merupakan suatu panggilan ya, yang dipanggil dalam panggilan Islam iaitu orang-orang yang baru memeluk agama Islam, Dato' Dipertua, kita panggil muallaf. Bahkan di dalam asnaf zakat, Dato' Yang Dipertua, ada satu asnaf khas untuk muallaf, untuk membela mereka yang baru memeluk Islam dan mereka ini memerlukan bantuan, memerlukan dokongan dan sokongan untuk mereka menambah ilmu, untuk mereka memulakan penghidupan dan macam-macam. Kadang-kadang Dato' Yang Dipertua, muallaf ini Dato' Yang Dipertua, ada yang terpaksa mengambil keputusan yang drastik, dengan terpaksa meninggalkan keluarga. Bukan kerana mahu meninggalkan mereka, tetapi keluarga tidak dapat menerima hakikat bahawa anak ataupun siapa-siapa sahaja keluarga mereka telah pun menukar ugama.

Jadi, tugas Majlis Agama Islam, Jabatan Hal Ehwal Agama Islam, Dato' Yang Dipertua, ialah untuk membantu mereka ini. Bukan saja membantu dari segi kewangan, tetapi membantu dari segi mereka ini diberikan kelas-kelas, Dato' Yang Dipertua, supaya mereka dapat mendalami lagi ilmu mereka, memantapkan lagi akidah mereka, memperbaiki ibadah mereka dan membetulkan akhlak mereka, Dato' Dipertua ya. Akidah mereka, mereka telahpun berakidah, Dato' Dipertua, bersyahadah, maka akidah mereka perlu dimantapkan. Ada akidah Dato' Yang Dipertua, tetapi ibadahnya pun mesti disempurnakan ya, mesti disempurnakan ibadahnya. Macam mana nak beribadah dengan betul kerana mereka tak tahu. Dah lengkap, akidah dah baik, ibadah dah sempurna, akhlak dia macam mana. Ini perlu kita pastikan supaya mereka mesti di atas saluran yang betul.

Itu sebabnya Jabatan Hal Ehwal Agama Islam dengan bantuan Majlis Agama Islam, Dato' Dipertua, mempunyai satu sistem yang amat *rigid* kepada semua muallaf ini Dato' Dipertua. Dan mereka yang akan memeluk agama Islam akan kita bagi satu kad hijau. Kad hijau ni, Dato' Dipertua, untuk membuktikan mereka telah pun memeluk agama Islam dan mereka mesti mengikuti kelas-kelas, Dato' Dipertua. Satu bulan lapan kali misalnya, mesti mengikuti kelas, yang mana kelas ini banyak. Ada 20 tempat di seluruh Negeri Sembilan, Dato' Yang Dipertua, yang mengadakan kelas-kelas ini, yang diajar oleh guru-guru khas. Dan guru-gurunya ada pulak guru-guru daripada kaum macam orang Tionghua, ada guru daripada kaum Tionghua, yang berbahasa Mandarin. Kalau orang India, ada guru-guru yang boleh berbahasa Tamil. Dan macam-macam lagi Dato' Dipertua.

Dan banyak badan-badan NGO yang bersama-sama dengan Majlis Agama Islam, yang turut membantu, Dato' Dipertua. Macamnya untuk orang Tionghua, Dato' Dipertua, yang memeluk agama Islam, ada MACMA-nya, ada *muslim revert*-nya. Dan Majlis Agama Islam, Dato' Yang Dipertua, membina, misalnya untuk muallaf daripada kaum Tionghua, Dato' Yang Dipertua, ada satu pusat yang besar, yang cantik, ada masjidnya, ada hostelnnya, ada *boarding*, ada *boarding*, tempat penginapan sementara, Dato' Dipertua, ada bilik kuliah, ada pejabatnya, dekat Jalan Rahang, di Rahang, Dato' Yang Dipertua, yang mana dia punya bentuk tersebut berbentuk pagoda, yang mengambil *architecture*, arkitek daripada Negara China, daripada Wilayah Xian, Dato' Dipertua.

Kita berbelanja banyak, Majlis Agama Islam dan JAWHAR berbelanja untuk kita pastikan supaya ma, muallaf daripada kaum Tionghua khususnya Dato' Yang Dipertua, ada tempat, kita ada lebih kurang 40 tempat untuk orang duduk sementara. Bagi mereka yang terpaksa keluar rumah, bagi mereka yang terpaksa keluar daripada keluarga, ada jugak ada empat bilik, bilik keluarga Dato' Dipertua, untuk, jika mereka sekeluarga memeluk agama Islam, ada tempat sementara untuk mereka duduk di sana. Guru-gurunya pun ada yang kita bawak daripada negara China, yang boleh berbahasa dengan baik dan mengajar dengan baik. Itu untuk kaum Tionghua.

Untuk kaum India, yang memeluk agama Islam, kita jugak ada, Dato' Dipertua, tapi kaum India ni dia banyak dia punya NGO-NGO. Termasuklah NGO seperti Yayasan Kasih Sayang, macam-macam Dato' Dipertua ya, yang, yang dibantu oleh Majlis Agama Islam untuk mereka menjalankan kerja-kerja amal, membantu mereka-mereka ini untuk memperdalamkan lagi akidah, membetulkan ibadah mereka dan jugak menyempurnakan akhlak yang baik, Dato' Yang Dipertua.

Bagi Orang Asli pulak Dato' Yang Dipertua, memang ada apa yang dipanggil sebagai guru-guru penggalak agama Islam yang di kalangan Orang Asli itu sendiri. Di Negeri Sembilan, saya percaya lebih kurang 20 orang lebih guru-guru agama yang terdiri daripada anak-anak Orang Asli yang tinggal bersama dengan masyarakat Orang Asli tersebut, yang mana kita telah pun membuat suatu dasar, Majlis Agama Islam, Dato' Yang Dipertua, setiap perkampungan Orang Asli yang ada penduduk beragama Islam, surau mesti dibina. Jadi penggalak agama, Dato' Dipertua, akan mengajar di surau-surau tersebut. Jadi ini jugak satu isu yang kita buat, ataupun satu dasar yang kita buat yang melengkapkan dasar-dasar yang sedia ada. Dan jika kita bercakap tentang bantuan, Dato' Yang Dipertua, berbagai-bagai bantuan ya. Mereka ini dibantu setiap bulan, jika mereka berada di bawah paras kemiskinan, dan macam-macam lagilah.

Tetapi baru-baru ini Dato' Dipertua, kita telah pun mengambil satu keputusan. Majlis Agama Islam telah pun membuat satu dasar bahawa kita tak nak panggil dia ni muallaf sampai bila-bila ya. Ada dah tiga keturunan, yang ini cucu muallaf-lah, kata dia, cucu muallaf dulu. Itu satu perkara, *stigma* yang tidak baik, Dato' Dipertua. Dia muallaf sementara Dato' Yang Dipertua. Bila dia dah mantap akidah dia, sempurna ibadah dia, baik akhlak dia, Dato' Yang Dipertua, kita pastikan dia ini keluar daripada *stigma* muallaf itu. Maka kita telah buat satu dasar iaitu lebih kurang tiga tahun, Dato' Yang Dipertua, kerana masa tiga tahun inilah satu masa yang Majlis Agama Islam rasakan amat sesuai supaya pemantapan akidah, penyempurnaan ibadah dan jugak pemantapan akhlak mereka itu dapat dibuat, dapat kita tekankan, dapat kita tanam, supaya mereka menjadi seorang yang sempurna agama dia, Dato' Yang Dipertua. Jadi, kita tak mahu nanti ada orang yang malu dia dipanggil muallaf, Dato' Yang Dipertua. Apa pasal saya dipanggil muallaf sentiasa.

Jadi, ini kita buat, dan alhamdulillah, pada mulanya Dato' Yang Dipertua, banyak orang yang, yang, yang rasa tak selesa dengan dasar tersebut, kerana yang tak selesa ini adalah orang yang terpaksa bergantung kepada asraf muallaf. Yang mendapat bantuan bulanan daripada Baitulmal. Apa yang kita buat ialah, jika mereka ini masih lagi jatuh dalam kategori yang perlu mendapat bantuan asraf muallaf daripada Baitulmal, kita kata, bantuan yang sama akan kita berikan tapi bukan di atas asraf muallaf lagi tetapi kita letakkannya di bawah, sama ada di bawah asraf fakir ataupun asraf miskin. Jadi, tidak timbul soal adanya penganiayaan, adanya perkara-perkara yang boleh menyebabkan mereka ini rasa terhimpit kerana dikeluarkan daripada asraf muallaf. Kerana kita nak pastikan supaya orang berebut-rebut, supaya mereka ini memantapkan akidah mereka, menyempurnakan ibadahnya, Dato' Dipertua, supaya mereka lebih segera keluar daripada kategori muallaf ini.

Jadi kita tak nak panggil dia muallaf ya, Dato' Yang Dipertua. Macam di kampung dulu, ini anak muallaf, ini cucu muallaf, sampai tiga keturunan dipanggil muallaf. Dia adalah seorang yang sempurna. Dia adalah orang biasa, walaupun dia orang Tionghua, walaupun dia orang India, agama Islam *is ad-din*, bukan kepunyaan orang Melayu sahaja, Dato' Dipertua, kepunyaan semua. Jadi kita tak mahu dikategorikan, diklasifikasikan bahawa kerana mereka ini memeluk agama Islam maka engku kategori engku adalah muallaf sampai bila-bila, sampai mati. Ini yang kita buat dan inshaa Allah, Dato' Yang Dipertua, konsep ini dibincangkan jugak. Dan di peringkat Persekutuan, melihat apa yang dibuat di Negeri Sembilan, Dato' Dipertua, dengan penuh minat, kerana mengatakan ini memang patut dibuat. Dan inshaa Allah, Dato' Yang Dipertua, kita akan perkasakan lagi tentang isu muallaf ini kerana

mereka ini memang adalah dari golongan yang perlu dan mesti kita bantu. Terima kasih Dato' Yang Dipertua.

**Y.B. ADUN Bahau:** Haa, mintak laluan, penjelasan. Terima kasih Tuan Dipertua, nak tanya sikit tu, tentang muallaf tu. Adalah jabatan yang tertentu atau kaunseling, kaunseling bahawa membantu, membantu ahli keluarganya yang bukan muallaf. Jikalau seorang dia masuk muallaf, kami sokong, dia agama pun boleh. Tapi, sekarang selalu ada nampak ni, masalah antara ahli keluarga yang bukan Islam. *So, saya cadangkan adalah kerajaan menubuhkan satu kaunseling yang untuk membantu ahli-ahli muallaf tu, yang, atau tak faham ke, Islam ke, atau kurangkan masalah yang bertimbul di asrama, ahli dia masuk agama Islam.* Terima kasih.

**Y.A.B. ADUN Rantau:** Dato' Yang Dipertua, memang kita ada pusat kaunseling, Majlis Agama Islam. Dan Pusat Kaunseling Majlis Agama Islam ini salah satu pusat kaunseling yang, yang diiktiraf kerana kaunselor dia adalah merupakan kaunselor yang berdaftar sebagai seorang kaunselor. *They are professional,* Dato' Dipertua, dengan izin.

Salah satu tugas pusat kaunseling ini bukan sahaja kepada muallaf, tapi salah satu tugasnya ialah untuk mereka memberikan kaunseling kerana, maklum saja Dato' Dipertua, di keadaan-keadaan yang tertentu, seorang muallaf ini terpaksa tinggalkan keluarga. Keluarga tak mahu menerima mereka, jadi Dato' Dipertua, ataupun adik beradik tak mahu menerima mereka. Mereka ini berikan kaunseling. Bahkan kalau keluarga muallaf ini mahupun khidmat nasihat, memang dipersilakan Dato' Dipertua.

Kita bukannya nak menukar seseorang itu daripada orang Tionghua kepada orang Melayu. Kita bukan berminat nak tukar seorang India itu daripada India kepada Melayu. Cuma ugama Dato' Dipertua. Dan ugama ini Dato' Dipertua, di India banyak orang, orang agama Islam. Di China berpuluhan-puluhan juta orang Islam. *So, tapi kadang-kadang stigma di negara kita ini Dato' Yang Dipertua, ialah bila masuk Islam masuk Melayu. That is not right.* Ini perlu kita perbetulkan. Konsep ini ataupun stigma ini tidak betul. Kalau masuk Islam mesti pakai kain, tak semestinya mesti pakai kain, Dato' Dipertua. Pakai seluar, pakai sembahyang boleh, tapi mesti pakai kain sebab orang Melayu pakai kain. Jadi, ini isu yang perlu diterangkan, isu yang perlu kita jelaskan kepada keluarga.

Tidak semestinya, Dato' Yang Dipertua, seorang anak yang amat baik, amat rapat dengan ibu, dengan keluarga, hari ini dia baik, besok pagi

dia menukar agama, dia mesti membuang ibu dia, dia mestinya meninggalkan keluarganya, tidak. Bahkan, tuntutan agama kita, Dato' Yang Dipertua, ialah ibu tetap ibu walaupun ianya berlainan agama, ya. Anak tetap anak kita, walaupun kita dah berlainan agama. Itu tanggungjawab kita Dato' Dipertua, tanggungjawab seorang anak kepada ibu, kepada ayah, kepada keluarga, kepada adik beradik, kepada isteri dan kepada anak-anak kita.

Jadi, konsep-konsep ini yang kadang-kadang terbawak-bawak, yang mana masuk, tukar agama lain, ataupun memeluk agama lain keluarga mesti dibuang. Itu tak betul ya. Ini yang nak kita jelaskan supaya agama, agama, Dato' Dipertua. Kita tak ada masalah ya, Dato' Dipertua ya. Jadi asalkan kita dapat mengenal pasti batasan-batasan tertentu supaya apabila kita buat, kita tidak melanggar dan merosakkan akidah kita, haa itu penting ya. Itu yang nak kita katakan tadi, kita nak perkasakan, nak kita perkuatkan akidahnya. Dan supaya dia jugak mengamalkan ibadah. Tak guna akidah ada, tapi tak beribadah. Akidah ada, beribadah ada, tapi akhlak tak betul pun tak guna jugak. *That is not Islam*, Dato' Dipertua. Islam ialah bersyahadah dengan akidah yang baik, dengan ibadah yang lengkap, dan jugak dengan akhlak yang baik. Jadi tidak timbul soal, oh, masuk Islam, masuk Melayu, no. Besok pagi Yang Berhormat nak memeluk agama Islam, silakan. Tapi Yang Berhormat tanggungjawab kepada ibu bapak, ada. Tanggungjawab Yang Berhormat kepada keluarga, ada. Kerana ini tidak akan putus, ya. Dia tidak akan terputus kerana kita memeluk agama yang berlainan. Okay Dato' Dipertua, terima kasih.

**Y.B. Yang Dipertua Dewan:** Silakan Yang Berhormat ADUN Chuah.

**Y.B. ADUN Chuah:** Terima kasih Dato' Yang Dipertua, izinkan saya kemukakan soalan pertama.

**Y.B. ADUN Jeram Padang:** Dato' Yang Dipertua, perladangan memang memberikan sumbangan yang agak bermakna dalam KDNK pertanian. Berdasarkan kepada KDNK tahun 2015, perladangan telah menyumbangkan RM2.85 bilion ataupun 71.4% daripada KDNK sektor pertanian. Ini bermakna kelapa sawit telah menyumbangkan RM1.68 bilion atau 42.1% daripada KDNK sektor pertanian, manakala getah pula menyumbangkan RM1.17 bilion ataupun 29.3% daripada KDNK sektor pertanian.

Nak sentuh yang perkara yang kedua pula, memang Kerajaan Negeri Sembilan memberi penumpuan kepada pembangunan pertanian

berasaskan bahan makanan dan sentiasa merancang membangunkan kawasan yang tidak produktif melalui kerjasama dengan pihak swasta kerana di Negeri Sembilan semua ladang itu adalah ladang-ladang yang dipunyai oleh pihak swasta. Jika mereka berkemampuan dan jika mereka memiliki teknologi yang baru, yang boleh menyamin, menjamin produktif tambahan bagi bahan makanan, maka Kerajaan Negeri memang sedia membantu memberikan bimbingan, memberikan panduan melalui Jabatan Pertanian. Tetapi sehingga ke hari ini, memang perladangan itu, sektor perladangan itu masih minati untuk menanam kelapa sawit dan getah. Terima kasih yang, Dato' Yang Dipertua.

**Y.B. ADUN Chuah:** Dato' Yang Dipertua, soalan tambahan. Sekiranya Kerajaan Negeri adalah rancangan untuk tanaman peladang yang tanaman lain-lain, adakah untuk kawasan lain untuk teroka dan di manakah kawasan tu sepatutnya diteroka ataupun dibukak untuk tanaman lain? Dan apa yang *significant* untuk tanaman yang di setiap daerah? Sekian, terima kasih.

**Y.B. ADUN Jeram Padang:** Dato' Yang Dipertua, *significant* itu tak timbul bagi setiap daerah kerana perladangan itu memang kepunyaan swasta dan mereka mempunyai kuasa untuk memilih tanaman yang mana dia nak tanam berdasarkan kepada kajian mereka untuk menetapkan yang mana boleh memberikan sumbangan pendapatan yang lumayan bagi syarikat tersebut.

Bagi Kerajaan Negeri memang kami tak ada masalah, kami sebenarnya ada dasar rancangan pertanian negeri melalui Jabatan Pertanian boleh memberikan bantuan jika sektor perladangan itu berminat untuk menambahkan tanaman-tanaman makanan yang lain. Bagi Kerajaan Negeri kami memang menggalakkan tetapi seperti mana yang telah saya nyatakan tadi, perladangan itu, sektor perladangan itu masih lagi berminat untuk memilih getah dan kelapa sawit sahaja.

Jadi kalau nak nyatakan juga, sebenarnya daripada 103 ladang yang ada di Negeri Sembilan itu, 77 buah ladang menanam kelapa sawit. Satu ladang menanam hanya getah, dan 24 lagi itu ada campuran kelapa sawit dengan getah. Jadi ini jelas menunjukkan bahawa sektor perladangan itu masih nak pilih getah dan kelapa sawit untuk tujuan tanaman.

**Y.B. Yang Dipertua Dewan:** Soalan seterusnya Yang Berhormat.

**Y.B. ADUN Chuah:** Soalan, terus soalan kedua.

**Y.B. ADUN Labu:** Terima kasih Yang Berhormat Dato' Yang Dipertua. Kewujudan dan pertambahan pembangunan Jimah Power memang memberi faedah kepada Kerajaan Negeri di mana dengan adanya stesen janakuasa letrik Jimah Power ini, ianya membawa kepada penambahan industri dan jugak pembangunan terhadap ekonomi Negeri Sembilan.

Walau bagaimanapun, dengan wujudnya Jimah Power ini, bukan bererti ianya boleh menghilangkan sumber perikanan di kawasan tersebut. Malah, Jimah Power ini adalah merupakan projek yang terancang maka penglibatan kerajaan melalui jabatan-jabatan kerajaan seperti Majlis Perbandaran Port Dickson, Jabatan Alam Sekitar dan jugak Jabatan Perikanan sentiasa memantau projek ini di mana syarat-syarat yang dikenakan terutamanya berkaitan dengan pencemaran alam sekitar, pencemaran yang menyebabkan habitat laut terhapus, ini dititikberatkan.

Dengan sebab itulah, apabila projek ini siap, dan kini pun telah dilaksanaan, pemulihan alam sekitar dan jugak pemulihan habitat laut ini dilakukan oleh syarikat Jimah Power ini dengan dipantau oleh jabatan-jabatan yang terlibat. Di mana melalui tanggungjawab sosial mereka, mereka telah pun ya, memperbaiki hutan-hutan bakau yang musnah dan kini telah pun ditanam. Ini yang menjadi kebimbangan kepada Yang Berhormat ADUN Chuah. Dan di samping itu jugak, melalui tanggungjawab sosial ini, syarikat Jimah Power juga membina ya, tukun-tukun tiruan dengan harapan dengan adanya tukun-tukun tiruan ini, akan menggamtit kepada pembiahan perikanan. Dan akhirnya nanti nelayan yang terlibat di kawasan tersebut, pastinya akan mendapat tangkapan yang lumayan dan dalam, dalam masa yang sama jugak akan meningkatkan lagi pendapatan.

Dalam masa itu jugak, saya nak menyatakan kepada ADUN Chuah bahawa masalah ini bukanlah masalah yang berpanjangan tetapi masalah sementara. Dan kalau nak ikutkan, nakkan statistik peningkatan ini, ini memerlukan sebenarnya analisa yang panjang kerana saya yakin dan percaya, dengan adanya tukun-tukun tiruan dan pembiahan habitat laut ini, nelayan-nelayan di kawasan tersebut akan mendapat pendapatan yang lumayan di masa akan datang. Dan jugak dalam masa yang sama, saya nak menyatakan di Dewan yang mulia ini bahawa pembangunan pesisiran pantai Port Dickson ini adalah selaras dengan kehendak Kerajaan Negeri di mana apa jua pembangunan yang akan diadakan di pesisiran pantai ni mestilah mendapat kebenaran

daripada Kerajaan Negeri. Ini satu pemantauan yang saya rasa begitu baik untuk masyarakat nelayan akan datang.

Dan di samping itu jugak, saya nak menyatakan kepada ADUN Chuah, kita telah menganalisa sebenarnya di peringkat negeri, di mana para nelayan yang ada di pesisiran pantai sepanjang kawasan Yang Berhormat ini ya, termasuklah sampai ke Daerah Port Dickson, kita mempunyai lebih kurang 33 pengkalan nelayan. Di mana 11 daripadanya adalah pengkalan utama. Dan pengkalan utama inilah yang banyak di kawasan Yang Berhormat. Jadi dengan adanya, kita nak menempatkan semula nelayan-nelayan ini, saya berharap supaya ADUN Chuah jangan risaulah, ya, kita mengutamakan masyarakat nelayan supaya mereka terbela dan jugak dalam masa yang sama, pendapat mere, pendapatan mereka jugak akan meningkat. Terima kasih.

**Y.B. ADUN Chuah:** Terima kasih, soalan tambahan. Apabila baik pulih pada sumber Perikanan, apakah sepsis-spesis lindungan laut yang diwartakan sebagai spesis perlindungan dan spesis untuk tangkapan bagi sumber perikanan?

**Y.B. ADUN Labu:** Jadi dalam kita nak mengekalkan ya, habitat laut ni, banyak perkara kita kena lihat ya. Pertama sekali, seperti yang saya nyatakan tadi, apabila tercemarnya saja laut ya, maka kita nak melihat jugak pencemaran apa sebenarnya, berpunca dari mana. Kalau sekiranya ianya berpunca daripada pembangunan yang dilakukan, kita mesti berbincang dengan syarikat tersebut supaya kita dapat menyelesaikan perkara-perkara seperti yang berlaku.

Kalau tadi disebabkan oleh pembangunan, habitat laut ini tercemar, di mana tempat-tempat pembiakan ikan ini hapus, jadi perkara yang kita lakukan tadi ialah pertama, kita membina tukun-tukun semula. Dan di samping itu jugak, sekiranya habitat laut ini, alam sekitar, kayu bakau habis ya, dan jugak dalam masa yang sama ianya musnah, maka penanaman semula kayu-kayu bakau ini ya, yang menyebabkan satu daripada habitat ini ya, terjaga, perlu jugak dilakukan. Dan dalam masa yang sama ya, jabatan-jabatan yang terlibat ini seperti Perikanan juga, perlu sentiasa mengawal ya, keadaan-keadaan yang berlaku.

Barang kali jugak bukan setakat daripada habitat ni musnah, kemungkinan jugak daripada kotoran-kotoran yang berlaku berpunca daripada pembangunan yang, yang berlaku. Ini juga perlu diperhatian. Saya yakin kalau kombinasi ini sama-sama kita jaga dan jugak dalam masa yang sama kerajaan melalui jabatan-jabatan terlibat dapat

bersama-sama mengatasi masalah ini, perkara yang disebut tadi tidak akan berlaku. Terima kasih.

**Y.B. ADUN Chuah:** Terima kasih YB Labu bagi jawapan yang komprehensif. Seterusnya saya kemukakan soalan ketiga. Soalan ketiga.

**Y.A.B. ADUN Rantau:** Dato' Yang Dipertua, seperti mana yang kita telah ketahui Dasar Perumahan Negeri Sembilan telah pun kita luluskan dan lancarkan pada pertengahan tahun 2015. Dia adalah merupakan satu-satu negeri, kita merupakan satu-satu negeri yang mempunyai dasar perumahan kita. Kita tak lagi, tidak lagi mengamalkan Dasar Perumahan Negara yang sekian lama telah pun kita gunakan, guna pakai kerana melihat kepada keadaan semasa, Dato' Dipertua, bahawa industri perumahan sekarang ini telah menjadi satu masalah kepada kerajaan.

Walaupun dia merupakan salah satu sektor yang menjana ekonomi, yang boleh meningkatkan kita punya pembangunan ataupun Keluaran Dalam Negara Kasar, Dato' Yang Dipertua, tetapi dalam masa yang sama kejayaan membangunkan negeri, negara, Dato' Dipertua, menyebabkan masalah kepada rakyat. Jika ini berterusan Dato' Dipertua, jika ini tidak kita, kita ambil tindakan segera, dia akan menjadi satu masalah yang besar kerana harga rumah dah melambung tinggi, Dato' Dipertua, tanpa adanya batasan *pricing structure*, tidak ada struktur kawalan harga yang boleh menjamin harga rumah masih lagi mampu dimilik ataupun dibeli oleh orang ramai.

Cumanya pada dulunya Dasar Perumahan Negara, Dato' Dipertua, ialah mewajibkan semua pemaju untuk membina 30% rumah kos rendah, *low cost*. Rumah *low cost*, Dato' Dipertua, tak perlulah saya terangkan dengan lanjut, bagaimana keadaan dia. Kalau kita sebut saja *low cost*, kita akan terbayangkan rumah-rumah yang, *flat* macam sarang burung merpati, yang tidak sempurna. Rumah satu bilik, Dato' Dipertua, macam yang ada sekarang di Jalan Lobak, yang ada di Jalan Templer, yang ada di Ampangan, yang ada di Senawang, Dato' Dipertua, amat tidak sempurna. Dan kita merasa bahawa rumah-rumah ini memang bukan tempat untuk didiami oleh keluarga.

Jadi, Dato' Yang Dipertua, apa yang telah dibuat, hasil daripada kita punya kajian, Dato' Dipertua, ialah kita perlu keluar daripada, sekali lagi saya kata kepompong pemikiran lama. Dasar tersebut baik dulu, masa kita mula merdeka, 20 tahun lepas merdeka, Dato' Dipertua, baik, kerana pada ketika itu paras kemiskinan, bawah paras kemiskinan 70

lebih peratus, Dato' Dipertua. Orang cuma mampu beli rumah, rumah murah, *low cost*. Tapi sekarang, rata-rata pendapatan, Dato' Dipertua, telah pun naik. Gaji minima sekarang dah 1,000.00 ringgit, Dato' Dipertua.

Jadi, apa yang telah kita buat ialah, dan tidak mahu kerajaan terus tertekan di, di, rakyat marah dengan kerajaan kerana rumah terlampau mahal harganya, harga rumah melambung tinggi, dah di luar kemampuan, jangkuan untuk orang membeli, maka Kerajaan Negeri Sembilan buat kita punya Dasar Perumahan Kerajaan Negeri. Yang mana kita telah pun menetapkan supaya pemaju-pemaju yang nak membina ataupun memajukan tanah mereka sebagai kawasan perumahan, diwajibkan untuk membina 50% rumah mampu milik, Dato' Yang Dipertua, yang mana 50% tersebut dipecahkan pulak kepada tiga kategori. Kategori pertama, kategori A ialah 15% daripada 50% tersebut mestilah dalam bentuk rumah yang berharga tidak melebihi 80 ribu, dengan keluasan tidak kurang daripada 900 kaki persegi, dengan sekurang-kurangnya tiga bilik dan dua bilik air, dan rumah teres Dato' Dipertua, bukannya rumah *flat*. Haa itu wajib, ya. Lagi 15%, 250 ribu ke bawah, Dato' Yang Dipertua, dan lagi 20% tersebut 400, tidak melebihi 400 ribu. Yang 50% peratus lebihnya itu, terpulanglah, mereka nak jual 2 juta, 5 juta, terpulang kepada mereka.

Jadi, ini yang kita buat. Dan kita mahu supaya Dasar Perumahan Kerajaan Negeri Sembilan ini, Dato' Yang Dipertua, ialah suatu jaminan. *This is the bill of guarantee*, dengan izin Dato' Yang Dipertua, Kerajaan Negeri kepada rakyat Negeri Sembilan, kepada orang ramai, bahawa pada satu-satu ketika, bahawa akan ada rumah mampu milik yang perlu dan mesti dan wajib dibina oleh pemaju. Mereka tak boleh lari. Lima ekar ke atas, mereka dah wajib bina 50% rumah mampu milik dengan kuota bumiputera 50%.

Tetapi persoalannya sekarang ialah rumah ataupun kawasan pembangunan yang lima ekar ke bawah. Jadi, macam mana nak buat. Kecik sangat. Jadi, apa yang kita buat ialah kita, Kerajaan Negeri Sembilan ini kerajaan yang mempunyai anjalan, kerajaan yang mempunyai *flexibility* yang, yang, yang, yang tinggi Dato' Yang Dipertua. Jadi, kita telah pun berbincang dengan persatuan pemaju perumahan bahawa pemaju-pemaju yang memajukan tanah tidak melebihi lima ekar, mereka cuma wajib membina rumah mampu milik yang 250 ribu ke bawah sahaja. 80 ribu tu tak perlu ya. 250 ribu ke bawah, dan kuota bumiputera tidak 50% tetapi tetap 30%. Jadi, ini jugak telah disambut baik dan telah pun diterima pakai oleh pemaju dan kita telah pun dapat menyelaraskan sistem ini dengan baik. Dan di Negeri Sembilan kita tidak timbul masalah-masalah, Dato' Dipertua, semuanya berjalan dengan lancar. Dan kita jugak akan membuat sistem anjalan

berkenaan dengan isu-isu yang berkenaan dengan Dasar Perumahan Negeri Sembilan ini, Dato' Dipertua, inshaa Allah, terima kasih.

**Y.B. ADUN Bukit Kepayang:** Soalan tambahan. Berkenaan dengan jawapan yang telah diberikan oleh Yang Amat Berhormat tadi berkenaan dengan keluasan tanah di bawah lima ekar, dengan kelonggaran rumah apa, mampu milik, di bawah 250 ribu sahaja. Berapa peratusan untuk harga rumah di bawah 250 ribu dan jugak macam mana dengan kos di bawah 400 ribu tu? Sebab kalau ikutkan Dasar Perumahan Negeri, dia ada tiga kategori. Tadi Yang Amat Berhormat menjelaskan bahawa bawah 80 ribu tu tak ada. So, macam mana dengan peratusan untuk 250 ribu dan juga apakah masih diwajibkan untuk yang 400 ribu ke tidak?

**Y.A.B. ADUN Rantau:** *Affordable home* itu 250 ribu, 50% ya. Lagi apa soalan tadi, itu je kan? Itu saja kan? 50% Yang Berhormat ya. Harga rumah mampu milik dia 50%, rumah 250 ribu ke bawah. Tak perlu bina rumah 80 ribu ke bawah, okay, sebab *affordable home* kita 250 ribu kerana dia kawasan dia kecil. Okay, terima kasih.

**Y.B. Yang Dipertua Dewan:** Saya persilakan Yang Berhormat ADUN Sungai Lui.

**Y.B. ADUN Sungai Lui:** Yang Amat Berhormat, Dato' Yang Dipertua, soalan saya yang pertama.

**Y.B. ADUN Labu:** Terima kasih Yang Behormat Dato' Yang Dipertua. Menyebut tentang bantuan pertanian ni yang diberikan oleh kerajaan adalah sebagai satu inisiatif bagi menggalakkan pertumbuhan sektor pertanian. Maka, selain daripada itu jugak bantuan ini adalah sebagai galakan supaya para petani ini dapat meneruskan program atau projek mereka. Dan dalam masa yang sama, mereka dapat bersaing untuk mengeluarkan ya, hasil keluaran pertanian yang lumayan. Daripada bantuan ini ya, kita nak mantap, nak mengetahui kejayaan atau kegagalan kita mesti ada statistik. Kalau tidak, kita tidak mengetahui sama ada petani ini berjaya atau sebaliknya. Jadi, melalui pengamatan dan rekod yang ada di mana di Negeri Sembilan ini berlaku pertambahan tanaman makanan. Saya nak bawak statistik ini supaya kita dapat buat perbandingan sama ada ianya membawa kejayaan atau kegagalan.

Saya nak melihat daripada 5 tahun ke bawah iaitu daripada tahun 2011 di mana pengeluaran makanan tanaman ini, iaitu daripada kita tahun 2011 dapat mengeluarkan 102,088.1 metrik tan. Pada tahun 2012 meningkat daripada 102 ribu meningkat kepada 109,386.23 metrik tan. Dan pada tahun 200, pada tahun 2013, meningkat lagi daripada 109 ribu kepada 114,832.71 metrik tan. Dan pada tahun 2014 meningkat lagi iaitu daripada 114 ribu kepada 142,269.14 metrik tan. Dan pada tahun 2015 meningkat lagi daripada 142 ribu kepada 143,817.60 metrik tan. Ini bermakna, pertambahan ya, ataupun kenaikan ya, tanaman makanan ini dari tahun ke tahun. Itu dari segi tanaman makanan.

Kalau kita menengok pulak daripada rekod ya, rekod daripada Jabatan Veterinar peringkat negeri, bahawa ini juga berlaku peningkatan di mana ya, pada tahun 2016 ya, kita, di negeri kita terdapat 28 orang golongan penternak ruminan lembu pedaging dan susu, telah mencapai tahap komersial. Manakala pada tahun 2016, kita ada 76 orang golongan penternak ruminan bertaraf semi komisional, semi komersial, golongan penternak ini berpotensi dilonjakkan kepada tahap yang lebih iaitu tahap komersial, akan datang. Dan saya yakin bahawa daripada statistik ini ya, kerana kita mempunyai, masih lagi mempunyai ya, penternak-penternak ruminan bertaraf kecil iaitu 97.04%. Maka Jabatan Veterinar berharap dalam masa tempoh tiga ke lima tahun ya, penternak-penternak kecil ruminan ini dapat dinaikkan taraf di masa akan datang. Itu, dari segi ruminan.

Dari segi rekod yang ada pada Jabatan Veterinar ya, iaitu penternak unggas juga pada tahun 2016 ini ya, telah meningkat mencapai tahap komersial sebanyak 56.1% ya. Kalau kita lihat ya, bahawa ianya ya, dari masa ke semasa, kita nak melihat bahawa penaikan taraf ya, petani-petani yang bertaraf, perlu dinaikkan lagi daripada kecil kepada semi komersial, daripada semi komersial kepada komersial akan bertambah dari semasa ke semasa. Jadi inilah rekod yang boleh saya bacakan, supaya ianya, kita dapat mengetahui bahawa di Negeri Sembilan ini, melalui bantuan kerajaan, ia adalah merupakan penggalak kepada masyarakat petani untuk meningkat lebih maju di masa akan datang. Terima kasih.

**Y.B. ADUN Sungai Lui:** Soalan tambahan. Kita tahu bahawa seperti yang telah dinyatakan statistik tadi bahawa pertanian ni merupakan satu bidang yang boleh mendatangkan pendapatan yang lumayan dan boleh dijadikan sebagai satu bidang perniagaan. Ada tak jabatan, Jabatan Pertanian ataupun Haiwan, dalam usaha untuk menarik golongan muda untuk, penglibatan lebih ramai lagi golongan muda ataupun usahawan baru untuk menceburi bidang ini? Terima kasih.

**Y.B ADUN Labu:** Untuk makluman ADUN Sungai Lui ya, memang menjadi hasrat kerajaan, Jabatan Pertanian ke, Jabatan Veterinar ataupun Perikanan ya, mereka memang membuka ruang ya, seluas-luasnya kepada petani-petani muda untuk menceburkan diri. Ini bukan sahaja menjadi matlamat jabatan, tetapi ini juga menjadi matlamat kementerian sebenarnya. Jadi, kita amat menggalakkan ya, kepada petani-petani moden ini kerana sekarang juga kita melihat ya, ramai ya, anak-anak muda yang keluar daripada universiti, kalau ikut statistik ya, kalau di negara kita ni ya, 8 hingga 10 ribu setiap tahun keluar daripada institut pengajian tinggi ya. Jadi anak-anak muda ini kadang-kadang dia balik ke kampung, dia tidak ada pekerjaan. Jadi, Jabatan Veterinar ya, Jabatan Pertanian dan jugak Perikanan Negeri ya, membuka ruang yang seluasnya. Kalau ada yang berminat, kita boleh berbincang. Dan jugak kita menggalakkan kalau ada belia-belia daripada Sungai Lui ya, yang berminat dalam bidang ini ya, kita berbincang. Dan kita boleh tempatkan sebenarnya, kita di Negeri Sembilan ni masih ada ruang-ruang kosong ya, tanah-tnah kosong yang boleh mereka usahakan sebagai petani moden. Terima kasih.

**Y.B. ADUN Sungai Lui:** Yang Berhormat Dato' Yang Dipertua, saya kemukakan soalan kedua.

**Y.B. ADUN Serting:** Dato' Yang Dipertua, bantuan Kumpulan Wang Amanah Pelajar Miskin. Kerajaan melalui Kementerian Pendidikan Malaysia telah melaksanakan Dasar Pendidikan Wajib berkuatkuasa mulai Januari 2003 yang mewajibkan ibu bapa serta penjaga menghantar anak-anak mereka ke sekolah mulai Tahun 1. Sehubungan dengan itu, pada April 2003, selaras dengan pelaksanaan dasar tersebut, Kumpulan Wang Amanah Pelajar Miskin telah ditubuhkan bagi memastikan ibu bapa atau penjaga yang tidak berkemampuan dapat menghantar anak-anak mereka ke sekolah. Bantuan ini adalah khusus untuk mem, membantu keperluan persekolahan murid sahaja.

Untuk makluman Dato' Yang Dipertua dan Dewan yang mulia ini, penerima bantuan KWAPM di Negeri Sembilan pada tahun 2015 adalah seramai 27,950 orang pelajar dengan jumlah bantuan RM5,052,700.00 iaitu lebih kurang 26% daripada keseluruhan pelajar dari Darjah 1 ataupun Tahun 1 hingga ke Tingkatan 1. Dan bagi tahun 2016 seramai 24,223 orang murid dengan jumlah bantuan sebanyak 4,944,900.00 iaitu lebih kurang 23% peratus daripada keseluruhan pelajar Tahun 1 hingga ke Tingkatan 1 di seluruh Negeri Sembilan. Manakala bagi tahun 2017, seramai 13,324 orang murid layak menerima bantuan KWAPM yang terdiri dari murid Tahun 2 ya, dan juga Tahun 6 yang melibatkan peruntukan 1,332,400.00.

Manakala bagi murid Tahun 1 dan Tingkatan 1 serta murid yang cicir bagi tahun ini telah pun membuat permohonan melalui pihak sekolah pada 20 Februari hingga 20 Mac 2017 yang lalu, dan sekarang dalam tindakan semakan. Sehubungan itu, pihak sekolah memastikan bahawa hanya murid-murid yang benar-benar layak sahaja akan menerima bantuan berkenaan. Semakan kelayakan dilaksanakan setiap tahun kepada semua murid bagi memastikan bahawa bantuan Kumpulan Wang Amanah Pelajar Miskin ini sampai kepada golongan sasaran. Terima kasih.

**Y.B. ADUN Sungai Lui:** Soalan tambahan. Apakah syarat-syarat kelayakan murid minima di dalam penerimaan bantuan KWAPM ini? Sekian, terima kasih.

**Y.B. ADUN Serting:** Berhubung dengan syarat-syarat ataupun kriteria-kriteria kelayakan murid penerima bantuan ini, bantuan ini dilaksanakan sepenuhnya berdasarkan syarat kelayakan pendapatan keluarga yang telah digariskan oleh Kementerian Pendidikan Malaysia. Antara syarat-syarat ataupun kriteria ya, yang melayakkkan murid ini mendapat bantuan KWAPM, yang pertama syarat umum iaitu murid warganegara Malaysia yang bersekolah di sekolah kerajaan dan juga bantuan kerajaan, murid yang berada di Tahun 1 hingga Tingkatan 1 sahaja.

Yang kedua, mereka yang mendaftar dengan eKasih iaitu murid miskin yang ketua isi rumah berdaftar dengan eKasih dan disahkan status kemiskinannya ya, sebagai miskin iaitu pendapatan isi rumah melebihi 930, RM930.00 atau perkapita 230 ataupun mereka yang berada di kelompok miskin tegar iaitu dengan pendapatan kasar isi rumah RM580.00 dan juga perkapitanya 140.

Dan kategori yang ketiga ialah murid Orang Asli iaitu murid miskin yang ketua isi rumahnya berdaftar dengan data murid Orang Asli dan disahkan mereka ini miskin dan juga miskin tegar. Dan juga kategori yang keempat ialah kategori murid dasar sedia ada iaitu di bawah pemantauan sekolah yang juga ya, bergantung kepada Paras Garis Kemiskinan Nasional seperti yang telah ditetapkan.

Seterusnya ialah murid bukan penerima bantuan Biasiswa Kecil Persekutuan, Biasiswa Sukan, Program Projek Khas Berasrama Penuh, Biasiswa Kerajaan Negeri, Biasiswa Yayasan dan juga pihak swasta. Jadi, bermakna pelajar-pelajar yang tidak menerima bantuan ini layak ya, untuk mendapat bantuan KWAPM. Dan juga yang terakhir sekali ialah murid OKU yang mana mereka ini telah ada ya, bantuan, jadi

murid yang tidak menerima ni layak menerima dan juga kumpulan pelajar daripada Maktab Rendah Sains MARA.

Dato' Yang Dipertua, sebelum itu di kesempatan ini, izinkan sayalah, mengambil kesempatan di Dewan yang mulia ini untuk merakamkan setinggi syabas ya, tahniah kepada warga pendidik dan juga pelajar-pelajar kita yang amat cemerlang dalam keputusan SPM tempoh hari, di mana kita mendapat tempat kedua. Terima kasih khusus kepada Yang Amat Berhormat Dato' Seri Utama sebagai arkitek ya, agenda pendidikan Negeri Sembilan yang ingin membawa Negeri Sembilan ya, dalam dasar kerajaan menjadikan Negeri Sembilan lembah ilmu ya.

Dan juga kepada rakan-rakan ahli-ahli Yang Berhormat ya, ADUN BN yang banyak membantu PIBG, yang banyak membantu sekolah. Begitu juga kepada Jabatan Pendidikan Negeri, PPD, kepimpinan pengetua ya, sekolah menengah, sekolah rendah, pegawai-pegawai kerajaan, pihak swasta. Begitu jugak semua pihaklah yang sama-sama fokus ya, untuk memastikan dasar Kerajaan Negeri Sembilan menjadikan kita lembah ilmu ya, mencapai matlamatnya. Dan alhamdulillah setakat hari ini kita berada dalam keadaan mengurus kejayaan iaitu kita telah sampai ke tempat yang kedua di peringkat kebangsaan. Syabas, tahniah, terima kasih.

**Y.B. ADUN Sungai Lui:** Yang Berhormat Dato' Yang Dipertua, soalan saya yang ketiga.

**Y.A.B. ADUN Rantau:** Dato' Dipertua, bila kita bercakap pasal kos sara hidup, dia merupakan suatu rangkuman beberapa banyak perkara, Dato' Dipertua ya. Kita boleh jadikan ianya sebagai satu *equation*, dengan izin, jika kita pakar matematik, kita, *we must always simplify the equations*, dengan izin. Kita mesti lihatnya ianya sebagai satu yang perlu kita selesaikan. Jangan lihatnya sebagai satu perkara pokok dan kita pecah-pecahkan supaya akhirnya nanti kita akan dapat pergi kepada setiap perkara yang boleh kita selesaikan.

Kos sara hidup, Dato' Yang Dipertua, ialah kombinasi kepada banyak perkara. Yang boleh saya katakan ia terdiri daripada beberapa perkara pokok. Misalnya makanan ya. Dia jugak merupakan masalah, harga makanan yang tinggi dan macam-macam. Nombor dua, macam baru saya cakapkan tadi, perumahan, menjadi masalah kepada rakyat. Kos tinggi dan dia merupakan kos sara hidup. Bila tak mampu beli rumah, Dato' Dipertua, dia terpaksa menyewa. Bila banyak orang yang terpaksa menyewa, Dato' Dipertua, dia dengan sendirinya akan menolak ke atas sektor sewa rumah yang akan meningkat. Kerana,

balik semula kepada asas ekonomi iaitu *demand and supply*, Dato' Dipertua ya. Jadi, itu perumahan.

Yang ketiganya ialah saya melihatnya sebagai kos pengangkutan ya. Bila, di negara-negara, Dato' Yang Dipertua, yang mana ada pengangkutan awam yang efisyen, orang tak perlu beli kereta Dato' Dipertua ya. Dan mereka boleh duduk jauh, tak perlu duduk di bandar kerana mereka boleh duduk, naik *British rail* misalnya, dengan izin, ataupun naik TGV, naik ICE, apa yang patut, boleh yang naik kereta api *bullet train*, daripada 200 kilometer dalam masa 45 minit. Tak perlu duduk di London, duduk Bradford, duduk di Britain, Dato' Yang Dipertua. Jadi, kos sara hidup di sana, kos perumahan di sana murah. Tak perlu berlonggok ramai-ramai duduk di kota London ataupun di Paris ataupun di mana-mana. Memang tak mampu pun.

Jadi ini yang kita lihat, yang saya lihat bahawa perlu dipecahkan *equation* ini dengan sempurna supaya kita jangan hilang punca, Dato' Yang Dipertua. Takut nanti kalau kita hilang punca, kita teraba-raba dan kita tak tahu apa nak dituju. Makanya kita perlu sektoralkan apa isu-isu ini supaya boleh kita tangani dengan secara tertib, dengan cara yang tersusun, dengan cara yang efektif. Maka itu sebabnya, negara kita Dato' Dipertua, bukan Negeri Sembilan saja, macam-macam dah buat dah, macam-macam kita buat, untuk meringankan kos sara hidup masyarakat.

Termasuklah sampai Bantuan Rakyat 1Malaysia. Ada orang kata ini rasuah, lantak dialah, Dato' Dipertua. Nak kata rasuah, rasuahlah. Tapi kitalah negara yang bagi bantuan rakyat, kan. Tak bantu pun marah, Dato' Dipertua, kalau tak bantu kang marah tu. Cuba tak ada Bantuan Rakyat 1Malaysia, marah kata rakyat susah. Bila bantu kang marah pulak kata bagi makan dedaklah, macam-macam. Jadi, tak tahulah kan. Dedak tak dedak, Dato' Dipertua, tapi dia meringankan beban hidup. Dia meringankan bebanan hidup masyarakat yang memerlukan, Dato' Dipertua. Negeri kita macam-macam buat, Klinik 1Malaysia-lah, 1Malaysia. Macam-macam 1Malaysia. Bantuan Rakyat 1Malaysia. ADUN Senawang pernah dengar ada Bantuan Rakyat 1Bangla, ada? Ada? Tak ada bukan? Bantuan Rakyat 1Indon, ada? Tak ada, tak ada pun. Malaysia satu-satunya negara yang ada bantuan seperti ini. Jadi, kita bersyukur.

Tapi di Negeri Sembilan, Dato' Dipertua, perspektif untuk Negeri Sembilan ini, Kerajaan Negeri mensektoralkan isu-isu ini dengan secara setertib yang mungkin. Itu sebabnya kita buat, bagi saya makanan utama ya, ya, mesti ada kemampuan untuk membeli makanan dan lain-lain. Itu sebabnya kita ada Dasar Jaringan Keselamatan Sosial. *The Sosial Safety Net*, Dato' Yang Dipertua, yang kita telah mantapkan sejak

daripada awal tahun 2004/2005. Hari ini Dasar Jaringan Keselamatan Sosial kita amat mantap, Dato' Yang Dipertua. Itu merupakan kita punya *baseline* dasar kita, apa jua kita buat Dato' Dipertua, Dasar Jaringan Keselamatan Sosial ini akan terus menjadi keutamaan kita. Kerana kita mahu supaya rakyat yang perlu dibantu, mesti dibantu. Ini akan memberikan satu jaminan lagi kepada rakyat bahawa rakyat akan merasa satu, orang kata rasa selesa bahawa apa jadi pun dekat mereka, akan ada kerajaan yang akan membantu. Ini perlu supaya rakyat tidak hidup dalam keadaan kegelisahan. Bantuan kita termasuklah macam-macam cara membantu. Bantuan melalui Baitulmal, bantuan melalui Jabatan Kebajikan Masyarakat, bantuan macam-macamlah Dato' Dipertua ya. Macam-macam agensi, macam-macam jabatan bagi bantuan.

Jadi, makanan, Dato' Yang Dipertua, ialah bagi saya makanan ini, itu sebabnya kita nak pastikan supaya rakyat dapat akses kepada makanan yang mampu. Itu sebabnya GST kita, Dato' Yang Dipertua, walau macam mana orang cakap pun, barang makanan yang asas, Dato' Dipertua, tidak dikenakan GST. Bahan makanan asas ya, tidak dikenakan GST. Baik mana-mana kaum minoriti pun di Sabah, Sarawak, jika ia merupakan makanan asas mereka, tak kena GST. Macam ada satu kaum minoriti di Sarawak, makanan asas mereka sagu. Maka sagu jugak telah dikeluarkan daripada GST. *Zero Rated GST*, Dato' Dipertua. Jadi ini perlu kita ingat.

Dan Dato' Yang Dipertua, jangan pulak kita kata itu, macam baru-baru ini ikan kembung naik 21.00 ringgit satu kilo, marah kata ini GST. Ikan kembung tak kena GST Dato' Dipertua. Apa kena mengena ikan kembung dengan GST. Ikan kembung tak ada sebab laut bergelora Dato' Dipertua. Laut bergelora, ikan kembung, Dato' Dipertua, dia duduk di persisiran pantai. Bila laut bergelora, dia punya gelombang tu kuat, ikan kembung lari ke tengah laut ya, Dato' Dipertua. Jadi nelayan kita tak ada nelayan tengah laut. Nelayan kita nelayan persisiran pantai. Maka tak dapatlah tangkap ikan kembung. Apa pulak kena mengenanya, sebab tidak ada *supply* yang cukup, maka harganya tinggi. Jadi, Dato' Yang Dipertua, tidak ada kena mengena ikan kembung dengan GST. Jadi kadang-kadang orang nak me, buat macam-macam ceritalah ya.

Jadi kita di Negeri Sembilan, makanan Dato' Dipertua, itu sebabnya kita dah buat dasar pertanian. Kita buat ePorak, kita galakkan orang supaya tanam makan, bahan makanan. Kalau kita boleh tanam pokok puding, boleh hidup subur Dato' Dipertua. Takkun kita tak boleh tanam pokok lada. Takkun kita tak boleh tanam pokok keledek, pokok bendi, pokok terung dan macam-macam. Di sekolah-sekolah saya telah galakkan, saya telah mintak Jabatan Pelajaran Negeri Sembilan supaya

menggalakkan supaya kita buat semua sekolah-sekolah menggalakkan kita buat *edible garden* ya. Tanam pokok buah-buahan, tanam pokok pemakanan yang boleh dijadikan contoh. Di sekolahlah tempat yang paling baik untuk mendidik anak-anak kita Dato' Dipertua, supaya kita buat, kita cari sumber makanan kita sendiri, supaya kita tidak terlampau bergantung kepada makanan yang terpaksa kita beli semuanya Dato' Dipertua.

Jadi, makanan penting, dan itu sebabnya kementerian dan jugak Jabatan Pertanian Negeri Sembilan bersama dengan jabatan lain serta agensi lain, kita nak memperkasakan sektor pertanian. Semalam, titah Duli Yang Maha Mulia Yang di-Pertuan Besar Negeri Sembilan jelas mengatakan bahawa sektor pertanian kita jatuh jauh ke belakang, 10.46% sahaja Dato' Dipertua. Itupun pun dah masuk sektor perladangan. Kalau tak masuk sektor perladangan, Dato' Dipertua, kita peratusan pengeluaran makanan kita amat rendah. Itu sebabnya kita menggalakkan supaya, tadi ada ditanya oleh Chuah dan yang lain-lain, kita perlu mempelbagaikan industri pertanian kita, supaya kita lebih banyakkan industri yang boleh mengeluarkan pemakanan tidak semata-mata kepada industri perladangan komoditi sahaja Dato' Yang Dipertua, ya Perlu kita perbanyakkan.

Dan kita masih lagi di bawah paras tidak dapat sara diri pengeluaran beras kita, ikan kita tak cukup Dato' Dipertua, lem, apa, daging-daging mentah, lembu, kambing dan kerbau tak cukup, Dato' Dipertua. Yang cukup ayam dan telur ayam. Haa itu sebabnya kita perlu melihat semula supaya kita Negeri Sembilan mesti mampu untuk mengeluarkan makanan kita sendiri. Tidak semata-mata terpaksa bergantung kepada negeri luar ataupun negara luar untuk sumber pemakanan kita. *Food securities* kita penting Dato' Yang Dipertua, supaya kita tidak nanti orang kata apa-apa berlaku, kita terpaksa menanggung akibat dan kos yang amat tinggi.

Perumahan pulak, tadi saya sebutkan bahawa kita dah buat dasar. Ini akan menjamin bahawa pada satu-satu ketika, akan ada rumah mampu milik. Jadi, Dasar Perumahan Negeri Sembilan ini jugak adalah merupakan dasar yang boleh mengelakkan apa yang dipanggil sebagai sektor perumahan yang meningkat mendadak disebabkan oleh spekulasi perumahan oleh orang-orang yang mempunyai kemampuan dan mereka buat spekulasi tentang rumah. Dia beli 10 – 15 biji rumah Dato' Dipertua pakai nama-nama yang berbeza, dan mereka akan menjual dan mereka *flip* ataupun mereka menjual dengan mendapat keuntungan yang segera. Ini kita nak elakkan.

Itu sebabnya rumah 80 ribu ke bawah Dato' Dipertua, semua penjualan rumah ini Dato' Dipertua, diuruskan oleh Unit Perumahan Kerajaan

Tempatan. Mereka yang telah pun berumah tangga, mereka yang tidak ada rumah, belum ada rumah, tidak ada rumah dan mereka yang tinggal di Negeri Sembilan, Dato' Dipertua, diberikan keutamaan. Supaya kita tidak timbul pulak nanti rumah yang 80 ribu ini ada pulak segmen spekulasi nanti orang akan beli dengan banyak, lepas tu mereka meningkatkan jualan. Kerana rumah 80 ribu tiga bilik ini Dato' Dipertua, dua bilik air ini, senang-senang boleh jual 200 lebih ribu Dato' Dipertua. Ini, ini jaminan kerajaan untuk kita pastikan supaya sektor perumahan jugak dapat mengurangkan kos sara hidup.

Dan lepas sekali, Dato' Dipertua, ialah pengangkutan awam. Pengangkutan awam perlu dipertingkatkan. Kita tak sentiasa nak membesarkan jalan Dato' Dipertua, macam mana kita besar pun jalan Dato' Dipertua, dia akan tetap sesak. Pendaftaran baru kenderaan baru di Malaysia setiap tahun tidak kurang daripada 500 ribu. Tahun lepas 650 ribu. Bayangkan berapa banyak kenderaan baru yang didaftar Dato' Dipertua. Dan ini menyebabkan jalan tetap sesak.

Dia, pengangkutan awam ni ada dua segmen. Orang yang *mobile* dengan orang yang tidak *mobile*, Dato' Dipertua. Orang yang *mobile*, dia memerlukan pengangkutan awam. Jika pengangkutan kita canggih, orang tak perlu lagi menggunakan kereta ke sana sini. Waima tak perlu bayar, beli kereta pun Dato' Dipertua. Di negara-negara Barat yang membangun, mereka tak ada kereta pun. Mempunyai kenderaan sendiri merupakan satu masalah pulak jadinya. Kerana dengan bayaran *parking* yang tinggi, tempat *parking* yang tak cukup, dan macam-macam lagi ya. Dan masuk ke dalam kawasan yang ada, kawasan yang orang kata tu, zon-zon padat, zon-zon yang sesak, kena bayar pulak lagi tol, macam-macam. Jadi mereka lebih senang menggunakan kenderaan awam.

Jadi Dato' Dipertua, ini yang perlu negara kita dan Negeri Sembilan. Itu sebabnya di Daerah Seremban, kita telah pun mengadakan myBAS untuk mengurangkan bebanan dan jugak tanggungan kos sara hidup yang ditanggung oleh rakyat. Sekarang ini akan, kita akan masuk fasa kedua ke Port Dickson dan negeri lain, di daerah lain, dan dalam masa yang sama, pada penghujung tahun ini, Dato' Yang Dipertua, kita di peringkat akhir akan kita lancarkan pulak kita punya Dasar Pembangunan Luar Bandar termasuklah hubungan pengangkutan awam, Dato' Yang Dipertua. Pekan ke pekan, kampung ke kampung, sekarang kita dah peringkat akhir dah. Kita tahu dah mana kawasan yang tidak dapat dihubungi, mana tak ada kenderaan awam dan macam-macam lagi. Ini yang kita buat Dato' Dipertua, dengan tujuan untuk kita mengurangkan kos sara hidup penduduk di Negeri Sembilan.

Yang lain-lain tu, Dato' Yang Dipertua, Negeri Sembilan, kita, tahun ini kita tak naikkan cukai tanah, tak naikkan cukai pintu dan macam-macam lagi. Tarif air pun kita tak naikkan kepada pengguna biasa. Kita cuba untuk mengekang kos sara hidup Dato' Yang Dipertua, untuk kita tidak terus membebankan rakyat kerana rakyat perlu kita bela seperti mana yang kita kata, falsafah kita, memakmurkan negeri terus mensejahterakan rakyat. Terima kasih.

**Y.B. Yang Dipertua Dewan:** Ahli-ahli Yang Berhormat sekalian, sesi pertanyaan-pertanyaan yang berkehendakkan jawapan lisan telah pun tamat. Kita terus ke agenda seterusnya.

## 5.2 Pertanyaan-Pertanyaan Yang Berkehendakkan Jawapan Bertulis

**Setiausaha Dewan:** Pertanyaan-Pertanyaan Yang Berkehendakkan Jawapan Bertulis. Dipersilakan Yang Amat Berhormat ADUN Rantau.

**Y.A.B. ADUN Rantau:** Dato' Yang Dipertua saya membentangkan jawapan-jawapan bertulis yang sedia ada di hadapan semua ahli Yang Berhormat. Dato' Dipertua, terima kasih.

**Y.B. Yang Dipertua Dewan:** Ahli-ahli Yang Berhormat sekalian, jawapan-jawapan bagi Pertanyaan Bertulis adalah dibentangkan.

## 6. USUL

**Setiausaha Dewan:** Perkara keenam, Usul.

**Y.B. ADUN Seri Menanti:** Bismillahirrahmannirrahim. Assalamualaikum w.b.t. Yang Berhormat Dato' Yang Dipertua, saya bangun mengemukakan usul bahawa dengan, Dewan ini mengambil ketetapan menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13.

Dato' Yang Dipertua, kain sutera, kain sutera indah, inderagiri, kain kasa dari Deli, tuanku umpama payung negeri, sanggup bersama

mencemar duli. Keberangkatan dan kesudian Tuanku Yang di-Pertuan Besar mencemar duli memberi signifikan besar pada pentadbiran dan pengendalian urusan Kerajaan Negeri sebenarnya. Ia membuktikan bahawa keadaan tadbir urus dan perjalanan Kerajaan Negeri berjalan lancar, aman dan harmoni. Mungkin kerana saban tahun, ia berjalan seperti biasa maka mungkin membuatkan kita terlupa keadaan sama mungkin akan, akan berubah. Janganlah kita menjadi umat yang tidak tahu bersyukur lalu tidak pula kita menghayati segala pemberian tuhan kepada kita. Sebagai tanda syukur seharusnya kita semua memelihara anugerah keamanan, kemakmuran dan ikatan ukhwah antara rakyat, pemimpin dan pentadbir yang kita nikmati sekarang. Seperti yang diingatkan oleh Allah s.w.t. dalam surah Ibrahim ayat ke-7. "Bersyukurlah, nescaya akan aku tambah nikmatKu kepada mu, jika kamu mengingkari, ingatlah azab teramat pedih".

Dato' Yang Dipertua, atas rasa syukur itulah, jadi landasan perbahasan saya kali ini. Dengan iltizam mengajak semua sidang Dewan dan rakyat secara keseluruhan untuk sama-sama mendahulukan segala kepentingan negeri dan negara agar keadaan yang ada hari ini dapat dikekalkan. Malah dapat pula ditingkatkan demi anak-anak dan cucu cicit kita nanti. Sesungguhnya titah tuanku semalam membawa makna besar kepada semua. Dalam keadaan senario dunia yang menghadapi pelbagai kemelut ekonomi, politik dan sosial, tuanku secara jelas telah membayangkan betapa prihat, prihatinnya baginda akan nasib dan keadaan negeri di bawah pemerintahannya. Setiap aspek kehidupan di negeri beradat ini disentuh oleh baginda.

Tidaklah yang tertinggal dari urusan keluarga sehingga melibatkan urusan ekonomi negeri dan tadbir urus pentadbiran negeri yang efisyen berkesan dan penuh integriti, dari soal pendidikan kepada urusan politik dan jugak ekonomi. Kerana itu kita patut rasa syukur yang amat sangat kerana kerajaan mampu menarik pelaburan ke negeri ini dengan mengekalkan rekod tujuh tahun berturut-turut memperolehi pelaburan melebihi 1 bilion ringgit. Tahun lepas, Negeri Sembilan telah mencatatkan 1.917 bilion dengan berteraskan semangat kemakmuran negeri, mensejahterakan rakyat. Ia memberi satu sumbangan yang amat signifikan kepada kerancakan putaran ekonomi dan pembangunan negeri secara keseluruhan.

Ingat, ingatan baginda agar kerajaan memperbaikan sumber ekonomi turut menarik perhatian saya. Langkah proaktif Kerajaan Negeri secara jelas menggambarkan dasar pembangunan dan pelan perancangan negeri ini berada di landasan yang cukup betul. Gagasan ini jelas digambarkan dalam bajet Negeri Sembilan beberapa tahun kebelakangan ini apabila menunjukkan perubahan sumber pendapatan yang tidak lagi hanya bergantung kepada hasil cukai tanah semata-

mata serta meingkatkan jumlah sumbangan dari sektor yang berlainan seperti perkhidmatan dan juga pertanian, selain terus mengukuhkan sektor pembuatan.

Kerana itu, saya amat berharap agar perancangan di bawah Draf Rancangan Struktur Negeri Sembilan 2015 – 2045, dapat dilaksanakan dengan baik sekali. Ini akan mengubah lanskap ekonomi Negeri Sembilan secara keseluruhan dengan penekanan kepada Sembilan kawasan strategik jelas Negeri Sembilan akan tampil berwajah baru, mencakupi pelbagai bidang ekonomi termasuklah pelancongan, pertanian selain industri. Ternyata ia akan memacu pembangunan Negeri Sembilan ke peringkat yang lebih tinggi lagi.

Untuk itu, pemahaman dan pelaksanaan dasar itu adalah perkara yang amat penting. Saya mencadangkan agar langkah penerangan terhadap pelaksanaan Dasar Negeri Sembilan Moden 2015 – 2045 ini dapat dilakukan dengan lebih luas lagi. Ia akan mewujudkan kepekaan dan keprihatinan rakyat akan bentuk pembangunan yang bakal mereka lalui di masa yang akan datang. Ini juga mewujudkan penyediaan minda ataupun *mind setting* di kalangan rakyat secara keseluruhan. Kita berharap ia akan mewujudkan satu mobilisasasi sosial di kalangan rakyat sekaligus menjadi pemangkin kepada kejayaan dasar ini nanti.

Dato' Yang Dipertua, menyentuh jugak tentang TN50. Kini menjadi fenomena rakyat khususnya anak muda. Usaha kerajaan untuk mendapatkan input dari berbagai sektor dan segmen masyarakat adalah satu langkah yang cukup bijak. Perubahan amalan biasa dari ke bawah telah diubah kepada dari bawah ke atas. Dari atas ke bawah telah diubah kepada dari bawah ke atas. Saya kira Kerajaan Negeri telah merancang program sama di peringkat Negeri Sembilan. Ini bersesuaian dengan titah tuanku semalam yang mahu penglibatan rakyat yang lebih luas dalam merangka dasar. Sebagai pihak berkepentingan adalah wajar mereka turut diberikan peluang untuk melibatkan, terlibat sama dalam proses merangka dasar kita ini.

TN50 yang menekankan Dasar Transformasi Negara untuk tempoh 30 tahun selepas tahun 2020 adalah satu usaha berterusan menjadikan negara ini terus dinamik dan segar. Golongan muda harus digalakkan untuk terlibat dalam proses ini kerana mereka adalah golongan yang akan mengisi ruang pembangunan itu nanti. Saya suka menekankan aspek jati diri bangsa menjadi penekanan utama. Pengetahuan mereka terhadap sejarah pembinaan negara, sistem pentadbiran negara, falsafah dan hala tuju negara amat perlu dalam usaha membentuk warga yang patriotik dan mempunyai roh serta jiwa yang sesuai su, jiwa sebuah negara bernama Malaysia.

Anak muda negara ini harus secara bijak menjadi fabrik-fabrik baru dalam membalut minda dan pemikiran mereka. Jangan pula diabaikan asas kegunaan sehingga kerana keghairahan atas semangat mencari yang baru, maka fabrik yang rapuh dan janggal dipilih. Pemahaman prinsip keadilan misalnya atau hak asasi harus dilandaskan kepada keimanan dan ikatan adat budaya negara kita. Ini selaras dengan prinsip rukun negara yang pertama iaitu “kepercayaan kepada tuhan”.

Dato' Yang Dipertua, semangat dan sikap pendahuluan negara amat perlu ditanam dalam jiwa dan sanubari rakyat masa kini dan akan datang. Warga yang faham dan mendaulatkan sistem tadbir urus negara tidak akan bertindak songsang menghina kaum lain dengan panggilan yang tercela atau mencampuri urusan-urusan gama, agama orang lain apatah lagi ia agama yang mempunyai kedudukan istimewa dalam perlombagaan negara. Tindakan ini juga jelas berlaku yang dipengaruhi, yang dipenga, yang berlaku dipengaruhi desakan per, politik cauvinis yang melangkaui pertimbangan rasional kenegaraan.

Negara ini telah diasaskan oleh datuk moyang kita dahulu ya, dengan formula yang terbukti berkesan berdekad lamanya. Justeru kerangka fungsi dan peranan jangan sekali diubah namun fabriknya perlu dinamik sesuai dengan tuntutan masa dan zaman serta cita rasa anak muda. Manifestasi dan aspirasi mereka terhadap soal patriotik negara bangsa, jihad dan pelbagai dom, dokma dan doktrin perlu ditunjangkan asas negara yang tercinta. Kerana itu, saya mengajak rakan-rakan di sebelah sana untuk bersama-sama dengan kerajaan berganding bahu memahami aspirasi baru TN50 ini termasuklah Negeri Sembilan Moden 2015 – 2045 kemudiannya sama-sama menyumbang ke arah pembinaan. Ingatlah ini zaman kita, dan inilah era kita. Adalah menjadi tanggungjawab kita dan amanah untuk kita memberikan yang terbaik untuk negara ini.

Dato' Yang Dipertua, ingatan baginda terhadap kesan buruk media baru juga amat perlu kita semua hayati. Tidak salah saya ingin, saya, tidak salah saya ini tahun kedua baginda menyentuh secara khusus mengenai perkara ini. Ini kerana tanpa kawalan dan ilmu media baru ini, ini boleh memberikan impak buruk terhadap negara dan sangat bahaya kepada kita semua. Menurut Pengarah Institut Kajian Etnik, Universiti Kebangsaan Malaysia; Profesor Ulung Datuk Dr. Shamsul Amri Baharuddin, walaupun media baru ini telah menjadi alat yang berkesan untuk berkomi, berkongsi maklumat, media sosial juga telah disalahgunakan untuk menyebarkan fitnah dan maklumat salah. Malah, katanya lagi, pembangunan media sosial sejak kebelakangan ini telah memberikan kesan yang kurang sihat kepada perpaduan negara kita. Saya petik katanya ini, akibat perkembangan dan kemajuan media sosial di Malaysia, kita perlu sedar bahawa keselamatan negara telah

terbuka dengan berbagai ancaman, meningkatkan ketelusan transperansi dengan pemerintah dan ia juga membuka ruang kepada rakyat Malaysia membincangkan isu-isu politik sama ada yang menyokong kerajaan ataupun yang menyokong pembangkang.

Ini sebenarnya menjadikan media sosial yang turut menjadi saluran alternatif maklumat dalam mempromosikan nilai demokratik. Ramai pengguna kurang berhati-hati apabila melemparkan tuduhan. Akibatnya, apa yang boleh diperhatikan melaui perkembangan media sosial di Malaysia? Kadar celik politik masih rendah kerana perbincangan di laman sesawang hari ini hanya tertumpu pada hal-hal peribadi, fitnah antara satu pihak dan pihak yang lain serta manipulasi fakta yang betul. Ini juga menunjukkan pelayar media sosial mempunyai pengetahuan sejarah yang minima ataupun yang cetek kerana jarang kita lihat perbincangan yang agak rasional di media sosial. Kerana itu, kajian perlu dilakukan untuk mengkaji kesan buruk kepada masyarakat, agama, negara dan keseluruhan. Kebebasan dan keterlaluan boleh menyebabkan kita mendedahkan diri kita kepada bahaya yang tidak sepatutnya.

Sebagai, Dato' Yang Dipertua, sebagai Pengurus ya, Kelab Penyokong Kerajaan, saya dengan ini menyatakan sokongan kami ahli-ahli Yang Berhormat dari Barisan Nasional terhadap segala perancangan dan gerak kerja yang telah dan yang akan dilakukan oleh pihak Kerajaan Negeri Sembilan di bawah teraju ADUN Rantau, da, Yang Amat Berhormat Dato' Seri Mohamad Hasan. Hasil pentadbiran yang cekap, efisyen, kreatif dan penuh kejujuran juga berintegriti dapat dirasai oleh sekalian rakyat. Ia juga mendapat pujian dan penghargaan dari Tuanku Yang di-Pertuan Besar sendiri lantaran kejayaan Neeri Sembilan dalam pelbagai bidang dan sektor adalah kegigihan Kerajaan Negeri untuk terus memakmurkan negeri dan mensejahterakan rakyat.

Ia seharusnya, ia seharusnya bukan untuk menjadikan kita somborg dan takbur, namun kita sepatutnya menerima dengan rasa syukur. Seperti yang saya tegaskan tadi, salah satu tanda kita bersyukur ialah dengan memastikan apa yang dikurniakan dan diizinkan Allah kepada kita dijaga dan digunakan sebaik mungkin. Persis seperti ajaran Rasulullah untuk menggunakan anggota kita yang cukup sifatnya dengan baik dan jalan yang betul. Begitulah ya, dengan rezeki keamanan, dengan rezeki keamanan dan kemakmuran dan kesenangan yang dikurniakan oleh Allah ini, kita jaga dan peliharalah ia dengan sebaik mungkin. Amatlah malang jika kita terlupa dan terlalai lalu bergaduh, bergaduh ya, kepada antara kita sehingga kepada perkara-perkara kecil pun yang akibatnya turut murka Allah, maka ditarik-Nya segala nikmat ini.

Kepada tuhan kita panjatkan segala doa dan harapan agar apa yang kita rancang dan usahakan menjadi kenyataan. Moga-moga negeri kita ini terus dalam keberkatan dan rahmat Allah taala jua hendaknya. Kepada Allah kita berserah. Dato' Yang Dipertua, saya mohon mencadang. Sekian, terima kasih.

**Y.B. ADUN Johol:** Dato' Yang Pertua, Johol bangun menyokong Usul yang dicadangkan oleh Seri Menanti dan Johol juga mengucapkan jutaan kasih kepada Yang Dipertua kerana memberi izin kepada Johol untuk sama-sama membahaskan Titah Ucapan Ke Bawah Duli Yang Maha Mulia Yang di-Pertuan Besar Negeri Sembilan, yang dilafazkan kelmarin. Izinkan Johol merakamkan jutaan terima kasih, syabas dan tahniah kepada Yang Amat Berhormat ADUN Rantau yang menjadi bes, Menteri Besar Negeri Sembilan, yang telah memimpin dan memacu negeri ini, berjaya dengan cemerlangnya daripada segi ekonomi dan mensejahterakan rakyat dan memakmurkan negeri.

Sesungguhnya apa yang diperlihatkan, kita dah banyak mencapai kejayaan terutamanya Negeri Sembilan telah berjaya mengeluarkan rakyatnya daripada, terhimpit daripada kemiskinan melalui pendidikan. Oleh itu, fokus Kerajaan Negeri, kita mengucapkan syabas dan tahniah kerana bidang pendidikan dan pelajaran ini telah benar-benar menampakkan kejayaan yang cemerlang dalam apa jua peperiksaan. Dan baru-baru ini dalam keputusan SPM, kita telah mendapat keputusan nombor 2 di peringkat negara dan PT3 nombor 3 di peringkat negara. Kalau dibandingkan, bolehlah kita katakan Negeri Sembilan sebenarnya mendapat tempat pertama di seluruh negara kerana negeri yang pertama mendapat tempat pertama adalah Wilayah Persekutuan yang mana kita ketahui sekolah-sekolah dalam Wilayah Persekutuan ini adalah sekolah-sekolah yang dijaga rapi ataupun mempunyai kemudahan-kemudahan yang jauh lebih tinggi jika dibandingkan dengan di Negeri Sembilan ini.

Johol juga ingin mengucapkan jutaan terima kasih kepada para pendidik, guru-guru yang telah berkorban masa untuk mendidik anak-anak di negeri ini supaya mencapai keputusan yang cemerlang. Tetapi dalam soal itu, ingin juga kita menginsafi diri bahawa tidak kesemua, tidak kesemua anak-anak kita dan juga sekolah-sekolah kita yang berpeluang untuk mencapai keputusan cemerlang kerana kedudukan sekolah-sekolah ini terutamanya di sekolah-sekolah luar bandar yang kebanyakannya adalah terdiri daripada sekolah-sekolah yang kekurangan murid. Jadi dalam soal ini, keseimbangan untuk membangunkan ataupun memperkasakan sekolah-sekolah di antara sekolah bandar dan sekolah-sekolah luar bandar ini mestilah seimbang

supaya tidak terdapat ruang perbezaan yang terlalu tinggi antara bandar dan luar bandar.

Saya mengambil contoh, Johol mengambil contoh, umpamanya kalau kita ke Johol, terdapat tiga buah sekolah menengah iaitu Sekolah DUAM, Sekolah Sains Selaru dan Sekolah Menengah Kebangsaan Dangi. Kita amat berbangga kepada Sekolah Sains Selaru yang di, mendapat perhatian penuh oleh sama ada Kerajaan Negeri ataupun Kerajaan Persekutuan. Begitu juga dengan Sekolah DUAM dan, tetapi yang amat menyedihkan ialah Sekolah Menengah Kebangsaan Dangi. Misalnya, murid-muridnya atau penuntutnya saban tahun makin berkurangan dan ada khabarnya sekolah ini akan diperkasakan, tetapi bila? Sebelum sekolah ini diperkasakan, marilah kita menjenguk sekolah ini akan apa yang kurang sama ada tentang gurunya ataupun persekitarannya.

Saya mendengar khabar, Johol mendengar khabar bahawa pada hujung bulan ini akan turun Yang Berhormat Menteri untuk datang ke Kuala Pilah. Besarlah harapan Johol untuk Jabatan Pendidikan Negeri atau PPD Daerah membawa Yang Berhormat Menteri ini untuk menjenguk-jenguk, menendai-nendai ke Sekolah Menengah Kebangsaan Dangi ini. Bak kata orang, kalau gajah lalu pastinya ranting yang patah, kalau tidak pun belukar yang berkuak boleh dijadikan alur untuk menjadi aluan. Jadi, Johol berharap sangatlah dibawa Menteri ini datang melawat Sekolah Menengah Kebangsaan Dangi ini supaya melihat keadaan persekitarannya supaya walaupun mungkin sekolah ini mendapat keputusan yang tidak cemerlang, tetapi daripada segi untuk, keadaan sekelilingnya untuk belajar kita jadikan sekolah ini sebagai sebuah sekolah yang dinamakan Sekolah Shangrila di mana keindahannya terserlah supaya boleh memanggil walaupun tidak daripada segi keputusan peperiksaannya, keadaan sekolah itu memanggil penuntut-penuntut atau pelajar-pelajar di sekelilingnya untuk bersekolah di situ. Kita lihatlah bagaimana jalan nak untuk ke sekolah ini. Kita lihatlah bagaimana pendawaian letriknya, kita tengoklah keadaan padangnya, kita tengoklah keadaan *structure* bangunannya. Mungkin, mungkin dengan memperkasakan sekolah ini, sekolah ini akan mencapai kecemerlangan sebagaimana juga sekolah-sekolah di bandar-bandar dan sekolah-sekolah yang telah mencapai kecemerlangan.

Kita sekarang ini amat bertuah kerana kebanyakan sekolah-sekolah ugama telah mencapai kecemerlangan yang amat sangat sehingga untuk memasuki sekolah-sekolah agama kerajaan ini terpaksa dibuat pilihan hanya penuntut-penuntut atau pelajar-pelajar yang cemerlang sahaja yang mampu atau boleh diterima untuk masuk ke sekolah-sekolah agama ini. Alhamdulillah kita bakal akan melahirkan para-para profesional bukan saja mampu dalam bidang masing-masing, tetapi di

dadanya tersimpan jati diri dengan kekuatan agamanya untuk mentadbir negara ini.

Dan kita juga berharap di Johol juga ada sebuah sekolah, sekolah menengah agama mampulah, marilah kita perkasakan sekolah ini. Dan sekolah ini yang asalnya sekolah swasta, sekolah yang dibina oleh orang perseorangan, tapi sehingga kini sekolah ini telah mencapai beberapa kejayaan dan menunjukkan kecemerlangan dalam peperiksaan PT3-nya. Jadi, sama-sama, sama-sama kita membantu membangunkan sekolah ini untuk mencapai kecemerlangan dan menambah pelajar-pelajarnya dalam sekolah ini.

Dan kita juga berharap iaitu keseimbangan, keseimbangan antara sekolah luar bandar dan penempatan sekolah-sekolah atau pusat-pusat pengajian tinggi yang ada di bandar-bandar ini diseimbangkan ke luar bandar. Apalah salahnya dilencongkan misalnya politeknik ataupun sekolah-sekolah berasrama penuh ke luar bandar terutamanya di Johol. Sekurang-kurangnya boleh menambah penduduk Johol ataupun mempopularkan Johol dengan bidang keilmuannya, bukanlah sekadar dengan apam Johol sahaja. Oleh itu, Johol amat berharap dan juga kami di luar bandar ini amat berharap supaya sekolah-sekolah di luar bandar ini diperkasakan sama dengan sekolah-sekolah yang ada di luar bandar supaya kecemerlangan peperiksaan ini dapat dirasai, dapat dinikmati oleh anak-anak di luar bandar. Itu salah satu yang Johol cadangkan dalam membahaskan titah ucapan Ke Bawah Duli Yang Maha Mulia Yang di-Pertuan Besar ini.

Dan lagi, Johol juga mencadangkan supaya kita melambangkan yang sebenarnya, melambangkan sebenarnya terutamanya daripada segi pelancongan. Maka apakah sebenarnya nak kita lambangkan kepada tanah yang beradat ini? Mestilah ada satu kerangkanya yang boleh melambangkan Negeri Sembilan ini tanah beradat. Kalau Melaka boleh, boleh menonjolkan Kota Famosa-nya, kalau Kelantan boleh memprojekkan layang-layangnya, kalau Terengganu boleh men, mempopularkan gasingnya, tetapi apakah yang nak dilambangkan oleh tanah beradat ini. Inilah kita perlukan satu kerangka dalam pelancongan, sektor pelancongan Negeri Sembilan ini. Ini satu kerja yang perlu kita buat kalau benar-benar kita ingin menjual atau mempromosikan pelancongan Negeri Sembilan ini. Kalau tidak, orang Kuala Lumpur akan terus ke Melaka, maka tidak ada yang singgah ke Seri Menanti ataupun Johol ataupun Jempol.

Sewajarnyalah, sewajarnyalah misalnya lagu-lagu di Negeri Sembilan ini digubah kalau tidak ada lagu-lagu Negeri Sembilan ini, diadakan pertandingan-pertandingan mengadakan apakah yang dinamakan lagu anak Negeri Sembilan yang berteraskan kepada anak Negeri Sembilan,

bukan anak Minang. Perlu dinyatakan di sini bahawa lagu-lagu di Negeri Sembilan ini adalah berteraskan kepada pukulan buluh dan juga pukulan kayu dan juga tiupan serunai. Maka lagu-lagu yang nak diketengahkan dalam membudayakan ataupun kita melambangkan lagu apa yang akan kita ketengah mestilah diasaskan kepada lagu ini. Maka tidaklah satu hari nanti apabila orang menyebut tentang apakah Negeri Sembilan, budayanya kita bukannya budaya Randai ataupun kita menari terkengkek-kengkek. Kita mestilah ada budaya sendiri yang boleh diketengahkan. Ini adalah tanggungjawab kita bersama di dalam Dewan ini untuk memikirkan sudah terlalu lama kita tertinggal dalam perkara ini.

Dan seterusnya, saya ingin, Johol ingin menyatakan bahawa, bahawa kita perlulah bekerjasama, janganlah kita mendendangkan luka lama sebagaimana yang dititahkan oleh Ke Bawah Duli Yang Maha Mulia Yang di-Pertuan Besar Negeri Sembilan kelmarin. Kita yakinkan kepada anak-anak muda kita apakah masa depan mereka yang akan datang. Bukan kita melaung-laungkan apakah kejayaan yang kita telah capai, tetapi kita menampakkan kepada mereka apa yang akan mereka dapat. Inilah, inilah yang seharusnya dan sewajarnya kita memikirkan cara mana kita nak mempromosikan TN50 yang diwarkan-warkan oleh Yang Amat Berhormat Perdana Menteri kita. Seharusnyalah, seharusnyalah dalam kita untuk mendapatkan maklumat-maklumat daripada bawah ini, kita bergerak daripada sekarang untuk mendapatkan pendapat-pendapat anak muda ini daripada DUN ke DUN ataupun daripada kampung ke kampung. Suara-suara mereka ini kita angkat ke atas untuk kita jadikan, kita dokumentkan dan kita dengar apa permasalahan mereka. Inilah yang seharusnya kita bermula kerana TN50 ini telah pun dilancarkan agak lama juga tetapi caranya, caranya kita menerima keadaan ini agak terlewat, agak lambat. Oleh itu, adalah baiknya kita bermula daripada sekarang untuk menentukan bagaimana kita mengolah, mengolah cadangan dan sebagainya TN50 ini.

Dan kepada ahli-ahli Yang Berhormat, dan juga kepada ketua-ketua jabatan yang ada dalam Dewan ini, marilah kita sama-sama membangunkan Negeri Sembilan ini. Janganlah hendaknya kita, janganlah hendaknya kita minum bercawan-cawan di kedai kopi, jari jemari sibuk dengan FB, mengaku kita pakar ekonomi. Janganlah hendaknya kita, janganlah hendaknya kita alif besar tiangpun kita terlanggar, tetapi kita berlagak sebagai pakar fatwa. Marilah kita sama-sama, marilah kita sama-sama menjayakan apa yang diwarkan-warkan, apa yang dikehendaki oleh Yang Amat Berhormat Menteri Besar Negeri Sembilan kita demi untuk memakmurkan negeri kita ini, mensejahterakan rakyat ini. Assalamualaikum w.b.t., Johol menyokong.

**Y.B. Yang Dipertua Dewan:** Ahli-ahli Yang Berhormat sekalian, usul ini sudah dicadang dan disokong. Sekarang saya kemukakan untuk dibahaskan. Silakan.

**Y.B. ADUN Chennah:** Terima kasih Dato' Yang Dipertua, kerana mengizinkan saya untuk memulakan perbahasan untuk usul menjunjung kasih ucapan tuanku. Terlebih dahulu saya ingin menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan di atas titah ucapan tuanku pada semalam. Dan ucapan tuanku semalam ada banyak saranan dan nasihat yang amat baik sekali. Dan saya amat tertarik dengan nasihat tuanku bahawa peranan Ahli Dewan Undangan Negeri ialah untuk menyemak, menegur, menasihat dan mengupas secara berhemah dan rasional atas isu-isu yang melibatkan agenda rakyat dan negeri kita ini. Kita sebagai Ahli Dewan Undangan Negeri, walaupun kita daripada pembangkang, kita sentiasa berhujah memainkan peranan kita secara jujur dan konstruktif untuk kebaikan dan kesejahteraan semua. Dan nasihat tuanku sudah tentulah kita akan sentiasa menjunjung.

Dan beberapa konsep yang telah diketengahkan dan disarankan oleh tuanku amatlah bertepatan sekali. Salah satu konsep yang menarik perhatian saya ialah berkenaan dengan pembangunan saksama ataupun *equal development*. Konsep ini amatlah tepat sekali. Sebagai Ahli Dewan Undangan Negeri yang mewakili kawasan luar bandar, Ahli Parlimen yang mewakili pusat bandar dan separa bandar, saya adalah orang pertama yang akan menyokong konsep ini iaitu *equal development* di antara bandar dan luar bandar kerana konsep pembangunan ini tidak bolehlah terhad kepada pembangunan di bandar sahaja.

Kalau kita melihat dalam konteks Negeri Sembilan ini, pembangunan di bandar khususnya di Daerah Seremban, dengan adanya projek-projek infrastruktur yang besar, umpamanya projek *highspeed rail* yang akan dibangunkan, sudah tentunya ini akan, pembangunan berteraskan *transit oriented development* sudah tentunya akan membawa banyak pelabur-pelabur dan pemaju-pemaju besar ke kawasan tersebut. Dan di kawasan bandar sudah tentunya ada banyak pelaburan daripada pihak swasta, pelabur-pelabur besar, pemaju-pemaju besar seperti IJM, Sime Darby dan sebagainya. Sudah tentunya akan melabur di sana kerana ini akan memberikan pulangan kepada pelaburan mereka. Dan ini akan memberikan kemudahan prasarana yang baik kepada rakyat di kawasan bandar.

Tetapi di kawasan luar bandar, ini memerlukan suntikan pembangunan kerana pembangunan di kawasan luar bandar ini sudah tentunya tidak

memberikan pulangan ekonomi yang baik seperti di kawasan bandar. Tetapi pembangunan ini lebih merupakan satu pembangunan sosial yang penting kepada penduduk-penduduk di luar bandar. Dan saya melihat bahawa konsep pembangunan yang agropolis ini perlu menerapkan konsep-konsep ataupun elemen-elemen perbandaran ke sesuatu penempatan desa memanglah besar sekali. Tetapi dalam konteks di Negeri Sembilan, kita telah mendengar bahawa ada Dasar Pembangunan Luar Bandar tetapi bagi saya kenyataan dasar sahaja tidak mencukupi. Ia perlulah disusuli dengan pelan-pelan tindakan yang komprehensif, pelan-pelan tindakan yang objektif dan perlulah diterjemahkan kepada tindakan di peringkat daerah.

Dan saya harap selain daripada pelan-pelan tindakan ini, KPI-KPI juga akan digariskan supaya sentiasa, semua pihak termasuklah ahli Dewan tahu bahawa apakah yang perlu kita laksanakan, apa perlu yang kita semak, apa yang perlu kita capai dalam tempoh-tempoh yang tertentu. Dan dalam perkara ini, saya ha, saya ingin mengatakan bahawa perlu ada perubahan daripada sikap, dalam sikap tindakan ataupun kerja di peringkat daerah khususnya di peringkat Majlis Daerah Jelebu. Elemen-elemen perbandaran penting tetapi itu perlu ditakrifkan apakah elemen-elemen tersebut di kawasan DUN Chennah, kawasan-kawasan penempatan desa seperti Titi, Simpang Durian, Petaling dan sebagainya. Itu perlu diserapkan dengan elemen-elemen perbandaran.

Tetapi bagi saya perkara-perkara asas perbandaran perlu ada dan perlu dilakukan dengan baik. Yang pertamanya, lampu-lampu jalan Pekan Simpang Durian, pernah saya bangkitkan dalam Dewan yang mulia, tak sepatutnya isu seperti ini dibangkitkan. Lampu jalan ada, batang lampu ada, tetapi lampu tak menyala, dah bertahun-tahun tidak menyala, tidak dilaksanakan, tidak diperbaiki, jalan-jalan yang perlu diturap. Dan dalam perkara ini saya melihat bahawa kalau kita berbicara berkenaan dengan pembangunan saksama, *equal development*, peruntukan kepada penyelenggaraan jalan juga perlulah disalurkan secara saksama, secara adil kepada semua tempat, kepada semua daerah.

Saya merujuk kepada satu jawapan bertulis daripada pihak Kerajaan Negeri kepada ADUN Rahang, pagi tadi, soalan nombor 2 ADUN Rahang, berkenaan dengan penyelenggaraan jalan dan peruntukan daripada MARRIS untuk menyelenggara jalan di daerah-daerah. Saya melihat bahawa Daerah Seremban, pusat bandar kita, Daerah Seremban kita, amat padat penduduk hanya dapat 20 juta. Jelebu lebih sedikit 7 juta saja, tetapi yang paling banyak di Daerah Rembau 39 juta. Daerah Rembau satu daerah saja dapat 39 juta, padahal di Jelebu hanya dapat 7 juta. Jempol lagi teruk, Jempol hanya dapat 3.8 juta.

Jadi saya melihat bahawa ini peruntukan tidak, tidak sama rata, tidak saksama. Kita tahu lah di Daerah Rembau ini ada kuasa politik yang besar, Menteri Besar ada di Rembau, Menteri Kabinet ada di Rembau. Tetapi peranan Kerajaan Negeri dan tanggungjawab Kerajaan Negeri perlulah kita menyalurkan peruntukan-peruntukan ini secara saksama. Saya ha, tengok Palong pun senyum. Saya ingat Palong pun setuju dengan saya bahawa sepatutnya pembangunan-pembangunan ini, peruntukan-peruntukan ini perlulah disalurkan secara saksama. Walaupun Rembau kita tahu ada Menteri Besar di sana, tetapi bukan saja Rembau, saya tidak menafikan pembangunan untuk Rembau ataupun peruntukan untuk mana-mana satu daerah, tetapi biarlah peruntukan itu secara saksama, diagihkan dengan adil kepada semua daerah, kepada semua kawasan. Dan kawasan-kawasan seperti di Jelebu, amatlah memerlukan suntikan pembangunan, suntikan peruntukan yang lebih banyak untuk membangunkan kawasan-kawasan tersebut kerana itu kawasan-kawasan yang memerlukan suntikan modal.

Dan untuk Daerah Jelebu, kalau kita nak membangunkan ataupun menerapkan elemen-elemen perbandaran ke dalam kawasan Jelebu khususnya di DUN Chennah. Satu projek ataupun satu perkara yang amat penting yang saya katakan yang perlu dilaksanakan oleh pihak Kerajaan Negeri ataupun mendesak Kerajaan Persekutuan untuk memberikan dana untuk melaksanakan projek tersebut ialah menaiktarafkan jalan daripada Kuala Klawang ke Hulu Langat. Kerana yang penting ialah kita kena apa ni, mengakseskan Daerah Jelebu ini ke Lembah Kelang. Kalau kita dapat memudahkan dan memendekkan perjalanan daripada Lembah Kelang ke Daerah Jelebu, sudah tentunya ini akan membantu pembangunan di Daerah Jelebu. Kerana daripada Hulu Kelang, daripada Lembah Kelang nak masuk ke Daerah Jelebu, ia mesti melalui DUN Chennah, melalui Kampung Chennah, lepas tu di, sampai di Titi, baru sampai ke Kuala Klawang. Kalau projek ini dapat dilaksanakan, dan kita dapat menaik taraf menjadikan jalan tersebut satu jalan yang elok, satu jalan yang mudah dan satu jalan yang selamat, ia sudah tentu akan memudahkan perjalanan dari Lembah Kelang dan memudahkan mereka-mereka yang bekerja di Kuala Lumpur, di Lembah Kelang untuk menetap di Jelebu. Dan ini akan bukan saja akan dapat membantu DUN Chennah, tetapi juga membantu pembangunan di seluruh Daerah Jelebu secara khususnya.

Perkara yang kedua berkenaan dengan *equal development* ataupun pembangunan saksama. Saya bersetuju bahawa konsep Sekolah Magnet ataupun kita membangunkan satu dua buah sekolah menjadi Sekolah Magnet sebagai model sekolah di, di daerah-daerah. Tetapi saya rasa kalau kita hanya bertumpu ataupun menumpukan perhatian kepada satu dua buah sekolah saja, ini merupakan lebih kepada

pembangunan elektif. Saya bersetuju dengan apa yang dikatakan oleh ADUN Johol tadi, kita perlu melihat kepada sekolah-sekolah lain. Dan saya harap dalam perkara ini, setiap daerah kita perlu mensasarkan dan memastikan bahawa di setiap daerah ada sekolah-sekolah menengah yang ada kemudahan asrama penuh. Supaya memastikan bahawa ada kesinambungan kerana apa yang kita bimbang, ialah anak-anak di luar bandar, apabila mereka habis saja sekolah rendah, kalau tak ada kemampuan di peringkat keluarga mereka, mereka tak menghantar anak-anak mereka ke sekolah menengah. Dan *dropout* ataupun kadar *dropout* amatlah tinggi di peringkat sekolah menengah. Dan saya harap perlu ada usaha untuk memastikan kemudahan sekolah asrama penuh dipastikan diadakan di setiap daerah.

Dan perkara yang kedua dalam, ini boleh laksanakan ialah memastikan bahawa ada kemudahan pengangkutan untuk anak-anak luar bandar ke sekolah mereka, khususnya ke sekolah menengah. Umpamanya di, di Daerah Jelebu, anak-anak di Kampung Chennah nak ke sekolah menengah di Kuala Klawang, 23 kilo, 30 kilometer. Kalau tak ada kemampuan dari segi pengangkutan, ini amat menyusahkan keluarga mereka dan jugak anak-anak untuk bersekolah. Kita harap kepada pengangkutan awam, kadang-kadang pengangkutan awam ini tidak boleh diharap, *hopeless*. Kita berharap kepada CityLiner untuk memberikan kemudahan bas-bas pengangkutan awam kepada rakyat, tetapi banyak kali dah, kita dah katakan kemudahan itu tak boleh diharapkan kerana kadang-kadang walaupun ada kemudahan tersebut, dia tidak berkala. Pemandu kadang-kadang tidak menjalankan tanggungjawab mereka dengan berkesan atau pun mengikut masa mereka.

Jadi saya ingin mencadangkan bahawa kita ada membincangkan bahawa kita ada banyak lebih, kita ada rizab dan sebagainya. Apa salahnya kita menggunakan rizab ini untuk melabur dalam perkara ini dan memberikan kemudahan bas secara percuma. Tak payahlah bas yang besar-besar, bas mini pun mencukupi. Kita *identified* ataupun kita mengenal pasti mana kawasan-kawasan yang memerlukan, ada anak-anak sekolah di kawasan luar bandar, di ka, di kampung yang memerlukan kemudahan pengangkutan untuk mereka ke sekolah. Kalau tak ada pengangkutan itu, mereka tak boleh ke sekolah. Kita kenal pastikan itu. Dan kenal pastikan berapa keperluannya, berapa sekolah, pelajar yang memerlukan tersebut dan di mana kawasan mereka.

Dan kita mungkin boleh laksanakan di peringkat Majlis Daerah. Kerajaan Negeri melabur dengan membeli bas kepada Pihak Berkuasa Tempatan. Dan Pihak Berkuasa Tempatan melaksanakan tugas itu untuk mengangkut anak-anak daripada kampung, kawasan luar bandar

untuk pastikan mereka ada akses ke sekolah mereka setiap hari. Itu satu perkara yang saya rasa pelaburan yang amat penting yang saya rasakan sebagai tanggungjawab sosial. Dan perkara ini bukannya perkara baru. Di Selangor saya lihat ada PBT-PBT yang telah memulakan perkhidmatan ini, melaksanakan bas percuma kepada rakyat di kawasan-kawasan yang tidak dikawal, ataupun dilalui oleh bas-bas pengangkutan awam.

Jadi perkara-perkara ini saya harap pihak Kerajaan Negeri dapat ki, mengambil perhatian memastikan bahawa pembangunan saksama ini bukan secara se, bukan, bukanlah hanya sekadar retorik tetapi perlu diterjemahkan dalam tindakan-tindakan supaya kita benar-benar dapat melihat tempias daripada pembangunan saksama ini di semua kawasan dan dinikmati oleh semua rakyat di semua kawasan di seluruh Negeri Sembilan.

Dato' Yang Dipertua, isu yang kedua yang saya nak bawa ialah berkenaan dengan sektor perkhidmatan. Dalam titah ucapan tuanku, tuanku ada mengatakan bahawa sektor perkhidmatan merupakan penyumbang utama KDNK di Negeri Sembilan sekarang. Kita melihat bahawa sektor perkhidmatan ini menyumbangkan 43% kepada KDNK kita pada tahun 2015. Dan sektor perkhidmatan ini memang kita dah bincang beberapa tahun ini, memang satu perkhidmatan, satu sektor yang penting. Dan kita mahulah perhatian diberikan supaya kita melatih lebih ramai orang berkecimpung dalam sektor ini.

Dan salah satu sektor yang amat penting yang memberikan pulangan yang besar kepada ekonomi negara dan negeri kita ialah sektor pelancongan. Pada minggu lepas, di Dewan Rakyat, telah diluluskan satu rang undang-undang baru iaitu meluluskan cukai pelancongan. Untuk makluman Dato' Dipertua, saya juga ada membahaskan rang undang-undang tersebut, pada pukul 2:00 pagi. 2:00 pagi membahaskan rang undang-undang itu. Dan cukai pelancongan ini yang bakal dilaksanakan, setahu saya pada bulan Julai nanti, akan dikutip cukai pelancongan ini daripada penginap-penginap hotel. Walaupun namanya cukai pelancongan, tetapi cukai itu bukan hanya dikutip daripada pelancong tetapi kepada semua orang yang menginap di hotel. Sama ada mereka pelancong antarabangsa ataupun pelancong domestik, mana-mana mereka pergi, mereka pergi mesyuarat ataupun pergi apa-apa konvensyen, kalau duduk hotel saja ada cukai ini. Kadarnya di antara 2.50 sen cukai, untuk hotel-hotel bajet ke 20.00 ringgit hotel, di hotel 5 bintang. Hotel 5 bintang 20.00 ringgit, hotel 4 bintang 10.00 ringgit. Dan dianggarkan bahawa satu tahun, jumlah kutipan cukai pelancongan ini akan mencecah 650 juta ringgit secara minimanya. Kalau itu pun anggaran 60% *occupancy rate* di hotel-hotel dapat 650 juta. Tetapi segala hasil cukai pelancongan ini akan

dimasukkan ke dalam Akaun Hasil Disatukan Kerajaan Persekutuan. Ini merupakan satu cukai persekutuan.

Dalam perbahasan saya di Parlimen, saya juga menyeru bahawa daripada kutipan cukai ini, sebahagian sumbangan perlu disumbangkan kepada, disalurkan kembali kepada negeri-negeri yang mengutip cukai tersebut. Umpamanya di Negeri Sembilan, kita ada banyak hotel-hotel di Port Dickson yang sudah tentunya akan membantu untuk menyumbangkan cukai pelancongan ini kepada Kerajaan Persekutuan. Tetapi apa yang kita ketahui bahawa tidak ada satu mekanisma untuk memastikan pulangan cukai itu kepada negeri.

Walaupun Menteri Pelancongan mengatakan bahawa tujuan cukai ini dan segala hasil daripada cukai ini akan digunakan untuk sektor pelancongan sahaja, iaitu yang pertamanya tujuannya mempromosikan pelancongan. Dan keduanya ialah untuk menyelenggaran kemudahan-kemudahan di kawasan-kawasan ataupun destinasi-destinasi pelancongan. Tetapi saya menyeru kepada pihak Kerajaan Negeri khususnya Yang Amat Berhormat Menteri Besar supaya membangkitkan perkara ini dalam Mesyuarat Majlis Kewangan Negara. Supaya kita melihat bagaimana ada satu mekanisma untuk memastikan apa yang dikutip dari negeri kita ini dapat disalurkan kepada negeri kita.

Saya mencadangkan bahawa perlu ada satu *percentage*, katakan 30% apa yang dikutip daripada Negeri Sembilan, kembalikan kepada Negeri Sembilan untuk tujuan pelancongan. Kita boleh tubuhkan satu akaun khas untuk menyelenggara tempat-tempat pelancongan. Dan saya yakin bahawa kita memerlukan dana yang besar untuk membangunkan sektor pelancongan. Bukan sahaja dari segi promosi tetapi dari segi penyelenggaraan kemudahan-kemudahan pelancongan di banyak kawasan-kawasan destinasi pelancongan.

Dan saya lihat bahawa bajet Kerajaan Negeri untuk pelancongan amatlah minimum. Kita tahu bahawa bajet kita,kekangan bajet kita amatlah besar kerana kita punya bajet tak besar. Dan kita bagi kepada sektor pelancongan, kalau tak silap saya hanya 1 hingga 2 juta setiap tahun. Jadi kalau kita ada dana ini, ini dapat memudahkan Kerajaan Negeri untuk menyelenggara dan membangunkan produk-produk pelancongan. Bukan saja kita bergantung dengan Kerajaan Persekutuan, kepada kementerian tetapi kita sendiri di peringkat negeri, kita boleh melaksanakan agenda pembangunan pelancongan kita. Dan saya harap ini kita dapat sama-sama dan saya memberikan sokongan kepada Kerajaan Negeri untuk kita memperjuangkan supaya hak negeri itu dapat dijaga, dan dapat dipelihara. Dan apa yang dikutip

daripada negeri kita itu perlulah dikembalikan untuk kita melakukan ataupun melaksanakan pembangunan agenda kita.

Perkara yang ketiga, Dato' Yang Dipertua, baru-baru ini kita tahu bahawa isu penderaan seksual terhadap kanak-kanak mendapat perhatian umum. Dan pada minggu lepas juga, di Parlimen, Rang Undang-Undang Kesalahan Seksual Terhadap Kanak-Kanak telah pun diluluskan. Dan rang undang-undang ini mendapat sokongan daripada semua pihak. Dalam perkara ini tak ada politik. Perkara ini merupakan satu agenda nasional, satu agenda bersama. Baik daripada kerajaan ataupun pembangkang, kita semua menyokong bahawa perlu ada satu rang undang-undang yang ketat, satu undang-undang yang ketat untuk kita memastikan kanak-kanak kita selamat, anak-anak kita selamat, tidak didera, tidak dikenai atau tidak ada apa ni, *sexual abuse* kepada mereka.

Tetapi kita amat, amat kesal sekali ada kenyataan daripada seorang Parlimen mengatakan bahawa perkahwinan itu boleh menyelesaikan isu merogol. Kita tidak bersetuju sama sekali. Mana-mana kanak-kanak yang dirogol yang di, ada *sexual abuse* itu adalah satu kesalahan jenayah yang perlu dihadapkan ke mahkamah. Tidak ada sebarang penyelesaian kepada kesalahan itu. Dan perkahwinan sudah tentunya bukan satu penyelesaian dan menyelesaikan, dan membebaskan perogol itu daripada kesalahan mereka. Dan kita di sini amat tidak bersetuju dan kita langsung tidak bersetuju bahawa perkahwinan kanak-kanak itu merupakan satu penyelesaian terhadap kes-kes rogol.

Dalam perkara ini kita tak tahu bahawa untuk anak-anak ataupun kanak-kanak yang beragama Islam, kalau mana-mana kanak-kanak yang di bawah 18 tahun yang nak memohon untuk berkahwin perlu melalui proses di Mahkamah Syariah. Tetapi untuk kanak-kanak di bawah 18 tahun yang beragama bukan Islam, kuasa untuk berkahwin hanya terletak di seorang, di setiap negeri iaitu Menteri Besar ataupun Ketua Menteri di setiap negeri. Dan dalam perkara ini saya ingin menyarankan dan saya berharap Yang Amat Berhormat Menteri Besar, saya tahu bahawa ada, ada kes-kes perkahwinan di bawah umur 18 tahun, pernah saya rasa ada satu soalan ditanya, dan ada angka-angka diberikan, saya tak ingat angka itu, tetapi setiap tahun pun ada kes-kes macam itu.

Dan saya harap dalam kes-kes di mana ada permohonan perkahwinan di bawah umur 18 tahun yang dikemukakan kepada Pejabat Menteri Besar, Yang Amat Berhormat dapat menyiasat setiap kes itu. Dan kalau kes-kes perkahwinan itu yang melibatkan kes-kes rogol, saya berharap dan saya menyeru kepada pihak Yang Amat, Yang Amat Berhormat supaya tidak ada kompromi. Supaya tidak ada sebarang

kelulusan diberikan kalau kes-kes perkahwinan itu melibatkan kes-kes rogol. Itu perlu diselesaikan melalui mahkamah. Itu perlu di, di, diselesaikan sebagai satu kes jenayah. Dan saya harap ini dapat, dapat diberikan perhatian oleh pihak Yang Amat Berhormat. Dan kuasa Menteri Besar untuk meluluskan itu perlulah digunakan dengan sebaik-baiknya bukannya kita tahu bahawa ada kes-kes terpencil, ada kes-kes yang mereka mungkin faktor keluarga dan sebagainya mungkin, mereka mungkin perlu berkahwin di bawah umur, tetapi untuk kes-kes yang melibatkan kes jenayah, saya harap tidak ada sebarang kelulusan diberikan kepada mana-mana pemohon.

Jadi Dato' Yang Dipertua, itu adalah tiga perkara yang saya ingin, tiga perkara yang saya bangkitkan tadi. Saya harap cadangan-cadangan dan apa yang kita bahaskan tadi dapat diberikan perhatian oleh pihak Kerajaan Negeri dan saya mengucapkan terima kasih kepada Dato' Dipertua, terima kasih.

**Y.B. Yang Dipertua Dewan:** Silakan ADUN Palong.

**Y.B. ADUN Palong:** Terima kasih Dato' Yang Dipertua. Saya ingin mengambil bahagian untuk membahaskan usul menjunjung kasih terhadap titah ucapan Ke Bawah Duli Yang Maha Yang di-Pertuan Besar Negeri Sembilan sewaktu merasmikan persidangan Dewan kita semalam.

Dato' Yang Dipertua, di antara penekanan utama dalam pendahuluan ucapan dan titah tuanku ialah, baginda mengingatkan kepada semua rakyat jelata termasuk kita Ahli-Ahli Dewan Undangan Negeri Sembilan tentang bidang tugas baginda selaku payung kepada Kerajaan Negeri Sembilan. Memang benarlah, bahawa kita ini dinaungi oleh Raja-Raja Melayu yang telah pun memahat sejarahnya yang sangat panjang. Ianya dapat kita lihat apabila tahun 1957, Tanah Melayu mencapai kemerdekaan. Kemudian, kejayaan kita meletakkan Fasal 3(1) iaitu Islam adalah agama Persekutuan. Dan apabila Raja-Raja Melayu ingin mengangkat sumpah, wabillahi watallahi, wabillahi, wallahi wabillahi watallahi, untuk menjadi Yang Dipertuan Agong, maka janji baginda, ialah untuk menjaga agama Islam. Ini menunjukkan bahawa negara kita adalah merupakan sebuah negara Islam dan dalam sejarah yang panjang.

Walaupun negara kita pernah dijajah oleh beberapa penjajah asing termasuk Portugis, Belanda dan juga British, tetapi kekuatan Raja-Raja Melayu mempertahankan untuk menjaga agama Islam adalah usaha yang sangat terpuji. Oleh yang demikian, bersama-sama Ke Bawah Duli

Yang Maha Mulia Tuanku, Palong menyokong usaha Parlimen kita untuk menggubal dan meluluskan Rang Undang-Undang 355 untuk memartabatkan Islam sebagai agama kepada Persekutuan.

Dato' Yang Dipertua, ada dua perkara penting yang mesti kita lihat secara mendalam iaitu pertama untuk mengangkat martabat dan maruah Islam. Ada orang menyindir tentang agama kita. Dia kata, PERHILITAN berjaya membawak undang-undang dalam negara kita, siapa yang menangkap burung merbuk secara haram dendanya 50 ribu. Tetapi yang tidak menjaga burungnya, cuma dendanya 5,000.00 sahaja. Maknanya maruah burung merbuk lagi tinggi daripada maruah kita.

Dato' Yang Dipertua, tahun '65, kita mula-mula, mula dapat melihat undang-undang ini menjadi undang-undang di dalam Parlimen. Waktu kita bersekolah tahun 60an, kita mendapat belanja 10 sen. 10 sen, kita dapat beli nasi lemak sepinggan, dan satu gelas air sirap. Kemudian kita dapat melihat perubahan ini sekarang ini apabila anak dan cucu kita ke sekolah, mereka tidak dapat lagi untuk membeli nasi lemak ini 10 sen. Mereka terpaksa menggunakan duit 1.00 ringgit dan air sirapnya 50 sen. Inilah nilai yang perlu dirubah daripada mula-mula undang-undang ini dipahat dalam perlumbagaan negara kita menjadi undang-undang tahun 65, dirubah mengikut nilai semasa.

Dato' Yang Dipertua, dalam titah baginda, di penghujung titahnya, mengingatkan pula kita ahli-ahli Dewan tentang bidang tugas Ahli Dewan Undangan Negeri Sembilan. Di antara ingatan yang dibawak oleh tuanku ialah supaya ahli-ahli Dewan memberikan fokus tentang membentuk perpaduan yang cukup utuh agar lahir keharmonian hidup kepada seluruh rakyat Negeri Sembilan.

Saya amat tertarik hati tentang kejayaan kerajaan dan Jabatan Agama Islam meletakkan satu ayat yang sangat penting. Kalau kita bersembahyang Jumaat di Rembau, ayat ini akan dibaca. Kalau bersembahyang Jumaat di Jempol, ayat yang sama juga dibaca oleh Khatib kita. Kalau bersembahyang di mana-mana di Negeri Sembilan, ayat surah al-Imran ayat 103 [bacaan petikan ayat dari surah al-Imran]. *"Berpegang teguhlah kamu dengan ajaran Allah dan jangan kamu bercerai berai"*. Inilah yang dititahkan oleh Ke Bawah Duli Tuanku, mengajak kita bersama-sama merapatkan barisan kita. Menjalankan tugas dan tanggungjawab sebagai ahli Dewan, supaya menyeru ke arah perpaduan, melaksanakan tindakan dan keputusan untuk menyatupadukan rakyat. Namun demikian, Dato' Yang Dipertua, belum ada kupasan yang mendalam berkaitan dengan ayat ini dibacakan oleh Khatib kita.

Saya menyarankan supaya khutbah Jumaat kita, mencanai pemikiran berasaskan ayat yang sangat penting yang matlamatnya dititahkan oleh Ke Bawah Duli Tuanku, dengan menggabungkan pakar-pakar penulisan khutbah Jumaat, dan diberikan kepada Khatib-Khatib kita untuk dibacakan khutbah ini di peringkat Negeri Sembilan, di seluruh masjid-masjid di Negeri Sembilan supaya seluruh rakyat dapat menghayati apakah matlamat ataupun yang dikehendaki oleh Ke Bawah Duli Tuanku melalui titahnya dalam perasmian Dewan semalam.

Di hujung ayat ini, dalam surah yang sama, Dato' Yang Dipertua, Allah taala mengingatkan kita, yang dikehendaki oleh Ke Bawah Duli Tuanku juga [bacaan petikan ayat dari surah al-Imran]. Ini tanggungjawab kerajaan, ini tanggungjawab Majlis Agama Islam, ini tanggungjawab kita orang-orang Islam, ini tanggungjawab kita ahli-ahli Dewan iaitu menyeru kepada kebijakan dan menegah kepada perkara-perkara mungkar. Kalau ada gagasan baru, dasar Negeri Sembilan ke arah Negeri Sembilan maju, ataupun TN50, inilah yang dikehendaki oleh Ke Bawah Duli Yang Maha Mulia Tuanku Yang di-Pertuan Besar Negeri Sembilan, supaya hala tuju ini, dengan ayat yang saya bacakan tadi, terjemahannya saya berikan supaya dalam merangka TN50 untuk masa depan anak dan cucu kita, hala tuju untuk melahirkan kumpulan manusia yang menyeru kepada kebijakan dan menegah kepada perkara-perkara mungkar ini, akan dapat dilaksanakan dalam perancangan dasar yang sangat murni ini.

Dato' Yang Dipertua, perkara yang kedua yang disentuh oleh Ke Bawah Duli Tuanku semalam secara meluas ialah berkaitan dengan pembangunan Negeri Sembilan Darul Khusus. Tuanku jelas menerangkan kepada kita tentang hasratnya untuk mengurangkan jurang pembangunan Negeri Sembilan Barat dan Negeri Sembilan Timur. Di kawasan yang membangun dan di kawasan luar, yang luar bandar yang kurang membangun. Sudah tentulah cetusan idea kita beberapa tahun di dalam Dewan yang mulia ini, ingin melihat katalis terhadap hubungan antara Negeri Sembilan Barat dengan Negeri Sembilan Timur dapat menjadi realiti dan kenyataan di Dewan yang mulia ini.

Kita ingin bertanya kepada kerajaan, apakah kedudukan terkini tentang cadangan ahli-ahli Dewan untuk melihat terbinanya lebuh raya di antara Seremban – Talang – UiTM Kuala Pilah dan Bandar Seri Jempol. Kerana inilah nadi terhadap pembangunan dan kejayaan kita ingin melihat bahawa pembangunan Negeri Sembilan Timur dan Negeri Sembilan Barat ini akan dapat kita kurangkan jurangnya.

Yang kedua ialah berkaitan dengan jurang ataupun kualiti kemudahan asas di antara bandar dan juga luar bandar. Dato' Yang Dipertua,

Dewan Undangan Negeri Palong berada di kawasan luar bandar, bersempadan dengan Pahang, bersempadan dengan Johor. Wakil rakyatnya jauh di hujung negeri, berada bersama-sama dengan peneroka FELDA.

Namun Dato' Yang Dipertua, saya dalam meneliti jawapan-jawapan soalan bertulis, di dalam buku laporan ini, saya berasa amat bangga dan ingin merakamkan ucapan terima kasih bagi pihak seluruh rakyat Palong kepada semua pengarah-pengarah, ketua-ketua jabatan yang menggunakan Strategi Lautan Biru, *Blue Ocean Strategy*, yang mengarahkan pegawainya secara kolektif membawa peruntukan-peruntukan pembangunan di Dewan Undangan Negeri Palong. Terima kasih banyak-banyak kepada tuan pengarah dan ketua-ketua jabatan yang mengarahkan pegawai masing-masing di setiap peringkat, bukan sahaja di peringkat pengkajian, menyediakan kertas kerja, tetapi termasuk juga dalam bidang perlaksanaannya.

Namun Dato' Yang Dipertua, tadi disebut oleh Chennah tentang soal sama ada Palong bersetuju ataupun tidak. Pada dasarnya agihan yang tidak adil yang disebut oleh Chennah, Palong bersetuju. Tetapi dia bukan disebabkan oleh Yang Amat Berhormat Rantau. Dia disebabkan oleh penasihat kepada Yang Amat Berhormat Rantau iaitu Dato' Setiausaha Kerajaan Negeri Sembilan yang melaksanakan Dasar Lautan Merah. Kalau pegawai-pegawainya melaksanakan *Blue Ocean Strategy*, dengan baik hati, dengan murah hati, dengan ingin membantu rakyat, bahawa mereka memerlukan tetapi terbalik kepada penasihat dia ni. Itulah sebabnya agihan itu tidak adil. Jadi jangan marah kepada Yang Amat Berhormat Rantau.

Sehubungan dengan itu, Yang Amat Berhormat Rantau, saya nak mencadangkan atas baik hati Yang Amat Berhormat ini, supaya jangan dengar penasihat tu, tapi saya nak cadangkan supaya sebahagian daripada peruntukan MARRIS ini digunakan untuk menaik taraf jalan LOOP Palong, FT1284 dan juga jalan utama Palong FT1283. Jalan ini Yang Amat Berhormat, ialah jalan *short cut* ataupun jalan pendek antara Gemas – Pasir Besar ke Kuantan. Itulah sebabnya lori-lori yang besar, dahlah di felda tu bawak sawit, lori eh bosar, bawak gotah pun bosar, tetapi lori-lori balak yang menggunakan laluan pintas ini juga menggunakan laluan yang sama.

Saya mencadangkan sebahagian daripada peruntukan MARRIS yang disebut oleh Chennah tadi disalurkan kepada Palong untuk membina jalan ini supaya dapat kita besarkan. Jalan ini merbahaya, menjadikan kes kemalangan sangat tinggi. Jadi, kalau dapat kita besarkan, sekarang ni kocik, dahlah kocik, tinggi. Kiri-kanannya tu rendah. Orang nak berani ke topi, kalau ke topi, tersangkut ke topi tu. Kalau ke topi sikit

lagi, masuk ke dalam kelapa sawit. Jadi cubo bosarkan. Dan yang kot, yang kedua dia merbahaya sobab golap. Haa jadi bila kito bosarkan, pasang lampu, dia akan jadi cantik.

Dato' Yang Dipertua, Setiausaha Kerajaan Negeri Sembilan dalam Adat Perpatih ni, kita namakan Orang Semondo. Orang Semondo ni dipanggil datang, disuruh poi. Setiausaha Kerajaan ni panggil tak nak datang, suruh pun tak nak poi. Itu yang dia masalah kepada saya ni. Saya pun tak faham kenapa dia macam tu. Dato' Yang Dipertua, dalam Dewan ni, kita dapat melihat, dalam Kerajaan Negeri Sembilan ni, Ke Bawah Duli Tuanku nombor 1, Yang Amat Berhormat Menteri Besar nombor 2, nombor 3 EXCO, nombor ompek baru SS.

Kalau kita nak bagi Setiausaha Kerajaan Negeri "Dato' Seri" tu tak salah, tapi bagi *Speaker* dulu. Ya, saya bukan marah, saya tak marah langsung, saya tak berkecik hati, saya pun tak, tak ada rasa apa-apa. Bagilah Setiausaha Kerajaan Negeri Sembilan ni "Dato' Seri". Tapi dari segi hierarki protokolnya, *Speaker* tu, bawah kepada Yang Amat Berhormat. Jadi, macam mana ghoman eh kito mentadbir dalam sebuah negeri Adat Perpatih ini. Jadi, Dato' Yang Dipertua, itu sebabnya semalam, bilo Orang Semondo ni duduk dengan Ompek Mondo, dia dah jadi macam tu. Semalam Ke Bawah Duli Yang Maha Mulia Tuanku berucap dalam suasana Dewan yang tidak terdengar, apa buah butir titah tuanku. Pada hal tuanku berangkat satu tahun sekali. Merasmikan Dewan kita. Mesti Orang Semondo kito ni jago *mic* tu leeklok. Ini *mic* pun tak terjago. Dia punya pangkat Dato', Dato' Seri dia tu kemain lagi melew-lewa dengan tuanku.

Jadi tuan-tuan dan puan, Dato' Yang Dipertua, perkara yang ada hubung dengan ini juga, saya nak merujuk tentang Dasar Lautan Merah, Dato' Setiausaha Kerajaan Negeri Sembilan. Tahun 1997, MMK Kerajaan Negeri Sembilan telah luluskan bahawa pusat bandar Palong 4,5,6 diluluskan sebagai, sebagai kawasan operasi Majlis Daerah Jempol. Pada tahun 2014, sekali lagi saya mencadangkan kepada kerajaan selaku wakil rakyat Dewan Undangan Negeri Palong, supaya memintak izin dan memintak kebenaran daripada kerajaan untuk melaksanakan dasar ini di pusat bandar.

Dato' Yang Dipertua, memanglah menjadi hasrat kita untuk memajukan dan memberikan sumbangan yang terbaik kepada mereka yang berniaga dan menggunakan pusat bandar ini. Palong tidak berniat langsung untuk mengenakan cukai taksiran kepada semua peneroka-peneroka FELDA, kerana Palong pernah menjadikan kawasan pusat bandar Serting dulu sebagai kawasan operasi Majlis dengan niat untuk meningkatkan kualiti perkhidmatan, tetapi empat skim felda di kelilingnya kita tak kenakan bayaran ataupun cukai apa-apa. Perkara

yang samalah yang kita nak laksanakan di Palong. 760 unit rumah yang akhirnya nanti akan dikeluarkan CF oleh tuan Pegawai Daerah, dan sudah tentu akan memberikan servis kepada mereka yang duduk di kawasan tersebut. Maka, saya fikir, akhirnya keperluan kawasan operasi Majlis ini akan masuk juga ke kawasan yang saya sebutkan tadi.

Dato' Yang Dipertua, sehubungan dengan itu, saya pun tak nak bertelingkah dengan kelewatan tiga tahun ini, kerana rakyat nak sampah dikutip, longkang dibaiki, lampu diperbaiki, gerai-gerai mesti kita pertingkatkan. Saya ucap terima kasih kepada DO baru, dengan pegawai-pegawaiannya, ini pun dasar *Blue Ocean Strategy*-nya turun terus bawak peruntukan, naik taraf lantai pasar, tukar dengan kualiti yang lebih baik, dan rakyat boleh mendapat nikmat daripada dasar yang dibuat. Sambutan penghargaan yang diberikan oleh rakyat cukup tinggi, walaupun peruntukan yang diluluskan oleh DO tu bukanlah besar man, besar sangat. Tetapi impaknya sangat tinggi. Terima kasih banyak-banyak.

Sehubungan dengan itu, Yang Amat Berhormat Rantau, peruntukan lebihan ini saya cadangkan, supaya kita dapat memenuhi permintaan dan mengubati rasa, rasa terpinggir rakyat kepada sikap penasihat kita tadi. Dengan Strategi Lautan Merah-nya. Orang Palong tahu, orang Palong tahu pengarah ni bagus, orang Palong tahu pegawai bagus, orang Palong tahu DO bagus, dan orang Palong pun tahu Setiausaha Kerajaan Negeri tak bagus. Oleh demikian, saya nak supaya peruntukan untuk naik taraf gerai-gerai dan kemudahan di pusat bandar ini diberikan oleh Yang Amat Berhormat untuk mengubati hati pengundi kita yang lara di kawasan pusat bandar tersebut.

Dato' Yang Dipertua, tahun sudah saya mencadangkan kepada kerajaan supaya Lembaga Kerapatan Adat Negeri Sembilan ditubuhkan. Saya nak lihat ataupun ingin tahu dalam Dewan yang mulia ini, apakah, apakah usaha ini sudah menjadi realiti kerana banyak perkara-perkara yang timbul berkaitan dengan Adat Perpatih kerana sistem pentadbiran kita sebahagiannya Adat Perpatih. Kita bukan nak campur tangan Yang Amat Berhormat, kita cuma nak membantu, campur tangan dalam urusan adat tu, marah orang adat kek kito. Tetapi kerajaan dan pentadbir mesti membantu.

Sehubungan dengan itu, timbul perkara yang sangat penting. Di Dewan Undangan Negeri Palong, Dewan Undangan Negeri Palong ni, Luak Tanah Mengandung mengatakan Palong tu dia punya. Kemudian Luak Johol mengatakan Palong ini dia pulak punya. Dato' Luak, Dato' Undang yang baru, dah berangkat dah ke Palong. Dalam masa yang sama, Ke Bawah Duli Tuanku pun nak berangkat untuk sembahyang Jumaat di Palong. Imam-imam datang pejabat wakil rakyat Palong, bertanya doa

mana nak baca. Dato' Jempol yang baru pun sudah datang ke pejabat Palong. Boleh tak dia duduk di kawasan Telapak yang sekarang ini berada di Palong. Masalahnya sangat besar Dato' Yang Dipertua.

Sejarah institusi istana di Negeri Sembilan pernah berubah apabila berlaku perang Bukit Putus, pertembungan antara Tunku Antah dan Tunku Amat Tunggal bersama-sama dengan Dato' Undang Luak Sungai Ujong. Akhirnya berlakulah pembahagian kawasan pentadbiran yang ada di kawasan Luak Tanah Mengandung dan di kawasan yang ditadbir oleh Undang-Undang yang ada di Negeri Sembilan. Kalau perkara ini dibiarkan Dato' Yang Dipertua, Palong bimbang akan berlaku pulak perang Palong pada masa yang akan datang. Yang akan merubah satu lagi peta yang ada di Negeri Sembilan.

Dato' Yang Dipertua, saya dapat melihat bagaimana kepentingan pembangunan kepada KDNK di Negeri Sembilan. Saya bukan anti pembangunan. Kepesatan pembangunan di antara Bandar Bahau dengan Batu Kikir memang tak dapat kita tahan-tahan. Akhirnya nanti Bahau dengan Batu Kikir akan bercantum. Namun demikian Dato' Yang Dipertua, saya nampak ada khazanah yang sangat penting yang perlu di, diselamatkan oleh Dewan yang mulia ini.

Saya cadangkan supaya Kampung Lonek, kampung tradisi yang lama diwartakan oleh kerajaan kita menjadi warisan kampung tradisi kita. Kampung ini sudah maju dengan *homestay*-nya. Di pinggirannya juga ada mempunyai sawah padi yang sangat luas. Saya mintak supaya EXCO Pertanian gazet, dia tak nak, walaupun kita dilindungi oleh undang-undang pemakanan negara, keselamatan pemakanan negara. Saya nak cadangkan jangan kita wartakan tanah hakmilik, tetapi kita buatkan zon untuk menjaga pembangunan. Daripada Batu Kikir ke Bahau, sebelah kanan jalan, supaya kita zonkan kawasan dikekalkan kampung tradisi dan pertanian sawah padi. Di sebelah kirinya kalau nak bangunkan dengan rumah kedai, kita tak ada masalah. Supaya kita dapat menjaga warisan ini.

Di pinggirannya ada Pendeta Zaaba, yang kita abadikan melalui Teratak Zaaba dan Dewan Pendeta Zaaba. Dan saya cadangkan kepada kerajaan untuk melonjakkan pelancongan yang berasaskan Zaaba. Apabila kita mendengar bagaimana kerajaan berusaha membina semangat patriotik, semangat cinta dan kasih kepada negara melalui rancangan dan dasar negaraku yang sekarang ini menjadi keutamaan kepada pemimpin negara kita, Zaaba-lah yang mencetuskan idea ini. Zaaba-lah yang berani menulis secara hitam putih kepada Dewan dan Parlimen British, dibahaskan dan akhirnya mengumpulkan begitu banyak kesatuan-kesatuan Melayu yang melahirkan UMNO dan memerdekaan tanah air yang tercinta ini.

Hari ini kita pahatkan sejarah kehebatan Zaaba untuk mencanai segala pemikiran dan kehebatan Zaaba secara berterusan supaya nilai-nilai ini menjadi dorongan utama kepada kita dan juga anak cicit, anak cucu cicit kita di Negeri Sembilan ini. Saya mencadangkan 1 juta ringgit kita peruntukkan untuk membina dewan terbuka untuk kita jadikan sebagai tempat makan, tempat jamuan, tempat seminar, tempat kita mengadakan karnival dalam mencanai pemikiran Zaaba.

Dato' Yang Dipertua, memanglah benar sebagaimana kata Johol, Negeri Sembilan ini muziknya berasaskan buluh, kayu dan serunai, apa yang kita namakan sebagai Tumbuk Kalang. Tumbuk Kalang ini adalah nadi kepada lagu-lagu Negeri Sembilan. Apo lak bondo eh tu?

**Y.B. ADUN Juasgeh:** Gangguan, gangguan.

**Y.B. ADUN Palong:** Saya bersetuju dengan pandangan Johol supaya asas-asas muzik tradisional ini kita jadikan sebagai asas untuk membina lagu-lagu Negeri Sembilan yang hebat ini. Saya juga bersetuju supaya pelancongan kita ini, kita bina berdasarkan Adat Perpatih. Di dunia ini, Dato' Yang Dipertua, tak ada negara lain yang ada Adat Perpatih. Di Indonesia pun tak ada Adat Perpatih. Adat Perpatih tumbuh dan berakar umbi di bumi bertuah bernama Negeri Sembilan.

Saya bersetuju supaya identiti Negeri Sembilan ini kita kembangkan. Tetapi sejarahnya bermula daripada Minangkabau. Saya juga bersetuju supaya perkampungan Minangkabau kita letakkan dengan membangunkan Bandar Diraja Seri Menanti dengan membina gerai-gerai yang beridentiti Minangkabau, di tempat lain kita buat identiti Negeri Sembilan tetapi di keliling Istana Seri Menanti, bangunkanlah gerai-gerai yang berasaskan identiti Minangkabau. Bawaklah barang-barang utama daripada Minangkabau dijual di, di perkarangan gerai-gerai yang ada di Seri Menanti supaya kita punya Bandar Diraja ini dapat kita kembangkan di masa akan datang.

Dalam soal pendidikan, saya menyokong Dasar Pendidikan Negeri Sembilan. Tahniah Yang Amat Berhormat Menteri Besar. Cuma saya selalu melawat sekolah ini, bahawa dalam menentukan kecemerlangan modal insan anak-anak Negeri Sembilan, tolonglah kita mengambil bahagian supaya anak-anak Negeri Sembilan yang cemerlang ditempatkan di sekolah TKC, ditempatkan di Sekolah Sains Seremban, ditempatkan di sekolah-sekolah yang ternama, kerana setiap kali saya melawat sekolah-sekolah ini, bukanlah saya tak suka orang lain duduk

di sekolah ini, tetapi kita nak dalam masa kita melonjakkan Gred Purata Sekolah kita, sudah mencapai tempat yang kedua, kita mesti membina modal insan Negeri Sembilan untuk jangka masa panjang supaya mengambil bahagian menempatkan anak-anak yang cemerlang ini di tempat-tempat yang berada berhampiran dengan kita

Sehubungan dengan itu, Palong mencadangkan supaya kerajaan membina Universiti FELDA di Palong. Sampailah masanya Palong itu diangkat sebagai kawasan yang bertaraf universiti supaya dapat membantu dan melonjakkan anak-anak dalam Gugusan FELDA supaya dapat menguasai ilmu ini dengan baik pada masa-masa yang akan datang. Dato' Yang Dipertua, saya mohon menyokong.

**Y.B. Yang Dipertua Dewan:** Silakan. Silakan ADUN Linggi.

**Y.B. ADUN Linggi:** Terima kasih Dato' Yang Dipertua kerana memberi izin kepada saya untuk mengambil bahagian dalam membahaskan usul yang dibentangkan. Usul supaya Dewan yang mulia ini mengambil ketetapan menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan tuanku bagi merasmikan pembukaan Penggal Kelima, Dewan Undangan Negeri Yang Ke-13 pagi semalam.

Tuanku berangkat mencemar duli, baginda bertitah serta merasmi, rakyat diseru bersatu hati, mensejahterakan rakyat, memakmurkan negeri. Syukur alhamdulillah, kerana dengan izin-Nya, tuanku dan Tunku Ampuan Besar telah dapat berangkat ke istiadat pembukaan rasmi Persidangan Dewan ini semalam. Saya bagi pihak rakyat Linggi, dengan ini menjunjung kasih kepada tuanku atas perkenan dan keprihatinan tuanku mencemar duli untuk hadir dan menyampaikan titah ucapan seterusnya merasmikan persidangan ini. Istiadat perasmian dan titah ucapan tuanku semalam sekaligus menzahir dan mengingatkan kita bahawa negeri ini ada Raja-nya. Maka itu, sudah tentunya lah titah baginda perlu dijunjung, diambil perhatian dan dilaksanakan. Di dalam titah tuanku semalam, adalah sangat jelas bahawa baginda sangat suka cinta dengan kedudukan dan prestasi Negeri Sembilan, dan kedaulatan tuanku dan kerajaannya terserlah dengan kejayaan pentadbiran Kerajaan Negeri Sembilan yang menjadikan dasar memakmurkan negeri, mensejahterakan rakyat sebagai falsafah pentadbiran kerajaan ini.

Sebenarnya tanggungjawab asas mana-mana kerajaan dalam dunia hanyalah dua iaitu memastikan negara atau negeri itu selamat didiami dengan, dengan aman dan rakyatnya boleh mencari rezeki dengan baik.

Tapi di Negeri Sembilan, Dato' Yang Dipertua, kita bukan saja telah sekian lama menje, menyempurnakan dua tanggungjawab asas ini, malah telah lama mencapai kejayaan yang jauh lebih tinggi daripada itu. Antara kejayaan yang disebut sendiri oleh Duli Yang Maha Mulia Tuanku semalam, termasuklah peningkatan KDNK, peningkatan KDNK perkapita, pelaburan melebihi 1 bilion setiap tahun, sepanjang tujuh tahun berturut-turut. Daripada tahun 2016 hampir 2 bilion, yang membuktikan bahawa keselamatan, keamanan dan kemakmuran negeri ini bukan saja dikecapi oleh rakyat kita, tapi diyakini oleh pelabur-pelabur asing yang berani untuk melabur di sini.

Dari sudut pengurusan kewangan pula, tahun 2016, Negeri Sembilan sekali lagi menyaksikan lebihan atau *surplus* Akaun Hasil Disatukan. Pada tahun 2016 sejumlah 14.24 juta. Dan setelah, kali ini dah 15 tahun berturut-turut Negeri Sembilan berjaya mengekalkan rekod pencapaian pengiktirafan Sijil Audit Bersih. Ini satu rekod yang amat cemerlang Dato' Yang Dipertua. Jadi, kejayaan-kejayaan yang dica, yang dirujuk tadi dan banyak lagi yang lain, seperti yang disebut dalam titah tuanku, adalah testimoni atau bukti bahawa kerajaan tuanku hari ini adalah kerajaan yang cekap, berhemah dan berintegriti. Di kesempatan ini, Linggi ingin mengucapkan setinggi tahniah kepada Yang Amat Berhormat Rantau selaku Menteri Besar, kepada semua ahli EXCO kerajaan, ketua-ketua jabatan, pegawai dan kakitangan kerajaan atas *report card* yang sangat cemerlang ini. Alhamdulillah.

Yang Berhormat Dato' Yang Dipertua, bagi rancangan masa depan pula, Kerajaan Negeri Sembilan jelas terbukti memandang ke hadapan apabila kita mendahului Pelan Transformasi Nasional (TN50) Kerajaan Persekutuan dengan memperkenalkan dan melancarkan Rangka Rancangan Jangka Panjang Negeri Sembilan Moden 2015 – 2045, lebih awal lagi. Dalam konteks itu, baginda tuanku menyarankan pembangunan yang inklusif dan saksama ataupun dengan izin, *equal development* bagi kawasan bandar dan luar bandar.

Izinkan saya memetik sedikit titah ucapan baginda, yang berbunyi "kawasan-kawasan luar bandar wajar terlibat dalam pembangunan agropolis iaitu suatu konsep pembangunan yang menerapkan elemen-elemen perbandaran ke sebuah penempatan desa, seiring dengan perkara tersebut, penempatan di kawasan luar bandar perlu disediakan dan diperbanyakkan dan dilengkapi dengan infrastruktur yang baik. Dalam hubungan ini, beta berpandangan program seperti perluasan kampung wajar dilaksanakan". Di perenggan yang lain, tuanku juga menyatakan bahawa beliau percaya segala perancangan hala tuju negeri yang akan digubal oleh kerajaan akan menjadi lebih sempurna sekiranya pandangan rakyat dari semua peringkat diambil kira serta dilaksanakan secara telus dan terbuka. Proses libat urus

setiap peringkat masyarakat atas penggubalan dasar perlu dijadikan keutamaan.

Pandangan dan saranan tuanku ini adalah tepat, bernes dan sangat-sangat dialu-alukan oleh kami di Linggi, Dato' Yang Dipertua. Justeru itu, mengakui titah tuanku ini, Linggi mengesyorkan, bagi memastikan supaya kawasan Linggi ini juga mendapat nikmat pembangunan agropolis dan nikmat Program Perluasan Kampung yang dititahkan oleh baginda tuanku, saya memohon agar cadangan yang dibuat oleh Linggi sebelum ini, dalam maklum balas Rancangan Struktur Negeri Sembilan Moden 2045, khususnya untuk menaik taraf jalan di atas ban JPS, mulai daripada pekan Linggi hingga ke jambatan Sua Betong yang akan merentasi Kampung Linggi, Kampung Mohd. Yusof Linggi, Kampung Tampin/Lingga dan Kampung Barisan untuk dinaik taraf dan dijadikan jalan tar, jalan utama.

Ini adalah wajar bukan sahaja untuk memberi akses jalan kepada penduduk-penduduk kampung yang memiliki tanah di kawasan tersebut, untuk memudahkan mereka memajukan tanah mereka, tetapi pada masa yang sama, pembinaan jalan ini secara langsung akan menjadi pemangkin kepada Program Perluasan Kampung yang disebut dalam titah baginda. Jadi, kampung yang akan terlibat mendapat manfaatnya adalah Kampung Barisan, Kampung Tampin/Lingga, Kampung Linggi dan Kampung Haji Mohd. Yusof di Linggi, yang mana penduduknya akan bakal menikmati akses yang lebih baik dan lebih dekat untuk mengusahakan tanah-tanah di sekitar kawasan tersebut.

Selain itu, jalan ini juga akan menjadikan, akan menjadi jalan pintas bagi penduduk di Mukim Linggi sendiri khususnya penduduk di Kampung Permatang Pasir, Pengkalan Kempas, Kampung Linggi, Pengkalan Durian, Tampin/Lingga, malah penduduk di Kundur Hilir sekali pun akan mampu menggunakan jalan ini sebagai jalan pintas ke Bandar Port Dickson. Dan ianya akan mendekatkan kampung-kampung tersebut dan menjimatkan masa dan kos perjalanan mereka.

Ekoran daripada itu, saya juga yakin dan percaya, ianya sekaligus akan mampu menjadi pemangkin kepada pembangunan di kawasan Linggi khususnya dalam sektor pelancongan. Di mana kita boleh mendapatkan pasaran pelancong seramai 4 ke 5 juta setahun di Port Dickson itu untuk datang ke Linggi, sejajar dengan hasrat kami di Linggi untuk menjadikan Linggi sebagai satu lokasi pelancongan. Untuk makluman Dato' Yang Dipertua, di Linggi ini, kita memang mempunyai kekuatan-kekuatan semula jadi seperti sungai, ekosistem yang mempunyai udang, buaya, bangau, kelip-kelip dan keindahan alam semula jadinya.

Dan saya nak ambil kesempatan ini untuk ucap terima kasih kepada Yang Berhormat Labu selaku EXCO Pertanian, yang mana sukacita dimaklumkan bahawa projek *hatchery* pemberian udang galah telah pun mula beroperasi di Pasir Panjang. Dan saya yakin dan percaya ini akan mampu melonjakkan bukan saja sektor ekonomi tapi bekalan udang galah di Linggi.

Selain daripada itu, saya juga ingin mengambil kesempatan ini untuk memohon supaya cadangan Linggi agar satu jalan *crusher run* dapat dibina di sepanjang Sungai Solok khususnya mulai jambatan antara sempadan Kampung Linggi dan Pengkalan Durian, menyusuri sungai tersebut, di sebelah Kampung Linggi hingga ke jalan pintas Kampung Tampin/Linggi ke Kundur Hilir. Ini juga sangat seiring dengan Program Perluasan Kampung kerana jalan tersebut akan memberi akses kepada pemilik-pemilik tanah di sepanjang sungai tersebut bagi membolehkan mereka mengusahakan tanah.

Kerana tanah ini sudah hampir lebih 40 tahun terbiar, Dato' Yang Dipertua, kerana akses ke jalan utama adalah dimiliki oleh pemilik-pemilik persendirian yang lain, yang mereka telah pun membina rumah. Jadi untuk ke tanah di bahagian belakang di sisir sungai tersebut, tiada akses yang membolehkan jentera atau kenderaan untuk masuk. Maka itulah tanah ini hampir 40 tahun dibiarkan terbiar. Jadi saya percaya dengan jalan *crusher run* ini, yang memampukan kenderaan atau jentera akan masuk, setelah dibincangkan dengan penduduk setempat, dengan pemilik-pemilik tanah dan warisnya, akan mampu untuk membangunkan tanah ini agar dapat dimanfaatkan oleh penduduk setempat.

Ahirnya sekali, saya juga ingin mencadangkan supaya rancangan Kerajaan Negeri untuk menjadikan menara-menara masjid di luar bandar sebagai menara komunikasi direalisasikan bagi memastikan *coverage*, dengan izin, ataupun liputan akses internet yang makin hari makin menjadi keperluan asas masyarakat dapat disebarluaskan di kawasan-kawasan luar bandar. Pada masa yang sama ia juga mampu dijadikan sebagai salah satu pendekatan bagi mengimarahkan masjid apabila kemudahan ini digunakan dalam program yang dianjurkan oleh pihak pengurusan masjid di masa akan datang.

Sebagai kesimpulannya Dato' Yang Dipertua, Linggi sekali lagi merakamkan rasa kesyukuran kepada Allah s.w.t. atas segala nikmat yang dicucuri atas negeri ini, atas kemakmuran dan kesejahteraan yang dikecapi oleh rakyat, dan menzahirkan rasa terima kasih kepada Duli Yang Maha Mulia Tuanku dan kerajaan yang mentadbir urus negeri ini dengan baik. Moga ianya berkekalan dan terus diberkati, inshaa Allah. Dengan doa itu, Linggi dengan sukacitanya mohon menyokong.

**Y.B. Yang Dipertua Dewan:** Terima kasih ADUN Linggi. Ahli-ahli Yang Berhormat sekalian, sebentar lagi saya akan men, menangguhkan persidangan ini. Saya jugak ingin maklumkan bahawa semua soalan lisan hari pertama, iaitu hari ini, yang tidak sempat dijawab akan dibuat secara bertulis. Dewan juga mengambil kesempatan ingin mengucapkan terima kasih kepada Yang Berhormat ADUN Linggi dan yang, yang membawa gulai-gulai udang dari Linggi. Dan Yang Berhormat ADUN Gemencheh kerana telah membawa makan tengah hari dengan membawa rendang maman-nya, daripada Gemencheh. Sebagai menu tambahan kita pada hari ini.

Oleh itu saya dengan ini, dengan sukacita menjemput Yang Amat Berhormat, ahli-ahli Yang Berhormat, ketua-ketua jabatan, pihak media, tuan-tuan, puan-puan ke Dewan Serbaguna untuk jamuan makan tengah hari. Dewan bersidang semula pada pukul 2:30 petang. Terima kasih.

---

[Persidangan Dewan ditangguhkan pada jam 1:07 petang]

[Persidangan Dewan disambung semula pada jam 2:30 petang]

[Y.B. ADUN Chennah tidak hadir pada sesi petang persidangan]

**Setiausaha Dewan:** Yang Berhormat Dato' Yang Dipertua Dewan [mengumumkan ketibaan Y.B. Yang Dipertua Dewan].

**Y.B. Yang Dipertua Dewan:** Ahli-ahli Yang Berhormat sekalian, Dewan disambung semula. Saya persilakan bagi siapa ahli Yang Berhormat yang ingin mengambil bahagian dalam perbahasan. Silakan Senawang.

**Y.B. ADUN Senawang:** Terima kasih Yang Berhormat Dato' Yang Dipertua. Saya ingin mengambil kesempatan ini untuk menjunjung kasih ke atas Duli Yang Maha Mulia Yang di-Pertuan Besar Negeri Sembilan atas titah ucapan baginda merasmikan pembukaan Persidangan Pertama Penggal Kelima, Dewan Undangan Negeri Kelima, Ke-13 ini dan beberapa isu utama yang telah disentuh oleh baginda.

Rumah mampu milik. Dato' Yang Dipertua, projek pembangunan rumah mampu milik yang akan dilaksanakan adalah matlamat utama bagi mencapai tujuan semua rakyat miskin boleh memiliki rumah sendiri. Pihak kerajaan telah menetapkan syarat dan garis panduan

serta harga rumah mampu milik. Dato' Yang Dipertua, namun begitu, adakah penghuni Kampung Baru Rahang, Kampung Baru Rasah, Kampung Baru Mambau, Kampung Baru Sikamat, Kampung Baru Paroi juga tersenarai sebagai golongan miskin yang boleh memiliki rumah mampu milik?

Banjir berlumpur di Taman Bukit Emas. Dato' Yang Dipertua, kos Ringgit Malaysia 1.8 juta telah diperuntukkan untuk tujuan kerja-kerja menaik taraf sistem perparitan dan ianya sedang dilakukan. Namun begitu, kerja-kerja di bawah kontraktor yang dilantik lewat dan tidak perjalanan lancar. Mengapakah semua pihak kerajaan berkaitan seperti MPS, JPS, IWK, TM, TNB dan sebagainya tidak diperbincang terlebih dahulu bagi memastikan tiada sebarang isu berkaitan timbul ketika memulakan ses sebuah projek menaik taraf seperti ini? Limpahan air berpunca daripada parit sedia ada setinggi empat kaki yang dipenuhi dengan tanah dan, kel, *culvert monsoon drain* setinggi dua kaki yang baru dibina ditakungan air, ditakungi air. Da, ditakungi air, air, air. Dato' Yang Dipertua, pada hakikatnya punca banjir adalah tersebabkan oleh semua aliran air dari beberapa taman mengalir masuk ke dalam satu longkang dan air melimpah keluar setiap kali hujan. PBT harus mempercepatkan kerja-kerja menaik taraf ini untuk mengatasi isu banjir tidak terus berlaku.

Pembeli masih belum mendapat CF. Dato' Yang Dipertua, rumah kedai di bawah projek Bandar Satelite Senawang masih belum mendapat CF walaupun telah siap pada tahun 2012. Rata-rata 90% pembeli lot kedai ini adalah dari luar Negeri Sembilan. Pembeli terpaksa membayar balik pinjaman bank meskipun lot kedai belum menjadi milik mereka, mereka. Pemaju projek Barter Tune Sdn. Bhd. tidak dapat dihubungi dan dikatakan sudah gulung tikar sejak Ogos 2016 dan bankrap. Dato' Yang Dipertua, pembeli memohon campur tangan oleh Menteri Besar Negeri Sembilan dalam membantu membela dan mempertahankan hak mereka dan mendapatkan CF dengan segera.

Rumah Taman Senawang Perdana di bawah pemaju Prospek Kini Sdn. Bhd. Dato' Yang Dipertua, surat perjanjian jual beli yang ditandatangi menyatakan pelan ukuran anjung rumah adalah 20 kaki tetapi hanya berukuran 16 kaki selepas siap sepenuhnya. Akibatnya, ruang ini tidak dapat memuatkan sebuah kereta dan pintu pagar tidak boleh tutup, ditutup, tidak boleh ditutup ha. Ia melibat, libatkan lebih 10 buah rumah. Buat masa ini hanya 5% saja yang telah dihuni tetapi jalan yang dibina banyak mengalami kerosakan dan pecah teruk. Dato' Yang Dipertua, persoalannya adakah CF telah diberikan? Dan jika ya, siapakah yang akan bertanggungjawab kepada masalah berbangkit yang ditimbulkan oleh pembeli.

Bonggol jalan di simpang utama. Dato' Yang Dipertua, terdapat banyak persimpangan utama jalan yang agak berbahaya yang mengundang kemalangan. Tanda "AWAS" dan paku jalan yang sedia ada tidak berke, berkesan untuk kurangkan had laju. Antara persimpangan utama ialah simpang empat dua penjuru, penjuru di Jalan Seremban Jaya 3/1A simpang ke empat fasa 3 ke Sekolah Seremban Jaya 1 dan lain-lain simpang utama yang tidak mempunyai lampu isyarat. Dato' Yang Dipertua, bonggol jalan yang bonggol dibina adalah antara cara mengatasi masalah ini kerana had laju kenderaan, had dan kemalangan dapat dikurangkan.

Limpahan air ke jalan. Dato' Dipertua, sistem perparitan serta longkang pecah dan tersumbat menjadi punca air melimpah ke jalan. Air di permukaan jalan akan bertakung dan jalan menjadi licin. Ini menyebabkan penunggang-penunggang motosikal mudah tergelincir, terjatuh, kenderaan terbabas dan berlaku kemalangan. Dato' Yang Dipertua, lokasi utama seperti jalan ke Taman Tuanku Ampuan Najihah, Batu 5 Jalan Tampin, Taman Bukit Emas dan Kampung Baru Rahang de, perlu diberi perhatian. Pihak JKR, PBT, MPS dan MPN harus menge, mengenal pasti jalan seperti ini dan mengambil tindakan segera.

Aduan perlu mendapat tindakan segera. Dato' Yang Dipertua, ke .....

**Y.B. Yang Dipertua Dewan:** YB, ya.

**Y.B. ADUN Senawang:** Dato' Yang Dipertua, semalam saya lima kali salam, mintak tolong lagi ada tiga *paper, short*.

Aduan perlu mendapat tindakan segera. Dato' Yang Dipertua, kerosakan jalan, longkang, masalah pokok dan sebagainya terus menjadi isu utama penghuni. Boleh dikatakan setiap hari ada saja aduan seperti ini dibuat melalui telefon, emel, SMS, *online* dan lain-lain. Dato' Yang Dipertua, kelewatan bukan sahaja menimbulkan masalah kepada penghuni, tetapi juga akan menyebabkan kerosakan semakin serius dan kos membaiki pulih meningkat dan pembaziran berlaku. Oleh itu, pihak PBT, MPN, MPS dan jabatan lain yang berkaitan harus memandang serius dan mengambil tindakan sewajarnya dengan segera sebaik sahaja aduan diterima.

Isu banjir Batu 5, Jalan Tampin. Dato' Yang Dipertua, projek melebarkan Sungai Simen yang dilaksanakan telah gagal mengatasi masalah banjir. Kerja-kerja melebarkan dan mendalamkan telah menyebabkan kedudukan paras sistem perparitan ini semakin tinggi.

Aliran air daripada kawasan persekitaran dan perindustrian yang rendah tidak dapat menampung serta melempah keluar dan menjadi punca banjir. Dato' Yang Dipertua, Pihak Berkuasa Tempatan, PBT, MPS, JPS dan pihak Kerajaan Negeri harus turun padang dan meninjau sendiri bagi mengenal pasti punca dan mengambil langkah yang lebih berkesan untuk mengatasi masalah banjir daripada berterusan.

**Y.B. Yang Dipertua Dewan:** YB.

**Y.B. ADUN Senawang:** *Last point* Dato'. Aspek keselamatan di sekolah. Dato' di, Dato' Yang Dipertua, menjaga keselamatan murid dan pelajar sekolah adalah tanggungjawab bersama ibu bapa, pihak sekolah dan pihak awam. Mereka mudah terpengaruh dan terjebak dengan aktiviti kurang sihat dan tidak bermoral. Mereka perlu diawasi dan dipantau terutama selepas tamat sesi persekolahan, ketika berada di dalam dan di luar kawasan sekolah serta ketika berada di dalam bilik darjah. Dato' Yang Dipertua, dengan kata lain, pihak sekolah harus peka dengan aspek keselamatan anak muridnya dari semua segi selagi bergelar anak murid. Pihak sekolah juga harus menggunakan khidmat RELA dan polis dalam memantau semua pergerakan mereka agar mereka tidak tersalah langkah.

Dato' Yang Dipertua, terima kasih titah ucapan.

**Y.B. Yang Dipertua Dewan:** Lima kali *shake hand*. Sila, Lukut.

**Y.B. ADUN Lukut:** Terima kasih Yang Berhormat Dato' Yang Dipertua Dewan. Lukut menjunjung kasih atas titah ucapan Seri Paduka Baginda Yang di-Pertuan Besar Negeri Sembilan tatkala istiadat perasmian Persidangan Pertama Penggal Kelima pada hari semalam.

Syabas dan tahniah saya ucapkan kepada semua *staff* Kerajaan Negeri dan semua peringkat warga pendidik kerana telah memberi kecemerlangan dalam pendidikan iaitu pencapaian Negeri Sembilan dalam pemeriksaan Sijil Pelajaran Malaysia tahun 2016 telah menduduki tempat kedua terbaik. Dan semua peringkat warga pendidikan kerana telah memberi kecemerlangan dalam pendidikan itu, pencapaian Negeri Sembilan dalam pemeriksaan SPM tahun 2016 telah menduduki tempat kedua terbaik keseluruhan peringkat kebangsaan. Dan Kolej Tuanku Kurshiah diisytiar, diisythiar sebagai, sebagai sekolah terbaik bagi teknologi, kategori sekolah berasrama penuh.

Hari ini Lukut tampil untuk mengambil bahagian perbahasan atas titah ucapan Duli Yang Maha Mulia Yang di-Pertuan Besar Negeri Sembilan. Dato' Yang Dipertua, seterusnya Lukut ingin mempertekankan mengenai isu projek menaik taraf pembetung di Jalan Port Dickson - Seremban iaitu di hadapan Shell, Lukut pada 5, Batu 5. Tujuan kerja-kerja tersebut dilaksanakan adalah bagi mengatasi masalah banjir, banjir kilat yang sering dihadapi oleh penduduk di kawasan berkenaan iaitu pada setiap tahun sehingga menyebabkan berbagai kemalangan jalan raya. Kejadian banjir kilat kini ini, kini berpunca daripada projek perumahan yang telah dibina di seberang jalan dan air yang mengalir daripada projek tersebut ke jalan raya telah menyebab, menyebabkan banjir.

Kerja-kerja pembinaan telah bermula 21 haribulan November 2016 dan sepatutnya dijangka siap pada tahun 2016, akhir, mengikut pada perancangan asal oleh pihak-pihak bertanggungjawab. Projek tersebut telah menggunakan masa yang agak lama untuk menyiapkannya dan kini kerja-kerja tersebut telah diberhentikan. Lukut telah anjurkan masalah ini kepada pihak yang berwajib iaitu JKR Port Dickson serta MPPD dari, dan didapati kerja-kerja tersebut adalah dibaik, dibiayai sepenuhnya oleh pihak pemaju Monarch Lodge Sdn. Bhd. dan mendapat pemantauan sepenuhnya oleh pihak JKR Port Dickson.

Untuk makluman semua, untuk makluman semua, Jalan Seremban - Port Dickson in merupakan jalan utama penduduk Lukut dan Port Dickson melalui untuk ke Seremban. Pada setiap hari beribu-ribu kenderaan akan melalui kawasan ini untuk ke Seremban dan juga balik Port Dickson. Projek ini telah mengganggu emosi pengguna jalan raya dan menyebab, menyebabkan kesesakan lalu lintas terutamanya pada waktu kemuncak iaitu di antara pukul 5:00 hingga ke 7:00 petang kerana waktu berkenaan penduduk mula balik kerja dan pulang ke kediaman masing-masing. Laluan yang dicadangkan agak sempit dan kecil serta merbahayakan pemandu kereta dan penunggang motosikal jika berselisih dengan lori muatan besar. Tambahan pula, struktur jalan di tepi jalan tersebut telah rosak dan mendap. Terdapat juga struktur jalan yang berlubang besar. Keadaan ini boleh membahayakan kepada pengguna jalan raya terbabit terutamanya kepada penunggang motosikal yang melalui di sebelah tepi jalan tersebut. Tambahan pula, air akan bertakung jika waktu hujan.

Dato' Yang Dipertua, baru-baru ini Lukut telah turun padang menyaksikan satu treler besar, treler muatan besar yang membawak tong gas telah melanggar sebuah kereta. Kejadian ini adalah disebabkan oleh laluan yang sempit dan selekoh yang merbahaya. Justeru, Kerajaan Tempatan perlulah bertanggungjawab ke atas segala

masalah yang dihadapi dan memastikan keselamatan pengguna jalan raya terjamin dan melindungi faedah awam. Kerajaan Tempatan juga perlu memastikan pemaju bertanggungjawab ke atas segala mema, masalah atau isu teknikal diatas sebelum kerja-kerja pembinaan boleh disambung semula. Projek ini sudah terbengkalai lebih kurang setengah tahun, Lukut lihat tiada apa-apa perubahan, sama sahaja dan jalan makin sesak. Penduduk, penduduk setempat mula makin beremosi dengan kesesakan, kesesakan lalu lintas. Jikalau kesalahan ini adalah berpunca daripada pihak pemaju, maka Kerajaan Tempatan perlu mengambil tindakan serius memberi denda kepada pemaju berkenaan supaya jalan, jalankan projek ini dengan lebih cepat dan sistematis.

Dato' Yang Dipertua, tahun 2017 pasti akan menjadi satu cabaran yang amat getir buat rakyat Malaysia yang ber, berpendapatan sederhana dan rendah. Satu contoh, 50.00 ringgit seperti bernilai 5.00 ringgit apabila keluar berbelanja barang keperluan. Rata-rata penduduk yang datang berjumpa dengan Lukut mahu memintak bantuan kewangan walaupun mereka sudah mendapat bantuan daripada agensi kerajaan, agensi-agensi kerajaan seperti JKM, namun masih tidak mencukupi. Pendapatan mereka tidak bertambah tetapi harga barang runcit tetap menaik saban tahun.

Rakyat ini nampaknya sudah hilang harapan kepada negara sendiri dan sanggup pergi kerja, bekerja ke luar negara demi menanggung keperluan keluarga. Ada juga yang sanggup melakukan kerja sementara lebih dari dua kerja dalam satu masa walaupun akan menjaskan kesihatan mereka sendiri. Rakyat sering mengeluh dengan me, kenaikan harga barang begitu ketara dalam tempoh satu tahun ini. Kerajaan Barisan Nasional perlu faham situasi ekonomi rakyat, tambahan dengan peningkat harga barang yang ketara selepas pelaksanaan GST.

Kita sedia maklum bahawa berbagai kemudahan asas ditarik subsidiinya seperti gula, minyak masak sekilo ke atas, tepung. Subsidi utama dimansuhkan antaranya pelupusan subsidi bil letrik, pelupusan subsidi minyak masak pen, pegunangan, pengurangan 95% dalam peruntukan Kumpulan Wang Amanah Pelajar Miskin dan pengurangan peruntukan Kementerian Pengajian Tinggi. Pemotongan subsidi ini secara tidak langsung memberikan kesan kepada kos sara hidup rakyat yang sudah terbeban dek kerana keremba, kerem, kelembapan ekonomi global secara tidak langsung ekonomi Malaysia terkena tempias. Sebagai contoh .....

**Y.B. Yang Dipertua Dewan: Yang Berhormat.**

**Y.B. ADUN Lukut:** .... pelupusan subsidi minyak masak ....

**Y.B. Yang Dipertua Dewan:** Yang Berhormat.

**Y.B. ADUN Lukut:** .... sebanyak ....

**Y.B. Yang Dipertua Dewan:** Masa dah cukup.

**Y.B. ADUN Lukut:** Satu muka lagi tuan *Speaker*.

**Y.B. Yang Dipertua Dewan:** Laju sikit.

**Y.B. ADUN Lukut:** Dato', Dato' *Speaker*, lebih kurang satu muka. Pelupusan subsidi minyak masak sebanyak 950 juta yang pasti akan meningkatkan harga minyak masak sawit. Kesannya sudah tentu amat besar ke atas harga makanan dan sudah berkuat kuasa bulan November 2016. Selain itu, subsidi gula sebanyak 116.6 juta juga telah dimansuhkan.

Dato' Yang Dipertua, ke mana pergi hasil subsidi-subsidi ini yang sepatutnya dibelanjakan ke atas rakyat? Rakyat telah banyak kehilangan subsidi yang sepatutnya dinikmati. Kerajaan perlu mengambil tindakan serius membanteras gejala buruk ini tanpa di, diskriminasi semata dilakukan pemimpin atasan mahupun pekerja bawahan. Berapa peratuskah sudah diberikan kepada Kerajaan Negeri Sembilan? Adakah bantuan yang telah diberikan kepada sekolah mahupun rumah daripada hasil subsidi yang telah dimansuhkan tersebut?

Akhir kata, saya, kerajaan, dengan akhir kata kerajaan telah mengambil hasil daripada rakyat dan keluar, perlulah pulangkan ke, kembali kepada negeri supaya boleh salurkan bantuan kepada rakyat jelata khususnya di Negeri Sembilan. Kesimpulannya, isu penarikan subsidi dan hasil pendapatan daripada subsidi ini bukanlah isu yang boleh dipandang ringan oleh kita semua.

Selain itu, kutipan GST bagi tempoh 1 April 2015 sehingga 31 haribulan, Disember 2015 adalah sebanyak 27.01 bilion. JKDM menasarkan kutipan GST sebanyak 42 bilion untuk tahun 2017. Timbalan Ketua Pengarah JKDM, Dato' Zulkifli Yahya berkata, setakat

ini kira-kira 433 ribu syarikat didaftarkan di bawah GST sejak sistem percukaian baharu ini dikuat kuasa pada 1 haribulan April 2015. Kutipan GST pada tahun lalu adalah Ringgit 41.2 bilion iaitu melebihi sasaran 38.5 bilion dan pihak kami akan mengemas kini hasil kutipan dari semasa ke semasa.

Dato' Yang Dipertua, nasib rakyat golongan berpendapat rendah ini kini menjadi lagi tertekan dengan pelaksanaan GST serta penarikan subsidi barang keperluan asas oleh kerajaan. Kerajaan, men, menjia, menjangkakan akan mengutip sebanyak 31.4 bilion ringgit dari GST setahun untuk lima tahun akan datang. Maka kerajaan perlu mengumumkan perancangan untuk mem, membelanjakan hasil kutipan tersebut. Ini penting untuk menjamin kepentingan dan faedah rakyat. Sekian, terima kasih.

**Y.B. Yang Dipertua Dewan:** Terima kasih YB. Silakan.

**Y.B. ADUN Chuah:** Terima kasih Dato' Yang Dipertua .....

**Y.B. Yang Dipertua Dewan:** Silakan Chuah.

**Y.B. ADUN Chuah:** ..... mengizinkan saya mengambil kesempatan menjunjung kasih di Bawah Duli Yang Maha Yang di-Pertuan Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13 pada pagi kelmarin.

Dato' Yang Dipertua, saya petik, saya ambil perhatian untuk sebab ada satu aspek dalam titah ucapan baginda mengatakan *equal development*, maknanya pembangunan saksama. Dengan ini, Chuah ingin ambil kesempatan mengatakan apabila nak pembangunan seimbang, ataupun saksamanya yang penting sekali ialah jaringan hubungan. Maknanya yang penting tu adalah pengangkutan awam, jalan termasuk pengangkutan awam, bas ataupun *public transport*. Dan malangnya ada banyak tempat luar bandar ni tidak ada pengangkutan awam yang sempurna. Bagi contohnya khusus di DUN Chuah, tiada ada bas sampai hari ini walaupun dah mintak, dah mohon, masih dalam kajian SPAD. Oleh kerana tu saya menyeru jikalau MVV dah bangunkan, jangan tertinggal luar bandar, tidak dapat hubungan dengan bandar yang pesat, *urbanization*.

Oleh kerana tu, saya mintak dan mohon jika nak seimbang pembangunan tu kita memang nak wujudkan satu jaringan perhubungan darat iaitu ringkasan pesisir KLIA ke PD. Maknanya dari *aiport* ataupun lapangan terbang, pelancongan nak masuk tempat peranginan khususnya di pi, pantai PD, adalah jalan ringkasan ataupun *public transport* yang senang untuk sampaikan. Dan dengan itu jugak boleh menjanakan ekonomi, meningkatkan pendapatan untuk penduduk di tempatan.

Dato' Yang Dipertua, kita jugak tak nak mengurangkan jurang ke, terasingan ataupun *isolated* di luar bandar atau kawasan pedalaman seperti Chuah ataupun apa, sebab dia *isolated*. Orang luar bandar, di bandar tetapi di luar bandar ni nampaknya terasing. Kalau kita nak seimbangnya perlu kita adanya *public transport* ataupun hubung jaringnya, jaringan perhubungan yang baik khususnya bagi mewujudkan satu jaringan perhubungan melaluikan komunikasi jalur lebar. Jalur lebar ni, internet ni seharusnya kawasan-kawasan utama di DUN Chuah khususnya, ataupun di luar bandar mendapatkan kemudahan liputan jalur lebar ataupun internet pantas dan efisyen untuk semua penduduk. Saya tengok hari ini bukan hari dekat luar bandar, di sampingan di bandar, di taman pun, banyak internet liputan tu kurang memuas hati, tidak sempurna. Ada yang ada tetapi bila sampai tengah hari, boleh jadi jalur lebar pun *traffic jam*. Oleh kerana tu saya mintaklah meningkatkan jalur lebar ini untuk menambah baik bagi pengguna-pengguna.

Dato' Yang Dipertua, dalam titah ucapan baginda, dia telah kata sumber ataupun pertanian sumber makanan ni agak tertekan. Pagi, pagi tadi saya dah mintak sebab peladang ni, dapat jawapannya sebab peladang ni hanya getah dan kelapa sawit. Getah, kelapa sawit tak boleh makan. So oleh kerana tu saya mintaklah ada sampingan untuk peladang ni tanaman lain. Dengan ni, Chuah ni bercadanglah, bercadang tanaman lain-lain tu boleh dibuat di pantai sisir ataupun daerah-daerah lain. Dengan ini saya ca, DUN Chuah ni cadangkan sebagai satu lokasi di Chuah ini, penting, utama bagi haa, tanaman lain-lain. Sebab kita ada pantai, kita ada pantai untuk mentanam kelapa, sebab tanah sekitar di pesisir pantai di Daerah PD ni khusus di DUN Chuah atau di Bukit Pelandok, di Pachitan, kita boleh sebagaimana macam matag Kuala Kurau, ataupun Sabak Bernam, banyak ladang pokok-pokok kelapa. So apabila cadangan tanaman kelapa ini boleh, adalah beberapa jenis, saya ingat EXCO ataupun Jabatan Pertanian lebih hafal dengan saya, kemungkinan kelapa merah ataupun kelapa gajah ni boleh ditanam, boleh dapat hasil minyak ataupun lain-lain hasil untuk memanfaatkan penduduk di situ, dapat peluang kerja lebih tambahan. Dengan masa produktif tu, setiap butir kelapa ini menghasilkan kopla dengan memiliki 6.8% untuk minyak ataupun hasilnya kepada penduduk di

situ. Pusat perladangan kelapa ni yang utama untuk Negeri Sembilan jugak.

Dato' Yang Dipertua, tampung keperluan untuk negeri bukak peluang yang pekerja ni untuk ladang lain. Selain pada kelapa, kemungkinan kita ada gaharu ataupun lain-lain makanan sayuran ataupun buah-buahan. *So*, itu adalah satu cadangan daripada DUN Chuah, daripada Chuah mintaklah jabatan berkaitan ni berfikir dan menimbang bukan hanya peladang getah ataupun kelapa sawit sahaja untuk menampungkan hasil kepada negeri. Bolehlah kita mintak ataupun cara lain, tanaman lain sebagai kelapa ataupun gaharu tu, menampungkan penghasilan.

Dato' Yang Dipertua, apabila kita katakan dasar perumahan. Pagi-pagi tadi, ni Yang Amat Berhormat Rantau telah kata, sebab kos rumah ni agak tinggi, dan nampaknya orang yang graduan ataupun baru keluar kerja ni walaupun gaji minima 1,000.00. Tetapi jikalau ada yang pasaran, harga pasaran dalam perumahan ni masih tidak mampu nak beli, hanya mampu tengok, tidak mampu miliki, saya menyerulah kerajaan ataupun jabatan berkaitan ni, untuk jikalau boleh kawallah harga rumah, untuk memudahkan graduan ataupun orang *fresh*, orang segera baru keluar kerja ni dapat memperolehi, memiliki rumah yang mampu milik, atau mampu dimiliki.

Dato' Yang Dipertua, apabila kita tengok aspek ataupun titah ucapan dalam teks baginda, memang ambil menarik khususnya apabila di kata, baginda mengatakan lembah ilmu, maknanya pendidikan kita memang kita cemerlang. Tapi saya nak menyoal satu ataupun menanyakan satu sebab dalam DUN saya ada satu sekolah agama, masa kini kata tanah dah telah diperuntukkan. Saya nak tanya, bila sekolah agama ni boleh dibangunkan untuk budak-budak, murid-murid yang sekolah di agama tersebut?

Dato' Yang Dipertua, apabila tadi kita katakan jalan untuk hubung, jaringan hubungan dengan pusat bandar dengan luar bandar, saya nampak beberapa tempat jalan daripada Sepang ke Lukut, ada beberapa jalan yang rosak, tidak sempurna. Saya mintak jabatan berkaitan khususnya JKR ni ambil perhatian, khususnya di selekoh simpang dari Sepang nak masuk ke Bukit pelandok ni, memang teruk. Kalau motosikal tersilap masuk lubang tersebut, saya ingat mengalamilah kemalangan. *So*, oleh kerana tu saya mintak jabatan yang berkaitan tu ambil perhatian.

Dan jugak selalu adalah jen, jentera ataupun kenderaan lori besar khususnya *tipper* masuk ke kawasan pemaju, sedang dimaju ialah Jimah Power, amat laju. Saya mintaklah jabatan yang bekaitan tu sila

ambil perhatian untuk pantau lori yang tersebut. Jangan menyusah ataupun membahayakan pengguna-pengguna di tempat kampung di situ.

Dan lagi satu, saya nak mintak, dah bagi surat kepada Jabatan JKR, mintak membina beberapa bonggol di atas jalan. Mungkin dia kata jalan besar, tapi itu terlalu dekat dengan sekolah, Sekolah Yik Chiao Bukit Pelandok, yang sentiasa mengalami kemalangan, berkerap kali. Oleh kerana tu saya mintaklah jasa baik pihak berkaitan tu menimbangkan, buatlah bonggol untuk mengurangkan kelajuan untuk kereta dari jalan utama, boleh elak yang kereta atau murid-murid keluar daripada simpang yang tersebut.

Dato' Yang Dipertua, apabila kita tengok yang kos sara hidup ni agak tinggi sebab adalah beberapa kaitan. Oleh kerana tu, kita mintak, saya mintak ataupun saya cadang di sini, jikalau boleh adalah tempat yang kosong ataupun di luar ni, adalah cadangan untuk sampingan ataupun adalah SME. Saya dapat beberapa aduan daripada orang kampung untuk mengusaha buat kilang kerepek, buat aiskrim, tetapi malangnya sebab modal ataupun *capital* tak cukup, oleh tu saya mintaklah jabatan berkaitan, SME ke usahawan, untuk mensalurlah sedikit bantuan untuk membolehkan usahawan boleh melaksanakan meniaga dan mengurangkan beban mereka. Dengan ini, sekian, terima kasih.

**Y.B. Yang Dipertua Dewan:** Terima kasih Chuah. Silakan, Temiang.

**Y.B. ADUN Temiang:** Terima kasih Dato' Yang Dipertua Dewan kerana memberi peluang kepada saya berbahas berkenaan dengan usul menjunjung kasih titah ucapan Duli Yang Maha Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13. Dato' Yang Dipertua Dewan, Duli Yang Maha Mulia Tuanku Yang di-Pertuan Besar telah menyentuh banyak perkara di Negeri Sembilan dalam titah ucapan baginda semalam. Maka saya berharap, pihak kerajaan perlu mengambil maklum tentang pesanan tuanku agar rakyat di Negeri Sembila boleh hidup dalam keadaan yang aman dan selesa.

Dato' Yang Dipertua Dewan, Duli Yang Maha Mulia Tuanku Yang di-Pertuan Besar ada membuat pesanan bahawa kerajaan perlu memastikan keperluan-keperluan asas dan rakyat iaitu kebajikan, tempat tinggal dan pendidikan diberi keutamaan. Pesanan ini adalah sangat penting. Maka sekali lagi saya berharap Kerajaan Negeri boleh memperbanyakkan lagi program-program kebajikan rakyat untuk

membantu golongan-golongan yang memerlukan bantuan terutamanya, terutamanya pada musim ekonomi yang menurun pada masa sekarang.

Kerajaan Negeri Sembilan mempunyai rizab kewangan yang kukuh. Sehasui, seharusnya menggunakan wang tersebut untuk membantu rakyat selain daripada tujuan pembangunan. Pada masa sekarang, rakyat hanya bergantung kepada bantuan kebajikan JKM, masya, Jabatan Kebajikan Masyarakat dan bantuan peruntukan di Pejabat Menteri Besar. Tetapi mereka menunggu masa yang lama untuk mendapatkan bantuan tersebut. Kadang-kadang tiga bulan ataupun menunggu setengah tahun pun belum dapat kelulusan. Tambahan pula, bantuan tersebut juga adalah tidak menyeluruh.

Maka saya bercadang kepada Kerajaan Negeri supaya menubuhkan satu bantuan khas kepada pesakit-pesakit yang menjalankan dialisis buah pinggan, buah pinggang. Ini adalah kerana mereka yang sakit buah pinggang ter, amat memerlukan kos rawatan yang banyak. Kerajaan juga perlu menjaga golongan berumur, 60 umur ke atas, kerana golongan ini telah mencapai umur bersara, nama majikan, ramai majikan enggan menggaji mereka untuk bekerja. Maka kehidupan mereka akan terjejas.

Dato' Yang Dipertua Dewan, perkara kedua adalah berkenaan pelancongan di Negeri Sembilan. Pada masa sekarang, ramai pelancong yang datang ke Negeri Sembilan hanyalah memberi tumpuan di Pantai Port Dickson sahaja. Tetapi tempat-tempat lain yang juga mempunyai daya tarikan pelancongan telah diabaikan. Saya percaya setiap kawasan di daerah di setiap DUN masing-masing tentu mem, mempunyai ke, keunikan dan tempat-tempat pelancongan yang istimewa yang bo, yang boleh mewakili kawasan tersebut. Apabila pelancong-pelancong datang ke kawasan tersebut, mereka akan faham tentang sejarah sesuatu tempat. Seperti contohnya, di kawasan DUN Temiang banyak wujudnya banyak tokong-tokong Cina, masjid, kuil dan bangunan-bangunan NGO antik. Maka saya berasa ini adalah satu daya tarikan untuk DUN Temiang untuk menarik pelancong-pelancong ke kawasan DUN Temiang.

Jadi saya berharap Jabatan Pelancongan Negeri Sembilan perlulah mengadakan perbincangan bersama-sama dengan persatuan-persatuan NGO di sesuatu kawasan di seluruh Negeri Sembilan agar mengenal pasti tempat-tempat pelancongan yang istimewa bagi kawasan tersebut supaya boleh sama-sama membangunkan industri pelancongan di Negeri Sembilan. Ini juga adalah salah satu cara untuk membangunkan ekonomi di kawasan tersebut.

Dato' Yang Dipertua Dewan, perkara ketiga adalah berkenaan dengan masalah projek naik taraf tandas awam di Pasar Besar Seremban. Untuk makluman Dewan yang mulia ini, projek ini sepatutnya disiapkan tahun lepas, tetapi sehingga hari ini, projek ini masih belum disiapkan sepenuhnya. Projek ini masih dalam keadaan tergendala, telah melebihi setengah tahun. Maka saya nak tahu apakah faktor utama projek ini telah ter, tergendala sekian lama. Setiap hari ramai orang pergi ke Pasar Besar Seremban untuk membeli belah, makan dan sebagainya. Maka mereka hanya boleh menggunakan tandas awam di tingkat 1 sahaja pada masa sekarang. Keadaan ini amat menyusahkan orang ramai terutamanya mereka yang merupakan orang tua. Maka saya nak tahu bilakah projek ini akan siap sepenuhnya?

Dato' Yang Dipertua Dewan, saya juga ingin menyentuh perkara berkenaan dengan cukai tanah untuk Sekolah Tinggi Chung Hua, Seremban dan Sekolah Menengah Chung Hua, Port Dickson. Merujuk kepada jawapan bagi soalan bertulis nombor 5 saya, saya mendapati bahawa tiada remisyen diberikan kepada Sekolah Menengah Chung Hua, Port Dickson dan sebidang tanah untuk Sekolah Menengah Tinggi Chung Hua, Seremban juga tidak diberi remisyen oleh Kerajaan Negeri. Padahal Yang Amat Berhormat Menteri Besar telah membuat pengumuman di mana semua aliran sekolah di Negeri Sembilan akan diberikan remisyen untuk cukai tanah dan kadar cukai. Dan kadar, dan cukai tanah Seremban remisyen adalah hanya RM1.00 sahaja pada tahun 2010. Maka mengapa perkara ini berlaku? Saya berharap Yang Amat Berhormat Menteri Besar boleh memberikan jawapan yang jelas tentang hal ini. Ini adalah sangat penting kerana kedua-dua sekolah ini bukanlah merupakan apa-apa ataupun tidak menjanakan apa-apa perniagaan, mereka hanya khas untuk sekolah sahaja.

Dato' Yang Dipertua Dewan, perkara seterusnya adalah berkenaan dengan projek susur keluar dari LEKAS *highway* ke Jalan Temiang iaitu di bulatan Taman Desa Temiang. Untuk maklumat Dato' Yang Dipertua Dewan, projek ini bermula, telah bermula lama tetapi sehingga hari ini masih belum lagi dibukak untuk kegunaan orang ramai. Maka saya nak tanya kepada Kerajaan Negeri, bilakah jalan tersebut akan dibuka untuk kegunaan orang ramai kerana Jalan Temiang adalah sangat sempit dan penuh dengan kenderaan-kenderaan terutamanya pada hari Sabtu dan Ahad. Maka saya percaya jalan baru tersebut boleh mengurangkan keadaan kesesakan Jalan Temiang.

Dato' Yang Dipertua Dewan, perkara yang seterusnya adalah juga berkenaan dengan peruntukan kewangan oleh Kerajaan Negeri kepada Dewan Perhimpunan Cina Negeri Sembilan. Mengikut jawapan bertulis nombor 1 saya, di mana pe, saya mendapati bahawa peruntukan

Kerajaan Negeri Sembilan kepada Dewan Perhimpunan Cina Negeri Sembilan semakin hari semakin menurun. Pada tahun 2013, RM100 ribu telah diperuntukkan kepada persatuan tersebut. Tetapi angka ini semakin hari semakin menurun sehingga ke RM25 ribu sahaja pada tahun ini. Maka ini seakan-akan memberi gambaran bahawa Kerajaan Negeri telah menggunakan peruntukan kewangan untuk memancing undi pada tahun 2013. Tetapi selepas pilihan raya dan selepas menjadi pemerintah di Negeri Sembilan, jasa kita telah dilupakan. Ini adalah tidak adil dan tidak betul. Maka saya berharap peruntukan ini haruslah diberikan secara sistematik dan automatik tahun demi tahun.

Yang akhir sekali, saya juga memohon pihak MPS mempandang ri, memandang serius terhadap jalan di sekolah menengah, di Sekolah menengah, Menengah Chan Hwa, Jalan Temiang. Di mana jalan tersebut adalah sangat sempit dan selalu berlakunya kemalangan yang melibatkan murid-murid sekolah. Dan walaupun saya telah banyak kali memohon pihak MPS untuk membina jambatan ataupun bonggol jalan untuk mengurangkan kelajuan kenderaan, tetapi cara-cara ini tidak dilaksanakan dan persatuan ibu bapa dan murid-murid amat khuatir bahawa sesuatu kemalangan berlaku kepada anak-anak mereka. Kalau tak, tak dapat buat bonggol, perlulah buat itu isyarat bewarna kuning ataupun *zebra line* ataupun membantu pihak sekolah meletakkan seorang pegawai menjaga keadaan lalu lintas supaya memberi peringatan kepada pemandu-pemandu kenderaan untuk menjaga keselamatan murid-murid. Di kawasan tersi, tersi, tersebut, murid-murid sekolah adalah melebihi 2,000. So ini adalah penting untuk menjaga kepentingan murid-murid di sekolah tersebut. Sekian, terima kasih Dato' Yang Dipertua.

**Y.B. Yang Dipertua Dewan:** Terima kasih YB. Silakan, Mambau.

**Y.B. ADUN Mambau:** Terima kasih Dato' Yang Dipertua Dewan kerana memberi peluang kepada saya berbahas berkenaan dengan usul menjunjung kasih titah ucapan Duli Yang Maha Mulia Yang di-Pertuan Besar Negeri Sembilan. Titah ucapan Duli Yang Maha Mulia Yang di-Pertuan Besar Negeri Sembilan ada menyatakan perhatian kerajaan adalah bagi memastikan keperluan-keperluan asas rakyat iaitu kebijakan, tempat tinggal dan pendidikan harus diberi keutamaan.

Dato' Yang Dipertua, petang ini saya ingin mensentuh atas perkara tempat tinggal di sekeliling taman perumahan di, khususnya di kawasan Mambau. Dato' Yang Dipertua, daripada ni, menurut atau mengikut laporan kes, kesihatan Jabatan Kesihatan kadar kes wabak denggi dalam Negeri Sembilan kian meningkat pada masa, masa, masa

kini. Dan juga mengancam nyawa penduduk setempat. Daripada pemantauan yang kami lihat, salah satu punca utama pemberian nyamuk aedes ini ialah kekotoran daripada tapak tanah persendirian yang terbiar dengan bersemak samun dan tidak dalam jagaan yang baik oleh pemilik tanah sendiri.

Dato' Yang Dipertua, saya ingin menyuarakan masalah aduan orang awam dalam Dewan yang mulia ini, kerana tapak tanah lapang atau lot kosong yang terbiar di merata-merata tempat tinggal di sekeliling taman-taman perumahan adalah salah satu punca utama pemberian nyamuk aedes. Pada pandangan saya, keadaan masalah lot tanah yang bersemak ini adalah satu kesilapan dan kecuaian pada pemilik tanah yang tidak bertanggungjawab kerana mereka tidak menjaga kebersihan di sekitar lot tanah mereka. Saya nak tanya, kenapa mereka orang kaya ni sanggup membeli tanah dengan beratus-ratus ribu ringgit tetapi tidak mampu membelanjakan untuk menjalankan kerja-kerja pembersihan mengikut jadual masa untuk menjagai, menjaga kebersihan setempat. Seolah-olahnya, seperti pemilik-pemilik tanah, contohnya mereka boleh membeli seekor lembu, tapi tak mampu membeli sebatang tali untuk rumput tersebut.

Di samping itu juga, aduan masalah bersemak di lot tanah kosong sering dibangkitkan atau disalurkan kepada pihak PBT yang terbabit tetapi masalah aduan masalah ni masih bertimbul daripada tahun ke tahun. Pihak PBT harus sentiasa memantau dan memberi prihatin terhadap aduan yang di, sentiasa dibangkitkan oleh rakyat dan saya bercadang Kerajaan Negeri mengupul, mengumpu, mengumpulkan, mengemukakan kalau boleh suatu dasar untuk menaikkan atau meningkatkan kadar cukai tanah terhadap pemilik-pemilik lot tanah yang tidak bertanggungjawab, tidak menjaga kebersihan lot mereka. Saya berharap pihak PBT memberi tumpuan yang secukupnya untuk menjamin kesihatan rakyat supaya dapat dijaga dengan baik dan sempurna. Kita semua harus memiliki satu suasana kediaman yang selesa.

Dato' Yang Dipertua, perkara yang kedua yang saya ingin sentuhkan ialah tentang keamanan dan kemakmuran. Semalam tuanku mak, maklumkan bahawa pasukan keselamatan khususnya Polis Diraja Malaysia terus memperhebatkan daya usaha untuk menjaga keamanan dan keselamatan di Negeri Sembilan ini. Saya mengambil kesempatan ini, kali ini untuk merakamkan syabas dan terima kasihlah kepada pihak kuasa yang terbabit seperti pihak PDRM dan pihak SPRM yang menjalankan turan, tugas mereka dengan bersungguh-sungguh untuk mencegah kes jenayah dan tangkapan kes rasuah.

Sebagai wakil rakyat, saya ingin juga menyuarakan pendapat atau cadangan untuk membangkitkan perkara-perkara yang mempunyai kepentingan awam di dalam Dewan yang mulia ini. Dato' Yang Dipertua, saya pernah menerima aduan daripada ramai, orang awam bahawa tindakan garis panduan, SOP pihak PDRM dan pihak SPRM tidak begitu sempurna ke atas dakwaan suspek pemimpin-pemimpin politik dan penjawat awam yang ditahan oleh mereka. Iaitu sebelum pihak PDRM dan pihak SPRM mendapat keputusan penentuan atau berjaya menentukan suspek dalam sisi, salah dalam sisi undang-undang di mahkamah, suspek-suspek tahanan untuk siasatan tersebut sentiasa tangan digari dan memakai baju lokap yang berwarna warni, berwarna warnilah Tuan *Speaker*, ada warna jingga ada, warna jelebu, kelabu ada, warna merah pun ada. Jadi, dan sebagainya, warna kelabu, dan sebagainya warna-warna, semasa mereka berada dalam peringkat siasatan sahaja.

Dato' Yang Dipertua, pada pendapat saya, suspek-suspek siasatan ni bukan pembunuhan atau penjenayah, tindakan garis panduan SOP seperti bergari dan berbaju lokap sebelum mendapat keputusan mahkamah ini amat tidak adil kepada suspek tersebut khususnya kepada ahli-ahli keluarga mereka. Dan ini kemungkinan besar akan menjelaskan imej pemimpin masyarakat atau penjawat awam serta ahli-ahli keluarga mereka yang akan berhadapan dengan masyarakat umum. *Damage is done*, dengan izin, kepada ahli-ahli keluarga suspek tersebut. Jadi, saya berharap pihak yang terbabit akan buat kajian semulalah atas garis panduan tahanan hanya digunakan selepas dakwaan sepenuhnya ketika keputusan mahkamah yang menyatakan suspek-suspek tersebut bersalah di sisi undang.

Jadi seterusnya Dato', Dato' Yang Dipertua, perkara yang ketiga saya ingin memohon serba sedikit ulasan laporan dari masalah banjir iaitu banjir kilat di jalan lama Tampin iaitu di simpang jalan masuk Taman Star Light Park. Apabila hujan lebat, kawasan tersebut sentiasa di banjir, di banjir air setinggi, setinggi empat, empat kaki dari, dari apa ni, permukaan jalan raya. Jadi saya meminti, meminta sedikit permohonan dan ulasan untuk, untuk masalah aduan ini.

Jadi Dato' Yang, Dato' Yang Dipertua, jadi, pilihan raya dah, dah sampai, tak tahu bilalah. Jadi, saya tengok sekarang makin ramai wakil rakyat atau EXCO kerajaan harus, haruslah ber, berwaspada pada hujah-hujah dan kata-kata mereka. Dan, tujuan dan matlamat kita sebagai wakil rakyat ialah menjalankan tugas dan memberi bantuan kepada rakyat yang menghadapi masalah. Pemimpin-pemimpin politik, saya, saya berharaplah jangan mengeluarkan kata-kata yang menyakitkan hati seperti perkataan-perkataan zalimlah, jahatlah, bapak angkatlah, bapak kandunglah. Jadi, kesemua ini, kita nak tumpukan sasaran ke atas dasar

kera, dasar-dasar Kerajaan Negeri yang ditujui dan bukan kata-kata yang tidak elok kepada seseorang pemimpin atau wakil rakyat. Dan juga jangan cuba nak mendapatkan publisiti percuma untuk menarik perhatian pengundi pada pilihan raya akan datang. Terima kasih Dato' Yang Dipertua.

**Y.B. Yang Dipertua Dewan:** Terima kasih Mambau. Silakan, Rahang.

**Y.B. ADUN Rahang:** Terima kasih Dato' Yang Dipertua. Saya ingin mengambil kesempatan ini untuk menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13.

Dato' Yang Dipertua, saya pernah menerima banyak aduan tentang ruang letak kereta di kawasan Hospital Tuanku Jaafar. Saya faham dan tahu bahawa kakitangan hospital dan kakitangan perubatan harus diberi keutamaan ketika datang untuk mela, meletakkan kenderaan mereka. Dalam beberapa bulan kebelakangan ini, saya terdapat banyak aduan tentang sistem baru meletak kereta di kawasan Hospital Tuanku Jaafar. Pemandu kereta kena menu, menunjukkan kad rawatan untuk mendapatkan naik ke tingkat 4 di bangunan tempat letak kereta. Biasanya, pemandu kereta akan hantar orang yang sakit ke, ke pintu besar supaya dia tak perlu jalan jauh dan juga boleh pergi berdaftar supaya tak perlu tunggu lama.

Jikalau tempat letak kereta kena tunjuk kad rawatan dan pesakit perlu kad untuk berdaftar, memang akan ada masalah. Biasanya, *security* akan suruh pemandu kereta letak kereta di padang bola yang berdekatan simpang masuk ke Hospital Tuanku Jaafar. Di tempat ini, memang ada tempat letak kereta, ada lebih kurang 150 petak letak kereta di mana ada, dengan izin, *shuttle service*. Kenderaan ini hanya boleh muat 12 penumpang sahaja setiap perjalanan. Dan penumpang kena tunggu lama. Ini tidak selesa untuk pesakit dan untuk pelawat pada tengah hari. Waktu melawat hanya sejam atau sejam setengah. *Shuttle* ini ulang alik sembilan kali sehari dari pukul 7:00 pagi hingga 6:00 petang, kecuali pukul 1:00 hingga 2:00, pukul 2:00 masa makan tengah hari, kerana hanya 12 penumpang yang dapat naik kenderaan, kenderaan ini setiap kali kenderaan ulang alik. Pengurusan dan sistem tempat letak kereta perlu diperbaiki supaya tidak menyusahkan orang awam yang sakit atau nak, nak lewat, nak lawat pesakit di Hospital Tuanku Jaafar.

Dato' Yang Dipertua, dengan izin, *baby friendly hospital initiative* adalah inisiatif global. Kedua-dua Pertubuhan Kesihatan Sedunia (WHO) dan kecemasan PBB, kanak-kanak antarabangsa, UNICEF disasarkan untuk memastikan bahawa setiap kanak-kanak mendapat permulaan yang terbaik dalam hidup melalui persekitaran yang menyokong penyusuan susu ibu. Dengan izin, *baby friendly hospital initiative* telah dilancarkan pada tahun 1991. Sehingga kini, lebih dari 20,000 hospital di seluruh dunia telah diiktiraf sebagai Hospital Rakan Bayi. Malaysia telah melaksanakan inisiatif ini sejak tahun 1993. Pada tahun 1998, Malaysia tedah, telah diiktiraf oleh Pertubuhan Kesihatan Sedunia sebagai negara ketiga di dunia dengan 100% hospital kerajaan diiktiraf sebagai Hospital Rakan Bayi. Objektif Hospital Rakan Bayi ditubuhkan untuk melindungi, memprom, mempromosi dan menyokong penyusuan susu ibu melalui mewujudkan persekitaran yang menyokong untuk ibu-ibu menyusukan anak-anak mereka dengan susu ibu dan menyediakan perkhidmatan yang membantu ibu-ibu menyusu.

Ibu-ibu perlu ada bilik penyusuan di tingkat bawah di dalam bangunan Hospital Tuanku Jaafar untuk pesakit sehari dan unit kecemasan. Selepas menerima aduan, saya nampak di unit kecemasan tidak ada tempat bersuai untuk ibu menyusu bayinya. Jika terdapat kecemasan, sering kali ibu perlu membawa bayi dan kanak-kanak kerana tidak ada sesiapa untuk menjaga mereka di rumah. Dan bila masa kecemasan, mereka perlu tergesa-gesa ke hospital. Oleh sebab tidak ada bilik menyusu di sekitar kawasan kecemasan, ibu menyusu akan pergi ke satu sudut dan menundunginya [melindunginya] dengan penutup kain untuk menyusukan *baby*, *bayi*.

Saya juga nampak seorang ibu bergesa bayinya yang berusia, usia, yang berusia hanya 30 hari dan demam yang sangat tinggi. Ibu ini terpaksa menunggu selama lebih pada dua jam untuk berjumpa doktor dan bayi perlu menyusukan. Ini adalah pemandangan yang menyedihkan untuk melihat ibu ini yang masih dalam persalinan berdiri menghadap dinding dan suaminya memegang kain sarung supaya ibu boleh menyusukan bayinya. Dia tak dapat duduk kerana tiada kerusi dan kerusi-kerusi di unit kecemasan adalah yang panjang dan diserta bersama, disertakan bersama-sama. Program penyusu bayi ini ketat dilaksanakan oleh Hospital Tuanku Jaafar adalah sangat baik dan berfaedah untuk memberi bayi permulaan yang baik. Di sini sekali lagi, sistem pada program ini perlu meningkatkan untuk menggalakkan kaum ibu untuk menyusu di tempat-tempat awam dengan selesa.

Dato' Yang Dipertua, hujan pada bulan lalu menyebabkan banjir, banjir kilat di ber, beberapa kawasan di Rahang. Kali ini, banjir kilat ni di Kampung Singh, Kampung Pasir, Kampung Chedang dan Kampung Dato' Mansor amat buruk. Dan ada tempat banjir di mana airnya naik

dua hingga empat kaki tinggi di dalam rumah dan kawasan sekeliling. Apabila saya melawat kawasan yang terjejas selepas banjir di Kampung Singh, di sini banjir adalah kerana longkang, bukan longkang lagi, longkang itu telah diruntuh dan penuh dengan semak samun dan juga ada pokok-pokok yang tumbuh di dalamnya. Di Kampung Pasir, sepatutnya ada sungai yang mengalir di belakang rumah, dan di sini juga sungai adalah dipenuh dengan semak samun dan pokok-pokok.

**Y.B. Yang Dipertua Dewan:** YB.

**Y.B. ADUN Rahang:** Kami telah membuat banyak aduan tetapi tiada apa-apa tindakan diambil oleh pihak berkuasa. Pihak berkuasa perlu dengan segera mesti membersihkan kawakan, kawasan-kawasan ini sebelum musim hujan yang akan datang.

Pada 7 haribulan ini, dengan izin, *Commonwealth Women Parliamentarians South-East Asia Regional Seminar* telah diadakan di Parlimen Malaysia. Semua negeri di dalam Malaysia telah dijemput untuk menghantar lima orang wanita untuk mewakili negeri masing-masing. Hampir 50% wanita, 5% adalah warga wanita di Negeri Sembilan. Dengan izin, *with the theme of "Women and Development: Bridging the Gap"* ini akan memberi manfaat kepada golongan wanita di Negeri Sembilan. Ini akan merapatkan budaya kita secara keseluruhannya dan juga boleh menjangku, menjangkau dengan pemahaman yang tanpa pera, prasangka.

Hanya perlu hantar lima wakil wanita dari setiap negeri. Negeri Selangor dan Johor menghantar wakil mereka sebagai ahli Komanwel daripada semua parti tanpa jo, jurang. Apabila terdapat program-program seperti ini, di mana ia akan memberi manfaat kepada golongan wanita, Kerajaan Negeri Sembilan perlu menyokong wanita untuk dapat bergerak setanding dengan rakan-rakan kami dari negeri-negeri lain di Malaysia. Adakah Negeri Sembilan menghantar wakil-wakil dari Negeri Sembilan untuk menghadiri, dengan izin, *Commonwealth Women Parliamentarians South-East Asia Regional Seminar* yang telah diadakan di Parlimen Malaysia pada 7 haribulan lalu? Sekian, terima kasih.

**Y.B. Yang Dipertua Dewan:** Terima kasih. Silakan.

**Y.B. ADUN Bahau:** Ya, terima kasih Dato' Dipertua kerana kasi izin saya untuk peluang untuk berbahas dalam usul terima kasih titah baginda.

Dato' Dipertua, bulan lepas, yang baru berlaku dua kes, dua kes kebakaran sekolah di Daerah Jempol iaitu Sekolah Rendah Saint Aidan, bilik komputernya dihapus haa, dan sekolah agama di DUN Lui tu haa, asramanya dibakar. Kes kebakaran ini sudah begambarkan bahawa keselamatan terbakar, keselamatan sekolah amat diutamakan dan kena dinaik taraf. Sebenarnya setiap sekolah pun ada sistem, sistem dia untuk mencegah kebakaran tapi letak kebakaran, kami dapat bahawa banyak sekolah sampai hos kebakaran pun tiada fungsi. Umpamanya di sekolah Bahau, Mahsan, sekolah rendah, langsung tak fungsi. So, kami harap Jabatan Pendidikan haa, dapat belajar yang kes berlaku di Johor Bahru tu, kenal pastikan semua bangunan sekolah mesti tak, dalam keadaan yang selamat. Ini utama. Tapi jangan cakap saja, urusan tak dijalankan. Ini mesti di, diingat dan dijalankan dengan betul.

Dato' Dipertua, kami berasa suka hati bahawa Kerajaan Negeri sudah memberi bantuan kedua-dua sekolah ini. Saya pun memohon tu, Sekolah Saint Aidan, bilik komputer tu pun boleh dapat sumbang, sumbangan dari Rantau atau MB yang paling utamakan pendidikan. Kami pun berharap kerajaan dan jabatan tertentu memberi perhatian kepada semua sekolah yang kurang sistem mencegahkan kebakaran. Mempastikan semasa berlaku kebakaran, utamanya murid, guru, kita, mereka adalah satu, dalam situasi yang selamat.

Kami berberikan contoh, bahawa di kawasan saya, itu di sekolah rendah dan Sekolah Menengah Chi Wen, dua sekolah ini dia berdiri di dalam satu tanah hanya tiga ekar sahaja. Dua sekolah ini saya ulang, sekolah rendah, sekolah menengah, dua sekolah ini lebih kurang 1,000 murid dan guru. Dua campur sekali 2,000 murid dan guru. Tapi, di satu bangunan atas tanah hanya tiga ekar sahaja. Kecik sangat tu. Jikalau ikut panduan bangunan ruangan sekolah, memang ini sudah langgar garis panduan, tak cukup tu. Saya bertahniah bahawa Kerajaan Negeri, Kerajaan Negeri yang dipimpin oleh Rantau tu, sudah mencapaikan kejayaan yang cemerlang sekali, utama tadi yang dicakap ulang-ulang tu, sekolah asrama, sekolah itu bantuan penuh tu, tu Kurshiah, Tunku Kurshiah, kami pun harap, harap dapat diprihatian seimbang atau sesama. *Yi Shi Tong Ren*, erti cakap sama tu, mesti diberatkan seimbang kerana, kerana seperti sekolah Chi Wen, *N Chi Zhong*, sekolah menengah dan sekolah rendah ini, sudah berdiri sejak negara ber, merdeka tapi masih di atas tanah tiga ekar saja. Ini mungkin ada satu kesilapan, jikalau cakap serius sikit, kemaluan untuk kerajaan kerana .....

**Y.B. Ahli-Ahli Yang Berhormat:** Malu.

**Y.B. ADUN Bahau:** Malu, memang malu, dia atas tiga ekar.

**Y.B. Ahli-Ahli Yang Berhormat:** Malu lain.

**Y.B. ADUN Bahau:** Bukan, dia ini sekolah kebangsaan, sekolah rendah atau aliran utama pusat haa, itu kerajaan. Dato' Yang Dipertuan.....

**Y.B. Ahli Yang Berhormat:** Kemaluan.

**Y.B. ADUN Bahau:** Kemaluan, betul, terima kasih. Dato' Yang Dipertua, kami difahamkan .....

**Y.B. Yang Dipertua Dewan:** Yang Berhormat.

**Y.B. ADUN Bahau:** Ya.

**Y.B. Yang Dipertua Dewan:** Kemaluan tu lain maksudnya.

**Y.B. ADUN Bahau:** Saya tarik balik tu, saya malukan. Dato' Yang Dipertua .....

**Y.B. Yang Dipertua Dewan:** Memalukan.

**Y.B. ADUN Bahau:** Yes. Dato' Dipertua, kami yang difahamkan di.....

**Y.B. Yang Dipertua Dewan:** Dah tarik belum Yang Berhormat? Dah tarik belum?

**Y.B. ADUN Bahau:** Dah, dah tarik itu. Dato' Yang Dipertua, yang di bandar baru IOI, kami difahamkan ada sebanyak 16 ekar tanah rizab untuk sekolah. Kami pun sudah ulang di Dewan yang mulia ini, sekolah

Tamil dapat lima ekar, lagi tu sekolah kebangsaan pun ada di, diberikan. So, saya cadangan di Dewan yang mulia ini bahawa kerana Sekolah Chi Wen dan Sekolah Menengah Chi Wen, dia di atas tanah hanya tiga ekar tu, boleh berdapat sekurang-kurangnya, sekurang-kurangnya lima ekar untuk sekolah tersebut, untukkan mengelakkan bila berlakukan kecemasan.

Dato' Yang Dipertua, kami pun mengharap kerajaan angkat berat dengan saya yang tersebut itu, kerana sekolah yang kecil tu, yang satu murid ada ibu bapa PIBG tu, berbuat aduan bahawa sekolah tu memang kecil Memang hanya tak nampak hijau pokok, hanya berbau simen saja. So, kami harap tu cadangan murid dapat di, di, ditunaikan dan boleh dapat dijalankan.

Dato' Dipertua, dengan Dasar Perumahan Negeri Sembilan. Rumah kediaman. Kami berbangga bahawa kerajaan sudah memberatkan tu rumah mampu milik. Di Dewan yang mulia ini, saya nak tanya tu, kerana dah mula-mula di, mula tu di tahun lepas, Ogos, satu pendaftaran rumah mampu di Daerah Jempol, didapati lebih kurang, lebih kurang 4,000 orang yang mendaftar untuk, untuk memohon hanya 110 unit rumah mampu yang di Bandar Baru IOI. Tapi malangnya, lepas tu saya bersusun dengan perumahan, tapi yang diberitau tu, hanya *key-in* saja pun angkat masa. Tapi saya pun nak tahu macam mana keadaan dengan rumah projek rumah mampu ini adalah bila nak akan buat cabutan. Jikalau buat cabutan, saya pun boleh harapkan dengan *transparency* sekali. Jangan ikutkan UMNO angkat berapa, MIC angkat berapa, MCA angkat berapa. Tapi saya cadangkan dengan cabutan yang terbu, ter, terbuka, terbuka sekali.

Dato' Yang Dipertua, tentang banjir kilat. Sama jugak, di kawasan Bahau. Saya nak suarakan di Dewan yang mulia ini, bahawa di Taman Cempaka, Bahau yang paling tak boleh diterima bahawa projek menaik taraf longkang ada dijalankan di Taman Cempaka tapi bukan di kawasan yang banjir. Dia, kawasan banjir di A, dekat sungai dengan longkang sekolah SMK tu, dia buat naik taraf di kedai di depan jalan. Apa gunanya? So, bulan lepas sudah membuktikan bahawa hujan lagi, banjir berjadi lagi. Saya pun mintak Dewan yang mulia ini, atau pihak Majlis Daerah buat jelasan, longkang yang buat itu berapa kos dia, berapa dia buat tu, mengapa nak buat tu. Tapi yang banjir tu tak buuk. Sekolah depan tu tak buuk, longkang sama jugak. Haa tapi DO yang baru ini, dia rajin. Tadi di taman Bahau ada turun, jadi tu dia turun padang, memang satu DO yang rajin, yang merapatkan dengan rakyat. Tapi pun berharap jangan politikkan masalah tempatan. Jangan politikkan atau memain dengan MCA, mempolitikkan isu-isu rakyat.

**Y.B. Yang Dipertua Dewan:** Yang Berhormat.

**Y.B. ADUN Bahau:** Ya.

**Y.B. Yang Dipertua Dewan:** Masa cukup.

**Y.B. ADUN Bahau:** Lagi sikit lagi, pasar tu, utama untuk rakyat. Pasar Besar Bahau sudah 20 tahun lebih. So, DO yang lama, baru sudah sampai, saya memohon dan bercadangkan DO sama-sama turun padang pergi pasar melawat. Tengok pasar yang berapa lama, yang 20 tahun lebih tu, tingkat atas sudah kosong, sudah kosong lebih dari 10 tahun. Tak ada orang pakai. Lagipun, yang bawah itu, saya hanya boleh *shake* kepala, dengan izin, teruk sekali. So, saya mohon DO yang baru ni boleh sama-sama turunkan padang tengok apa keadaan yang di pasar Bahau ni, sama-sama menaikkan taraf supaya, supaya, kerana *hypermarket* pun masuk pasar pelan Bahau, yang pasar raya besar pun sudah masuk, tapi yang pasar besar kerajaan ini, saya kena diutamakan dan dinaik taraf supaya yang gerai-gerai yang be, yang berniaga di tempat itu dapat bersegi yang baik.

Dato' Yang Dipertua, saya pun ingin nak ber .....

**Y.B. Yang Dipertua Dewan:** Yang Berhormat.

**Y.B. ADUN Bahau:** *Last* sekali. Komersial jenayah, kerana sekarang ma, mana amat, dengan izin ya, *money game*, sudah banyak aktif di Bahau. So, kami pun nak mintak PDRM, bahagian polis tu, angkat serius sampai, jangan sampai orang buat *report* baru siasat. Atau kami pun bercadangkan bahawa polis keluarkan satu *list*, satu *list* yang memang disyaki atau yang tak, dengan *money game* itu, dengan izin, biarlah orang ramai yang betul atau mana yang itu, mana *game* yang tipu, itu utamakan. Sekian, terima kasih.

**Y.B. Yang Dipertua Dewan:** Silakan Repah.

**Y.B. ADUN Repah:** Terima kasih kepada Dato' Yang Dipertua kerana memberi peluang kepada saya untuk mengambil bahagian dalam perbahasan usul bahawa Dewan ini mengambil ketetapan menjunjung kasih Ke Bawah Duli Yang Maha Mulia Yang di-Pertuan Besar Negeri

Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13.

Dato' Yang Dipertua, terlebih dahulu saya ingin mengambil kesempatan ini untuk merekodkan syabas dan tahniah kepada guru-guru dan juga warga pengajar kerana memastikan Negeri Sembilan ini mencapai kecemerlangan dalam pendidikan terutamanya dalam keputusan UPSR, SPM dan STPM. Jadi, saya ucapkan syabas juga kepada pelajar-pelajar yang mendapat keputusan yang cemerlang dalam UPSR, SPM dan STPM. Tidak terlupa juga kepada peranan ibu bapa yang memastikan anak-anak mereka belajar dengan bersungguh-sungguh dan mencapai keputusan yang cemerlang dalam pendidikan mereka.

Dato' Yang Dipertua, saya akan membangkitkan beberapa isu dalam Dewan Undangan Negeri pada kali ini. Pertamanya adalah berkenaan dengan satu rungutan daripada ibu bapa di Sekolah Jenis Kebangsaan Ladang Regent, Gemencheh. Dato' Yang Dipertua, perkara ini melibatkan satu program yang telah dianjurkan oleh persatuan PIBG bersama dengan NGO yang dikenali sebagai IMPAK untuk memberi galakan dan sumbangan kepada pelajar-pelajar yang mendapat keputusan yang cemerlang. Jadi, program ini, dalam program ini pelajar-pelajar yang mendapat keputusan yang cemerlang telah dipanggil dan bersama-sama dengan ibu bapa mereka.

Jadi, apa yang berlaku dalam program tersebut, ada juga pelajar-pelajar yang ibu bapanya adalah terdiri daripada guru-guru yang hadir pada program tersebut. Jadi apa yang dimaklumkan kepada saya bahawa pihak PPD ada mengeluarkan surat kepada guru berkenaan kenapa hadir di program pembangkang dalam program tersebut. *Show cause letter*, dengan izin Dato' Yang Dipertua, telah dikeluarkan untuk mereka menjawab. Jadi saya nak pertekankan di sini, program itu dianjurkan oleh persatuan ibu bapa dan penjaga dan juga bersama-sama dengan NGO dikenali sebagai IMPAK. Jadi tidak ada anjuran yang dibuat oleh pembangkang dalam program tersebut. Tetapi walaupun pemimpin daripada Pakatan Harapan dijemput, cuma untuk memberikan motivasi dan galakan kepada pelajar-pelajar tersebut, tidak ada kempen politik dilakukan dalam program tersebut.

Jadi, saya juga pada masa yang sama ingin membawa satu perkara lagi, terdapat satu mesyuarat PIBG yang berlangsung di salah sebuah sekolah di kawasan yang sama, di mana mesyuarat tersebut diadakan dalam kawasan sekolah dan ahli politik dijemput. Dan di sana perkara yang berlaku adalah Pegawai PPD seolah-olah berkempen untuk mengatakan bahawa ahli politik tersebut perlu disokong pada pilihan raya yang akan datang. Jadi, saya nak beritahu kepada EXCO Pendidikan, kenapa perkara ini boleh berlaku di dalam kawasan

sekolah dan program yang dianjurkan di luar, tidak ada kempen apa-apa politik dikeluarkan surat *show cause* kepada guru berkenaan? Jadi, saya nak mintak penjelasan daripada EXCO Pendidikan, berkenaan isu ini.

Dato' Yang Dipertua, perkara yang keduanya adalah berkenaan dengan, berkenaan dengan permohonan daripada ibu bapa di sekolah yang sama iaitu Sekolah Jenis Kebangsaan Ladang Regent, di mana lebih daripada 100 ibu bapa telah menandatangani satu memorandum untuk menggantikan guru besar yang sedia ada kerana terdapat isu-isu yang dibangkitkan oleh persatuan ibu bapa tersebut, dan juga ibu, ibu bapa kepada pelajar-pelajar yang mengatakan guru besar yang berada sekarang ini adalah tidak berapa mementingkan pelajaran anak-anak mereka. Jadi, suatu memorandum telah dihantar kepada pihak PPD. Setakat ini tiada tindakan apa-apa untuk menggantikan dengan guru besar yang baru. Malah, saya dimaklumkan bahawa pegawai PPD ini memaklumkan kepada guru berkenaan, berkenaan siapa yang menandatangani moral, moram, memorandum tersebut. Jadi, ini adalah satu perkara yang perlu diambil perhatian sebab ibu bapa ingin memastikan pendidikan anak-anak mereka lebih baik dalam keputusan mahupun UPSR ataupun STPM ataupun SPM. Jadi saya me, muahu penjelasan diberikan oleh EXCO.

Seterusnya, Dato' Yang Dipertua, berkenaan dengan perkara seterusnya adalah satu insiden yang berlalu baru-baru ini di Taman Bahagia berdekatan dengan Kampung Baru, di mana pihak TNB telah menjalankan proses menaik taraf kabel elektrik di kawasan tersebut. Dan sebelum kerja-kerja dimulakan, notis telah diberikan kepada penduduk di kawasan sana. Tapi apa yang berlaku, selepas naik taraf kabel tersebut, pihak TNB tidak memberi apa-apa notis berkenaan arus elektrik akan dibuka. Tetapi apa yang berlaku, selepas arus elektrik ini dibuka, kebanyakan penduduk di sana terutamanya di Taman Bahagia, barang-barang elektrik mereka telah rosak akibat daripada arus voltan yang tinggi, dan berlaku kerugian harta benda. Jadi, penduduk di sini telah membuat laporan polis berkenaan dengan insiden tersebut dan juga berkenaan kerosakan barang-barang elektrik, kerugian yang mereka alami. Jadi saya mohon pihak yang berkenaan untuk menyiasat perkara ini dan seboleh-bolehnya membayar ganti rugi kepada pihak yang berkenaan supaya kerugian mereka dapat diselesaikan dengan secara baik.

Dato' Yang Dipertua, seterusnya adalah berkenaan dengan satu perkara yang berlaku di kawasan Tampin iaitu sebuah syarikat telah menganjurkan satu festival di Daerah Tampin di mana syarikat ini telah menganjurkan *event* karnival di mana penjual-penjual ataupun vendor-vendor telah dipanggil untuk mempromosikan barang mereka di

tempat tersebut. Jadi, pelawaan ini juga dibuat kepada agensi-agensi kerajaan untuk mempromosikan barang mereka terutamanya seperti produk pelancongan, pertanian dan sebagainya. Tetapi apa yang terjadi dalam perkara ini adalah, tidak ada agensi-agensi kerajaan yang mengambil bahagian dalam festival tersebut, untuk mempromosikan produk-produk mereka supaya rakyat mendapat maklumat berkenaan produk-produk yang ada di agensi-agensi kerajaan tersebut.

Jadi, saya nak menja, mendapatkan penjelasan kenapa perkara ini tidak diambil perhatian oleh agensi-agensi kerajaan. Terutamanya saya dimaklumkan juga bahawa, pihak Majlis Daerah telah memaklumkan kepada setiap agensi untuk berkenaan program ini, tetapi tidak ada sambutan daripada agensi kerajaan tersebut. Lagipun saya dimaklumkan juga bahawa syarikat ini telah memohon peruntukan untuk menganjurkan program ini dengan Kerajaan Negeri tetapi saya dimaklumkan tidak ada peruntukan disalurkan kepada syarikat tersebut, supaya program ini berlancar dengan, dijalankan dengan lancar pada hari tersebut.

Dato' Yang Dipertua, seterusnya adalah berkenaan dengan pembinaan Sekolah Jenis Kebangsaan Ladang Regent. Setakat hari ini kita tidak nampak penyelesaian pembinaan pembangunan bangunan sekolah tersebut sehingga sekarang. Pada bulan, pada tahun lepas, bulan 8, adalah tarikh tempoh masa yang terakhir untuk pembinaan disiapkan, dan lanjutan telah diberikan sehingga bulan Januari ataupun Februari tahun ini. Tapi saya masih tidak dapat melihat bahawa sekolah ini sudah siap untuk dimasuki oleh murid-murid. Jadi saya nak mendapatkan penjelasan daripada pihak Kerajaan Negeri, bilakah sekolah ini akan siap penuh dan murid-murid boleh masuk dan meneruskan pelajaran mereka di sekolah tersebut. Jadi ini adalah perkara yang perlu yang Kerajaan Negeri jawab.

Seterusnya berkenaan dengan .....

**Y.B. Yang Dipertua Dewan:** Yang Berhormat, masa dah, dah, dah cukup.

**Y.B. ADUN Repah:** Lagi dua minit.

**Y.B. Yang Dipertua Dewan:** Saya harap Yang Berhormat semua *time yourself please*, dengan izin.

**Y.B. ADUN Repah:** Ya, dengan izin Dato', berikan saya satu minit lagi untuk menggulung.

**Y.B. Yang Dipertua Dewan:** Dah lebih masa Yang Berhormat.

**Y.B. ADUN Repah:** Hanya satu isu Dato' Yang Dipertua. Dato' Yang Dipertua, ini adalah berkenaan isu jejantas yang terdapat di hadapan Sekolah Jenis Kebangsaan Tamil di Tampin. Pada masa ini, memang terdapat satu jejantas untuk murid-murid menyerang, menyeberang jalan tetapi jejantas ini terdapat jauh daripada sekolah yang ada sekarang. Jadi, ibu bapa kepada murid-murid bimbang sebab selalunya murid-murid ini menyeberang jalan dengan menggunakan jalan besar Tampin – Seremban.

Jadi, saya mohon dan cadangkan kepada Kerajaan Negeri supaya suatu jejantas dibina berdekatan dengan sekolah tersebut supaya dapat menjaga keselamatan murid-murid semasa menyeberang jalan. Jadi, saya cadangkan perkara ini boleh dilakukan oleh Kerajaan Negeri dengan secepat mungkin kerana isu ini telah pun saya bangkitkan sebelum ini, dalam Dewan Undangan Negeri, tapi masih tidak ada apa-apa tindakan sehingga sekarang.

Dan akhir sekali adalah berkenaan satu isu tanah adat yang berdekatan dengan Pasar Besar Tampin, Negeri Sembilan di mana tempat ini adalah satu tanah adat yang digunakan untuk tanaman padi, tapi tanah ini, setakat hari ini tiada apa-apa aktiviti. Jadi, saya difahamkan ada pengusaha untuk membuka *show house* ataupun *show room* untuk mempromosikan kereta. Jadi, saya cadangkan kepada Kerajaan Negeri kenapa tanah itu dibiarkan begitu sahaja, lebih baik kita berikan kepada pengusaha supaya tanah itu dapat dijalankan aktiviti berkenaan *show room* untuk memberi peluang lagi kepada, peluang pekerjaan kepada penduduk di sana. Jadi ini adalah satu perkara yang perlu dipertimbangkan oleh Kerajaan Negeri. Kita tahu memang tanah itu tanah adat, tapi Kerajaan Negeri boleh kenakan satu syarat supaya tanah itu boleh digunakan untuk *show room* supaya pengusaha ini dapat membuka satu *show room* dekat sana untuk menjalankan perniagaan beliau. Jadi itu yang saya nak sampaikan. Saya ucapkan terima kasih Dato'.

**Y.B. Yang Dipertua Dewan:** Silakan, Port Dickson.

**Y.B. ADUN Port Dickson:** Terima kasih Dato' Yang Pertua, bagi kesempatan saya untuk mengambil bahagian petang ini. Bahawa Dewan ini mengambil ketetapan menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13.

Dato' Yang Pertua, bagi pihak warga Port Dickson Bandar Tentera Darat ingin merakamkan ucapan sembah takzim atas titah ucapan Duli Yang Maha Mulia Tuanku Muhriz ibni Almarhum Tuanku Munawir; Yang di-Pertuan Besar Negeri Sembilan Darul Khusus semasa istiadat pembukaan Dewan Undangan Negeri Sembilan semalam.

Sesungguhnya titah ucapan tuanku ini, itu amat signik, signifikas, kan, sesuai dengan tuanku sebagai raja pemerintah Negeri Sembilan Darul Khusus. Antara lain, tuanku menyentuh pendekatan holistik yang berjaya dimainkan oleh Kerajaan Negeri kepimpinan Yang Amat Berhormat Menteri Besar; Dato' Seri Utama Haji Mohamad, bahawa dasar maklumat, memaklum, memaklu, memalu, memakmurkan negeri mensejahterakan rakyat. Titah menyentuh keperhatian tuanku akan keperluan Kerajaan Negeri memberikan keutamaan kepada keperluan asas rakyat iaitu kebajikan, tempat tinggal dan pendidikan.

Perbadanan Port Dickson. Justera, justeru adalah menjadi harapan rakyat agar Kerajaan Negeri konsisten dalam pelaksanakan dasar dan perancang pembangunan mestilah membawa keuntungan kepada masyarakat terutamanya yang berpendapatan rendah dan rakyat yang bekerja sendiri bukan semata-mata keuntungan untuk kemudahan atau kapilatasi, kapitalis besar. Saya inginkan menjelaskan rasmi dari Yang Amat Berhormat Menteri Besar sendiri mengenal ber, penubuhan Perbadanan Port Dickson yang dinyatakan di Dewan yang mulia di dalam persidangan yang lepas. Ini dibangkitkan sebagai reaksi awal kami bersedia memberikan sepenuh berkerjasama kepada kerja, Kerajaan Negeri dalam apa juga inisiatif memajukan Port Dickson dan mengembalikan reputasi Teluk Kemang sebagai Pantai Peranginan Negara. Sila nyatakan bila Perbadanan Port Dickson akan dirasmikan serta jelaskan bidang kuasa serta skop tanggungjawab perbadanan berkenaan.

Kebajikan rakyat masih kurang. Sewajarnya Jabatan Kebajikan Masyarakat memainkan peranan lebih proaktif seperti yang telah dititahkan oleh Tuanku Yang Pertuan Besar. Saya menyeru Kerajaan Negeri segera membaik pulih kuarters kerajaan di Taman Chokra, Port Dickson untuk menjadikan rumah transit sementara kepada masyarakat yang menimba kebakaran, banjir, bencana alam atau golongan masyarakat yang kurang nasib baik. Menempatkan mangsa

kebakaran atau bencana alam di dewan orang ramai hanya kaedah sementara berbanding menempatkan mangsa kuarters transit.

Dalam masa yang sama, saya menghargai usaha pihak-pihak kepentingan dalam menyediakan kemudahan letak kereta serta laluan khas untuk orang kelainan upaya. Namun kemudahan itu hanya terdapat di kawasan pusat bandar tetapi amat sedikit di kawasan pantai tumpuan awam. Berusaha untuk menjadikan Port Dickson sebuah bandar yang mesra OKU dan sebuah daerah yang memberikan kebahagian, kegembiraan dan kebajikan buat warganya.

Saya juga syabas kepada JKM Port Dickson, baru-baru ini kita ada satu kebakaran 11 rumah. Mereka memain satu peranan yang paling baik dan saya memang beribuan terima kasih kepada JKM, mereka ambil inisiatif daripada mula sampai akhir mereka jaga dan juga bagi makanan, berbagai-bagi pertolongan. Dan juga terima kasih kepada ADUN Bagan Pinang dan juga ADUN Pilah, mereka sanggup ada masa turun dan menziarah mereka dan juga ada berbagai-bagi pertolongan daripada Kerajaan Negeri. Terima kasih kerana itu ialah kawasan saya Dato' Yang Dipertua. Walaupun kawasan saya mereka mengambil begitu berat kerana pilihan raya sudah sampai Dato'.

Status terminal jeti feri Port Dickson. Saya masih menunggu jawapan rasmi berhubung isu terminal feri Port Dickson seperti yang telah saya dibangkitkan dalam sidang Dewan yang lalu. Nyatakan statistik ketibaan, kelepasan penumpang yang menggunakan jeti ini semenjak ia bukak, dibuka. Berapakah jumlah keluar dan masuk feri dari jeti ini dan nyatakan mengendali terlibat? Bentangkan jumlah kutipan cukai pelabuhan yang dikutip sepanjang jeti ini beroperasi. Adakah inisiatif dan tindakan Kerajaan Negeri untuk menjadikan jeti Port Dickson setanding Melaka dan Kelang dalam menarik per, ketibaan pelancongan, pelancong dari seberang? Pernahkah, benarkah dakwaan bahawa jeti ini sengaja tidak dikomersialkan dan tidak mesra pelancong kerana terdapatnya elemen sabotaj dalam?

Ini daripada Telekom, Dato'. Dato' Yang Pertua, saya dapati banyak pondok telefon awam yang disediakan oleh pihak Telekom di kawasan Port Dickson tetapi apa yang menyediakan adalah pondok telefon tersebut tiada telefon untuk digunakan oleh orang swasta. Saya ingin memaklumkan bahawa pondok telefon ini mengambil ruang yang banyak tetapi tidak berguna kepada pengguna. Maka saya cadangkan pihak telefon, pihak Telekom menarik, menaik taraf pondok telefon ini dan juga memastikan bahawa pondok telefon ini mempunyai kelengkapan termasuk telefon. Jika ada pondok telefon tetapi tidak telefon tak berguna. Jika keadaan ini berterusan macam ini, maka lebih baik pondok telefon ini dibuang dan tempat pondok telefon tersebut

dijadikan tempat letak kereta ataupun motosikal. Saya ingin tanya kepada pihak Telekom Malaysia, apakah peranan Telekom Malaysia dan langkah pihak Telekom Malaysia untuk menyelesaikan isu ini?

Ini TNB ni. Baru-baru ini ada aduan daripada penduduk yang juga merupakan warga emas, di mana saya dimaklumkan bahawa pengadu telah disaman atas kesalahan menciuri bekalan elektrik. Dan selepas saman dibayar oleh pengadu, beberapa bulan kemudian satu kumpulan TNB datang untuk pemeriksaan. Dan memaklumkan kepada pengadu bahawa mereka datang untuk membuat pemeriksaan sahaja. Seterusnya dan, seterusnya dalam lagi satu kumpulan TNB daripada kawasan lain, dan membuat seper, pemeriksaan dan mengatakan bahawa meter TNB telah diusik. Dan pengadu kena bayar lebih kurang 4,000.00 hingga 8,000.00. Ini ialah khas berlaku di kawasan Dataran Segar.

Jadi persoalannya apakah ini satu sandiwara yang dimainkan oleh pihak TNB semata-mata untuk mendapatkan keuntungan dengan cara ini? Saya ingin memaklumkan bahawa pengadu ada warga emas dan tidak ada pengetahuan dan kepakaran untuk mengusik meter TNB tersebut.

**Y.B. Yang Dipertua Dewan:** YB.

**Y.B. ADUN Port Dickson:** Izinkan satu minit Dato'.

**Y.B. Yang Dipertua Dewan:** Satu minit, boleh.

**Y.B. ADUN Port Dickson:** Boleh ya?

**Y.B. Yang Dipertua Dewan:** Satu minit.

**Y.B. ADUN Port Dickson:** Keselamatan Daerah Port Dickson. Ni nak puji tu memang kena pujilah Dato'. Isu keselamatan sering kali mendapat perhatian saya setiap kali kali Persidangan Dewan. Saya ingin merakamkan ucapan penghargaan, syabas dan komitmen pihak Polis Diraja Malaysia. Ada ka sini? Tak ada nampak siapa polis. Komitmen diraja polis, diraja, raja, raja Malaysia memastikan keharmonian kehidupan rakyat sentiasa berpegang kepada prinsip

kedaulatan undang-undang seperti yang ditegaskan dalam rukun negara.

Walau bagaimanapun, masih terdapat beberapa perkara sensitif, masih belum ditangan, ditandatangani sepenuhnya. Antaranya kes menjadikan Port Dickson sebagai pusat pengedaran dadah dan wang palsu dilaporkan semakin serius. Kes curian bot nelayan di Jeti Kampung Gelam Port Dickson adalah tersebut, adalah sesuatu yang amat dikesalkan. Faktor tiada lampu limpah *spot light* dan jeti Teluk Kemang adalah punca utama kes curian bot berterusan. Pejabat ADUN Port Dickson sekali lagi mengatakan sokongan pada segala usaha PDRM demi memastikan keselamatan bersama.

Satu lagi Dato', *last, last*. Perkhidmatan bas, takuk lama. Tidak dinafikan pihak kerajaan telah berjaya menaik taraf perkhidmatan bas dari Port Dickson ke Seremban dengan menyediakan perkhidmatan bas moden serta mengikut jadual perjalanan yang sistematik. Walau bagaimanapun, perkhidmatan bas daripada Port Dickson ke Pasir Panjang ke Kuala Linggi melalui jalan pantai Teluk Kemang – Politenik Port Dickson masih takluk lama dan gagal mengikut jadual perjalanan. Kerajaan jugak gagal mengembangkan destinasi berjalan bas dari Port Dickson terus ke Kuala Lumpur melalui KLIA dan Putrajaya. Serta masih gagal menyediakan perkhidmatan bas dari Port Dickson terus ke Melaka Sentral tanpa perlu melalui Seremban.

Itu saja daripada saya. Saya juga di sini, 14 haribulan ialah untuk warga Tamil, ada Cithirai Puthandu dan juga kepada, dan juga Selamat Vaisakhi kepada orang Sikh dan Cithirai Puthandu kepada orang yang beragama Hindu. Terima kasih Dato' Yang Pertua.

**Y.B. Yang Dipertua Dewan:** Silakan, Lobak.

**Y.B. ADUN Lobak:** Terima kasih Dato' Yang Dipertua kerana memberi peluang kepada saya untuk mengambil bahagian dalam usul menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda yang bagi merasmikan pembukaan Penggal Kelima, Dewan Undangan Negeri, Negeri Sembilan Yang Ke-13.

Isu pertama ingin saya mengatakan ialah mengenai jenayah indeks. Sama ada jenayah indeks menurun atau tidak, ini adalah ditunjukkan pada kertas sahaja, adalah berdasar kepada statistik sahaja. Pada hakikatnya jenayah masih berlaku pada setiap saat di setiap tempat tak kira waktu siang dan malam. Di kawasan DUN Lobak ada sebuah kedai

menjual telefon bimbit yang terletak di Dataran Milenium DUN Lobak di mana pemilik kedai tersebut telah disamun banyak kali semanjak, semenjak dibuka. Baru-baru ini, pada bulan Februari yang lalu, pada pukul 5:00 petang, empat orang lelaki telah menyamun dan menyerang pemilik dan pekerja dan telah melarikan sebuah telefon bimbit. Pemilik kedai tersebut telah biasa dengan kejadian samun di kedinanya, sehingga beliau terpaksa menyimpan sebatang kayu untuk mempertahankan diri dan juga keselamatan pekerja. Akibat daripada tersebut, pemilik kedai tersebut telah mengalami kecederaan ringan di bahagian kepalanya.

Di kawasan DUN Lobak juga sering berlaku kes-kes pecah cermin kenderaan pada waktu malam berdekatan dengan pusat penjaja Jalan Lobak. Dan, Dato' Dipertua, sudah banyak kali saya telah cadangkan kepada Dewan yang mulia ini dan juga kerajaan Negeri supaya menambahkan aset dan peralatan dengan meletakkan kamera litar yang berteknologi tinggi di kawasan berisiko tinggi. Dan berharap pihak polis juga mengadakan rondaan lebih kelap, kerap di waktu siang hari dan waktu malam.

Dato' Yang Dipertua, dalam titah ucapan Duli Yang Maha Yang di-Pertuan Besar Negeri Sembilan, tuanku juga menyentuh tentang perhatian kerajaan adalah bagi memastikan keperluan-keperluan asas rakyat iaitu kebajikan, tempat tinggal dan pendidikan diberukan, diberikan keutamaan. Saya amat bersetuju dengan titah ucapan tuanku. Saya ingin, ingin men, menyentuh isu tempat tinggal.

Pada Januari yang lalu Yang Amat Berhormat Menteri Besar Rantau telah melancarkan Program Perumahan Rakyat (PPR) dan menyerahkan kunci rumah .....

**Y.A.B. ADUN Rantau:** Yang Berhormat. Mana ada Menteri Besar Rantau.

**Y.B. ADUN Lobak:** Yang Amat Berhormat MB kawasan.

**Y.A.B. ADUN Rantau:** Kawasan Rantau betullah, Menteri Besar Rantau tak ada.

**Y.B. ADUN Lobak:** Yang Amat Berhormat Menteri Besar Negeri Sembilan. Telah melancarkan program perumahan PPR dan menyerahkan kunci kepada orang ramai di kawasan DUN Rantau dan

juga bercadang untuk memperluaskan program ini ke Ladang Tanah Merah dan Rembau. Program ini amat menarik dan terbuka kepada golongan pendapatan yang rendah. Harganya juga adalah dalam linkungan 35 ribu dan mempunyai tiga bilik, dua bilik air, ruang tamu dan satu ruang dapur. Konsep ini amat bagus.

Saya berharap projek ini dapat diperluaskan ke bandar terutamanya DUN Lobak dan Temiang terutamanya konsep *flat* adalah tidak sesuai lagi kerana ia sempit dan mempunyai satu bilik dan tidak besar dan tidak sesuai untuk keluarga yang besar. Di kawasan DUN Lobak juga ramai penduduk-penduduk yang masih tidak mampu memiliki rumah dan juga menyewa *flat-flat*.

Dato' Yang Dipertua, isu yang ke, seterusnya saya ingin nyatakan ialah tentang kebajikan. Pada hari setiap hari pusat perkhidmatan saya banyak menerima permohonan untuk bantuan kebajikan dan saya ada membantu mereka memohon kepada Jabatan Kebajikan Masyarakat untuk mendapatkan bantuan kewangan. Akan tetapi permohonan kepada Jabatan Kebajikan Masyarakat adalah amat lambat dan tidak efisyen semasa melus, meluluskan permohonan kebajikan tersebut. Dan saya amat bersetuju dengan Temiang yang mengatakan permohonan ini juga lewat sehingga memakan masa enam hingga sembilan bulan.

Baru-baru ini seorang warga tua yang cacat, yang tinggal di *flat* PPRT, yang menggunakan kerusi roda untuk menjalankan aktiviti hariannya. Kerusi roda yang dimilikinya sudah lama rosak dan tidak dapat berfungsi lagi. Beliau ada memohon kepada Jabatan Kebajikan Masyarakat untuk mendapatkan bantuan kerusi roda, akan tetapi permohonannya ditolak setelah menunggu enam hingga tujuh bulan. Warga tua ini terpaksa duduk atas kerusi yang biasa dan suami pada setiap hari akan menarik kerusi ke sana dalam rumah *flat*-nya. Beliau telah meminta bantuan daripada saya agar saya dapat membeli sebuah kerosa roda secara percuma kepada beliau. Tanpa berfikir panjang, saya selaku ADUN kawasan tersebut, saya terus menyumbangkan satu kerusi roda yang baru kepadanya dalam tempoh masa kurang daripada satu minggu. Saya berharap pihak Jabatan Kebajikan Masyarakat mempercepatkan lagi permohonan terutamanya permohonan bantuan kewangan.

Isu yang seterusnya saya ingin nyatakan ialah MPS, Majlis Perbandaran Seremban. Baru-baru ini saya, seorang pengadu datang ke pejabat saya dan membuat pengaduan mengenai lesen hiburannya yang dikeluarkan oleh MPS. Pengadu ini menyatakan kepada saya, pada setiap tahun semenjak 12 tahun yang lalu, beliau memperbaharui lesen hiburan, memba, bukan permohonan yang baru, cuma

memperbaharui lesen hiburannya di hotel bertaraf lima, empat bintang di Bandar Seremban tanpa apa-apa masalah. Baru-baru ini beliau telah melengkapkan kesemua borang dan juga membayar bayaran kepada pihak MPS dan pihak MPS tidak mengeluarkan apa-apa lesen tersebut kepada, dengan serta merta kepadanya.

Tapi sebelum ini, bayaran telah dibuat dan lengkap dengan semua borang-borang sekali, cuma lesen ni dapat diberikan kepada beliau pada, dengan serta merta. Tapi pada Disember yang lalu, pengadu itu menghadapi masalah yang serius kerana beliau tidak dapat memperbaharui lesen dengan serta merta, walaupun bayaran kepada MPS telah dijelaskan dan lampirkan kesemua dokumen-dokumen yang lengkap. Beliau difahamkan oleh MPS bahawa beliau boleh meneruskan perniagaannya walaupun lesen sudah tamat akhir Disember kerana kesemua bayaran dan dokumen-dokumen telah diserahkan kepada pihak MPS. Atas persefahaman tersebut beliau meneruskan perniagaan sehingga bulan April. Tetapi, beliau telah ada membuat semakan kepada pihak MPS bahawa status permohonannya masih dalam semakan.

Pada minggu yang lepas, pengadu telah disaman ke mahkamah dan didakwa di bawah Akta Hiburan di Mahkamah Majistret, Seremban 2. Dan beliau telah mengaku salah dan didenda sebanyak 2,500.00. Beliau amat tidak puas hati kerana tindakan MPS yang tidak ber, profesional dan, dan me, dan menyaman ke atas beliau, pihak beliau. Mohon EXCO membuatkan penjelasan. Sedangkan kes-kes ini banyak berlaku di mana lesen-lesen yang lain melibatkan lesen makanan juga tertangguh dan sehingga ramai-ramai peniaga-peniaga tidak dapat meneruskan perniagaan.

Ada yang, juga yang menyatakan kepada saya jika permohonan-permohonan dibuat melalui seorang pegawai MPS, dan beliau akan mencajkan sikit, apa tu, tam, sub-caj yang lebih tinggi yang tidak rasmi atau dalam kata yang lain boleh 'kautim' sikit, jadi lesen boleh dapat diperolehi tanpa apa gangguan dari mana-mana pihak.

**Y.A.B. ADUN Rantau:** Dato' Yang Dipertua. Dato' yang Dipertua, saya.....

**Y.B. ADUN Lobak:** Saya tak sebut nama lagi.

**Y.A.B. ADUN Rantau:** Dato' Yang Dipertua, saya .....

**Y.B. ADUN Lobak:** Sebenarnya saya .....

**Y.B. Yang Dipertua Dewan:** Yang Berhormat.....

**Y.B. ADUN Lobak:** .... tak sebut nama.

**Y.B. Yang Dipertua Dewan:** .....berhenti sekejap. Sekejap.

**Y.A.B. ADUN Rantau:** Dato' Yang Dipertua, saya harap supaya Lobak membuat aduan secara rasmi jika perkara ini benar berlaku .....

**Y.B. ADUN Lobak:** Ya, saya akan bersama.....

**Y.A.B. ADUN Rantau:** Jika tidak, Dato' Yang Dipertua, saya mintak Lobak menarik balik kerana ini merupakan satu tuduhan kepada orang yang tidak ada di sini. Itu adalah melanggar peraturan mesyuarat. Dan saya harap supaya Lobak, selepas ini, kalau dia tak tarik dia punya tuduhan dalam Dewan ini, *immediately*, dengan cepat buat satu aduan rasmi dengan segala bukti-bukti yang dia ada. Jika tidak nanti, dia akan kita bawak ke, buat apa ni, tuntutan peguam ke mahkamah, Dato' Yang Dipertua.

**Y.B. ADUN Lobak:** Yang Amat Berhormat .....

**Y.B. Yang Dipertua Dewan:** Yang Berhormat ADUN Lobak .....

**Y.B. ADUN Lobak:** Informasi ini adalah disalurkan kepada saya oleh seorang pengadu .....

**Y.B. Yang Dipertua Dewan:** Pengadu .....

**Y.B. ADUN Lobak:** ....pengadu yang menyatakan kepada saya .....

**Y.B. Yang Dipertua Dewan:** Pengadu, Yang Berhormat, nanti, nanti, nanti. Kalau menyentuh orang ketiga, Yang Berhormat pun tahu, tak boleh kan.

**Y.B. ADUN Lobak:** Saya tak sebut nama, cuma pegawai saja dari MPS. Dan saya tak sebut nama.

**Y.B. Yang Dipertua Dewan:** Jadi, tak boleh sebut oranglah. Kalau ada aduan, patutnya dilaporkan, bukan di dalam Dewan.

**Y.B. ADUN Lobak:** Dia, dia nak tahu kenapa ada perkara ini berlaku.

**Y.B. Yang Dipertua Dewan:** Boleh, boleh berjumpa dengan pihak MPS, tak ada masalah.

**Y.B. ADUN Lobak:** Disalurkan kepada saya, dia kata seorang saja, kalau melalui beliau, beliau boleh meng .....

**Y.B. Yang Dipertua Dewan:** Saya cadangkan Yang Berhormat, yang ini ditarik dan kita bagi, saya bagi satu minit, sebab Yang Berhormat pun dah lebih masa. Bagi satu minit untuk cerita lain.

**Y.B. ADUN Lobak:** Yang ini.....

**Y.B. Yang Dipertua Dewan:** Yang itu, sila berhubung dengan pihak berwajib.

**Y.B ADUN Lobak:** Dato' Dipertua, yang ini untuk rekod sahaja, memang ada informasi disalurkan kepada saya.

**Y.A.B. ADUN Rantau:** Dato' Yang Dipertua, saya tak setuju kalau ia untuk direkodkan kerana ianya merupakan satu tuduhan yang akan membabitkan seorang pegawai di Majlis Perbandaran Seremban yang ada unsur tuduhan rasuah. Jika ia benar, saya harap supaya ahli Yang Berhormat daripada Lobak buat aduan rasmi kepada SPRM ataupun

pihak berkuasa. Jika tidak, saya mintak supaya tuduhan ini ditarik balik dalam Dewan Undangan Negeri.

**Y.B. ADUN Lobak:** Tuduhan ini tidak mensebutkan nama. Cuma menyebutkan pegawai saja.

**Y.A.B. ADUN Rantau:** Saya tidak katakan tidak, tetapi Yang Berhormat telah mengatakan MPS dan pegawai .....

**Y.B. ADUN Lobak:** Kalau dia tak ada dalam Dewan, tak apa. Cuma dia mengatakan .....

**Y.A.B. ADUN Rantau:** Dato' Yang Dipertua.....

**Y.B. ADUN Lobak:** .....dia seorang pegawai saja. Memang saya nak sebutkan seorang .....

**Y.A.B. ADUN Rantau:** .... saya harap ini .....

**Y.B. ADUN Lobak:** .... pegawai dari MPS.

**Y.A.B. ADUN Rantau:** Dato' Yang Dipertua, perlu berasaskan kepada.....

**Y.B. Yang Dipertua Dewan:** Yang Berhormat.

**Y.A.B. ADUN Rantau:** .... kita punya peraturan mesyuarat.

**Y.B. Yang Dipertua Dewan:** Kita ikut peraturan, mudah saja. Yang Berhormat boleh ikut peraturan? Apabila seseorang Yang Berhormat tuduh, walaupun tak sebut nama, tapi perkataan "MPS" keluar. Patutnya Yang Berhormat pergi jumpa SPRM, bukan bawak dalam Dewan. Bawak dalam Dewan tak mendatangkan apa-apa kebaikan pun .....

**Y.B. ADUN Lobak:** Saya cuma mengubahkannya mengatakan seorang pegawai dari PBT, Pihak Berkuasa Tempatan. Saya tak sebut nama .....

**Y.B. Yang Dipertua Dewan:** Yang Berhormat.

**Y.B. ADUN Lobak:** Seorang pegawai dari PBT.

**Y.B. ADUN Labu:** Dato' Yang Dipertua .....

**Y.B. Yang Dipertua Dewan:** Yang Berhormat.

**Y.B. ADUN Labu:** ..... perkara yang tidak boleh, Dato' Yang Dipertua .....

**Y.B. ADUN Lobak:** Sekian, terima kasih Dato' Yang Dipertua.

**Y.B. ADUN Labu:** Dato' Yang Dipertua. Dato' Yang Dipertua, saya nak mencelah ya. Perkara yang tidak boleh disebut dalam Dewan pasti perlu dipatuhi. Kalau tidak, saya mintak supaya ahli Yang berhormat ini mohon dikeluarkan daripada Dewan, terima kasih.

**Y.B. Yang Dipertua Dewan:** Yang Berhormat.

**Y.A.B. ADUN Rantau:** Dato' Yang Dipertua.

**Y.B. ADUN Repah:** Dato' Yang Dipertua, ini bukan tuduhan, ini cuma .....

**Y.A.B. ADUN Rantau:** Dato' Yang Dipertua.

**Y.B. Yang Dipertua Dewan:** Yang Berhormat, Yang Berhormat telah membuat satu pertuduhan dalam Dewan. Ini sa, keadaan yang serius. Jadi saya tak boleh benarkan, sebab dalam Dewan ini bukan kita boleh buat pertuduhan seperti itu.

**Y.B. ADUN Lobak:** Saya cuma mengatakan seorang pegawai dari PBT, Pihak Berkuasa Tempatan.

**Y.B. Yang Dipertua Dewan:** Tak boleh.

**Y.B. ADUN Linggi:** Dato' Yang Dipertua, mohon mencelah.

**Y.B. ADUN Lobak:** Pegawai dari PBT saja.

**Y.B. ADUN Linggi:** Dato' Yang Dipertua, sebenarnya apabila tidak disebut nama, implikasinya lagi buruk.

**Y.B. Yang Dipertua Dewan:** Ya.

**Y.B. ADUN Linggi:** Kerana semua pegawai PBT sekarang ini adalah suspek. Jadi, sebenarnya memang tidak ada ruang untuk kita benarkan perkara ini direkodkan dalam Dewan ini .....

**Y.B. Yang Dipertua Dewan:** Jadi.

**Y.B. ADUN Linggi:** .....dan saya minta supaya .....

**Y.B. Yang Dipertua Dewan:** Saya setuju, saya amat setuju. Terima kasih ADUN Linggi. Saya mintak Lobak, kamu kena tarik balik, lepas tu, lepas itu, bawak perkara ini kepada SPRM. Tak ada, kita tak, bukan maknanya tak boleh dipanjangkan, boleh panjangkan tapi .....

**Y.B. ADUN Repah:** Kalau macam tu tak payah tarik, terus buat laporan polis .....

**Y.B. Yang Dipertua Dewan:** ..... bukan dalam Dewan. Kalau tidak, saya pun ada kuasa .....

**Y.B ADUN Lobak:** ..... saya akan mengadu, buat aduan di SPRM.

**Y.B. Yang Dipertua Dewan:** Ya.

**Y.B ADUN Lobak:** Besok.

**Y.B. Yang Dipertua Dewan:** Kamu buat aduan dan tarik daripada Dewan.

**Y.B ADUN Lobak:** Saya, apa yang saya telah nyatakan telah dinyatakan, itu saja. Kalau Dato' buat .....

**Y.B. Yang Dipertua Dewan:** Tak, Yang Berhorma saya .....

**Y.B. ADUN Lobak:** ..... Dato' nak saya keluar, saya habis saya punya bahas saya boleh keluar. Terima kasih.

**Y.B. Yang Dipertua Dewan:** Yang Berhormat.

**Y.B. ADUN Labu:** Dato' Yang Dipertua, kerana kedegilan ahli-ahli Yang Berhormat ini, saya mohon supaya Yang Dipertua dapat mengambil tindakan yang tegas, terima kasih.

**Y.B. Yang Dipertua Dewan:** Yang Berhormat, saya nak tanya satu soalan, Yang Berhormat nak tarik balik atau tidak?

**Y.B. ADUN Lobak:** Dato' Yang, Dato' Yang Dipertua, saya cuma .....

**Y.B. Yang Dipertua Dewan:** Yang Berhormat mudah saja.

**Y.B. ADUN Lobak:** ..... sekali. Dato' Dipertua, beritahu saya sekali, saya pun jawab sekali. Saya tidak akan menarik balik.

**Y.B. Yang Dipertua Dewan:** Kalau, oleh kerana Yang Berhormat tidak menarik, telah melanggar peraturan Dewan ini, saya mintak Yang Berhormat sila keluar daripada Dewan.

**Y.A.B. ADUN Rantau:** Yang Berhormat, sebelum itu .....

**Y.B. ADUN Lobak:** Terima kasih.

**Y.A.B. ADUN Rantau:** ..... saya, bukan sahaja tindakan keluar, tetapi saya mintak supaya jawatankuasa tatetertib Dewan perlu mengambil maklum. Kerana ini satu tuduhan dan tuduhan ini amat berat kepada satu organisasi dan kalau dia tidak membuat *lodgement* kepada SPRM, beliau merupakan *accessories to that* perkara tersebut. Terima kasih.

**Y.B. Yang Dipertua Dewan:** Kita akan ambil tindakan melalui Dewan, iaitu jawatankuasa Dewan. Jadi Yang Berhormat, sila tinggalkan Dewan dan kita akan ambil tindakan lepas ni.

**Y.B. ADUN Lobak:** Dato' Yang Dipertua, Dato' Yang Dipertua, saya menarik balik.

**Y.B. Yang Dipertua Dewan:** Jadi, saya mintak *hansard* tentang .....

**Y.B. ADUN Lobak:** Atas nasihat daripada rakan-rakan seperjuangan, terima kasih.

**Y.B. Yang Dipertua Dewan:** Ya, betul, rakan anda memberikan teguran yang baik. Ini serius Yang Berhormat, walaupun tak sebut nama, tapi mensebutkan institusi dan tindakan Yang Berhormat sepatutnya hantar kepada SPRM bukannya ke dalam Dewan, atas tuduhan. Sebab kalau dibentangkan dalam Dewan, kita tak dapat nak bahaskan tentang benar atau salahnya tuduhan tersebut. Dan saya ucapkan, okay, oleh kerana Yang Berhormat tidak, menarik balik, saya mintak semua *hansard* yang berkaitan dengan perkara ini dibatalkan. Terima kasih. Dan sekali lagi, saya nak peringatkan ahli-ahli Yang Berhormat, hati-hati bila membuat tuduhan. Ini kali, kalau tuduhan seperti itu, Yang Berhormat telah membuka satu pintu yang sepatutnya Yang Berhormat ambil tindakan melalui agensi yang telah pun ditetapkan oleh kerajaan terutamanya pihak SPRM. Saya sambung balik perbahasan. Silakan.

**Y.B. ADUN Nilai:** Terima kasih Dato' Yang Dipertua kerana mengizinkan saya mengambil bahagian dalam, untuk usul menjunjung

kasih titah Duli Yang Maha Mulia Yang di-Pertuan Besar Negeri Sembilan. Dalam titah ucapan Duli Yang Maha Mulia Yang dipertua, Yang di-Pertuan Besar Negeri Sembilan mengatakan ataupun memberikan perhatian kerajaan bagi memastikan keperluan-keperluan asas rakyat perlu diberi keutamaan melalui kesejahteraan dan juga kemakmuran negeri.

Setiap hari penduduk terpaksa berhadapan dengan pelbagai masalah yang berlaku di kawasan kediaman mereka ataupun di kawasan perumahan mereka dan memerlukan agensi-agensi kerajaan untuk mengambil tindakan yang segera untuk menyelesaikan masalah-masalah tersebut. Dan masalah-masalah tersebut perlu diselesaikan dengan segera supaya masalah tersebut tidak akan mewujudkan ataupun membangkitkan masalah-masalah yang lebih besar pada masa akan datang.

Dan saya juga ingin merakamkan di sini, terdapat beberapa agensi kerajaan yang mengambil ataupun menyelesaikan beberapa masalah keraja, masalah aduan daripada rakyat dengan begitu efisyen dan juga dalam masa yang singkat seperti TNB, SAINS, Telekom Malaysia dan juga beberapa agensi lain. Tetapi terdapat juga beberapa agensi yang memang mengambil masa yang sangat lama untuk menyelesaikan sesuatu aduan ataupun masalah daripada rakyat yang telah mewujudkan masalah-masalah lain pada masa yang akan datang khususnya seperti Majlis Perbandaran Nilai. Walaupun sesuatu aduan itu dibuat beberapa bulan, ada aduan beberapa tahun tidak diselesaikan.

Dan cadangan saya, dan juga saya berharap Majlis Perbandaran Nilai dan juga seperti pejabat daerah, Pejabat Daerah Dan Tanah Seremban juga perlu memendekkan ataupun mengkaji semula segala syarat ataupun peraturan ataupun tindakan yang perlu diambil dalam menyelesaikan sesuatu aduan daripada rakyat. Dan saya juga berharap Jabatan Pengairan Dan Saliran juga perlu bertindak ke atas setiap aduan yang dilakukan khususnya di kawasan saya seperti di Kampung Mantin Dalam, Kampung Batang Benar, yang berhadapan dengan beberapa isu yang serius tetapi mengambil masa yang lama. So, saya harap agensi-agensi kerajaan ini dapat mengambil satu tindakan yang sak, segera untuk menyelesaikan masalah ataupun aduan daripada rakyat.

Isu yang kedua, dalam jawapan lisan Yang Berhormat, Yang Amat Berhormat Rantau menyatakan bahawa kerajaan menggalakkan penggunaan pengangkutan awam di negeri ini supaya sistem pembebasan pengangkutan awam ini dapat memberikan keselesaan dan juga kebaikan kepada semua penduduk. Dan seperti mana yang kita

ketahui, kawasan Seremban dan Nilai ini, ramai penduduk di sini bekerja di Lembah Kelang dan juga po, di Lembah Kelang. Mereka, ramai juga menggunakan pengangkutan awam seperti komuter.

Dan akhir-akhir ini tindakan Perbadanan Aset Keretapi, Aset Keretapi KTM mengenakan caj ataupun melantik kontraktor ataupun syarikat swasta untuk mengutip caj *parking* di beberapa stesen komuter seperti di Nilai, Batang Benar dan Senawang. Untuk makluman, pada setahun lepas, tambang komuter telah naik hampir 40% dan kenaikan itu pun telah memberikan satu kesan yang negatif, teruk kepada pekerja-pekerja yang berpendapatan sederhana, yang tinggal di kawasan Nilai, Seremban dan bekerja di Lembah Kelang. Kenaikan itu adalah satu tanggungan ataupun suatu keberatan kepada mereka.

Dan saya berharap permohonan daripada Perbadanan Aset Keretapi tersebut perlu diberhentikan ataupun tidak diberikan kelulusan oleh Pihak Berkuasa Tempatan untuk mengenakan caj *parking*. Kerana sudah, baru setahun kenaikan 40% itu, amat berat kepada pekerja-pekerja yang tinggal di kawasan Nilai, tinggal di kawasan Seremban, yang terpaksa membayar 100.00 – 150.00 ringgit lagi untuk caj *parking* setiap bulan. Saya harap Kerajaan Negeri dapat mengambil berat isu ini dan tidak sama sekali memberikan kebenaran kepada syarikat-syarikat swasta yang mengaut keuntungan dengan begitu senang.

Isu seterusnya adalah berkaitan dengan pendidikan. Dalam titah ucapan Duli Yang Maha Mulia Yang di-Pertuan Besar Negeri Sembilan menekankan pendidikan menjadi agenda utama dan Negeri Sembilan perlu men, mendapat tempat terbaik, tempat kedua terbaik dalam peperiksaan SPM pada tahun 2016. Bukan sahaja di sebelah sana, kita pun, di sebelah sini, kita pun berasa amat bangga, sebagai ahli dalam Dewan Undangan Negeri dan juga kebanyakannya anak Negeri Sembilan, kita juga amat berasa bangga terhadap segala pencapaian dan kita harap pencapaian ini kita perlu teruskan. Dan sudah tentu ini, pencapaian ini memerlukan pengorbanan daripada beberapa, pelbagai pihak, beberapa agensi kerajaan, ibu bapa, terutamanya guru, pihak sekolah dan juga pelajar itu sendiri yang telah membawa suatu apa ni, pencapaian yang lebih baik tahun demi tahun. Dan saya harap pencapaian ini dapat diteruskan.

Dan di sebalik itu, di sebalik itu, kita juga tidak perlu melu, tidak patut dan juga tidak perlu melupakan, tidak harus melupakan pelajar-pelajar yang mendapat keputusan yang tidak cemerlang. Kerana mereka ini kalau kita tidak menjaga mereka ataupun tidak memberikan satu perlindungan ataupun bimbingan yang baik kepada mereka, mereka inilah yang akan menjadi duri dalam daging dalam masyarakat kita. Oleh itu, saya berharap Kerajaan Negeri harus memperbanyakkan

institut-institut yang berkemahiran, yang berkemahiran supaya orang-orang ataupun pelajar-pelajar yang tidak mendapat keputusan baik ataupun cemerlang dalam peperiksaan-peperiksaan awam boleh mendapat kemahiran ataupun pendidikan di institut-institut kemahiran tersebut. Dan saya harap, walaupun pada masa ini di Negeri Sembilan ada beberapa institut kemahiran, dan saya harap Kerajaan Negeri perlu memperbanyakkan supaya pelajar-pelajar tersebut boleh dimasukkan ke dalam institut kemahiran supaya mereka keluar sebagai seorang yang berkemahiran dan dapat membantu peningkatan masyarakat ataupun kehidupan masyarakat pada masa akan datang.

Seterusnya berkaitan dengan bayaran bil air, iaitu berkaitan dengan SAINS iaitu meter, bil meter pukal. Di mana beberapa apartmen dan juga pangsgupri di kawasan Nilai terpaksa berhadapan dengan isu ini. Contohnya di Camelia Court, Pangsgupri Camelia Court Nilai Impian, mere, ni, meter pukal, bil meter pukal mereka sudah sampai kepada 100 ribu. Lepas tu Apartmen Santalia Desa Jasmin lebih kurang 70 ribu, *apartment* Nilai Perdana 30 ribu dan Rumah Pangsa Pajam pun hampir 50 ribu. Iaitu tanggungan ini terletak pada JMB ataupun badan pengurusan bersama. Mereka yang terpaksa nak bayar. Dan seperti mana yang kita tahu, penduduk, penghuni di *flat* dan juga pangsgupri ini, apartmen ini, adalah berpendapatan sederhana dan juga orang yang miskin. Dan bebanan ini datang balik kepada penduduk, yang, kerana mereka yang bayar *maintenance fee* tersebut.

*So, saya harap, dan satu contoh di Apartment Santalia Desa Jasmin, Bandar Baru Nilai, setiap bulan meter pukal, meter pukal tersebut kos, bil dia 7,000.00 ringgit setiap bulan iaitu daripada 8,000.00 ringgit, meter pukal ini adalah perbezaan, bil meter pukal ini adalah perbezaan antara meter individu dengan meter pukal, per, jumlah meter individu, bayaran meter individu hanya 1,000.00 ringgit sahaja. Tetapi bayaran meter pukal ini 7,000.00 ringgit. So, saya berharap SAINS dapat bekerjasama dengan pihak *apartment* dan juga pangsgupri tersebut untuk mencari satu jalan penyelesaian. Kerana pangsgupri dan juga *apartment* tersebut tidak, tidak mampu untuk menampung bil setiap bulan yang begitu tinggi dan terpaksa berhadapan dengan pemotongan bekalan air sehingga lima atau enam hari, yang berlaku dalam beberapa hari ini. Dan saya berharap ini akan dapat ambil tindakan oleh pihak SAINS.*

Dan isu seterusnya adalah berkaitan dengan iaitu menjadikan Negeri sam, Negeri Sembilan sebagai satu lembah ilmu. Saya menyokong penuh supaya Negeri Sembilan dijadikan sebagai satu tempat untuk lembah ilmu. Tetapi dalam keghairahan kita untuk membina dan juga menerima pelbagai institut pengajian tinggi, kita juga perlu berwaspada dengan beberapa institut pengajian tinggi swasta yang

hanya bermotifkan keuntungan. Dan seperti mana yang kita tahu, terdapat banyak institut kemahiran, institut pengajian tinggi swasta, kolej ataupun universiti swasta yang hanya membikinkan, memikirkan keuntungan tapi mereka melepaskan ataupun membiarkan kebajikan pelajar itu dibiarkan sebegitu. Dan juga ada beberapa institut pengajian tinggi ataupun kolej dalam separuh jalan tu, ditutup. Terdapat beberapa di Seremban sendiri. Dan yang menjadi mangsanya adalah pelajar-pelajarnya. Dan saya berharap dalam keghairahan kita untuk menjadikan Negeri Sembilan sebagai lembah ilmu, kita juga berharap masalah ini perlu di, di, diberi perhatian supaya tidak ada sesiapa pun pelajar yang akan menjadi mangsa dalam, oleh institut-institut pengajian tinggi awam, swasta ini.

Isu seterusnya .....

#### **Y.B. Yang Dipertua Dewan: Yang Berhormat.**

**Y.B. ADUN Nilai:** Satu isu saja. Berkaitan dengan pendaftaran pengundi yang bukan bermastautin di sesuatu kawasan pilihan raya. Iaitu ini memang bukan satu tanggungjawab ataupun bidang kuasa Kerajaan Negeri, tetapi saya terpaksa membangkitkan dalam keadaan, dalam Dewan yang mulia ini kerana ini melibatkan kemuliaan Dewan yang mulia ini. Kerana pilihan raya yang akan menentukan siapa yang mengisi setiap kerusi di dalam Dewan Undangan Negeri. Dan saya juga, kita juga perlu memastikan setiap proses yang berlaku itu tidak bertentangan dengan sistem undang-undang yang sedia ada ataupun berlaku sebarang unsur penipuan.

Iaitu sejak akhir, daripada bulan 6 tahun lepas, daripada suku keem, suku ketiga 2016, dan suku keempat 2016, menyata, mencatatkan lebih 1,000 pengundi yang tidak bermastautin di sesuatu kawasan pilihan raya didaftarkan di dalam kawasan pilihan raya tersebut. Contohnya di Parlimen Seremban, lebih 1,000 pengundi yang dapat kita kenal pasti, lebih 1,000 pengundi yang berlainan bangsa, yang berlainan agama, yang berlainan keluarga didaftarkan, berpuluhan-puluhan orang didaftarkan di dalam sesuatu rumah ataupun alamat, ataupun berbelasan orang di satu alamat. Dan kalau kita lihat, dan, sama jugak di DUN Nilai, lebih kurang 800 orang pengundi yang tinggal di luar, bukan bermastautin di kawasan tersebut, didaftarkan di kawasan DUN Nilai. Sama jugak di Temiang, didaftarkan.

Dan kalau kita lihat, alamat siapa yang digunakan. Alamat yang digunakan adalah alamat-alamat pemimpin-pemimpin MCA di kawasan-kawasan tersebut. Mereka orang Cina, tetapi didaftarkan

pulak orang Melayu, didaftarkan pulak orang India, daripada keluarga-keluarga berlainan, rumah-rumah kosong didaftarkan. Bangunan kedai kosong didaftarkan. Yang lebih teruk, ada alamat lot kosong, tak ada rumah, ada pengundi. Ada rumah yang usang, rumah yang rosak, ada pengundi. Ini yang, ini yang saya katakan itu, tindakan itu adalah penghinaan kepada Dewan yang mulia ini kerana mereka, proses itulah yang akan menentukan siapa yang akan duduk di dalam Dewan yang mulia ini.

Dan saya juga amat, bukan setakat pemimpin MCA, tetapi pemimpin-pemimpin daripada MCA yang memegang jawatan dalam kerajaan. Timbalan Menteri Pendidikan, alamat rumah keluarga mereka di Nilai digunakan sebagai alamat untuk mendaftarkan beberapa pengundi yang tidak .....

**Y.B. Yang Dipertua Dewan:** Yang Berhormat.

**Y.B. ADUN Nilai:** ..... tidak mendaftar di sini.

**Y.B. Yang Dipertua Dewan:** Yang Berhormat, saya ingat, saya tunggu je tadi kalau ada celahan tapi .....

**Y.B. ADUN Labu:** Dato' Yang Dipertua.

**Y.B. Yang Dipertua Dewan:** ..... saya tak benarkan ayat macam ni Yang Berhormat.

**Y.B. ADUN Labu:** Dato' Yang Dipertua, saya nak baca peraturan dalam Dewan ini supaya jelas kepada ahli-ahli Dewan di mana seorang ahli dalam peraturan berbahas (m), di mana seorang ahli tidak boleh mendatangkan sangkaan-sangkaan yang tidak baik .....

**Y.B. ADUN Nilai:** Ini, ini bukan sangkaan .....

**Y.B. ADUN Labu:** Habis?

**Y.B. ADUN Nilai:** Saya ada bukti.

**Y.B. Yang Dipertua Dewan:** Yang Berhormat.

**Y.B. ADUN Labu:** Habis ni apa?

**Y.B. ADUN Nilai:** Saya ada bukti.

**Y.B. ADUN Labu:** Ni apa?

**Y.B. ADUN Nilai:** Bukti bukan daripada saya, daripada SPR.

**Y.B. ADUN Labu:** Mana dia, mana dia? Kalau bukti, jumpalah SPR. Ini, perkara ini boleh diselesaikan .....

**Y.B. ADUN Nilai:** Saya telah pun .....

**Y.B. ADUN Labu:** ..... dengan SPR.

**Y.B. ADUN Nilai:** ..... kita telah pun membangkitkan dan juga membuat bantahan kepada SPR .....

**Y.B. ADUN Labu:** Dato' Yang Dipertua .....

**Y.B. ADUN Nilai:** ..... itu tugas kita. Tetapi .....

**Y.B. ADUN Labu:** ..... kalau .....

**Y.B. ADUN Nilai:** ..... tugas saya, kita untuk memu, memelihara kemuliaan Dewan yang mulia ini.

**Y.B. ADUN Labu:** Dato' Yang pertua, Dato' Yang Dipertua.

**Y.B. ADUN Nilai:** Saya bukan buat fitnah.

**Y.B. ADUN Labu:** Dato' Yang Dipertua.

**Y.B. ADUN Nilai:** Saya bukan tuduhan .....

**Y.B. Yang Dipertua Dewan:** Yang Berhormat ADUN Lobak, ADUN Nilai.....

**Y.B ADUN Nilai:** ..... palsu.

**Y.B. Yang Dipertua Dewan:** Sekejap. Bagi saya masa sekejap.

**Y.B. ADUN Labu:** Dato' Yang Dipertua, kalau benar .....

**Y.B. Yang Dipertua Dewan:** Dengar dulu peraturan Dewan.

**Y.B. ADUN Labu:** Kalau perkara ini benar, ini bukan di Dewan. Ini selesaikan di SPR kerana inilah kuasa SPR. Kenapa nak dibangkitkan dan menuduh orang yang tidak ada di sini. Ini masalahnya. Dan juga ahli Dewan, tidak boleh menggunakan perkataan-perkataan yang menyakitkan hati orang lain. Ini menyakitkan hati orang lain. Jadi saya mintak supaya Dato' Yang Dipertua .....

**Y.B. ADUN Temiang:** Siapa orang, siapa orang tu?

**Y.B. ADUN Labu:** ..... mengambil tindakan .....

**Y.B. ADUN Nilai:** Siapa?

**Y.B. ADUN Mambau:** Siapa orang itu, bagi nama.

**Y.B. ADUN Nilai:** Siapa?

**Y.B. ADUN Labu:** ..... ini .....

**Y.B. ADUN Nilai:** So, saya, saya, kita menekankan kerana mereka memegang jawatan dalam kerajaan .....

**Y.B. ADUN Labu:** Ini menyakitkan hati orang yang lain bila dengar.

**Y.B. ADUN Nilai:** ..... termasuk ahli Majlis, termasuk .....

**Y.B. ADUN Temiang:** Yelah, hati siapa, saya tanya.

**Y.B. ADUN Nilai:** ..... ketua kampung, termasuk ahli JKKK. Ini adalah semua perlantikan daripada Kerajaan Negeri.

**Y.B. Yang Dipertua Dewan:** Yang Berhormat .....

**Y.B. ADUN Labu:** Saya mintak supaya .....

**Y.B. Yang Dipertua Dewan:** ..... saya mintak .....

**Y.B. ADUN Labu:** Dato' Yang Dipertua mengambil tindakan terhadap perkara-perkara yang seperti ini. Terima kasih.

**Y.B. ADUN Nilai:** Kalau semua nak ambil tindakan .....

**Y.B. Yang Dipertua Dewan:** Tau. Yang Berhormat.

**Y.B. ADUN Nilai:** ..... tak perlulah kita cakap dekat sini.

**Y.B. ADUN Labu:** Yang Berhormat. Saya berpandangan seolah-olah .....

**Y.B. ADUN Mambau:** Duduklah Labu.

**Y.B. ADUN Labu:** Dengar sini.

**Y.B. ADUN Nilai:** Bukan, bukan, kita terpulang kepada yang jangan, jangan berikan apa pandangan kepada Dato' Yang Dipertua.

**Y.B. Yang Dipertua Dewan:** Okay.

**Y.B. ADUN Labu:** Memanglah, kalau tidak .....

**Y.B. ADUN Nilai:** Dato' Yang Dipertua dapat buat keputusan.

**Y.B. ADUN Labu:** Kalau tidak bagaimana nak menyelesaikan masalah ini.

**Y.B. Yang Dipertua Dewan:** Saya, biar .....

**Y.B. ADUN Mambau:** Jangan kacau Labu.

**Y.B. Yang Dipertua Dewan:** Yang Berhormat, biar saya buat keputusan. Sila duduk dua-dua. Saya ucap terima kasih kepada .....

**Y.B. ADUN Mambau:** Pandai pun.

**Y.B. Yang Dipertua Dewan:** .... ADUN Labu kerana membaca tentang tata etika kita dalam berbahas dalam Dewan ini. Tapi Yang Berhormat Nilai, bawak satu isu iaitu bawah SPR, yang sepatutnya SPR pun ada masa bantahan. Sepatut itu yang dibuat, bawak dalam Dewan, Dewan tak boleh buat apa-apa. Yang Berhormat .....

**Y.B. ADUN Nilai:** Saya, saya hanya .....

**Y.B. Yang Dipertua Dewan:** Yang Berhormat, bila kita bawak dalam Dewan, lepas tu Yang Berhormat tujuannya apa, untuk beri gambaran bahawa ada satu pihak melaksanakan satu tindakan yang tertentu. Betul? Itu harus dibentangkan kepada SPR. Bukan kepada Dewan.

**Y.B. ADUN Nilai:** Tau, kita tau. Kita telahpun buat bantahan .....

**Y.B. Yang Dipertua Dewan:** Haa okay, kalau dah buat bantahan .....

**Y.B. ADUN Nilai:** ..... tapi cadangan saya supaya masa akan datang, tak akan berlaku seperti itu .....

**Y.B. Yang Dipertua Dewan:** Diharap, diharapkan tidak berlaku seperti itu betul. Okay. Sudah.

**Y.B. ADUN Nilai:** Kita harapkan pada masa akan datang tak akan berlaku dan tidak ada sesiapa pun yang mengambil sebarang tindakan untuk apa ni meng, menghina ataupun Dewan yang mulia. Itu saja.

**Y.B. Yang Dipertua Dewan:** Yang Berhormat, yang menghina Dewan ini Yang Berhormat.

**Y.A.B. ADUN Rantau:** Mintak saya mencelah Yang Berhormat. Perkara ni, Yang Berhormat, ini bukan perkara Dewan ataupun Kerajaan Negeri .....

**Y.B. ADUN Nilai:** Ya.

**Y.A.B. ADUN Rantau:** ..... Yang Berhormat. Jadi, tidak ada perlunya dibincangkan di sini. Itu sahaja Dato' Dipertua.

**Y.B. Yang Dipertua Dewan:** Jadi .....

**Y.A.B. ADUN Rantau:** Sebab perkara ni tak ada relevannya dengan kita, Dewan kita. Dan *beyond our authority* sebab SPR di bawah Suruhanjaya di Persekutuan. Kalau ada apa-apa, pulangkan balik kepada SPR, itu saja nasihat saya ya.

**Y.B. Yang Dipertua Dewan:** Terima kasih.

**Y.A.B. ADUN Rantau:** Tak boleh nak menekan kepada Dewan. Kita boleh buat apa?

**Y.B. ADUN Nilai:** Itu saja.

**Y.A.B. ADUN Rantau:** Itu saja.

**Y.B. ADUN Nilai:** Saya harap tak akan berulang pada masa akan datang. Terima kasih.

**Y.A.B. ADUN Rantau:** *I cannot assure*, Dewan tak boleh nak *assure* tak berulang pada masa depan *because its not our authority*. Bukan kerja kita, bidang kuasa kita.

**Y.B. Yang Dipertua Dewan:** Terima kasih Yang Amat Berhormat. Ya silakan. Ya, Lenggeng.

**Y.B. ADUN Lenggeng:** Dato' Yang Dipertua, saya juga ingin mengambil bahagian dalam membahaskan ucapan titah Yang di-Pertuan Besar Negeri Sembilan semasa perasmian Dewan semalam. Semalam Duli Yang Maha Mulia Yang di-Pertuan Besar amat seronok di atas kesejahteraan negeri kita. Pagi ini apa, tengah hari ini apakala saya sampai ke Dewan yang mulia, saya berasa amat sayu sebab bila saya pergi ke tandas di luar sana, kedua-dua tandas tak berfungsi. Semalam dikatakan penuh kesejahteraan, ini Dewan pun saya pam, air tak turun, kuning dalam bondo tu. Dalam hati saya, ini baru tandas laki-laki, kalau tandas perempuan lagi kuning sebab koncing pompuan lobeh kuning padu koncing lelaki. Eh, jangan ketawa, orang perempuan jangan marah, tak, tak .....

**Y.B. ADUN Mambau:** Tarik balik.

**Y.B. ADUN Lenggeng:** Dengar, dengar, belum dengar nak suruh tarik. Ini wakil rakyat apa ni? Dengarlah dulu. Allah s.w.t. menjadikan bahawasanya orang pompuan tu, dia tiap-tiap bulan terjadi proses penyucian, haid. Lelaki tak ada. Sebab tu lelaki boleh kena sakit jantung awal, sebab benda dia tak dicuci, perempuan cuci. Sebab tu

orang perempuan tak kena sakit jantung selagi dia tak putus haid. Haa, jangan nak tarik-tarik dengan tak usul periksa.

Saya menyebut ni, saya teringat pulak balik hari Sabtu lepas, saya naik bas daripada Kuala Pilah, nak pergi ke ni, stesen kereta api nak pergi ke Kuala Lumpur, KL Sentral, saya pakai kain naik bas tu. Pakai kain, saya pakai t-shirt pagoda saya. Saya tunggu bas di perhentian bas de, berdekatan kuil Hindu Kuala Pilah, berha, berhadapan dengan RHB Bank. Bila saya naik saya tanya pemandu tu, dik berapa tambang? Dia kata, tambang 4.00 ringgit bang. Tapi abang warga emas, 2.00 jelah, kata dia. Saya hulur 2.00 ringgit, dia pulangkan kat saya singgit balik. Saya tanya, eh kan tadi kata 2.00 ringgit? Abang warga emas, miskin bang, pakai kain. Jadi saya pun seronoklah.

Sampai di Seremban, saya nak naik keretapi, komuter, Seremban ke KL Sentral, saya pergi ke tandas tu pulak. Seorang orang perempuan tua, dia panggil saya, adik. Saya terus tanya, kakak umur berapa kak? Dia kata umur akak 70. Oh akak lebih tua pada saya, bolehlah panggil saya adik. Dia dengan perkataan yang sayu, dia kata, dik nak koncing di stesen keretapi ni pun kono bayar 30 sen ko dik? Tengok. Seorang orang tua nak buang air, perempuan di stesen keretapi kena bayar 30 sen. Tak boleh ke bagi *free*, orang tuo nak koncing. Orang tuo koncing eh kan eh banyak bona, keluar pun tersangkut-sangkut, tat-tat, tat-tat, tat-tat, tat-tat. Kalau bas daripada Kuala Pilah boleh bagi orang macam saya diskaun, pasal apo.

Saya tengok mana-mana tandas awam sekarang di, yang masalah besar kita hadap sekarang ni, atas kenaikan harga, sampai koncing pun kono 30 sen. Cubo tuan-tuan bayangkan. Kalaulah arwah wan saya hidup lagi, nangih deh kek apa tu, kek tandas tu. Hui zalimnya dunio, den nak koncing pun kono bayar, haa. Koncing, kito tembak barang kito, kono bayar, haa. Jadi saya membuat usul di Dewan yang mulia ini, agar tandas, tandas awam di Negeri Sembilan kecualikan bayaran untuk masuk ke tandas. Kalau tak boleh kecuali pun, warga emas. Saya dah warga emas, jadi dikecualikan. Di, dengan izin, *the young people can pay, the old people haa, we go for free*, dengan izin menggunakan perkataan Inggeris.

Saya menyebut ni tuan-tuan sebab, kita ngatakan negara kita hebat, tapi sehebat-hebat, macam mana harga rumah tak *di-control*, tak dikawal. Saya sebagai seorang juru ukur bahan, seorang perujuk penilaian mahkamah, apakala saya menganalisa kos-kos rumah ni, semua pemaju buat untung 50%. Tak berani ke pihak berkuasa mengatakan kepada pemaju tu, harga ini bercanggah dengan apa harga yang terdapat di keadaan di hari-hari, tak berani. Saya cabar dua tiga pemaju, saya pergi, tak adalah saya pakai elok-elok. Saya pakai *track*

*suit*, seluar saya, saya pakai singlet saya. Dia tak tahu saya siapa. Semua ketawakan saya. Apa awak bising-bising, kita sudah bagi semua orang duitlah, kata dia. Itu jawapan dia, haa. Jadi, harga rumah terlalu tinggi. Macam mana nak haa, boleh berlaku macam ni.

Saya tengok PKNNS, satu badan kerajaan yang patut melaksanakan kerja-kerja membina rumah yang tak payah buat untung sebab dia agensi kerajaan tak ada apa kerja, semua kakitangan duduk goyang kaki ya dalam, saya kata tak ada kerja. Tak ada To', tak ada To', kata dia. Pasal apa projek-projek kerajaan pergi *joint venture* dengan pemaju-pemaju swasta yang buat untung. PKNNS tak dibagi kerja. Ini yang saya kata, teknikal apa yang kita pakai, *engineer* berjela-jela.

Sana, tapi, itu harga, bayangkan rumah apa, rumah teres di Nilai, 500 ribu, berapo koghek oghang boleh boli? Ni haa kek sempadan kawasan saya, masuk Sungai Machang Hilir, dibuek lulusan pajak, sepatah pun kerajaan Negeri tak bertanya pandangan saya. Harga rumah itu, orang tempatan seorang pun tak boleh boli. Jadi nak bawak orang luar masuk? Ataupun orang yang melulusi makan komisen. Jangan nak loya buruklah.

#### **Y.B. Yang Dipertua Dewan:** Jangan emosi.

**Y.B. ADUN Lenggeng:** Emosi apo, perkara yang boto, pueh saya ngadap orang kampung saya. Oghang kampung marah, dia tak marahkan awak, paham? Dia maghahkan saya. Lain kali hantukkan yo tuan-tuan apo ni, cubo bayangkan hargo rumah punyo mahal haa. Dibuek hargo rumah tompek tu, padahal eh, saya ucap terima kasih kepada SPNB kerana melaksanakan pinjaman bayaran murah balik. Satu rumah 125 ribu, haa itu baik. Ni projek perumahan, pemaju-pemaju, sudahlah. Sebab tu kebanyakan pemaju ni ada *girlfriend* sebab dia kaya raya. Orang kaya raya yang ada *girlfriend*, orang miskin macam Yang Berhormat mana ada *girlfriend* haa. Jangan bisinglah, muko elok ni, *girlfriend* mano ado. Dato' Yang Dipertua, mintak maaf. Katakan saya, cakap emosi, memang saya dah nak terbakar tengok harga rumah ni. Macam mana anak-anak kita nak beli rumah.

Dulu saya *complaint* jalan Seremban ke Jelebu toghok. Ni Yang Berhormat Klawang *complaint* kat saya, seboleh. Dio kata, bang lalu kek kampung abang tu tonghok jalan. Jalan tu tongah-tongah berkorek dah, tak yo ber-repair lagi. Tak ber-repair. Yang paling toghok pulak, dio ambek tompek dalam kawasan saya tu, dalam DUN Longgeng yo. Keluar Longgeng, Klawang baik, masuk Ampangan baik, pasal apo kawasan saya tak dibaikkan. Perlu ko kito hantukkan kepalo-kepalo ni,

yang mengorek ni. Sok kito hantukkan, kok maghah. Cubo tuan-tuan pikir, tak percayo tuan-tuan lalulah pergi ke Jelobu.

Di dopan masjid Pantai, berapa kali saya sebut, situ macam orang buek *complaint* tiap-tiap petang Jumaat, banyak kereta yang nak balik ke Karak, balik ke Pahang. Dimintak bonggol, oh JKR kato, bonggol tak boleh buek. Saya tengok di negeri lain, bonggol banyak dibuek. Pasal apo tak boleh buek bonggol. Bonggol kan eh ghodang bona, kadang poghot tuan-tuan lobih tinggi pada bonggol. Pasal apo tak boleh buek? Oh tak boleh buek bonggol. Saya ingat ado bondo tak betul JKR ni. Botol ko dio buek kojo? Haa, saya tengok di kawasan apa, kampung di, di Sungai Jai, Longgeng, dah lamo dah sekolah tu mintak jalan dopan sekolah tu buek bonggol, pun tak dibuek bonggol. Kalau di Pantai, dia kata lebuh raya tu merupakan lebuh raya persekutuan, jalan Sungai Jai tu, jalan kampung, tak yo berbuek.

Dan yang paling hebatnya, TNB, untuk kawasan Sungai Jai dan Daching Hilir, kawasan saya, masih di bawah pengendalian TNB Bangi, Negeri Selangor. Tak boleh ko pusingkan ke Nilai? Dah lamo kito merdeka dah, ini pun tak terbuek ko? Haa, poi yo pulak, pueh oghang kampung tu menunggu bas kalau nak poi *complaint* pasal letrik eh, poi ke TNB Bangi. Walhal patut buek Nilai, Nilai dalam Negeri Sembilan, Sungai Jai dalam Negeri Sembilan, Daching Hilir dalam Negeri Sembilan, pasal apo terpakso poi Bangi? Tak berakal ko pihak pentadbiran yang melaksanakan kojo-kojo ni?

Hari itu saya dongar pulak TNB nak ukur pulak nak buek *transmission line* Longgeng bawak ke Jelobu, eh, eh, Sungai Jai tak terkomeh, nak pulak ukur bosa-bosa. Mesti ado komisen dikiro tu. Kebanyakan teknikal, orang teknikal ni kiro komisen. Berapo dapek haa, berapo dapek, dio hulur haa? Jangan nak bohonglah.

Dato' Yang Dipertua, saya dongar Yang Berhormat, Yang Berhormat Palong ado sobot tadi, saya sampai sini pasal pingat. Haa ni saya pun nak sobot jugak. Saya mencalonkan dua orang perempuan dalam kawasan saya. Seorang orang perempuan kampung saya sendiri, umur setahun lobeh mudo pada saya, makno umur dah 64. Daripada dia anak daro lagi samo-samo umur saya dio menolong orang ramai, sampai hari ini, dah bercucu, laki eh pun dah meninggal dah, dia masih nolong orang ramai, dia menjadi pemimpin wanita di kampung saya. Dan satu lagi wanita di bolah Tarun, dah jadi ibu tunggal dah. Haa dia nolong orang, saya calonkan pingat PJK. Pingat yang paling kocik, Pingat Jaksa Kebaktian. Bukan pingat jolok Kelantan. Pingat Jaksa Kebaktian. Tak dapek duo-duo oghang ni.

Walhal macam mana Yang Berhormat Dato' Setiausaha Kerajaan boleh dibagi pingat Dato' Seri. Walhal Yang Dipertua Dewan belum dibagi. Yang Berhormat Palong yang paling lama di Dewan ni pun belum dapat pingat Dato' Seri. Yang Berhormat, dia kaki bodek ke ni, yang dapek. Nak maghah, maghahlah tuan-tuan, saya cito yang bona. Saya bagi pingat macam mano pun tak nak sayo doh, cukup dapek Dato'. Tak kan nak golar Dato'-Dato', macam Yang Berhormat ahli daripada Rantau, orang rumah eh dapek Dato', dalam bilik, haa dalam bilik .....

**Y.B. ADUN Labu:** Dato' Yang Dipertua.

**Y.B. ADUN Lenggeng:** ..... dio beromen, dio sobot ko, hallo *darling* Dato', hallo *darling* Dato' teh, mau deh .....

**Y.B. ADUN Labu:** Dato' Yang Dipertua, saya menghormati perbahasan ini dan perbahasan yang diucapkan oleh Yang Berhormat Lenggeng ya. Tapi nampaknya bahasa-bahasa yang digunakan tu, dan pertuduhan-pertuduhan tu, ditambah pulak ahli yang dituduh tu tidak boleh ber, mempertahankan dirinya dalam, dalam Dewan ini. Saya mintak supaya perkara-perkara seperti ini dielakkanlah ya. Dan kalau boleh ditarik balik. Terima kasih.

**Y.B. ADUN Lenggeng:** Saya tak narik balik perkara bona, cano nak tarik balik. Bukan saya bohong. Macam mana Yang Berhormat Setiausaha Kerajaan, saya tengok senarai dia menjadi Ahli Lembaga Pengarah berbayar di syarikat-syarikat tercatit di bawah Negeri Sembilan, tak boleh ke letak pengarah-pengarah yang lain.

**Y.B. Yang Dipertua Dewan:** Yang Berhormat Dato'.

**Y.B. ADUN Lenggeng:** Ya.

**Y.B. Yang Dipertua Dewan:** Bintang kurnia ni takyahlah kita bahas dalam Dewan sebab ini kurnia tuanku.

**Y.B. ADUN Lenggeng:** Ini membahaskan ucapan titah tuanku.

**Y.B Yang Dipertua Dewan:** Yelah, tuanku yang memberi, kita takkan persoalkan tuanku.

**Y.B. ADUN Lenggeng:** Tak, saya tak persoalkan tuanku. Yang mencadang tu, macam mano pingat PJK pengerusi eh Dato' Setiausaha Kerajaan. Tak boleh kaji orang perempuan, umur dah 64 tahun. Oh, umur dio camtu tak nampak.

**Y.B. Yang Dipertua Dewan:** Itu sebenarnya Yang Berhormat, sebagai tuduhan.

**Y.B. ADUN Lenggeng:** Tuduhan apo pulak, sayo yang membuek pencalonan, saya yang isi borang, saya hantar sendiri. Apo pulak, tuduhan apo. Ini tembak-tembak lastik ateh langit, saya mencadangkan orang ni haa, mau deh.

**Y.B. Yang Dipertua Dewan:** Tak, tuanku-lah yang menentukan.

**Y.B. ADUN Lenggeng:** Eh, eh, eh, saya tanya tuanku, tuanku cakap, kalau pingat Dato', *I'm the one*. PJK, *there is small committee decide*, dengan izin, tuanku cakap mo saya Bahasa Inggeris .....

**Y.B. Yang Dipertua Dewan:** Akhirnya tuanku yang .....

**Y.B. ADUN Lenggeng:** Saya pergi *check*, saya tanya semua. Jangan tuan-tuan nak bohong dengan saya. Pingat PJK pun tak boleh boghi, haa, 64 tahun umur oghang tu. Saya naik hangin botol. Oghang kampung. *What do you mean by "kesian"? Its very cruel*. Nak maghah, maghahlah. Tuan-tuan semua, oh, Dato' Yang Dipertua, lon kono, tau, haa.

**Y.B. Yang Dipertua Dewan:** Bukan. Bila urusan tuanku, saya tak nak *comment* dalam Dewan ini.

**Y.B. ADUN Lenggeng:** Ini bukan urusan tuanku yang mencadangkan, PJK lon ponah tuanku mencadangkan doh. Yang mencadangkan

daripada bawah bawak ke peringkat tu, haa, pingat jaksa kebijakan, ini bukan Darjah Setia Mahkota Sultan Pahang ke, lain, haa ini .....

**Y.B Yang Dipertua Dewan:** Yang Berhormat.

**Y.B. ADUN Lenggeng:** ..... PJK.

**Y.B. Yang Dipertua Dewan:** Saya ingat kita emosi *control* sikit.

**Y.B. ADUN Lenggeng:** Ya, macam mana tak emosi. Saya mengadap orang tu, oghang kampung beritahu kat saya, To' macam mano orang tu haa boleh dapek Dato'? Budak ni haa, oghang pompuan ni haa PJK pun tak dapek? Saya nak jawab macam mana? Saya dipilih oleh rakyat, bukan Dato' pilih saya. Saya terpaksa jawab kepada rakyat saya.

**Y.B. Yang Dipertua Dewan:** Yang Berhormat jangan emosi.

**Y.B. ADUN Lenggeng:** Ya memang emosi haa. Dato' tak kono tak emosilah. Saya kono.

**Y.B. Yang Dipertua Dewan:** Yang Berhormat, saya nak nasihatkan. Saya cuma duduk depan ni nak menasihatkan. Saya tengok semua orang berbahas, tapi tak layaklah seorang yang veteran ber, berbahas macam ni. Lepas tu bila .....

**Y.B. ADUN Lenggeng:** Orang veteran lagi pengalaman lobeh. Kito dah tengok .....

**Y.B. Yang Dipertua Dewan:** Bila menyebut hal .....

**Y.B. ADUN Lenggeng:** ..... sobab tu kito jadi macam ni.

**Y.B. Yang Dipertua Dewan:** Bila menyebut hal yang berkaitan dengan tuanku, kita, kita .....

**Y.B. ADUN Lenggeng:** Tak, ini bukan hal tuanku. Tu, PJK tu bukan tuanku meluluihkan. Jangan nak koyoklah Dato'. PJK, pingat jolok Kelantan. SS orang Kelantan.

**Y.B. Yang Dipertua Dewan:** Kalau yang pingat ni .....

**Y.B. ADUN Lenggeng:** Saya nak buat usullah, Setiausaha Kerajaan dipindahkan keluar daripada Negeri Sembilan bermula daripada esok. Lobeh elok ganti yo, banyak oghang Negeri Sembilan yang boleh jadi Setiausaha Kerajaan daripada kita pilih orang Kelantan ni, buek apo?

**Y.B. Yang Dipertua Dewan:** Tapi Yang Berhormat, Yang Berhormat boleh tak masuk tajuk lain?

**Y.B. ADUN Lenggeng:** Yelah, sebab Dato' yang menyambungnyambung tadi. Saya dah beralih dah, Dato' yang pusing-pusing tuanku, tuanku. Saya dah naik angin dah tengok apo yang berlaku. Bilo salah, kito disalahkan. Saya lebih tuo daripada Dato' tau. Banyak pengalaman hidup, dah tengok semua dah, kiri kanan.

Dato' Yang Dipertua, peruntukan saya, ada orang yang bukan wakil rakyat boleh meluluskan. Bayangkan. Seorang ADUN punya peruntukan, ada seorang manusia bernama Fauzi bin Othman, meluluskan peruntukan 5,000.00 bagi sini haa, 5,000.00, eh, ewah, bilo pulak. Tiba-tiba saya dengar ada panggilan daripada Pejabat Menteri Besar, mengatakan mintak saya bersetuju kerana dah dipersetuju oleh Yang Amat Berhormat Menteri Besar. Saya cakap, mano boleh. PAC dah buek, PAC *chairman* keluar pulak deh [merujuk kepada Y.B. ADUN Juasseh yang tiada di dalam Galeri Persidangan]. Haa macam mano boleh, tak boleh. Haa ni salah ya menimbulkan perkara macam ni. Haa cuba Dato' fikir baik-baik, macam mano haa, kaki somut topi luar na, boleh meluluskan peruntukan seorang ahli Dewan. Hukum mano yang diambek?

Saya nak sebut Tabika KEMAS. Di kawasan saya dah tujuh tahun dah di Panchur Jaya tu mintak tanah buek Tabika KEMAS, tak luluih-luluih. KRT boleh pulak buek dio punyo apo, dewan eh, tiga tompek di kawasan sey, di tompek yang samo, tanah bukan tanah kepunyaan dia, boleh pulak. Ni Tabika KEMAS, untuk budak-budak ni belajar. Tak boleh. Kuari seboleh tu buleh. Pasir buleh keluar. Ini Tabika KEMAS. Jadi, Tabika KEMAS ni bawah portfolio sapo? Tolong, mintak maaf, tolong angkek tangan Yang Berhormat yang menjago portfolio ni.

Tabika KEMAS. Saya tanyak Dato' Setiausaha Kerajaan ni hari tu, Dato' Setiausaha Kerajaan bertanya, dia kata dia dah bertanya orang ramai, orang ramai lebih setuju buat Tabika KEMAS di rumah daripada di balai, balai. Saya pergi tanya orang tu, mano pulak kito cakap To', tak ponah cakap macam tu doh. Dato' buek perjumpaan hadap kito dengan Setiausaha Kerajaan, nak kito tanya dopan-dopan, tak ado pulak doh. Macam mano, sampai enam tahun, nak meluluskan tompek budak-budak tabika untuk belajar, untuk mengenal hidup, belum berluluih-luluih.

Tadi sayo cerito pasal tandas. Ni haa ado orang ramai *complaint* kek saya. Apa dia. To' macam mano Mahkamah Tinggi Seghomban, tak ado lif. Tuan-tuan yang poi Mahkamah Tinggi Seremban tak ada lif. Dio tanya sayo balik, kan Dato' seorang juru ukur bangunan, apo pandangan Dato'? Saya tanya, dah *check* dah dengan mano-mano? Dia cakap, dah *check* dah dengan JKR, JKR kato bangunan yang kurang daripada tiga tingkat tak perlu lif. Apo pandangan Dato'? Saya cakap, salah tu. Sebab yang datang di mahkamah tu tidak ado had umur. Orang yang jadi saksi dibawak ke mahkamah tu tidak ado had umur. Kadang-kadang cucu eh bicaro, atok eh datang nengok. Atok eh umur 90 tahun, haa. Kalau di hospital, haa, OKU disiapkan keto tolak. Mahkamah mano ado. Pasal apo Mahkamah Seghomban tak ado lif untuk kegunaan orang ramai? Saya poi *check*, saya tengok bilik hakim ado pulak, lif. Cubo bayangkan. Adakah kito memperjuangkan keadilan. Yang adil, hakim kono adil. Patut oghang yang kurang upayolah ado lif. Ini bilik dia ada lif. Orang ramai tak ada lif haa. Mungkin tuan-tuan tak kono. Hari tu orang seghet sayo ke mahkamah, dek sayo kono senget kek mahkamah nilah, saya dapek melihat. Ado yo untung eh saya kono seghet ke mahkamah. Jadi tuan-tuan lain kali sebolom nak seghet saya mahkamah, fikir panjang-panjang dulu. Haa kan dah dapek saya peluang menengok apo, ni mahkamah.

Kawasan saya Dato' Yang Dipertua, ada masjid tak ado meter. Bayangkan orang kampung tu cakap, To', kata dia, selamo hari ini orang ambil air sembahyang semua haram To', air curik, kata dia. Haa, Jabatan Agama, bila ada apa-apa timbul, hari tu yang Majlis Perbandaran Seremban ada masalah kawasan saya besar surau, panggil Yang Dipertua, Majlis Agama Islam tak mau turun. Bosa bona ko Yang Dipertua Majlis Agama Islam ni [songkok Y.B. ADUN Lenggeng terjatuh]. Dek sayo dah maghah, songkok saya pun melambung dah. Bosa bona ko manusia bernamo Selamat bin Paigo, tak mau datang ngadap orang ramai. Orang ramai semuo tanya kepada saya, To' pimpin Islam tak boleh turun ko ke bawah ngadap. Yang Dipertua Majlis Perbandaran, pegawai-pegawai lain, semuo turun, saya turun. Haa cubo tuan-tuan bayangkan.

**Y.B. Yang Dipertua Dewan:** Yang Berhormat, masa dah suntuk Yang Berhormat.

**Y.B. ADUN Lenggeng:** Ni maso nak habih dah ni, sebab tu songkok saya jatuh. Dia pun, songkok saya pun cakap *enough is enough, you understand my boy*. Sebab tu songok duduk di ateh. Dia jadi bos, dia sebut kito *my boy*. Tuan-tuan nak maghah, maghahlah sey. Maghah, tak lamo lagi pilihan raya, sok berlawan saya cari tuan-tuan, kawasan tuan-tuan lawan sok, padan muko. Tu lah deh.

Sekali lagi Dato', saya mengkaji, benda-benda yang saya sebut tadi, perlu jugak dikaji walaupun, yelah, yelah, kok oghang kato, saya jahat, wakil rakyat pun, sejahat-jahat saya, belum ada saya nipi pengundi saya. Saya berporang hari-hari nolong pengundi saya. Ni haa tadi saya tak datang, saya lambek sampai, sebab banyak jando-jando kawasan sayo bermasalah. Saya turun jumpo jando-jando tu. Semua jando tu sonyum. Haa To' jo datang. Eh tuan-tuan jangan pandang ghondah kek jando. Jando ni, tidak ada dia nimbulkan masalah. Yang menimbulkan masalah dalam hidupnya semuo laki eh. Laki eh.

Itu bila saya dengar di Parlimen ada usul nak mintak orang perempuan ramai lagi jadi wakil rakyat, isteri saya mengamuk. Saya tanya isteri, *why*, apahal *you* maghah? Oh tak boleh, tak boleh. Apo pulak? Lagi ghamai oghang perempuan ada dalam Parlimen, dalam Dewan Undangan Negeri besok, lagi pulak huru hara apo ni, wakil rakyat lelaki tu. Tak ado dipandang, mandang badan pompuan sok tu. Betul jugak. Haa sini nasib baik duo oghang yo oghang pompuan, cubo ramai, saya kalau ramai orang perempuan, saya cakap tak meninggi. Tapi bilo oghang, oghang pompuan tak ghamai, saya cakap kasarlah.

Mintak maaf Dato' kerana kekasaran saya. Saya ucap terima kasih. Saya doakan Dato' bertanding lagi. Sama-samalah kita hadapi masalah rakyat kita. Sekian, terima kasih Dato'.

**Y.B. Yang Dipertua Dewan:** Terima kasih.

**Y.B. ADUN Sikamat:** Dato' Yang Dipertua.

**Y.B. Yang Dipertua Dewan:** Ada lagi? Silakan.

**Y.B. ADUN Sikamat:** Bismillahirrahmannirrahim. Terima kasih Dato' Yang Dipertua. Assalamulaikum w.b.t. dan salam sejahtera. Alhamdulillah, segala puji bagi Allah s.w.t. Terima kasih kepada Dato' Yang Dipertua kerana memberi dan membenarkan saya membahaskan usul menjunjung kasih titah ucapan Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Kelima, Dewan Undangan Negeri Yang Ke-13.

Dato' Yang Dipertua, kesejahteraan dan kemakmuran rakyat. Tuanku Duli Yang Maha Mulia Yang di-Pertuan Besar Negeri Sembilan telah menunjukkan keprihatinan terhadap permasalahan rakyat di negeri seawal titah ucapan tuanku lagi. Tahun 2017 adalah tahun yang amat mencabar bagi rakyat Malaysia apabila berhadapan dengan Ringgit yang lemah dan harga makanan serta keperluan yang semakin mahal. Peluang pekerjaan yang tidak mencukupi dan terhad serta pemberhentian oleh majikan dan penutupan kilang-kilang ataupun industri.

Dasar Jaringan Keselamatan Sosial di negeri ini melaluinya telah dapat lebih kurang 34,000 memerlukan bantuan dan keprihatian, keperhatinan. Jumlah ini adalah besar dan memerlukan perhatian yang khusus dan penuh iltizam untuk mengatasinya. Pada tahun 2013, kita juga telah dijanjikan dengan makmal kaji kos sara hidup oleh kerajaan. Namun ke manakah dapatan kajian makmal tersebut? Dengan peningkatan kos kehidupan rakyat yang ditunjukkan dengan peningkatan indeks pengguna akhir-akhir ini adalah bukti iaitu peningkatan harga barang, kos sara hidup, kenaikan sewa rumah, tambang pengangkutan van sekolah dan pelbagai kenaikan termasuk yang terbaru kenaikan harga gula. Manakala hasil kajian Bank Dunia menyatakan bahawa kenaikan gaji di Malaysia selama 10 tahun sehingga 10 hingga 15 tahun hanyalah sekitar 2.6% berbanding peningkatan produktiviti sebanyak 6.2%.

Harga barang terus naik dari hari ke hari dan kita tidak perlu lagi menunggu ahli ekonomi untuk menjangkakan kedudukan ekonomi kita. Rakyat sendiri sebenarnya boleh merasai keperitan ekonomi kita. Menurut Timbalan Gabenor Bank Negara Malaysia, hasil kajian Bank Negara Malaysia mendapati bahawa 75% rakyat negara ini sukar menyimpan 1,000.00 untuk waktu kecemasan mereka. Inilah realiti kehidupan rakyat biasa di negara kita. Saya mencadangkan agar Kerajaan Negeri dapat meningkatkan jumlah bantuan dan sumbangan kepada golongan ini memandangkan peningkatan kos kehidupan mereka.

Kecemerlangan kependidikan. Saya ingin merakamkan tahniah dan syabas di atas kejayaan anak-anak, ibu bapa, warga pendidik dan semuka yang terlibat secara langsung dan tidak langsung dalam keputusan SPM yang lepas. Adalah menjadi tanggungjawab kerajaan pula untuk memastikan peluang keraja, peluang pekerjaan apabila mereka tamat pengajian. Bukan setakat peluang pekerjaan, tetapi peluang perniagaan dan dengan persekitaran ekonomi yang memberangsangkan. Seramai 103,000 siswazah sedang mencari peluang pekerjaan. Graduan adalah golongan teramai yang tidak bekerja di kalangan penganggur muda. Hampir 61% daripada penganggur di Malaysia adalah anak muda, antara 15 hingga 24%. Jika ditambah dengan kohor berikutnya iaitu umur 25 hingga 29 tahun, nisbah ini meningkat kepada lebih 81%.

Gaji adalah punca graduan sedia ada memilih pekerjaan di samping komitmen mereka untuk membayar hutang pinjaman pendidikan serta kos kehidupan yang terus meningkat. Oleh itu saya mencadangkan agar usaha menarik pelaburan dapat ditingkatgandakan dengan hubungan yang baik di antara negeri dan Kerajaan Persekutuan. Sepatutnya hubungan ini digunakan sepenuhnya untuk memajukan lagi sektor industri bagi memastikan kita mampu membawa pulang anak-anak kita yang pintar, yang berhijrah ke negeri orang untuk sama-sama membangunkan negeri yang kita cintai ini.

Pelan Hala Tuju Pembangunan Luar Bandar Negeri Sembilan. Dato' Yang Dipertua, dalam pada itu, jika kita khuatir apabila nilai Ringgit terus susut, sebahagian sektor ekonomi terutama perladangan dan pertanian akan terjejas teruk kerana ia tidak mampu lagi menarik minat pekerja asing untuk bekerja di negara kita. Manakala bagi pekerja tempatan pula, sektor perladangan dan pertanian adalah sektor yang tidak mendatangkan minat kepada anak-anak muda dari segi pendapatan dan kemudahan dan tarikan. Secara tidak langsung ia akan memberi kesan kepada sektor perladangan dan pertanian di negeri ini pada masa akan datang. Kita perlu lihat kebergantungan kepada tenaga buruh asing di sektor perladangan dan pertanian adalah besar, bukan sahaja mereka bekerja di ladang-ladang, tetapi di kampung-kampung, dan hampir semua sektor pertanian di negeri ini.

Penghijrahan anak muda keluar mencari pekerjaan amatlah menggusarkan. Apa yang menjadi tanda tanya ialah mengapa anak muda kita sanggup beratur seawal pagi di tambak Johor untuk menyeberang ke Singapura meskipun mereka tergolong dalam kategori 3D, iaitu *dirty, difficult, dangerous*, dengan izin. Mereka masih mahu bekerja sedemikian memandangkan pendapatan kerjaya tersebut begitu tinggi di sana. Realiti ini menyangkal sama sekali dakwaan

Menteri Dalam Negeri yang menyatakan bahawa rakyat Malaysia tidak suka akan kerja 3D dan memilih pekerjaan.

Saya mencadangkan agar Kerajaan Negeri memikirkan dan memasukkan dalam pelan tindakan bagi mengatasi masalah ini bagi memastikan Pelan Hala Tuju Pembangunan Luar Bandar Negeri Sembilan dapat disempurnakan dengan baik. Cadangan agar anak muda tempatan diberikan galakan, bantuan dari segala segi terutama dari segi model, modal, teknikal dan galakan di dalam sektor pertanian haruslah dikaji dengan segera. Kita tidak ingin melihat kebun-kebun, sawah-sawah dan dusun-dusun menjadi belukar dan terbiar. Kita juga tidak ingin melihat orang luar yang menerima nikmat hasil perancangan yang gagal.

Lonjakan pembangunan Negeri Sembilan iaitu pembangunan inklusif. Kita melihat sekali lagi Kerajaan Persekutuan telah menginspirasikan pelan transformasi T50, TN50, mintak maaf, baru-baru ini. Dan Kerajaan Negeri telah melaksanakan Rangka Jangka Panjang Negeri Sembilan Moden 2015 – 2045 yang dirangka lebih awal. Namun hakikatnya, ia adalah reaktif ke atas kegagalan realisasi aspirasi Wawasan 2020. Apa yang berlaku hari ini, generasi hari ini bukanlah saja tidak mencapai matlamat apa yang termaktub dalam Wawasan 2020, bagi kesejahteraan rakyat tetapi rakyat terbeban dengan kos sara hidup, peluang pekerjaan, gaji yang rendah berbanding produktiviti serta kegagalan kerajaan dalam menguruskan negara dengan hutang yang tinggi. Apa yang penting, ketika kerajaan mengumumkan pelan atau rancangan yang baru kepada rakyat, yang penting bagi rakyat adalah kesejahteraan hidup mereka yang lebih baik.

Akhirnya, sebagai renungan, fitrah kepimpinan bukan sekadar disanjung dan dihormati malah diimbangi juga dengan kritikan dan teguran. Adat gunung timbunan awan, adat bukit timbunan hujan, adat lurah timbunan air, adat teluk timbunan kapal, adat pimpinan timbunan umpatan. Ingat untuk diri sendiri dan semoga bermanfaat. Sekian, saya menyokong usul terhadap titah ucapan Duli Yang Maha Mulia Yang di-Pertuan Besar Negeri Sembilan. Sekian.

**Y.B. Yang Dipertua Dewan:** Silakan Kepayang.

**Y.B. ADUN Bukit Kepayang:** Terima kasih Dato' Yang Dipertua kerana mengizinkan saya untuk turut serta mengambil bahagian dalam perbahasan usul menjunjung kasih Duli Yang Maha Mulia Yang di-Pertuan Besar Negeri Sembilan ketika merasmikan persidangan Dewan pada hari semalam. Sesungguhnya titah ucapan baginda adalah

satu titah ucapan yang bagi saya cukup menyeluruh dan komprehensif yang merangkumi keseluruhan pembangunan insan dan juga pembangunan infrastruktur di Negeri Sembilan. Jelas menunjukkan dan membuktikan kepada rakyat bahawa baginda merupakan seorang raja berperlembagaan yang menjadi payung naungan yang menaungi keseluruhan rakyat dan penduduk Negeri Sembilan. Dan sesungguhnya rakyat Negeri Sembilan beruntung dan berterima kasih kerana memiliki seorang raja yang begitu prihatin terhadap keperluan dan juga isu pembangunan di dalam negeri ini.

Isu *equal development* ataupun pembangunan saksama telah disebutkan dalam titah ucapan baginda. Saya bersetuju benar bahawa pembangunan yang dijanakan oleh kerajaan tak kira siapa di pihak kerajaan, mestilah satu kerajaan yang boleh memberikan pembangunan yang seimbang dan saksama. Tak kira desa, bandar, luar bandar dan sebagainya. Dan saya bersetuju benar bahawa pembangunan agropolis sepatutnya menjadi teras kepada pembangunan di luar bandar dengan mengambil kira kelebihan ataupun kemudahan memiliki sumber yang ada di setiap lokaliti ataupun setiap kawasan tersebut. Dan saya berharap Kerajaan Negeri boleh memberikan tumpuan yang khusus terhadap pembangunan sebegini supaya jangan nanti kawasan luar bandar terpinggir. Walaupun saya sendiri menjadi wakil rakyat di kawasan bandar, tetapi bagi saya pembangunan yang mampan dan menyeluruh adalah satu pembangunan yang cukup didahagakan dan dialu-alukan semua pihak yang mahukan pembangunan untuk rakyat Negeri Sembilan.

Dato' Yang Dipertua, pagi tadi ketika menjawab soalan lisan, Yang Amat Berhormat Rantau ada menyatakan bahawa setiap pengurangan 1% NRW berjumlah kepada hampir 1.5 juta ringgit. Kalau tak silap itu angka yang diberikan oleh Yang Amat Berhormat Menteri Besar. Bagi saya, angka ini jelas menunjukkan bahawa pengurangan NRW tu cukup penting. Dan saya bersetuju benar bahawa Kerajaan Negeri melalui pengkorporatan Syarikat Air Negeri Sembilan memberikan tumpuan kepada penggantian paip baru khasnya di kawasan Seremban kerana mempunyai *revenue* yang tinggi. Yang setakat ni, saya difahamkan NRW-nya telah turun kepada angka 32% pada ketika ini. Dan saya nak tanya Kerajaan Negeri dan juga SAINS, apakah sasaran seterusnya? Sebab saya masih ingat kalau 10 tahun dulu, di bawah JBA dulu, lebih 50%. Tapi walaupun ada kawasan tertentu yang masih 50%, tapi di Seremban ni, sebab ia memberikan peratusan yang tinggi. Jadi apakah sasaran untuk jangka lima tahun? Sebab saya percaya kita perlu berusaha untuk menurunkan peratusan ini. Dan ia adalah suatu yang boleh dicapai ataupun boleh dijangkau dengan usaha yang sistematik dan berterusan.

Dato' Yang Dipertua, berkenaan dengan satu isu yang dibangkitkan dan saya kedengaran baru-baru ini, yang disebutkan oleh Yang Amat Berhormat Menteri Besar bahawa akan ada bangunan pentadbiran yang baru untuk Majlis Perbandaran Seremban. Saya tak pasti, bila Kerajaan Negeri bercadang untuk memindahkan bangunan pentadbiran Majlis Perbandaran Seremban ke bangunan yang baru ataupun kompleks yang baru ini. Apakah ia hanya akan dilakukan selepas penggabungan dengan MPN dijadikan majlis, Majlis Bandaraya Seremban ataupun dia akan dilakukan lebih awal? Dan di manakah lokasi bangunan baru tersebut?

Saya bersetuju benar bahawa bangunan Wisma Negeri, ataupun Wisma MPS yang ada pada ketika ini di pusat bandar, dengan kekurangan kawasan parkir dia, sudah tidak sesuai, tidak *user friendly*, dengan izin Dato' Yang Dipertua, untuk pengguna yang begitu ramai, khasnya dengan pembangunan yang begitu pesat di kawasan Seremban 2 dan juga sekitar, yang menyaksikan per, penambahan penduduk yang begitu banyak. Jadi, saya rasa satu tempat yang, yang boleh saya cadangkan, saya tak tahu sama ada betul tidak, saya dengar ada kemungkinan besar bangunan ni akan dipindahkan ke kompleks Carefour yang dulu, pasar raya Carefour yang dulu. Saya mintak maaf kepada Yang Amat Berhormat kalau tekaan ataupun jangkaan saya tepat, sebab sepatutnya Yang Amat Berhormat yang kena umumkan tempat ni. Jadi, tak apa, ini saja jangkaan saya saja.

Dato' Yang Dipertua, satu lagi dasar yang saya rasa penting, sejak dua tahun yang lepas, Dasar Perumahan Negeri. Telah berulang saya sebutkan dalam Dewan yang mulia ini, kami, bagi saya, dah dua tahun, hampir dua tahun, sejak pertengahan tahun 2015 ia dilaksanakan. Dan saya nampak satu, satu pameran MAPEX bumiputera yang telah diadakan pada 18 dan 19 Mac yang lepas, ia mungkin merupakan satu langkah yang saya menyambut baik langkah tersebut khas untuk mem, men, apa, memberikan sasaran ataupun *target*-nya adalah pembeli rumah bumiputera. Cuma saya nak tahu, ketika MAPEX bumiputera tersebut, bagaimana sambutan dia? Sebab bagi saya, ini sebagai satu cara untuk mengurangkan unit-unit ataupun lot-lot yang telah diklasifikasikan sebagai lot bumiputera supaya dapat dijual kepada *end user* ataupun pengguna yang, yang mana dia secara langsung akan mengurangkan masalah kegangan kepada pemaju khasnya terhadap unit-unit yang telah di, disiapkan, telah mendapat CCC dan sebagainya.

Sebab dasar, sesuatu dasar tu hanya akan menjadi satu dasar yang baik dan dasar yang menguntungkan rakyat dan memberikan pembangunan ataupun impak yang positif kepada pembangunan ekonomi sekiranya dasar tersebut dapat diaplikasikan atau dilaksanakan secara menyeluruh di mana ia menguntungkan semua pihak. Dan saya nak

katakan, bila rumah tu dijual, bukan setakat menguntungkan pemaju, lebih jauh daripada situ ia membawa makna yang lebih menyeluruh dan komprehensif bahawa pembangunan yang keseluruhan kepada ekonomi Negeri Sembilan secara amnya.

Dato' Yang Dipertua, berkenaan dengan beberapa perkara tempatan di kawasan DUN Bukit Kepayang yang saya nak bangkitkan pada hari ini adalah, yang pertama saya menyambut baik MPS telah mempunyai sistem aplikasi mobil aduan. Mengikut jawapan yang diberikan kepada Yang Berhormat Rahang dalam jawapan bertulisnya, dikatakan sebanyak 27,000.00 ringgit telah dibelanjakan untuk meng, penggunaan ataupun memperkenal aplikasi ini. Saya menyambut baik. Saya rasa kalau 27,000.00 tu, boleh digunakan untuk satu jangka masa yang panjang, dan juga boleh memudahkan sistem penyaluran maklumat dan jugak aduan kepada MPS, saya rasa berbaloi gunakan wang tersebut. Cuma saya rasa lebih pen, jauh lebih penting daripada aplikasi ini adalah macam mana cara dan jugak mentaliti MPS sendiri apabila menangani sesuatu aduan. Bagi saya, mentaliti dan juga efisiensi ataupun keberkesanan kita menghadapi ataupun menangani suatu tindakan tu adalah akan menjadi satu kepa, kunci kejayaan sama ada kita dapat menyelesaikan sesuatu aduan atau masalah tersebut dengan cepat.

Saya nak bagi contoh, satu masalah di kawasan saya iaitu di Taman Bukit Kaya, nombor rumah 2092, telah berlaku hakisan, lama. Aduan saya telah kemukakan pada 24 Februari yang lepas, tetapi sehingga kini masih tak ada tindakan. Saya mohon supaya pihak MPS dapat mengambil tindakan segera sebab kita maklumlah hakisan ni, kalau dibiarkan ia akan berterusan. Tambahan pula di belakang lereng yang, kawasan hakisan tu ada padang Sekolah St. Paul.

Yang masalah kedua, yang saya rasa perlu diambil perhatian adalah berkenaan dengan jawapan kepada soalan saya iaitu berkenaan dengan satu *task force team* ataupun satu pasukan khas untuk menangani masalah jalan rosak, okay. Saya dimaklumkan ada satu pasukan khas yang proaktif, yang akan membuat rondaan sepanjang masa di semua kawasan penyeliaan MPS. Saya menyambut baik pasukan ni. Cuma saya harap pasukan ni kena lebih proaktif. Sebab saya nampak masih ada aduan-aduan berkenaan dengan lubang jalan. Ini benda kecil, mungkin ada orang pandang ini perkara remeh dan sebagainya, setakat kalau lubang jalan nak sebut dalam Dewan Undangan Negeri, tapi saya rasa perlu. Sebab pernah berlaku insiden kemalangan maut disebabkan satu lubang jalan yang, yang, yang nampak macam remeh saja tetapi akibatnya seorang penunggang motosikal terjatuh dan dilanggar oleh lori yang menyusul di belakang. Kejadian kemalangan maut ni berlaku pada November tahun 2012. Dan saya ambil, saya

harap MPS ambil iktibar terhadap insiden ni. Dan *task force team* tersebut, ataupun pasukan bertindak tersebut dapat menjadi lebih efektif, lebih berkesan dalam mengambil tindakan terhadap masalah-masalah sebegini.

Dato' Yang Dipertua, saya juga nak bangkitkan masalah di Terminal 1. Apabila kita menyebut bahawa kita nak menarik orang ramai ataupun pelancong dari luar ke Negeri Sembilan khasnya di Bandar Seremban, sebab saya percaya, Seremban ni, kita mempunyai tarikan pelancong, walaupun tak sehebat ataupun tidaklah terkenal seperti PD. Ada lagi, muzium kita kalau di, dibangunkan dengan sistem jaringan jalan raya yang baik dan sebagainya, dengan kemudahan *shuttle bus*, dan sebagainya, kita ada peluang. Jadi, kalau itulah yang akan kita lakukan, saya rasa Terminal 1, di pusat bandar memainkan satu peranan yang penting.

Baru-baru ini, apa, sistem memungut parkir ataupun bayaran untuk *parking* di *Terminal 1* dah diswastakan kepada satu syarikat yang dinamakan One Park Management Sdn. Bhd. Dan pada bu, bulan pertama terjadi keadaan di mana pas bulanan kehabisan stok. Haa, bulan 4 ni nak, saya nampak okay. Saya harap benda ni tidak berlaku, tidak berulang.

Dan saya juga berharap, fasiliti atau kemudahan asas yang ada di *Terminal 1* khasnya keadaan tandasnya, tadi Yang Berhormat Lenggeng sebut haa, di Dewan ni, itu saya, saya tak pasti, saya tengok tandas di sini okay pulak. Tapi di *Terminal 1* tu, memang kena bayaran. Saya bersetuju benar kalau warga emas kita kecualikan bayaran 30 sen tu. Kalau orang biasa, tak apalah. Tapi yang lebih, jauh lebih penting, bukan setakat kutipan 30 sen tu, tetapi perkhidmatan tu. Jangan nanti bawah sinki tu air bocor dan sebagainya.

Begitu juga lif, saya nak bagitau lif di apa, di tempat *Terminal 1* itu sendiri ditutup la, enam bulan. Ada notis kata tutup enam bulan nak tukar. Betul ke perlukan enam bulan ataupun ambil masa yang, yang, yang melampaui? Saya bukan orang teknikal, saya tak berani kata betul tak betul. Saya berharap MPS kaji betul-betul, pastikan tiada kelewatan daripada kontaktor untuk perkara sebegini.

Dato' Yang Dipertua, satu lagi perkara yang saya nak sebutkan .....

**Y.B. Yang Dipertua Dewan:** Yang Berhormat.

**Y.B. ADUN Bukit Kepayang:** Ya, Dato' Yang Dipertua. Ada lagi dua tiga benda kecil. Okay. Saya nak ambil, saya dimaklumkan projek lingkaran tengah MRR untuk fasa 3B bahagian 1 telah mencapai ataupun telah mencapai apa, dia punya proses kerja dia telah mencapai sasaran dia. Dan saya juga berharap, projek ini dapat disempurnakan sepenuhnya ikut tarikh asal iaitu pada 4 haribulan November 2017. Setakat ini saya difahamkan lebih 80% sebab *flyover* tu dah pasang, saya cuma harap jangan nanti enam bulan yang terakhir ni berlaku kelewatan. Dan saya ucapkan tahniahlah kepada Temokin-Vila, kontraktor utama yang berjaya melaksanakan projek ini dengan baik.

Cuma saya berharap, sebab jawapan yang saya tanya soalan, soalan saya tak naik, soalan lisan. Iaitu fasa seterusnya akan melibatkan pengambilan tanah. Dan pengambilan tanah ni, ni tanah yang berhak milik dengan geran kekal di kawasan Batu 3, Jalan Labu. Saya berharap, Kerajaan Negeri boleh menggunakan cara yang lebih diplomasi, berikan kelonggaran dari segi masa kepada mereka yang terlibat. Sebab biasalah, penduduk dah duduk di situ berpuluhan tahun, kadang tu mohon lanjutan masa, kelewatan sikit tu saya harap ada pertimbangan sebegini sebagaimana yang telah dibuktikan dan telah terjadi ketika untuk ambil, pengambilan tanah sebanyak 40 lebih lot pada tahun 2014. Yang mana saya sendiri sebagai ADUN kawasan ini, juga telah memberikan nasihat kepada penduduk sendiri, sebab kita kena bagi laluan supaya projek prasarana yang melibatkan kemudahan dan kepentingan rakyat dentiasa diberikan keutamaan.

Satu lagi Dato' Yang Dipertua, saya merujuk kepada jawapan yang diberikan dalam Dewan yang mulia ini pada Disember tahun lepas, berkenaan dengan jejantas pejalan kaki yang merentasi landasan kereta api di Bukit Tembok. Dimaklumkan secara rasmi, *on record* kepada saya bahawa kerja membaik pulih jejantas tersebut akan dimulakan pada bulan Januari tahun 2017. Hari ini, tanggal 11 April 2017, masih belum ada tanda-tanda kerja telah dimulakan ataupun akan dimulakan dalam masa terdekat. Saya mohon, saya tahu ini di bawah Perbadanan Aset Keretapi (RAC), bukan Kerajaan Negeri, saya mintak Yang Amat Berhormat supaya campur tangan dan memberikan desakan ataupun tekanan kepada RAC. Sebab apa yang terjadi untuk sepanjang dua tahun ni, penduduk di Bukit Tembok yang banyak terdiri daripada waga emas, terpaksa lalu ataupun melintasi landasan kereta api. Sesuatu, kalau tanya kepada saya, melanggar apa, langgar undang-undang sebab ceroboh landasan, tapi nak buat apa, kalau tidak, dia kena mungkin jalan mungkin tiga hingga empat kilometer untuk sampai ke Bandar Seremban. Cuma saya harap perkara ini boleh diberikan perhatian.

Dato' Yang Dipertua, saya juga berharap kawasan Jalan Labu ke kawasan Galla, jawapan yang saya terima dalam jawapan bertulis mengatakan bahawa lampu isyarat akan dipasang dan akan dilaksanakan selepas peruntukan diterima. Cuma tak diberitahu bila tempoh dia. Saya berharap jangan ada berlaku kelengahan lagi, sebab statistik yang diberikan kepada saya pada hari ini, jelas menunjukkan bahawa banyak kemalangan berlaku. Setiap tahun purata hampir 30 kemalangan, maknanya setiap bulan tu ada dua hingga tiga kemalangan. Jadi saya berharap benda ni dapat dilaksanakan kalau boleh dalam tahun ni, sebab kita masih ada lapan bulan lagi tahun ni.

Jadi, akhir sekali saya jugak ambil peluang pada petang ni, walaupun saya tahu, saya minta maaf Dato' Dipertua, saya nak ucapkan tahniah kepada semua pelajar SPM, semua tenaga pengajar di semua sekolah, ibu bapa yang telah berkorban bersungguh-sungguh dalam memastikan bahawa Negeri Sembilan terus kekal di antara negeri yang cemerlang dalam keputusan peperiksaan SPM khasnya kita berjaya mengekalkan nombor du, haa, berada di tangga kedua. Kalau tolak Wilayah Persekutuan, sebenarnya kalau ikutkan negeri, sebenarnya kita di nombor 1. Satu kejayaan yang cukup cemerlang.

Dan saya juga ambil kesempatan pada petang ni sebab saya rasa tak ada yang sebut, pasukan bola sepak kita, mungkin ramai tak, tak ada orang sebut, walaupun bukan Liga Super, tapi ini Liga Perdana pun jadilah. Sebab saya rasa kita di posisi yang cukup baik. Saya sebagai seorang peminat bola, saya ucapkan tahniah kepada pasukan negeri. Kalau tak lepas sembilan perlawanan, menang lapan satu seri. Ini saya rasa cukup ajaib ni, ni hebat ni. Tahniah, Tok Mat. Ni kalau, kalau bagus tu saya ucap tahniah.

Okay, saya juga, akhir sekali, saya ambil kesempatan petang ni, ucapan terima kasihlah kepada Dato' Dipertua, walaupun tadi ada kecoh sikit, tapi Dato' Yang Dipertua dapat mengendalikan dengan baik, sebab kita tak tahu lagi, sama ada ni sidang yang terakhir untuk penggal ni ataupun tidak. Mungkin nanti bulan 8 kita jumpa lagi, ataupun tak tahulah hujung tahun. Cuma saya, saya, kita pun tak tahu dalam politik ni, pelbagai apa haa, senario perbagai perkembangan boleh terjadi, macam-macam boleh terjadi. So, boleh jadi lepas ni kita jumpa lepas PRU. Kalau lepas PRU kiri jadi kanan, kanan jadi kiri, so macam-macam boleh jadi. Sebab tu saya mintak siapa-siapa yang nak tuduh wakil rakyat yang dipilih rakyat sebagai tak pa, tiri, bapak tiri tu tak betul. Tak kira di pihak kerajaan ataupun tak kira di pihak pembangkang, kami sama-sama mendapat mandat daripada rakyat.

Saya mintak maaflah kepada Yang Berhormat EXCO daripada Pertang, sebab saya memang merujuk kepada Yang Berhormat dengan

penggunaan perkataan “jahat” dan “zalim” tersebut. Saya sebut, saya tak sebut kat luar, tapi saya sebut dalam Dewan ni, depan Yang Berhormat. Sebab bagi saya kalau nak melabelkan ahli Yang Berhormat daripada pembangkang yang dipilih dan mendapat mandat daripada rakyat sebagai jahat dan zalim tu saya rasa kurang sesuai dan kurang, kurang molek bahasa dia. Ini sebagai teguran yang apalah, *friendly reminder* untuk Yang Berhormat. Jadi, sekali lagi, saya ucapkan terima kasih kepada Dato’ Yang Dipertua. Sekian, terima kasih.

**Y.B. Yang Dipertua Dewan:** Terima kasih. Kalau tak ada lagi, saya persilakan pihak kerajaan untuk menjawab.

**Y.A.B. ADUN Rantau:** Nak, nak, nak? Kita tangguhlah. Dato’ Yang Dipertua, dengan ucapan berbanyak terima kasih kerana dapat kita memberikan perbahasan yang baik dalam Ucapan Penangguhan walaupun terdapat ada beberapa perkara yang tidak sepatutnya berlaku. Dan memberikan peluang kepada pihak kerajaan untuk kita menggulung ucapan perbahasan untuk kita menjunjung kasih di atas titah ucapan baginda tuanku Yang di-Pertuan Besar Negeri Sembilan di atas perkenan baginda untuk berangkat mencemar duli merasmikan sidang Dewan kita untuk yang kelima, bagi Dewan Undangan Negeri Yang Ke-13.

Saya pergi satu persatu Dato’ Yang Dipertua. Tahniah saya ucapkan kepada Seri Menanti kerana telah pun dapat memberikan satu ucapan bahas usul menyokong dengan ucapan yang begitu baik sekali. Disokong oleh rakan-rakan daripada Johol dan jugak daripada Linggi.

Johol walau bagaimanapun, Dato’ Yang Dipertua, ada menyatakan beberapa isu-isu yang perlu ditangani terutamanya dalam masalah menangani sekolah-sekolah, sekolah menengah terutamanya Sekolah Menengah Kebangsaan Dangi yang kemudahan asasnya dan juga bangunannya begitu daif sekali. Kita akan mengambil perhatian dan akan memanjangkan isu ini kepada Kementerian Pelajaran kerana sekolah adalah di bawah ruang lingkup kuasa Kementerian Pelajaran peringkat persekutuan.

Sekolah menengah agama rakyat banyak yang memohon, ibu bapak dan saya jugak bagi pihak Kerajaan Negeri Sembilan, kita mengucapkan berbanyak-banyak tahniah dan syabas kepada sekolah-sekolah agama bantuan kerajaan. Dato’ Dipertua, sekolah menengah agama kepunyaan Negeri Sembilan di bawah kelolaan Jabatan Agama Islam dan Majlis Agama Islam terdahulunya merupakan sekolah-sekolah yang tidak cemerlang, Dato’ Yang Dipertua, dan menurunkan peratusan

peperiksaan umum iaitu PMR ataupun SPM-nya. Tapi apabila satu kerjasama yang diadakan di antara Kerajaan Negeri dan jugak Kerajaan Persekutuan, di bawah Kementerian Pelajaran, kita telah pun menguruskan sekolah-sekolah agama ini secara bersama pada tahun 2008.

Dan alhamdulillah, Dato' Dipertua, pada keputusan SPM 2016, saya ataupun pihak Kerajaan Negeri Sembilan ingin menyatakan di sini betapa bangganya kita menyatakan bahawa keputusan kece, cemerlang yang telah pun dicapai oleh sekolah-sekolah menengah agama ini. Daripada 20 buah sekolah yang terbaik keputusan peperiksaan SPM 2016, termasuklah sekolah-sekolah SBP seperti TKC, Sekolah Sains Perempuan, Sekolah Menengah Sains Tuanku Munawir dan lain-lain, daripada 20 buah sekolah terbaik Dato' Dipertua, 11 adalah terdiri daripada sekolah-sekolah agama, Dato' Dipertua. Tahniah dan syabas kita ucapkan.

Johol jugak ada menyatakan bahawa keinginan untuk membawa, menarik supaya untuk merancakkan lagi ekonomi Johol, akan adakan supaya institusi-institusi pengajian tinggi awam dan swasta. Ini jugak akan kita berikan penekanan dan kita telah pun kenal pasti ada sebidang tanah yang luas di kawasan di Johol, yang boleh dijadikan pembangunan berinstitusi. Ini akan kita letakkan dalam radar kita, Dato' Yang Dipertua, untuk kita pastikan kita dapat membawa pembangunan berinstitusi di sana.

Tentang lagu Negeri Sembilan, akan kita cuba untuk kita kenal pasti *tagline* dia agar kita ni tidak dikenal sebagai negeri Minangkabau. Kita adalah rakyat Negeri Sembilan, dan kita mesti mempunyai jati diri Negeri Sembilan kita Dato' Dipertua.

Lepas itu, Chennah, Dato' Dipertua ya. Chennah memulakan perbahasannya dengan menyatakan bahawa betapa pentingnya *equal development*, dengan izin, iaitu pembangunan yang setara dalam negeri kita. Ini banyak dibincangkan oleh rakan-rakan Yang Berhormat yang lain yang mana titah ucapan tuanku Yang di-Pertuan Besar Negeri Sembilan menyatakan bahawa pembangunan Negeri Sembilan berlaku dengan, diurus dengan baik. Dan adalah hasrat semua supaya pembangunan ini dibuat secara mampan, dapat dikawal dan tidak pulak pembangunan ini terletak di satu kawasan sahaja.

Dato' Yang Dipertua, seperti mana yang telah pun disebut oleh, saya sebut beberapa kali dalam penggulungan perbahasan, Dato' Yang Dipertua, pembangunan ini kita tak boleh ikut selera kita saja Dato' Dipertua. Pembangunan ini kita mesti mengikut kehendak, kehendak pelabur dan kehendak pembangunan. Banyak tempat-tempat dalam

daerah-daerah di Negeri Sembilan ini dulu dibangunkan, contohnya dibangunkan kawasan perindustrian, dibangunkan kawasan-kawasan komersial, tetapi akhirnya kawasan ini Dato' Yang Dipertua, tidak dihuni atau terbengkalai. Contoh paling klasik sekali ialah ada lebih kurang berpuluh ekar kawasan perindustrian telah pun dibukak di kawasan DUN Juasseh. Sampai hari ini Dato' Yang Dipertua, hampir 40 tahun, kawasan tersebut tidak ada siapa yang datang kerana satu ialah masalah lokaliti jauh, lokasinya daripada kawasan pembangunan terutamanya di kawasan pelabuhan dan yang lain-lain, Dato' Yang Dipertua. Ada jugak banyak kawasan-kawasan lain yang mana dicadang, dirancang dan dijalankan pembangunan, tetapi tidak dapat berjalan lancar seperti mana yang dikehendaki.

Jadi, Dato' Dipertua, kita pulak di Negeri Sembilan ini, kita nak bangunkan negeri untuk kita memperkasakan dan mempercepatkan pembangunan. Tujuannya semata-mata, Dato' Yang Dipertua, selain daripada membangunkan negeri ialah kita nak mendapatkan hasil kerana hasil kerajaan di Negeri Sembilan ini, Dato' Yang Dipertua, seperti yang telah pun dibentangkan, semasa belanjawan yang dibentangkan hujung tahun lepas, kita di, merupakan negeri yang tidak lagi terlalu bergantung kepada hasil cukai. Kita merupakan negeri yang banyak mendapat pendapatan, *annual revenue* kita, Dato' Yang Dipertua dengan izin, banyak datangnya daripada hasil bukan cukai. Hasil cukai tetap tahunan Dato' Yang Dipertua, cuma merupakan tak sampai 40%, 30% lebih saja. Yang lain-lain Dato' Dipertua, ialah hasil daripada hasil bukan cukai, cukai tetapi tahunan terutamanya macam bayaran *fees* dan jugak *conversion premium* dan jugak yang lain-lain.

Dan dijangkakan kita punya rancangan untuk membangunkan kawasan yang luas, Dato' Yang Dipertua, daripada Nilai sampai ke Port Dickson, dan membangunkan semula Port Dickson di bawah satu rancangan *Malaysia Vision Valley* di atas kerjasama Kerajaan Persekutuan untuk memberikan ruang yang lebih besar kepada pembangunan Lembah Klang yang besar, akan dapat dijalankan. Dan ini adalah merupakan satu katalis kepada kita untuk kita mendapatkan pendapatan yang lebih pada, ketika, ketika yang, masa akan datang.

Dan kita telah pun membuat keputusan bahawa dalam Mesyuarat Majlis Mesyuarat Kerajaan Negeri Sembilan, kita telah pun membuat keputusan tidak akan menambah lagi rizab kita, Dato' Dipertua. Kita tidak akan lagi menambah lagi rizab kita, cukup seperti yang ada sekarang ini, yang boleh menampung lebih kurang 48 bulan gaji kakitangan awam. Selebihnya, Dato' Yang Dipertua, selepas ini nanti apa sahaja selebihnya nanti, kita akan mencarum kepada akaun pembangunan. Maknanya Dato' Yang Dipertua, daripada hasil yang kita ada, tahunan, dan daripada *surplus* yang akan kita dapat hujung

tahun, Dato' Yang Dipertua, akan kita carumkan kepada akaun pembangunan untuk kita pulangkan semula kepada rakyat khususnya untuk kita menjayakan pulak dasar, dasar seperti dasar asas kita iaitu Dasar Jaringan Keselamatan Sosial, dasar untuk kita membangunkan masyarakat dan yang paling penting sekali ialah Dasar Pembangunan Luar Bandar.

Di dalam Dasar Pembangunan Luar Bandar, inshaa Allah, Dato' Yang Dipertua, akan kita umumkan, akan kita isytiharkan, akan kita dasarkan, wartakan dasar ini Dato' Yang Dipertua, pertengahan tahun ataupun dalam bulan 7 ke Dato' Yang Dipertua, kita akan membangunkan kawasan luar bandar secara berinstitusi. Kita tidak mahu bangunkan kawasan luar bandar kerana nak melihat pembangunan. Akhirnya nanti dia akan terbengkalai semula. Apa yang penting indi, ialah kita melengkapkan kemudahan asas, kita melengkapkan infrastruktur, kita melengkapkan pengangkutan awam.

Untuk pengetahuan, apa yang dibincangkan dalam peng, dalam Dasar Pembangunan Luar Bandar adalah salah satu daripadanya adalah untuk melengkapkan pembangunan, pengangkutan awam antara bandar ke pekan, pekan ke pekan, pekan ke kampung, kampung ke kampung. Kita dah ada semua, dia punya jajaran-jajaran, semua dah dalam peta kita, di dalam radar kita. Bahkan kita tak akan bergantung kepada satu syarikat sahaja, kita sekarang sedang meneliti sama ada kita akan memberi kelonggaran kepada MARA, kepada syarikat-syarikat kerjasama, kepada bas-bas sekolah, dan jugak ada syarikat-syarikat lain yang ingin bekerjasama dengan Kerajaan Negeri, tetapi dengan syarat mereka boleh membuatkan *advertisement* ataupun iklan dan macam-macam. Ini sedang dalam rangka penganalisaan akhir kita, Dato' Yang Dipertua, dan saya yakin bahawa ini akan dapat melengkapkan dan akan dapat memenuhi kehendak penduduk luar bandar yang mana salah satu daripada, salah satu elemen kos sara hidup adalah pengangkutan awam. Jika pengangkutan awam dapat diurus dengan baik, *reliable* ataupun dengan baik, Dato' Yang Dipertua, orang akan menggunakan pengangkutan awam kita.

Jadi, memang saya akui bahawa tidak akan dapat Kerajaan Negeri membawa pembangunan di seluruh daerah. Kita tak akan dapat membawa, membukak satu kawasan industri besar di Jempol ke ataupun di Jelebu ke, ya, kerana kita boleh bukak, kita boleh bukak kawasan tapi siapa yang nak datang? Jadi, walaupun insentif-insentif kita bagi, Dato' Dipertua, tetapi memang susah kerana beberapa perkara asas yang perlu mereka pertimbangkan, terutamanya dalam kos pengangkutan dan jugak macam-macam lagi. Jadi, tetapi tidak semestinya pembangunan yang ada di Negeri Sembilan Barat ini khusus akan dinikmati oleh di Negeri Sembilan Barat. Hasil daripada

pendapatan pembangunan yang diwujud itu nanti, Dato' Dipertua, akan kita curahkan semula. Kita akan *plow back*, dengan izin Dato' Yang Dipertua, kepada kawasan luar bandar untuk kita melengkapkan kemudahan asas, infrastruktur dan yang lain-lain. Itu yang sedang kita rancang, Dato' Yang Dipertua, ya.

Jalan, Dato' Yang Dipertua, memang dah menjadi isulah ya, jalan-jalan, Jalan Persekutuan. Bahkan dalam mesyuarat Persekutuan pun, Negeri Sembilan telah membawa suara bahawa Jalan Negeri amat baik kalau dibandingkan dengan Jalan Persekutuan disebabkan oleh kekangan belanjawan pada tahun ini, Dato' Yang Dipertua, maka pemotongan bajet untuk menyelenggara Jalan Persekutuan. Tetapi, malangnya Dato' Yang Dipertua, orang tidak boleh membezakan di mana satu Jalan Persekutuan, di mana satu Jalan Negeri, Jalan Perbandaran. Kalau Dato' Yang Dipertua, atau semua ahli Yang Berhormat lihat semua jalan Negeri, Jalan Negeri dalam keadaan baik. Jalan Perbandaran baik. Jalan kampung pun baik. Tetapi Jalan Persekutuannya malangnya, seperti yang disebut Palong tadi, FT. FT ni *federal road* ya. Kita Jalan Negeri, negeri.

Dan, inshaa Allah, kita telah pun berbincang dalam Mesyuarat Exco tempoh hari, Dato' Yang Dipertua, bahawa memandangkan kawasan di Palong, Dato' Yang Dipertua ya, Yang Berhormat Palong ya, semua dah dapat geran, dah dapat geran. Kita telah pun membawa dua surat permohonan, satu kepada Jabatan Kerja Raya Malaysia, lagi satu kepada Kementerian Kewangan Malaysia. Supaya jalan-jalan di Palong ini, banyaklah, itu hari saya pun tak tahu, banyak jaringan Palong kan, Serting jugak, untuk dijadikan sebagai Jalan Negeri, Dato' Dipertua, dan akan diurus oleh Kerajaan Negeri melalui perbelanjaan MARRIS. Jadi ini salah satu daripada cara kita untuk pastikan supaya jalan-jalan di Negeri Sembilan, Dato' Yang Dipertua, akan dapat diurus oleh Kerajaan Negeri. Bukan di Palong saja, tapi di Serting dan kawasan-kawasan yang lain, inshaa Allah, Dato' Yang Dipertua ya.

Bas percuma tu, kita belum sampai ke tahap untuk kita bagi bas percuma. Kita, kita cuba kaji dulu dia punya impak Dato' Dipertua ya.

Sektor perkhidmatan dan pelancongan, cukai pelancongan dibawak dalam Parlimen tempoh hari, telah pun diluluskan. Kita akan cuba berunding setakat mana boleh untuk kita dapat, untuk sama-sama dapat menikmati cukai yang dikenakan tersebut. Walau bagaimanapun, kita jugak akan memulakan, kita belum tahu lagi bila, Dato' Dipertua, semua hotel-hotel di Negeri Sembilan ini, kita akan ada surcaj iaitu apabila kita menganjurkan apa-apa saja acara-acara, majlis-majlis, misalnya macam *PD International Marathon* misalnya, ataupun *triathlon*, kita akan kenakan surcaj seperti mana bandar raya – bandar

raya yang lain kalau ada apa-apa yang kita buat. Ini sedang dalam kajian kerana PBT memerlukan jugak sumber kewangan untuk mengurus produk-produk pelancongan. Produk pelancongan ini perlu diurus Dato' Dipertua, kerana ia, kalau tidak diselenggara dia akan nampak tidak baik, ya.

Yang lain Dato' Yang Dipertua, penderaan seksual kanak-kanak. Rang undang-undang seksual itu memang dah diluluskan. Kuasa MB dan KM ataupun komenteri, Ketua Menteri untuk luluskan nikah bawah umur. Ini selalunya Dato' Yang Dipertua, kepada yang bukan Islam ya. Kepada yang bukan Islam. Tapi saya pun dah tak lagi meluluskan, saya telah turunkan kuasa kepada pendaftar. Jadi pendaftarlah yang menyiasat kerana kadang-kadang saya mana tahu Dato' Dipertua, dia datang jumpa saya suruh saya *sign*, saya *sign*-lah, dia nak kahwin, takkan saya nak biarkan ya. Jadi, dia nak kahwin, gatal sangat nak kahwin, kahwinlah ya. Jadi saya katakan, saya serba salah. Jadi saya akan turunkan, saya telah pun lama turunkan kuasa ini kepada pendaftar kahwin ya.

**Y.B. ADUN Bukit Kepayang:** Dato' Seri, saya nak tanya, Yang Amat Berhormat sebut turunkan kuasa kepada, sebab ikutkan akta memang kuasa ada pada Menteri Besar. Turunkan kepada pendaftar, pendaftar siapa tu?

**Y.A.B. ADUN Rantau:** Hemm? Pendaftar perkahwinan.

**Y.B. ADUN Bukit Kepayang:** Pendaftar perkahwinan. Di bawah, tapi bukan Pengarah JPN. Pendaftar Perkahwinan di bawah Jabatan JPN?

**Y.A.B. ADUN Rantau:** JPN, ya, di JPN, yes. Saya telah turunkan kuasa.

**Y.B. ADUN Bukit Kepayang:** Saya ingat Dato' Seri pegang lagi elok.

**Y.A.B. ADUN Rantau:** Hemm?

**Y.B. ADUN Bukit Kepayang:** Sebagai orang nombor 1, lebih baik. Baik Dato' Seri yang pegang kuasa tu. Saya rasa lebih sesuai kalau .....

**Y.A.B. ADUN Rantau:** Saya tak nak kuasa.

**Y.B. ADUN Bukit Kepayang:** Tak Dato' Seri, pandangan peribadi sebab bagi saya ini melibatkan perkahwinan bawah umur. Dia jarak umur untuk perempuan 16 hingga 18 yang memerlukan apa, kuasa khas daripada Yang Amat Berhormat. So, saya rasa benda ni mungkin tak berapa banyak. Baik Dato' Seri pegang sebab, saya rasa Yang Amat Berhormat boleh bagi pertimbangan yang lebih apa, daripada pendaftar. Sebab kalau pengarah, mungkin beza, sebab pe, pengarah kita tau *seniority* beliau yang dalam apa, dalam, dalam *ranking*, dalam apa *seniority* beliau .....

**Y.A.B. ADUN Rantau:** Saya rasa saya bagi turun kuasa kepada pengarah agaknya haa ya .....

**Y.B. ADUN Bukit Kepayang:** *Then, okay.*

**Y.A.B. ADUN Rantau:** ..... kerana kadang-kadang tu bila saya tidak ada, di pejabat ya, ataupun saya cuti hujung tahun, orang nak kahwin segera. Kerana saya tak ada dia tak boleh kahwin. Jadi, jadi, saya pun tak nak kuasa yang untuk menegah orang kahwin.

Yang Berhormat Palong ada mengatakan tentang Khatib yang membacakan surah iaitu supaya kita bersatu padu, berpegang kepada tali Allah. Saya yakin bahawa kita ada jawatankuasa, Dato' Yang Dipertua, jawatankuasa untuk kita membuat khutbah kerana khutbah ini kita buat setahun sekali, untuk 12 bulan, Dato' Dipertua. Jadi kita, saya, satu cadangan yang baik untuk kita kupas lebih lanjut lagi makna dan jugak pengajaran daripada ayat tersebut.

Pembangunan Negeri Sembilan Barat dan Timur tadi telah pun saya katakan. Yang lagi satu, Kuala Pilah *by pass* yang disebut-sebut. Memang telah pun kita bawak ke Kerajaan Persekutuan. Pihak Unit Kerjasama Swasta dan Awam (UKAS) Dato' Dipertua, telah pun, sedang meneliti. Dan UPEN ataupun, bukan UPEN, EPU telah mengkaji dan ia akan dilakukan secara swasta, Dato' Dipertua ya. Bukannya dilakukan oleh kerajaan. Dan saya, kita dengar khabar ada dua tiga syarikat yang sedang membida untuk membuat kajian kemungkinan ataupun *feasibility studies* untuk membuat jajaran, cadangan jajaran kepada jalan yang di, disebutkan tersebut.

Tadi berkenaan jalan *FT1284*, *FT1283*, Dato' Dipertua, iaitu Gemas – Pasir Besar dan pergi ke Kuantan tu, memanglah telah pun kita bawak untuk diambil tindakan oleh kementerian kerana itu adalah merupakan jalan kementerian ataupun di pihak persekutuan. Kita faham memang banyak ya, kemalangan-kemalangan berlaku, jalan dia kecil, Dato' Dipertua, bila ditampal dia tambah tinggi dan ia senang kereta tergelincir. Saya ada sebut jugak ni tadi kan, bahawa di kawasan felda, Palong terutamanya, banyak kawasan Palong yang telah pun kita mintak kebenaran untuk kita jadikan sebagai Jalan Negeri.

Berkenaan dengan cadangan Palong, pusat bandar Palong. Saya yakin ianya boleh dibuat. Saya akan mintak supaya Majlis Daerah Jempol untuk melihat kemungkinan untuk kita menjadi sebagai kawasan selenggara dan dengan tidak kita mengenakan cukai di kawasan perkampungan. Tetapi boleh jadi di kawasan tersebut, kita gunakan cukai selenggara. Itu sedang, kita boleh kaji, Dato' Dipertua ya, inshaa Allah.

Peruntukan naik taraf gerai di pusat bandar Palong. Saya yakin ini boleh dilakukan segera di atas peruntukan Parlimen yang banyak, setiap Parlimen ada peruntukan, Dato' Dipertua ya. Saya mintak supaya Majlis Daerah Jempol, Yang Dipertua, gunakan, ataupun ICU gunakan peruntukan daerah, Parlimen Jempol untuk menaik taraf gerai-gerai yang ada di pusat bandar Palong ini.

Jawatankuasa Kerapatan Adat itu memang telah pun kita bincangkan dan saya serahkan kepada pihak Muzium, Dato' Yang Dipertua, untuk meneliti lebih lanjut lagi supaya kerapatan adat ini menjadi sumber kepada kita untuk apa sahaja isu-isu berkenaan dengan adat. Khususnya macam cerita pelantikan undang, Undang Jelebu sekarang ini. Bukan kerajaan nak campur tangan, kerajaan tak ada hak untuk campur tangan. Tetapi sebagai memandu, sebagai memberikan nasihat. Kita mesti ada pakar-pakar dan jugak garis panduan untuk kita pastikan supaya adat ini tidak kelam kabut. Kalau adat kelam kabut, Dato' Dipertua, kita pun pentadbiran kelam kabut sebab kita ni unik, Negeri Sembilan, ada dua perlembagaan. Satu undang-undang tubuh pentadbiran, Tuanku Yang di-Pertuan Besar sebagai Ketua Negeri dan jugak undang-undang tubuh adat yang mana Yang di-Pertuan Besar jugak sebagai ketua. Dan kuasa tertingginya di sini ialah Dewan Undangan Negeri, di dalam adat kuasa tertingginya adalah merupakan Dewan Keadilan yang dipengerusikan oleh tuanku sendiri.

Cadangan untuk memastikan Kampung Lonek ini terurus kekal sebagai kawasan perkampungan dan jugak kawasan sawah, satu cadangan yang amat baik. Akan kita ambil, Dato' Yang Dipertua, dan kita, kita perhalusi lagi untuk diwartakan sebagai zon bukan pembangunan,

Dato' Dipertua ya. Cadangan untuk peruntukan lagu Tumbuk Kalang, dan macam-macam lagi ya, Dato' Dipertua, memang kita akan cuba siasat dan kita akan mintak supaya portfolio-portfolio masing-masing mengambil maklum tentang itu.

Sekolah-sekolah SBP, Dato' Dipertua, kita telah pun ada suatu dasar pentadbiran. Bukan dasar kementerian, dasar pentadbiran Kerajaan Negeri Sembilan iaitu kita telah pun memohon daripada Kerajaan Persekutuan, Kementerian Pelajaran seboleh mungkin setiap SBP di Negeri Sembilan, Dato' Dipertua, mesti ada anak-anak Negeri Sembilan sekurang-kurangnya 30%. Dulu tak sampai 5%, tak sampai 10%. Tapi alhamdulillah, Dato' Dipertua, kebelakangan ini, kita telah dapat ramai kemasukan anak-anak Negeri Sembilan ke sekolah-sekolah SBP di dalam seluruh Negeri Sembilan.

Sebagai contohnya sekarang semua sekolah telah pun melepas 30%, melainkan Kolej Tunku Kurshiah yang mana 29.8%. Yang lain-lain macam Sekolah Menengah Sains Seremban ataupun Sekolah Menengah Sains Tuanku Munawir, Seremban mencapai 32%, Sekolah Dato' Abdul Razak, Sekolah Dato' Razak SDAR 38%, dan Sekolah yang paling tinggi adalah Sekolah Menengah Sains Tuanku Jaafar sampai 84%. Sekolah Menengah Sains Perempuan, Dato' Yang Dipertua, 38%. Sekolah Menengah Sains di Rembau, Dato' Yang Dipertua, kita telah mencapai 40 lebih peratus. Jadi secara keseluruhannya, populasi anak-anak Negeri Sembilan di seluruh SBP di Negeri Sembilan mencapai melebihi 50% iaitu 55%, Dato' Dipertua, alhamdulillah. Jadi kejayaan SPB jugak merupakan kejayaan anak Negeri Sembilan secara keseluruhannya, ya. Nak wujudkan universiti FELDA di kawasan Palong, itu boleh dibuat satu cadangan dan kita boleh hantar kepada FELDA.

Linggi, naik taraf jalan. Ini kena tengoklah macam mana ya. Kita akan mintak KKLW, kita menyokong supaya jalan tersebut boleh ditar, tapi belanja dia besar, sampai hampir 30 juta ya, belanja dia untuk, memakan belanja yang panjang, kerana dia panjang, Dato' Dipertua. Itu nak buat *crusher run* pun boleh kita tengokkan macam mana, kita boleh pakai peruntukan daripada Parlimen, Parlimen Port Dickson. Sungai Solok ya.

Menara masjid memang telah pun menja, kita dasarkan supaya menjadi sebagai menara telekomunikasi. Tapi sekarang kita sedang meneliti, sebab Kerajaan Negeri Sembilan sedang dalam proses di peringkat akhir untuk melantik satu lagi *State Back Company (SBC)*, Dato' Dipertua, kerana dulu kita cuma ada satu *State Back Company* ataupun yang bekerjasama dengan kerajaan, kita nampak mereka ini kurang cemerlang. Dan banyak tempat-tempat di Negeri Sembilan ini sepatutnya telah pun mendapat jalur lebar, per, perkhidmatan jalur

lebar yang baik tapi masih lagi terkebelakang. Jadi kita telah buat keputusan untuk melantik satu lagi *State Back Company* untuk mereka menjalankan pemasangan menara-menara dan jugak yang lain-lain.

Kita jugak telah pun memutuskan untuk melantik suatu syarikat audit untuk mengaudit kedudukan kita, mengaudit kemudahan-kemudahan jalur lebar kita, mengaudit kita punya *fiber optic*, dan mengaudit, yang paling penting sekali Dato' Yang Dipertua, ialah kita perlu audit dia punya menara-menara, Dato' Dipertua, sama ada menara mereka ini, pemancar mereka itu menurut apa yang telah pun diputuskan oleh Jabatan Tenaga Nuklear. Kerana sekarang ni Dato' Dipertua, kalau dulu 1G, 2G, dia pakai, dia pakai *long wave*, Dato' Yang Dipertua. Tapi dengan 4G ini dia pakai *short wave*, dia punya kuasa *ray* tu amat tinggi. Jadi, kita kena pastikan supaya telco-telco ni, Dato' Dipertua mereka ini *comply*, ataupun mereka ini menurut apa yang telah diputuskan oleh Jabatan Tenaga Nuklear.

Dan yang paling merbahaya kadang-kadang Dato' Dipertua ialah bila ada satu-satu majlis, pesta Dato' Dipertua, mereka menggunakan mobil punya menara ataupun *disk*. Ini pun kadang-kadang amat merbahaya kepada kesihatan. Banyak menara kadang-kadang kita lihat keadaannya amat daif. Kadang-kadang wayar-wayarnya tak ada, tak ada pagar, tak ada apa, dan kanak-kanak kalau bermain boleh terkena saliran elektrik. Ini macam-macam, itu sebab, itu sebabnya kita melantik satu jawatan, syarikat audit yang kita tidak perlu membayar apa-apa jua kepada syarikat ini kerana mereka boleh mendapat bayaran daripada telco-telco yang mendapat perkhidmatan mereka.

Nombor 6, Senawang, rumah mampu milik. Rakyat boleh miliki rumah. Semua boleh miliki. Tak kira dia orang Kampung Baru ke apa ke, asalkan mereka jatuh dalam kategori untuk memiliki rumah. Nombor 1 ialah mereka mesti tidak bergaji lebih, pendapatan lebih 3,500.00, mereka ini mestilah berkeluarga dan mereka tidak ada rumah. Belum memiliki rumah ataupun tanah, ya. Itu salah satu kriteria penting yang kita buat dan mestilah yang harga rumah 80,000.00 ke bawah ni, Dato' Dipertua, mesti dipohon melalui Unit Perumahan Kerajaan Tempatan untuk kita mengelakkan adanya spekulasi untuk orang membuat, spekulasilah, harga rumah ya. Jadi kita buat, dan undi akan dibuat, jangan takut. Seperti kata Bahau tadi, ada UMNO ke, ni, *we never practice that*, okay. Kalau kita praktis tu dah banyak orang tak dapat rumah. Kita buat. Macam di Seliau, kita buat. Kita bagi. Dan macam yang di, kita buat di Tanah Merah, memang 100% khusus untuk pekerja estet tersebut. Ini memang telah pun kita putuskan. Dan macam di Seliau tersebut, walaupun pada awalnya 70 lebih orang sahaja pekerja estet tersebut yang asal bekerja di situ, tetapi di atas permohonan mereka yang penduduk di kawasan sekitar, yang pernah

bekerja sekejap di estet, kita bagi sampai 100 buah rumah. Jadi, Kerajaan Negeri Sembilan walaupun Kerajaan Barisan Nasional Negeri Sembilan ini kadang-kadang dicemburui, kita tidak pernah mengamalkan dasar yang kadang-kadang tidak elok, ya. Kita buat secara terbukak, tetapi kita buat undi. Kalau dah undi, masih tak dapat, itu sendiri tangan punya 'suey'. Itu sebab tadi saya cakap, pergi itu jumpa buaya, kasi awak punya tangan.

Bandar Satelit Senawang. Ini, dalam kita punya radar, kita sedang meneliti dan meninjau apa sebab. Taman Senawang Perdana, pun kita sedang meninjau. Kita tak tahu sama ada kita boleh tolong ataupun tidak, ya. Kita tinjau kita tengok apa hal.

*Traffic light*, bonggol itu, berunding, nanti kita akan berunding dengan MPS, MPN. Banjir Batu 5 dan 6, kita tak tahu apa sebab. Kita ingat dulu buat tebatan banjir dia boleh selesai, tapi dia tak boleh selesai, okay. Saya ingat itu mahu tukar dia punya ADUN sana, baru selesai. Dia punya ADUN 'suey'. Saya tarik balik. Tarik balik, tarik balik. Dato' Yang Dipertua, dia saya punya kawanlah.

Lukut, jalan raya yang berlubang-lubang. Ini, jalan Lukut ni jalan raya Persekutuan. Ya, 'aney'?

**Y.B. ADUN Senawang:** Masalah besar, di Taman Bukit Emas banjir .....

**Y.A.B. ADUN Rantau:** Bukit Emas, itu .....

**Y.B. ADUN Senawang:** .... belum lagi, dua tiga belum jawab.

**Y.A.B. ADUN Rantau:** Bukit Emas, masalah dia adalah masalah utiliti ya. Terlampau banyak utiliti di bawah tempat tersebut. Utiliti macam IWK punya pembetungan, Telekom-nya, macam-macam. Jadi sepatutnya dah siap, terpaksa ditunda untuk siapnya untuk siapkan sampai bulan 11 tahun ini. Kita mintak maaf, bukan disilapkan oleh sesiapa, tetapi dulu *drawing* tak betul. Dulu masing-masing buat masing-masing punya hal. Jadi bila kita buat, kita tengok bawah ada talian telefonlah, ada talian, macam-macam ya. Itu, IWK punya pembetungan, kalau kita tak buat betul-betul, nanti pecah, nanti YB punya rumah masuk air, air najis.

Haa, Lukut, jalan berlubang-lubang. Saya seperti yang saya sebutkan tadi, Lukut ni banyak Jalan Persekutuan ya. Jadi, kita telah pun mintak

dan saya telah pun mintak dengan Kerajaan Persekutuan supaya diberikan geran sementara untuk kita menampal jalan-jalan berlubang sementara waktu.

**Y.B. ADUN Lukut:** Yang Amat Berhormat, boleh ke saya beri sedikit sebanyak atas apa, soalan yang saya, saya sampaikan.

**Y.A.B. ADUN Rantau:** Tak apalah.

**Y.B. ADUN Lukut:** Ini bukan lubang-lubang di, di jalan raya. Ini satu projek adalah ditimbul pemaju .....

**Y.A.B. ADUN Rantau:** Monarch Sdn. Bhd.....

**Y.B. ADUN Lukut:** ..... itu sudah dikorek satu lubang yang besar di jalan, jalan utama tu.

**Y.A.B. ADUN Rantau:** Okay.

**Y.B. ADUN Lukut:** Itu bukan lubang yang kecil, di sini di sana, bukan. Itu projek, sudah tempoh enam bulan.

**Y.A.B. ADUN Rantau:** Ini yang, Yang Berhormat kata yang Monarch Sdn. Bhd. tu?

**Y.B. ADUN Lukut:** Yes.

**Y.A.B. ADUN Rantau:** Okay.

**Y.B. ADUN Lukut:** Itu, itu projek yang .....

**Y.A.B. ADUN Rantau:** Okay.

**Y.B. ADUN Lukut:** .... sebab masalah itu di, ditimbul.

**Y.A.B. ADUN Rantau:** Kita ambil perhatian dan saya , kita akan mintak supaya .....

**Y.B. ADUN Lukut:** MPPD di Port Dickson itu, apa sudah jadi tak tahu lah.

**Y.A.B. ADUN Rantau:** Tak apa Yang Berhormat, duduklah, saya faham. Saya akan mintak .....

**Y.B. ADUN Lukut:** Ini bukan lubang kecik di sini di sana, tak ada.

**Y.A.B. ADUN Rantau:** Saya faham. Monarch Sdn. Bhd. tu saya faham. Dia disebabkan oleh masalah, masalah pemaju itu sendiri dan kita akan mintak supaya MPPD mengambil tindakanlah ya.

Harga barang. Seperti yang saya katakan tadi, kita buat macam-macam. Itu sebabnya Kerajaan Negeri, apa yang mampu kita buat ialah kita tak naikkan cukai tanah, kita tak naikkan cukai, cukai, cukai pintu. Yang lain-lain tu, terpaksalah kita pastikan supaya kita berbelanja secara berhemah.

Temiang, pastikan kebijakan masyarakat diperbanyakkan. Kita cuba buat ya. Pelancongan perlu dipertingkatkan. Memang kita dah pastikan supaya industri pelancongan akan kita pertingkatkan. Naikkan taraf tandas awam pasar besar. Saya akan mintak supaya laporan *status report* saya akan mintak daripada MPS.

Cukai tanah Sekolah Chung Hwa. Cukai tanah Sekolah Chung Hwa ni tiada, ya. Tapi dia perlu tukar syaratlah. Yang kita kata ni cukai sekolah yang dianya di bawah Lembaga Pengelola ya. Kalau cukai tanah tersebut, walaupun sekolah, tetapi dia di bawah nama persendirian, nama persatuan. Kita tak akan bagi remisyen ya. Jadi, kena tukarlah. Selagi tanah tersebut di atas nama perseorangan, nama syarikat ke, nama persatuan, kita tak akan bagi remisyen, ya. Semua sekolah-sekolah lain kita bagi remisyen tetapi dengan syarat, ia mestilah diuruskan oleh Lembaga Pengelola Sekolah yang berdaftar, ya. Jadi, itu syarat kitalah. Jadi bukannya mengatakan bahawa kita tidak memperakukan ataupun tidak menunaikan janji kita ya. Siapa bawak ni tadi? Temiang ya, ya. Jadi, saya harap Temiang bagi tahu dia

oranglah. Ataupun dia memang faham pun, itu sebab dia orang bayar. Macam sekolah lain, Methodist, ACS, apa semua, dia tak ada, dia di bawah, di bawah, di bawah lembaga. Dan sekolah-sekolah lain di bawah lembaga kita bagi remi, kita bagi remisyenlah, nominal ya. Tapi macam sekolah di Port Dickson kan, dia masih lagi nama nama orang perseorangan. Jadi kita tak boleh bagi.

Peruntukan. Peruntukan ini dia bukan peruntukan, ini kita bagilah ya. Mana tahun ini kita rasa kita terpaksa kurang, bukan persatuan, satu persatuan, semua persatuan. Tapi kita perbanyakkan pulak untuk kita bagi kebajikan kerana kita terpaksa menyambung. Dulu dibagi oleh Kerajaan Persekutuan, kebajikan masyarakat. Tambahan 150.00 ke 200.00 tapi, tambahan tersebut dah tak ada. Jadi Kerajaan Negeri terpaksa menampung kekurangan tersebut, yang dulunya ditanggung oleh Kerajaan Persekutuan, Dato' Dipertua ya.

Mambau, demam denggi. Demam denggi ni saya setuju sangatlah dengan Mambau, ya. Mana Mambau? Ya, kita kena bersama-sama. Tapi bukan tugas kerajaan sajalah ya. Dan kepada PBT-PBT, kita mesti pastikan supaya rumah-rumah terbiar ini diambil tindakan. Tapi tidaklah sampai untuk mengenakan cukai tanah yang berbeza. *There is no such thing as* cukai tanah yang berbeza. Kita tak boleh buat rumah tinggal, dia lebih cukai, tak ada. Kita kalau buat cukai tanah, cukai sama. Kita buat dasar untuk semua. Bukan dasar untuk orang UMNO lain, untuk orang DAP lain, untuk orang PKR lain, tak ada ya. Jadi kita tak buat macam tu.

Keamanan, PDRM, SPRM. Ini saya tak boleh ulaslah. Kalau dah salah kena gari, kena garilah. Nak buat macam mana, ya. Jalan Labu, Tampin, banjir. Ini saya ingat sama dengan, dengan Senawang tadi. Pertukaran yang tidak oleh, perkataan yang tidak elok oleh pemimpin. *I think* kita semua tahu tadi, Kepayang pun dah bangkitkan.

Rahang, *parking* di HTJ. Kita dah bawak dalam Mesyuarat Tindakan Negeri supaya Pengarah Hospital melihat semula urusan untuk orang dapat ataupun pelawat-pelawat ataupun ahli keluarga yang melawat keluarga yang sakit di sana dapat, mendapat kemudahan *parking* dengan baik. Saya rasa mereka tengah menguruskan ya. Banjir di sana pun kita akan, dia banjir kilat sebenarnya kat situ. Jadi kita susah nak cakap macam mana ya.

*Commonwealth conference for the, for women* itu memang telah pun berlangsung kan, ataupun akan berlangsung? Sudah kan?

**Y.B. ADUN Rahang:** Sudah.

**Y.A.B. ADUN Rantau:** Sudah berlangsung. Jadi, kita sepatutnya menghantar itu hari, tapi lewat. Kita tak dapat notis, kita dapat notis dua hari. Itu pun melalui faks saja. Jadi kita tak dapat menghantar sesiapa.

Repa.....

**Y.B. ADUN Rahang:** Lagi satu yang *milk kitchen* tu?

**Y.A.B. ADUN Rantau:** Ya?

**Y.B. ADUN Rahang:** Yang apa, bilik menyusu bayi.

**Y.A.B. ADUN Rantau:** Bilik menyusu bayi. Kita akan mintak supaya hospital HTJ melihat supaya diadakan bilik khas untuk menyusu bayi. Menyusu bayi saja tau, yang lain-lain jangan kasi susu. Sudah petang, letihlah Dato' Dipertua. Ya, sudah nak berhenti minum semua, ini semua tak berguna. Baru kerja sekejap nak berhenti minum. Hari ini kita mesyuarat sampai pukul 12:00.

Repa, SPM, okay, *good*, ya .....

**Y.B. ADUN Bahau:** Bahau?

**Y.A.B. ADUN Rantau:** Hemm? Haa, Bahau, okay. Sekejaplah. Bahau, dua sekolah terbakar. Saya mintak supaya Bahau ni belajar bahasa baik-baiklah ya. Bahasa kadang-kadang entah apa-apa bahasa. Kerajaan ada kemaluan, mana ada kemaluan kerajaan, haa. Sekolah mana dulu? Sekolah Chi Wen, tanah tersebut, di sekolah nanti, saya tak tahu sebab dulu masa kita bagi sekolah ke, di IOI, Chi Wen sepatutnya mintak, kan. Tapi kita tak ada lagi tanah dah kat situ. Kalau ada pembangunan yang lain nanti, saya harap supaya Lembaga Pengelola Sekolah Chi Wen cepat-cepat *book*-lah supaya dapatkan tanah di pembangunan tersebut, okay.

**Y.B. ADUN Bahau:** Haa, Dato' MB tu. Yang utama tu kawasan tu, dia sempit. Hanya tiga ekar.

**Y.A.B. ADUN Rantau:** Saya faham.

**Y.B. ADUN Bahau:** Tak sesuai tu.

**Y.A.B. ADUN Rantau:** Saya faham.

**Y.B. ADUN Bahau:** Jikalau ni, macam MB yang utamakan pendidikan, walaupun bahasa saya tak pandai cakap, tapi *you* faham. Ini cukup. Jikalau *you* tak faham, memang saya *out*-lah. Tapi *you* faham saya cakap apa. *You, you* tak berani nak jawab, *so you* main-mainkan perkataan saja, haa.

**Y.A.B. ADUN Rantau:** Saya bukan tak berani nak jawab.

**Y.B. ADUN Bahau:** ini, kalau satu MB yang seimbang utamakan pendidikan semua kaum, dia mestikan, ataupun turun tengok, sama-sama turun, kami pergi Sekolah Chi Wen, tengoklah keadaan.

**Y.A.B. ADUN Rantau:** Saya tahu sekolah tu.

**Y.B. ADUN Bahau:** Yelah, jikalau boleh .....

**Y.A.B. ADUN Rantau:** .... sebelum YB boleh jadi YB, saya dah pergi sekolah.

**Y.B. ADUN Bahau:** Tentulah, macam ni MB yang baik. Tapi baik bukan baik semasa saja. Lebih baik ikut susulan.

**Y.A.B. ADUN Rantau:** Dato' Dipertua .....

**Y.B. ADUN Bahau:** Susulan dapat satu tanah untuk sekolah tu, utama.

**Y.A.B ADUN Rantau:** Dato' Dipertua.

**Y.B. ADUN Bahau:** Jangan cakap ni hanya cakap mulut saja, mesti buat.

**Y.A.B ADUN Rantau:** Dato' Dipertua.

**Y.B. ADUN Bahau:** *Please, thank you.*

**Y.A.B ADUN Rantau:** Dato' Dipertua, saya takde kata saya tak baik. Saya tak kata saya tak bagi. Saya kata tadi, Sekolah Chi Wen terlewat. Sepatutnya pembangunan IOI itu, Lembaga Pengelola Sekolah Chi Wen patut mintak tanah tu.

**Y.B. ADUN Bahau:** Tuan Yang Dipertua, yang difaham tu, tanah ni belum ditetapkan. Masih boleh *open*. Jikalau boleh, sekolah SK cukup, sekolah menengah SK pun cukup. Tamil pun dapat lima ekar. Sekolah Cina, jikalau kawasan tu, orang Cina kebanyakkan.

**Y.A.B ADUN Rantau:** Tak apa Dato' Dipertua, kita akan .....

**Y.B. ADUN Bahau:** *You* boleh tukar, tukar tanah.

**Y.A.B ADUN Rantau:** Kita akan tengoklah ya. Kita akan tengok, kalau tanah, tanah daripada pemaju, sebab kerajaan dah tak ada tanah lagi dekat-dekat situ. Kalau ada lagi tanah pemaju yang ada lagi *balance*, kita akan tengokkanlah sama ada boleh ataupun tidak ya. Tapi kita buat selepas pilihan rayalah.

**Y.B. ADUN Bahau:** Haa, ini cara BN-lah. Selalu macam ni, selepas pilihan raya.

**Y.A.B ADUN Rantau:** Sebab selepas pilihan rayalah kita buat. Sebab sekarang dah tak ada masa lagi. Saya pun, saya tak ada, *I have no insonuance whatsoever* .....

**Y.B. ADUN Bahau:** Ini cara untuk haa, mengun, menguntungkan undi.

**Y.A.B. ADUN Rantau:** Tak ada, tak ada.

**Y.B. ADUN Bahau:** Selalu masalah pendidikan .....

**Y.A.B ADUN Rantau:** Dato' Dipertua.

**Y.B. ADUN Bahau:** ..... pendidikan Cina .....

**Y.A.B ADUN Rantau:** Dato' Dipertua.

**Y.B. ADUN Bahau:** ..... selalu dia tipu macam ni. MCA ke, haa, UMNO ke sama jugak. *You*, isu pilihan raya datang, isu keluar, timbul lagi.

**Y.A.B ADUN Rantau:** Selepas pilihan raya, selepas pilihan rayalah. Sebab kita tak mahu jadi janji pilihan raya.

**Y.B. ADUN Bahau:** Ingat pilihan raya bilalah. Sudah sampai ke belum?

**Y.A.B ADUN Rantau:** Apa yang saya katakan di sini saya tak mahu ia dijanjikan sebagai janji pilihan raya. Itu maksud saya. Saya tak mahu ia dijanjikan sebagai janji pilihan raya.

**Y.B. ADUN Bahau:** Sudah lama, 50 tahun lebih.

**Y.A.B ADUN Rantau:** Ya, sampai pilihan raya ya. Kalau nak, jadi sekolah kebangsaan-lah, senang ya.

**Y.B. ADUN Bahau:** Betul, sekolah kebangsaan. SRJK saluran utama kerajaan.

**Y.A.B ADUN Rantau:** Okay, okay.

**Y.B. ADUN Bahau:** Lagipun Chi Wen menengah sama jugak. Dia menerima .....

**Y.A.B ADUN Rantau:** Tak apa, tak apa.

**Y.B. ADUN Bahau:** ..... untuk tukar.....

**Y.A.B ADUN Rantau:** Saya tak benarkan *you* mencelah okay. *You are too much you know.* Saya bagi *you face*, tapi *you* nak berbahas dengan saya. Ini bukan berbahas, ini, ini saya punya. Saya menggulung, okay. Saya kata, tak nak berjanji sebelum pilihan raya kerana saya, kalau janji sebelum pilihan raya, itu janji pilihan raya. Tapi selepas pilihan raya, baru kita lihat, betul tak. Itu maksud saya. Kalau saya janji sekarang nampak jelas bahawa saya berjanji untuk pilihan raya, ya. Saya tahu memang Bahau susah menang.

**Y.B. ADUN Bahau:** *Sorry haa, MB, haa Rantau,* sebenarnya ini isu bukan hari ini sudah timbulkan. Sudah beberapa kali saya bertimbuk di Dewan mulia ini.

**Y.A.B ADUN Rantau:** Tak apa, tak apa. Ini bukan berbahas, okay. Ini bukan berbahas. *You must know your, your .....*

**Y.B. ADUN Bahau:** Tak apa, semua ada rekod, *thank you.*

**Y.A.B. ADUN Rantau:** Ini bukan *you* punya berbahas. Saya menggulung perbahasan okay. *You jangan bangun-bangun.* Saya bagi *you* muka sekali, *you* banyak cakap pulak.

Rumah mampu milik, IOI, dia pakai cabut undi. Dia bukan pakai ikut siapa-siapa, ikut kelayakan masing-masing. Pasar Besar Bahau, kita tengoklah kalau ada daripada KPCT peruntukan kerana di bawah KPCT.

Rebah ya. Chuah tak ada? Chuah nombor berapa tadi? Tak apa saya tengok nanti ya. Rebah, *show cause letter* itu kita akan selidik. Ladang Regent, *parents* Ladang Regent untuk kita mengeluarkan guru besar itu, saya rasa tak, tak, tak perlu. Kalau macam tu nanti, susahlah kan. Ada saja *parent* tak suka guru besar, dia akan buat petisyen, guru besar

tukar. Saya rasa PIBG perlu mainkan peranan Dato' Dipertua, dengan baik. Bukannya untuk mendesak pihak sekolah, mendesak supaya cikgu tu ditukarkan, guru besar ini ditukarkan kerana tak sealiran dengan kita, ataupun dia tak mahu mendengar, mengikut kehendak kita. Saya yakin bahawa guru-guru dan guru besar ini di bawah pemantauan Jabatan Pelajaran dan jika ada apa-apa, Jabatan Pelajaran akan menyiasat jika ada perkara salah laku dan yang lain-lain. Jadi, Dato' Yang Dipertua, saya tak dapat nak komenlah berkenaan dengan tindakan, tindakan yang diambil oleh pihak PIBG dan ibu bapak.

Taman Bahagia, kerja-kerja kabel voltan tinggi itu, kita akan mintak supaya TNB menyiasat dan beri laporan. Pembinaan SJK(T) Ladang Regent. Dia bukan lambat siap, dia, dia akan siaplah. Tinggal lagi ada beberapa perkara yang, yang tidak dapat dielakkan.

Jejantas depan sekolah Tampin. Sekolah SJK(T) Tampin, jejantas dah ada, tetapi ki, jauh kan, tapi kita tak dapatlah buat satu, setiap satu, semua orang mintak, jadi kita buat di mana semua orang boleh pakai ya.

Tanah adat, tak boleh ya. Dia boleh bangunkan, dia boleh gunakan dan dia boleh apa saja, tetapi dengan syarat tidak ada apa yang dipanggil sebagai menggadai ataupun menukar nama. Dia tak boleh tukar nama. Sebab apa yang berlaku dekat situ, nak buat *show room* kereta tu, dia nak menukar nama. Tanah adat ini dari segi perlumbagaannya, Dato' Yang Dipertua, ialah dia bukannya *the rightful owner*. Dia adalah merupakan *holding in trust of their punya clan*. Jadi dia akan cuma namanya itu adalah atas *trust*, ya Dato' Yang Dipertua ya, dia bukannya sebenarnya *the rightful* ataupun *the rightful beneficial owner*. Jadi memang tak boleh Dato' Dipertua, ya. Kalau dia nak buat tanpa ada pertukaran nama ataupun penggadaian tanah tersebut, dia boleh buat. Tak ada isu, *no issue*.

PD, haa *my good friend*. Perut makin lama makin besar. Baik pulih kuarters. Satu cadangan yang baik ya. Terminal jeti kita akan *check* ya, apa jadinya, berapa dia punya *volume* apa semua kan. Supaya kita jadikannya sebagai tempat utama. Walau bagaimanapun, kita dalam terminal jeti tu pun kita ada dalam rancangan pembangunan semula Port Dickson, kita akan ada satu jeti yang *multipurpose jetty, commercial* dan jugak *passenger* ya.

Pondok telefon tak ada telefon. Itu saya tak tahu lah orang PD apa dia bikin, ya. Meter TNB didenda empat kali. Itu kita kena tengoklah supaya *technical report* akan diadakan. Kita tak boleh nak kata apa. Keselamatan PD, pusat, ini saya rasa satu, satu kenyataan yang keras ni. PD jadi sebagai pusat pengedaran dadah dan wang, wang, wang palsu.

Saya akan mintak supaya pihak Polis Diraja Malaysia untuk memberikan laporan, *status report on this*. Kalau tidak nanti saya mintak YB berikan maklumat-maklumat yang boleh.

Perkhidmatan bas yang tidak sempurna. Seperti yang kita kata, kita buat dalam, sebab Port Dickson ke pekan lain, ke Pasir Panjang, ke Linggi dan jugak lain tu, adalah di bawah dalam rancangan pembangunan luar bandar kita ya. Kita akan buat sebab myBAS sekarang ni dia cuma bandar ke bandar, PD ke Seremban. Tapi PD ke Pasir Panjang, PD ke Sungai Raya, PD ke Linggi akan diletakkan di bawah Dasar Pembangunan Luar Bandar.

Lobak, jenayah banyak berlaku. Jenayah memang berlaku, ya Lobak ya, tetapi tak bermakna mengatakan bahawa penurunan indeks jenayah itu satu perkara yang tak betul. Dia memang dia turun, tapi banyak lagi jenayah yang berlaku. Apa yang patut kita lakukan ialah kita, pihak, pihak awam mesti bersama-sama. Itu sebabnya kita telah pun mintak supaya semua KRT-KRT mengadakan skim rondaan sukarela masing-masing supaya menjaga kawasan masing-masing. PPR di Rantau, okaylah, itu untuk kawasan, di Seliau untuk orang Seliau, di Tanah Merah untuk orang Tanah Merah. Kita akan adakan jugak satu lagi PPR 450 buah unit di, di Chembong. Kita nak adakan jugak di Labu dan jugak beberapa tempat yang ada tanah kerajaan. Yang pentingnya kita ada tanah kerajaan, kerana dengan tanah kerajaan kita akan dapat bina dan dapat menjual dengan murah.

JKM, lambat, saya akan tengok mengapa. Kalau susah-susah, YB-YB semua, kalau ada orang perlukan kerusi roda ke, apa ke, berhubung dengan pejabat saya ya. Berhubung dengan pejabat saya, tulis surat. Saya rasakan saya tak pernah menghampaskan permintaan, terutamanya dari segi kebijakan ya. Lesen hiburan. Ini terpulanglah kepada PBT ya untuk mereka menilai, sama ada boleh diperbaharui ataupun tidak.

Nilai. Jabatan-jabatan agensi yang lewat ambil tindakan kita akan, kita ambil maklum. Tambang *commuters* naik, *parking charges* naik. Kita dah pernah bawak perkara ini kepada KTMB tapi KTMB mempunyai alasan-alasan mereka untuk menaikkan tambang dan jugak mengadakan tempat *parking*. Kita jugak itu hari telah pun membuatkan tar dekat dengan jalan keluar masuk di, di Stesen Keretapi Batang Benar tersebut kerana KTMB langsung tak mengambil inisiatif untuk membetulkan lubang-lubang di sana ya.

Pelajar-pelajar tidak cemerlang, kita ada skim. Macam-macam skim latihan yang kita buat. Bahkan kepada pelajar yang bukan cemerlang pun ramai, itu hari kita ada skim jejak, jejak pelajar bumiputera pun

kita buat. Mereka yang tidak dapat masuk ke universiti, mereka diberikan peluang lagi untuk masuk ke universiti melalui skim jejak bumiputera, dan yang lain-lain. Dan jugak pelajar-pelajar bukan bumiputera pun sama, dia ada diberikan kuota-kuota oleh, terutamanya di bawah Jabatan Perdana Menteri.

Bil meter pukal, dalam kita punya radar. Bahkan di, di, di, di Nilai tersebut ada dua tiga ya, yang telah pun dalam pemantauan kita untuk menyelesaikan, mengharmonikan bil meter pukal kerana JMB yang dulu tak bayar. Dan orang ada dia punya meter tersendiri, tapi meter pukal dipotong. Mereka jugak susah.

Lembah ilmu, banyak IPTS yang tidak bertanggungjawab. Ini kita setuju, ya, setuju terutamanya macam di Mantin, ya. Pelajar-pelajar daripada benua Afrika, dapat permit, bayar duit, lepas tu dia tak tinggal, dia tak belajar apa semua, dan mereka datang sini berniaga dan lain-lain. Ini telah pun kita bawak ke pengetahuan Imigresen dan yang lain-lain supaya pemantauan dilakukan. Dan khususnya untuk memantau pelajar-pelajar yang di bawah permit belajar ataupun visa belajar ya. Tapi IPTA/IPTS ini adalah di bawah kementerian bukan di bawah Kerajaan Negeri.

Pendaftar pengundi, saya tak boleh nak *comment*, sebab ini bukannya Kerajaan Negeri punya kuatkuasa ya. Tapi apa sahaja ketidakpuasan hati kita, kita boleh membantah dengan SPR.

Yang Berhormat Dato' Sahak daripada Lenggeng, tandas awam yang kena bayar. Saya setuju jugak Dato' ya, kerana banyak ya, kalau boleh kita cuba pastikan supaya tandas-tandas ini tidaklah berbayar terutamanya tandas awam kerana ini jugak akan mendatangkan masalah kepada rakyat. Tapi isunya kadang-kadang, bila tak dibagikan kepada orang yang mengendalikannya, tandas tersebut kotor tak diurus. Tapi kita cuba cara macam mana. Satu, satu cadangan yang baik ya.

Harga rumah tu tadi, memang kita dah buat Dasar Perumahan Kerajaan Negeri Sembilan iaitu untuk menentukan supaya pada satu-satu ketika masa depan, ada rumah harga 80 ribu, ada rumah 250 ribu. Ini adalah dasar intervensi, *intervention policy by the State Government of Negeri Sembilan*, dengan izin Dato' Dipertua, *to ensure at anyone time*, masa-masa ketika, bahawa harga rumah tidak dispekulasikan oleh mereka yang tidak bertanggungjawab. Akan ada rumah yang berharga 80 ribu sentiasa ada. Akan ada rumah sentiasa berharga 250 ribu. Dan ini akan kita kaji dari semasa ke semasa, Dato' Dipertua ya.

Tabika KEMAS tersebut kita telah pun mintak supaya di dirundingkan dengan pihak kementerian. Mahkamah Tinggi, Dato' Sahak dah bawak dua tiga kali. Saya pun dah mintak dah supaya dilihat supaya lif di Mahkamah Tinggi ni diadakan. Memang betul tu, kadang-kadang yang tak sihat lagi kan, orang yang apa kan, macam-macam. Tapi, terpulanglah kepada pihak mahkamah.

Sikamat, tambah bantuan kebajikan. Kita tak dapat nak buat macam mana. Itu pun Kerajaan Persekutuan dah tarik 150.00 ringgit. Kita tambah, kita tambah ya, Dato' Dipertua. Kita *top-up*, apa yang dulunya dibagi oleh Kerajaan Persekutuan, sekarang ni kita sendiri pakai duit Kerajaan Negeri. Banyak kita telah pun gunakan Dato' Dipertua ya.

Siswazah yang banyak menganggur. Saya mintak Dato' Dipertua, supaya kita mesti jadi siswazah yang mengadakan pekerjaan. Bukannya siswazah yang mencari pekerjaan ya. Siswazah yang boleh mengadakan pekerjaan. Jadi kita kena banyakkan siswazah-siswazah dalam bidang teknikal seperti mana yang dibuat oleh kerajaan dalam bidang T-VET dan yang lain-lain.

Tingkatkan pelaburan di Negeri Sembilan. Memang kita buat setiap tahun melepassi apa yang telah pun kita cadangkan. Sektor pertanian dan perladangan terjejas kerana nilai Ringgit yang rendah. Saya rasa tak terjejas Dato' Dipertua. Walaupun dari segi orang kata datang ke sini pekerja dia dapat kurang, orang Indonesia, orang Bangla, orang Vietnam kerja sektor perladangan, walau macam mana pun turun, tetapi pendapatan mereka masih lumayan lagi di sini kalau dibandingkan dengan kalau mereka berada di negeri asal masing-masing.

Dan dia lebih baik dari segi sektor perladangan Dato' Dipertua, kalau nilai Ringgit kita menurun. Bila nilai Ringgit kita menurun, CPO kita di, dibuat dalam dia punya harga, penetapan harga dalam *US Dolars*. Kita SMR pun, *SMR20* Dato' Yang Dipertua, jugak dibuat *quotation-nya* dalam *US Dolars*. Lagi tinggi *US Dolars*, lagi baik pada sektor perladangan. Saya tak tahu macam mana dia punya perkiraan, ya. Perkiraannya dia tengok, duit rendah, orang Bangla tak mahu kerja sini, duit Malaysia rendah, orang Indonesia tak mahu kerja sini. Kita mesti tengok hasil yang lain pulak. Jika, Ringgit menurun lagi, dibandingkan *US Dolars*, kita punya CPO diniagakan dalam *US Dolars*. Kita punya *SMR20* diniagakan dalam *US Dolars*, Dato' Dipertua.

Jadi mana-mana sektor-sektor yang mengeksport barang-barang macam ni, macam *glove* misalnya Dato' Dipertua, mereka bila *US Dolars*, mereka berlipat ganda keuntungan. Sekarang ni, bila *US Dolars* naik, kaunter-kaunter macam IOI, KLK, Sime Darby semua naik, Dato'

Dipertua, kerana mereka mendapat pertambahan duit dalam Ringgit. Kalau dulu dia jual, katakan CPO satu, satu tan dia jual katakan 1,000.00 dapat dalam 3,200.00. Sekarang 1,000.00 dapat 4,400.00, Dato' Dipertua. Jadi saya tak nampak logik yang mengatakan bahawa *US Dolars wickenning then it will effect agricultural sector*. Saya tak nampak. Bagi saya, *the other way*, yang *reverse*-nya Dato' Dipertua. Jika *US Dolars* lebih ataupun duit kita menurun lagi dibanding *Dolars*, lebih baik lagi kepada sektor perladangan, iaitu sektor pertanian, ya.

Tak betul mengatakan bahwa kita punya dasar 2015 – 2045 adalah reaksi kegagalan Wasasan 2020. Kita buat dasar 2015 – 2045 Dato' Dipertua, adalah untuk kita buat persediaan. Kita akan menuju, menjurus kepada 2020. Tetapi *what is beyond 2020*, dengan izin. Apakah nanti bila dah siap, sampai tahun 2020, baru kita terhegeh-hegeh, kita nak buat dasar, baru kita nak bangun daripada tidur, haa, saya rasa Sikamat dia tidur selama ni Dato' Dipertua, ya, dia tidur. *Suddenly* dia katakan, oh Negeri Sembilan tak ada, tidak ada pelaburan, masuk dalam blog, dia tulis blog, masuk MalaysiaKini. Macam-macam ya. Saya rasa dia tak tahu apa yang dia cakap. Ataupun orang yang menulis bagi pihak dia. Dan dia tidak dapat *comprehend*, ataupun tidak memahami apa orang tulis ya.

Sebenarnya kita setiap tahun dapat melebihi kita punya matlamat untuk mendapat 1 bilion, pelaburan asing dalam, ataupun pelaburan baru dalam sektor perindustrian. Sektor-sektor lain banyak Dato' Dipertua ya. Sektor perindustrian saja kita katakan, yang mana 1 bilion Dato' Dipertua, yang mana dia akan membawak peluang-peluang pekerjaan kepada negara, negeri kita. Jadi, dan tak benarkan 2015, wawasan 30 tahun kita, merupakan satu reaksi kepada kegagalan 2020. Kita bukan mengatakan 2020 ni gagal. Itu sebabnya kita buat 2015 – 2045. 2015 – 2045 dasar pemodenan kita, untuk melonjakkan kita, *we going to have quantum leap*, dengan izin Dato' Dipertua, dengan teras pembangunan kita yang berpaksikan kepada pembangunan *Malaysia Vision Valley*.

Dan saya pernah cakap, dalam masa 10 ke 15 tahun, tak sampai 15 tahun, inshaa Allah 10 tahun Dato' Yang Dipertua, negeri sekecil Negeri Sembilan ini akan mampu membuat suatu belanjawan yang boleh menjangkau kepada 1 bilion hasil daripada pembangunan kita ada, ya. *Without taking a secretion, without having to raise the tax* ataupun *quick-rent*, dengan izin Dato' Dipertua. Ini kita buat. Jadi, tak betul apa dia cakap tu. Saya, kalau tak betul, saya cakap tak betul. Mana yang betul, saya akui betul. Tapi apa yang dia cakap tu semua tak betul.

Akhir sekali, Kepayang. Chuah ya. Chuah *how can I miss you, my good friend*. Ataupun saya, saya keluar? Oh di luar bandar. Chuah, dia kata

pasal SMR Chuah. SMR Chuah ni sebenarnya dah peringkat dah semua dah lulus dah. Kementerian Pengajian Tinggi dah lulus pelan dia. Sekarang ni dengar khabarnya dengan KPTG, Ketua Pengarah Tanah dan Galian untuk tandatangan pelan. Lepas tu dia akan panggil tender ya. Jangan risau. Yang Berhormat nak masuk kat sana? Empat juta semua ya, *no problem*.

Lagi, konsep *equal development* saya dah cakap tadilah ya. Bukan semua tempat yang boleh kita bawak pembangunan. Ada konsep macam di Jelebu, kita akan bangunkan bang, pembangunan biodiversiti. Tampin dan Jempol kita bangunkan pembangunan pemakanan. Kita akan bawak industri-industri pemakanan yang *viable* ke sana nanti.

Mengawal harga rumah, kita dah ada dah dasar perumahan. Itu sebabnya das, Dasar Perumahan Kerajaan Negeri Sembilan ini adalah semata-mata untuk mengawal harga rumah. Kalau dulu punya dasar perumahan, tak ada pengawalan harga ya.

Cadangan tanaman pokok seperti gaharu. Sebenarnya Dato' Dipertua, kalau nak bukak ladang pun, ladang yang sedia ada. Kita di negeri Sembilan ni, kita dah cukuplah ladang, terutamanya ladang kelapa sawit. Kita tak akan bukak lagi ladang kelapa sawit. Dan kita dah arahkan supaya pemulihan tanah-tanah terbiar yang dalam kategori berpaya, kita dah tak kasi lagi tanam kelapa sawit, kerana kelapa sawit ni, Dato' Dipertua, dia menghisap terlampau banyak air. Negeri Sembilan akan menjadi sebuah negeri yang kering. Sungai kita dah tak banyak air lagi, macam-macam. Paya-paya, *wet land* kita semua dah kering, dan kita perlu kawal, kalau tidak dalam masa 30 tahun daripada sekarang, *if we are lucky*, kalau tidak *earlier*, negeri kita akan menjadi negeri yang kering kontang.

Itu sebabnya saya terpaksa mengatakan tadi kita terpaksa ambil buat *barrage* di muara sungai. Kalau nak ikut di hulu, air dah tak ada kerana terlampau banyak ladang kelapa sawit yang ditanam di seluruh Negeri Sembilan. Kita kena pelbaikan, macam kelapa ya. Jadi, kita tak terlampau bergantung kepada dua sumber ekonomi perladangan iaitu getah dan kelapa sawit. Kalau ada apa-apa perkara berlaku, ini kan susah. Tapi kalau kelapa sentiasa ada harga sebab orang Negeri Sembilan selalu makan santan hari-hari. Bila dapat ke, perayaan Deepavali pulak lagi banyak mintak kelapa kan, perayaan kelapa bali dia baling dekat apa, untuk perayaan dialah ya. Jadi permintaan untuk kelapa banyak.

Bantuan SME kerana usahawan tak mempunyai modal, ini memang ada, banyak. Tapi berbagai-bagai agensialah yang bagi ya. Agensi-

agensi yang memberikan bantuan modal, tambahan modal, macam-macam ya. Dan jugak latihan-latihan.

Lokasi kawasan Chuah di mana *broadband* tak stabil. Bukan di Chuah saja. Di seluruh Negeri Sembilan. Itu sebabnya kita dah, mengambil keputusan, seperti saya sebut tadi, kita melantik satu *state back company* kerana kita dulu terlampau bergantung kepada satu syarikat. Mula-mula baik, lepas tu prestasi mereka dah tak baik. Jadi, kita nak supaya ada persaingan. Sebab selama ni monopoli, *only one company been given the right, ya, to undertake the wiring to, to fibrillation and aslo for the broadband*, dengan izin. Jadi, kita lantiklah lagi satu.

*Over and above* kita lantik jugak, Dato' Dipertua dengan izin, kita lantik satu syarikat audit yang akan mengaudit kedua-duanya. Mengaudit jugak pencawang-pencawang dan jugak radiasi-radiasi yang ada di setiap pencawang. Kita nak supaya audit ini audit kesihatan, audit keselamatan dan macam-macam. Kita tak mahu nanti, sebab sekarang Dato' Dipertua, teknologi dah berubah. Kalau dulu kita memerlukan menara 40 meter untuk 2G, 1G, dia adalah *long wave*. Tapi sekarang dengan 4G, 5G, Dato' Dipertua, dia pakai *short wave*. Dia tak perlu pakai menara-menara yang tinggi tetapi dia perlu yang rapat, ya. Menara yang kecil. Sehingga sekarang kita nak cadangkan supaya setiap tiang telefon boleh menjadi sebagai dia punya menara untuk mereka menggunakan *fibre optic* dan yang lain-lain.

Ini, tetapi 4G ini, Dato' Yang Dipertua, mesti kawal dia punya radiasi kerana kalau kita tak kawal, ia tidak menurut apa yang telah pun diluluskan oleh Jabatan Tenaga Nuklear, Dato' Yang Dipertua, dia akan mendatangkan masalah kesihatan. Itu sebabnya sekarang kita nak *regulate* yang ada di atas bumbung dan macam-macam. Kita akan buat pemutihan, dan mereka yang gagal untuk *resubmit* dia punya apa, kita akan ja, kita akan runtuhkan dia punya menara ataupun dia punya alat-alat pemancar di atas-atas bumbung rumah dan jugak rumah-rumah kedai. Itu saja Dato' Dipertua ya. Yang lain-lain?

Kepayang tadi ya. Pembangunan luar bandar saya dah sebut. NRW target kita 28% ya, untuk tahun ini. Tapi, kita punya *average* ni kita boleh senang turunkan, Dato' Yang Dipertua, kita lepas ni katan, kita akan berhijrah ke kawasan Kuala Pilah, Tampin dan Rembau ya. Kita akan turunkan peratusan, secara puratanya nanti akan dapat lebih. Tapi *the value, value*-nya, harganya yang banyak ialah di Seremban dan PD, *which now* kita dah dapat lebih kurang 32% ya. Tapi secara keseluruhannya kita masih tinggi lagi, dan kita akan turunkan. Di Seremban dan PD kita turunkan bawah pada 30%. *Every dollar that we saved or every percentage that we saved*, Dato' Dipertua, dengan izin,

kita akan dapat menjimatkan banyak wang. Situ nanti kita akan boleh menggunakan untuk kerja-kerja untuk menaik taraf paip ya.

**Y.B. ADUN Bukit Kepayang:** Dato' Seri, secara keseluruhan untuk Negeri Sembilan, NRW berapa peratus?

**Y.A.B. ADUN Rantau:** 32%.

**Y.B. ADUN Bukit Kepayang:** Tak, itu untuk Seremban saja kan?

**Y.A.B. ADUN Rantau:** Tak.

**Y.B. ADUN Bukit Kepayang:** Purata.

**Y.A.B. ADUN Rantau:** *Overall* ya.

**Y.B. ADUN Bukit Kepayang:** *Overall* yang 32 tu?

**Y.A.B. ADUN Rantau:** 32% ya. Bayaran, bangunan baru MPS. Saya tak tahu mana *you speculate* ya. Ini bukannya dasar ataupun arahan Kerajaan Negeri. Tetapi kita telah pun memerhatikan dan berunding. Dulu kita cadang nak buat di atas tapak yang sedia ada, dewan yang sedia ada tu kita nak bangunkan 20 tingkat. Tapi, kita katakan mana tempat orang nak *parking*. Orang ramai nak datang ke MPS macam mana, ya. Kita tak cukup tempat *parking* dan Seremban dah sesak. Mengapa kita perlu wujudkan lagi keadaan begitu, lebih menyesakkan lagi. Jadi apa yang kita buat ialah kita katakan carilah kawasan sekitar yang tak jauh, yang orang boleh sampai.

Jadi betullah seperti apa yang disebut tu, telah pun dibeli, di, wang deposit telah pun diletakkan. Di situ ada lebih kurang 300 ribu kaki persegi, ada lebih kurang 800 tempat letak kereta. Dan tempat tersebut nanti akan hidup jugak. Jadi, haa itu yang telah kita buat. Ini bukan keputusan Kerajaan Negeri, tapi keputusan Majlis. Kita cuma memberikan kebenaran saja. Mereka mintak kebenaran, kita benarkan. Dan ia selaras dengan kehendak Kerajaan Negeri supaya kesesakan di Seremban tersebut dapat diatasi dan tidak mengadakan bangunan ibu pejabat yang baru di sana.

MAPEX berjaya, banyak dijual. ADUN-ADUN tiada, aduan-aduan tidak ada tindakan segera. Itu akan kita ambil tindakan. *Task force check* jalan-jalan PBT, memang ada ya. Tapi dia kena buat lebih awal.

Terminal 1, memang banyak orang *complaint*. Kita telah pun bawak dalam Mesyuarat Tindakan Negeri untuk melihat tentang lif dia lama tak ada, tempat *parking* dia, macam-macam. Baru-baru ni dia nak ubah, alih laluan teksi, macam-macam. Kita telah mintak.

MRR fasa 3B, macam dululah ya. Kalau selagi kita belum nak mula, tak apalah, *you stay there*. Macam kita buat yang fasa pertama dulu ya. Tapi, YB pun kena mainkan peranan, bagi tahu dia orang, *they have to move-lah*. Dia kena alih, dia kena beralih, untuk kita jalankan projek jalan raya kita ya.

Jejantas KTMB, kita akan tengok apa sebab tak buat. Jalan Galla, ya, lampu, lampu ya, di Jalan Labu dan Jalan Galla. Nak kan *traffic light*.

**Y.B. ADUN Bukit Kepayang:** Ikut jawapan, soalan bertulis tu, memang akan buatlah. Cuma tunggu peruntukan. Saya mohon kalau boleh disegerakan.

**Y.A.B. ADUN Rantau:** Peruntukan.

**Y.B. ADUN Bukit Kepayang:** Haa. Sebab itu jawapan yang diberikan kepada saya.

**Y.A.B. ADUN Rantau:** Peruntukan daripada KPPT tu, bukannya daripada Kerajaan Negeri. Tapi kita tengoklah ya. Tapi kena tengok jugaklah macam mana untuk kita menyesuaikan nanti. Biar kita buatkan jalan baru tu dulu, MRR tu macam mana. Besok kalau kalau kita dah buat *traffic light*, dia sejajar pulak dengan MRR, kena run, kena bukak balik dan kita membuang duit saja. Lebih baik kita tengok ya.

Itu saja Dato' Dipertua, terima kasih. Ada apa-apa yang saya tak jawab tadi? Terima kasih kepada semua. Hari pun dah lewat. Kita ada satu lagi resolusi haa, jadi saya ucapkan banyak terima kasih kepada semua ahli Yang Berhormat kerana turut serta berbahas dalam kita punya membahaskan usul menjunjung kasih titah ucapan Duli Yang Maha Yang di-Pertuan Besar Negeri Sembilan. Sekian, terima kasih.

**Y.B. Yang Dipertua Dewan:** Terima kasih kepada Yang Amat Berhormat, yang telah menggulung. Ahli-ahli Yang Berhormat sekalian, usul menjunjung kasih titah ucapan tuanku telah pun dicadang, disokong, dibahas dan telah pun dijawab oleh pihak kerajaan. Seterusnya saya akan bawak untuk berundi. Ahli-ahli Yang Berhormat yang bersetuju dengan usul ini sila angkat tangan [semua ahli Yang Berhormat yang hadir bersetuju]. Yang tidak bersetuju? Yang berkecuali? Usul ini diluluskan.

## 7. PENANGGUHAN MESYUARAT

**Setiausaha Dewan:** Perkara seterusnya, perkara ketujuh, Pemilihan Ahli Dewan Negara Melalui Dewan Undangan Negeri.

**Y.B. Yang Dipertua Dewan:** Ahli-ahli Yang Berhormat sekalian, perkara yang kelima, perkara yang ketujuh ialah pemilihan Ahli Dewan Negara. Mengikut Bab 4 Perkara 45(1)(a) Perlembagaan Persekutuan; “dua orang ahli bagi setiap Negeri hendaklah dipilih mengikut Jadual Ketujuh” - Fasal 1(2).

Satu perkara yang bertajuk Pemilihan Ahli Dewan Negara telah pun dimasukkan di dalam susunan mesyuarat di dalam, dan Dewan ini dikehendaki memilih Ahli Dewan Negara. Oleh itu, saya mempersilakan Yang Amat Berhormat ADUN Rantau.

**Y.A.B. ADUN Rantau:** Yang Berhormat Dato' Yang Dipertua, saya bangun mencadangkan supaya Yang Berhormat Senator Datuk Chong Sin Woon dan Yang Berhormat Senator Dato' Mohd. Salim bin Sharif ataupun @ Mohd. Sharif yang akan menamatkan perkhidmatan mereka pada 20 haribulan 4, 2017 dipilih semula oleh Dewan ini memegang jawatan Ahli Dewan Negara selama tiga tahun mulai daripada tarikh yang akan ditetapkan oleh Dewan Negara. Terima kasih.

**Y.B. ADUN Labu:** Yang Berhormat Dato' Yang Dipertua, saya bangun menyokong cadangan itu.

**Y.B. Yang Dipertua Dewan:** Ahli-ahli Yang Berhormat sekalian, Yang Amat Berhormat ADUN Rantau telah pun mencadangkan supaya Yang Berhormat Senator Datuk Chong Sin Woon dan Yang Berhormat Senator Dato' Mohd. Salim bin Sharif @ Mohd. Sharif dipilih semula

menjadi Ahli Dewan Negara dan cadangan itu telah pun mendapat sokongan daripada Yang Berhormat ADUN Labu. Cadangan ini saya kemukakan untuk dibahaskan jika ada.

**Y.B. ADUN Gemencheh:** Terima kasih Yang Berhormat Dato' Speaker. Tahniah kepada kedua-dua Yang Berhormat Ahli Dewan Negara yang telah menjalankan tugas untuk penggal 2014 – 2017. Hari ini pemilihan ahli dewan, dalam, Dewan Negara melalui Dewan Undangan Negeri dibawa dan mengekalkan kedua-dua Yang Berhormat Ahli Dewan. Ini sejajar dengan perlombagaan serta *consensus* ataupun kesefahaman dan kesepakatan dalam Barisan Nasional.

Sebelum kami menyokong pemilihan ini, suacitanya kami mengingatkan kepada Yang Berhormat Dato' Chong Sin Woon, hampir tiga tahun dahulu Yang Berhormat dipilih dalam Dewan yang mulia ini. Tidak pernah sekali pun Yang Berhormat berjumpa, berbincang ataupun menerima pandangan kami. Hari ini, kita berjumpa balik. Dan saya berharap, Yang Berhormat dapat menghormati persefahaman, kesepakatan yang ada dalam Barisan Nasional. Dan terima kasihlah kepada Yang Berhormat kerana sudi datang ke Gemencheh tapi kita tengok daripada jauh ye lah ya. Dan kami mengharapkan Yang Berhormat menghormati kepimpinan di negeri, di bahagian, dan juga di kawasan. Janganlah mereka dipinggirkan ya. Dan yang paling utama sekali Yang Berhormat, janganlah masuk campur dalam urusan agama kami, biarlah agama kami, kami yang menentukan ya. Dan kami berharap Yang Berhormat dapat membaiki kesilapan dan kekurangan yang berlaku demi memastikan rakyat dapat hidup dalam keadaan sejahtera dan aman damai, selari dengan dasar Negeri Sembilan, dan yang dititahkan oleh tuanku iaitu memakmurkan negeri dan mensejahterakan rakyat.

Kepada Yang Berhormat Senator Dato' Haji Mohd. Salim, saya mengucapkan terima kasih dan tahniah kerana Yang Berhormat Dato' dapat menjalankan amanah dan tanggungjawab dengan baik. Di mana Yang Berhormat Dato' berjaya membawa isu-isu un, isu-isu yang dekat di hati rakyat, terutamanya isu perumahan, kos sara hidup serta pendidikan. Yang Berhormat Dato' Speaker, saya dengan ini menyokong pemilihan Ahli Dewan Negara ini. Terima kasih Dato' Speaker.

**Y.B. ADUN Bukit Kepayang:** Dato' Yang Dipertua, saya mohon untuk mengambil bahagian dalam perbahasan untuk pemilihan .....

**Y.B. Yang Dipertua Dewan:** Silakan Yang Berhormat, dan tiga minit ya.

**Y.B. ADUN Bukit Kepayang:** Tiga saja?

**Y.B. Yang Dipertua Dewan:** Ya, saya benarkan tiga minit saja.

**Y.B. ADUN Bukit Kepayang:** Okay, saya mohon, okay. Saya nampak pemilihan ini ialah kita kena buat pemilihan ni tiga tahun sekali, sejajar dengan Artikel 45 di bawah Perlembagaan Persekutuan. Di mana setiap negeri ada dua, dua wakil ke Dewan Negara. Yang dipilih ada dua cara, tapi secara konvensyennya dipilih oleh Dewan Undangan Negeri. Dan kami faham, di pihak kerajaan, kebiasaannya, tradisi di Negeri Sembilan diwakili oleh seorang daripada UMNO, seorang daripada MCA. Itu memang apa, secara konvensyen politik.

Cuma saya berharap, kita kena pilih orang yang bukan setakat berasal dari Negeri Sembilan. Ni Dato' Chong ni orang lama, 30 tahun saya kenal dia, memang berasal dari Nilai, rumah lama pun saya duduk lepak di situ waktu sekolah dulu. Cuma saya nak bagitau, berasal dari situ, tengok biodata dia, berasal dari Nilai, Negeri Sembilan. Betul, saya, saya tahu, mana, mana kampung dia, rumah dia dan sebagainya. Mana alamat dia? Apakah wakil MCA tak ada, anak Negeri Sembilan, yang aktif berpolitik di Negeri Sembilan, yang pegang jawatan parti di Negeri Sembilan, yang layak untuk dinaikkan dan diangkat sebagai Ahli Dewan Negara yang benar-benar mewakili Negeri Sembilan.

Berbeza dengan Dato' Mohd. Salim. Saya tak kenal beliau, tapi paling kurang beliau adalah Ketua Bahagian UMNO Jempol. Dan saya difahamkan beliau duduk di Seremban 2, di bawah DUN Bukit Kepayang. Saya berharap pemilihan ni jangan setakat dianggap sebagai batu loncatan untuk jadi ahli kabinet ataupun jawatan timbalan menteri di peringkat persekutuan. Sebab saya nampak, satu *trend*, bukan setakat di Negeri Sembilan hari ini, kebetulan pada hari ini jugak, kita nampak Dewan Undangan Negeri, Negeri Perak seorang yang bernama Dato' Lee Chee Leong jugak dalam posisi yang sama dengan Dato' Chong Sin Woon. Sebab nakkekalkan jawatan timbalan menteri di peringkat pusat, dilantik menjadi Ahli Dewan Negara.

Dan satu lagi, saya nak sebutkan, saya harap kedua-dua yang dipilih pada hari ini, saya tahu pihak kerajaan di pihak majoriti angkat tangan tu memang akan lepas, jangan, ini tanggungjawab daripada Dewan yang mulia ni, kalau dah diberikan mandat, dilantik men, mewakili Negeri Sembilan, biar sampai ke penghujung perjuangan dan

perjalanan penggal tiga tahun. Ambil cabaran saya. Jangan tengah jalan, lompat dari kereta sebelum kereta sampai ke destinasi. Maksudnya biar sam, biar tamatkan genap tempoh tiga tahun tersebut. Dan jangan besok, PRU Ke-14, tak mahu pulak jadi Ahli Dewan Negara, nak jadi pulak Ahli Dewan Rakyat, berhenti. Saya rasa ini bukan cara dia. Jangan kita pandang enteng ataupun pandang serong terhadap jawatan Ahli Dewan Negara. Kalau dah diberikan mandat, buat betul-betul, buat sungguh-sungguh supaya tiga tahun tu digunakan sebaik-baiknya di Negeri Sembilan.

Dan saya juga berharap, kedua-dua yang dipilih ini, kalau hari keputeraan tuanku, hari persaraan, hari kebesaran yang melibatkan istana, melibatkan tuanku mak, seperti perasmian Dewan semalam, saya percaya kedua-dua dijemput. Saya nak tanya ahli Dewan, Yang Berhormat yang duduk di sini, ada tak kita nampak mereka berdua? Patutnya .....

**Y.B. Yang Dipertua Dewan:** Yang Berhormat.

**Y.B. ADUN Bukit Kepayang:** ..... jangan hadir untuk tunjuk muka bila pemilihan. Patut hormati bila tuanku berangkat. Kalau tuanku sebagai paying naungan yang menaungi keseluruhan rakyat penduduk di Negeri Sembilan berada, boleh berangkat untuk merasmikan dan menyampaikan titah ucapan diraja, adalah menjadi rakyat negeri ini, tak kira latar belakang, kaum dan agama untuk sama-sama kita menghormati Duli Yang Maha Mulia Yang di-Pertuan Besar Negeri Sembilan sebagai tonggak kepada Negeri Sembilan.

Jadi saya berharap, Dato' Yang Dipertua, jangan kita gunakan sebagai batu loncatan untuk politik. Dan benda ni penting. Dan saya juga sebenarnya saya terasa sedikit, sebab apa, sebab kita di Negeri Sembilan hanya ada dua wakil, sebab perlombagaan kata kita ada dua wakil, dan dua wakil tu okaylah, untuk komponen Barisan Nasional. Cuma patutnya biarlah muka baru, biar orang lain rasa. Jangan asyik-asyik orang yang sama pulak rasa.

**Y.B. Yang Dipertua Dewan:** Yang Berhormat.

**Y.B. ADUN Bukit Kepayang:** Saya tak mahu soal dia khidmat tak khidmat, itu soal lainlah. Sebab dia tak dipilih oleh rakyat, so dia tak jadi wakil rakyat, dia tak mewakili rakyat, jadi dia tak berkhidmat tu saya, saya malas nak cerita banyaklah. Cuma saya harap kalau boleh,

sebenarnya kita bagi muka baru. Biar setiap tiga tahun tu, giliran dia ada ulangan. Tapi saya rasa setiap apa yang berlaku ada hikmat di sebaliknya.

**Y.B. Yang Dipertua Dewan:** Okay Yang Berhormat.

**Y.B. ADUN Bukit Kepayang:** Dato' Yang Dipertua, saya, saya mintak 30 saat yang terakhir.

**Y.B. Yang Dipertua Dewan:** Yang Berhormat, saya .....

**Y.B. ADUN Bukit Kepayang:** 30 saat saja, Dato' Yang Dipertua.

**Y.B. Yang Dipertua Dewan:** .... saya, mintak Yang Berhormat duduk.

**Y.B. ADUN Bukit Kepayang:** Okay, Dato' Yang Dipertua, 30 minit, eh 30 saat.

**Y.B. Yang Dipertua Dewan:** Saya dah bagi lebih pada tiga minit Yang Berhormat.

**Y.B. ADUN Bukit Kepayang:** Tak, tak, Dato' .....

**Y.B. Yang Dipertua Dewan:** Saya ada sebabnya saya nak suruh Yang Berhormat duduk ni, ada sebab.

**Y.B. ADUN Bukit Kepayang:** Tak, tak, tak, saya faham Dato' Yang Dipertua. Tapi elok jugak kalau kedua-dua ni, ini, ini, sebagai apalah, kalau kedua-duanya berhenti, waktu PRU yang ke-14, tak apalah, haa, sebab ada rakan-rakan Yang Berhormat Sikamat bagi tahu saya, tak apa, nanti lepas PRU ke-14 boleh kita pilih, tak payah ti, tiga tahun, kita pilih wakil baru daripada kerajaan yang baru, yang akan mengisi kedua-dua kekosongan, andai kata kedua-dua mereka berhenti pada PRU yang ke-14. Terima kasih.

**Y.B. ADUN Lenggeng:** Dato' Yang Dipertua, maaflah saya cakap. Mungkin di Dewan ini sayalah yang paling lama berkecimpung dalam dunia politik. Saya memegang jawatan semenjak tahun 1975 ya. Dan yang disebut tadi Senator Chong ni, ikut apa yang saya alami selama ini, inilah merupakan seorang Senator yang berbangsa Cina yang paling banyak menolong orang Melayu di Seremban. Jadi saya menyokong penuh agar beliau dikekalkan.

**Y.B. Yang Dipertua Dewan:** Okay, cukup perbahasan ya. Kalau perlu di, di, dijawab? Tak perlu jawablah. Ahli Yang Berhormat usul ni telah pun dibahas dan ahli-ahli Yang Berhormat yang saya un, bawak kepada ahli Yang Berhormat yang bersetuju dengan cadangan ini sila angkat tangan [semua ahli Yang Berhormat dari pihak kerajaan mengundi]. Yang tidak setuju? Yang berkecuali [semua ahli Yang Berhormat dari pihak pembangkang mengundi]. Lebih ramai yang bersetuju. Cadangan ini diluluskan dan Dewan merakamkan ucapan tahniah kepada Yang Berhormat Senator Datuk Chong Sin Woon dan Yang Berhormat Senator Dato' Mohd. Salim bin Sharif @ Mohd. Sharif.

## 8. PENANGGUHAN MESUARAT

**Setiausaha Dewan:** Perkara seterusnya, perkara kelapan, Penangguhan Mesuarat.

**Y.A.B. ADUN Rantau:** Yang Berhormat Dato' Yang Dipertua, Yang Berhormat Dato' Dipertua, saya bangun mencadangkan supaya Persidangan Dewan ditangguhkan dengan ucapan berbanyak terima kasih kepada Dato' Dipertua. Saya harap supaya semua ahli-ahli Yang Berhormat memberikan tepukan kepada kita punya Yang Dipertua di atas kelancaran persidangan kita pada hari ini dan pada kali ini. Dan banyak terima kasih jugak kepada semua ahli-ahli, rakan-rakan Yang Berhormat kerana telah dapat bersama-sama membahaskan usul titah ucapan Duli Yang Maha Mulia Tuanku pada hari perasmian tempoh hari. Terima kasih.

**Y.B. ADUN Labu:** Yang Berhormat Dato' Yang Dipertua, saya bangun menyokong cadangan tersebut, yang telah dikemukakan oleh Yang Amat Berhormat Rantau. Terima kasih.

**Y.B. Yang Dipertua Dewan:** Ahli-Aahli Yang Berhormat sekalian, cadangan untuk menangguhkan Persidangan Dewan telah pun dibuat dan mendapat sokongan. Sementara itu saya ada menerima 3 permohonan daripada ahli Yang Berhormat untuk membuat Ucapan Penangguhan bagi persidangan kali ini. Pertama ADUN Bahau, yang kedua ADUN Paroi, yang ketiga ADUN Johol. YB, saya tak bercakap dengan YB ya. Saya mintak Yang Berhormat tak payah berucap boleh? Kita *a bit late*-lah.

**Y.B. ADUN Bahau:** Okaylah, saya simpan untuk kali .....

**Y.B. Yang Dipertua Dewan:** Saya akan bagi Yang Berhormat peluang kalau kita ada persidangan bulan 8.

**Y.B. ADUN Bahau:** Okay, terima kasih.

**Y.B. Yang Dipertua Dewan:** Terima kasih Yang Berhormat ADUN Bahau. ADUN Paroi?

**Y.B. ADUN Paroi:** Tarik diri.

**Y.B. Yang Dipertua Dewan:** Tarik diri, terima kasih. ADUN Johol?

**Y.B. ADUN Johol:** Tarik diri.

**Y.B. Yang Dipertua Dewan:** Terima kasih ADUN Johol. Terima kasih kepada ahli-ahli Yang Berhormat. Saya jugak nak maklumkan bahawa soalan-soalan lisan hari kedua akan dijawab secara bertulis. Ahli-ahli Yang Berhormat sekalian, sebelum saya tangguhkan persidangan kali ini, saya mengambil kesempatan kali ini untuk mengucapkan terima kasih dan setinggi-tinggi penghargaan kepada Yang Amat Berhormat ADUN Rantau, Yang Berhormat-Yang Berhormat, ketua-ketua jabatan, media massa dan urus setia persidangan yang telah sama-sama menjayakan persidangan kita pada kali ini. Saya dengan itu menangguhkan persidangan kali ini. Sekian, wabillahitaufik walhidayah, assalamualaikum w.b.t.

**Persidangan ditangguhkan pada jam 7.07 petang.**